





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4414/A











Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4414/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4414/A






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4414/A



4414/A  
A. XXIX Mon







Ed. originale

Le meilleur des ouvrages  
de Monti, célèbre  
professeur à Padoue.

1783

Monti



55450

IO. BAPTISTAE  
MONTANI MEDICI  
VERONENSIS,

Consultationum medicinalium  
Centuria prima,

A' VALENTINO LVBLINO  
Polono quàm accuratè  
*collecta.*

Cum Pont. max. & Illustriss. Senatus  
Veneti priuilegio.



Venetijs, in officina Erasmiana,  
apud Vincentium Valgrifium.  
M. D. LIIII.







ILLVSTRISSIMO PRIN-  
CIPi ET DOMINO, D. NICO-  
lao Radziuilo de Musniki, Dei gratia Duci in  
Olika, Niesuiesz, Dubniki & Bierze, Palatino  
Vilneñ, & magni ducatus Lithuaniae sum-  
mo Marschalco & Cancellario, atque  
Brzestensi &c. Capitaneo, do-  
mino suo clemen-  
tissimo,

Valentinus Lublinus Polonus  
philosophiae ac medi-  
cinae Doctor.  
S. D.



OMINI à natura infi-  
tum est, Princeps Illu-  
strissime, ut nemini ob-  
esse, omnib. verò semper  
prodesse studeat, quod  
maximè præstat, qui re-  
cta ratione & iudicio uti-  
tur, præsertim autem ille  
ipse, qui cum humanarum rerum cognitione, di-  
uinarum quoque studium coniunxerit. Et ideo  
cogitanti mihi ac memoria repetenti, primū me  
esse natum hominem, ac nihil humani à me esse  
alienum: deinde in religione nostra à teneris un-  
guiculis esse educatum, uenit in mentē illius fen-  
tentiae

α 2



tentiæ ueteris, Hominē homini esse Deum, qua  
quidem admonemur, ut quantum possumus ul-  
tro citroque cōferamus & accipiamus beneficia.  
Itaque iam septimus agitur annus, postquā in  
Italia uitam traducere cœpi in studijs literarum,  
doctissimos tum philosophos tū medicos in ua-  
rijs academijs audiens, & antiquorum dogmata  
pro uiribus percipere studens, idque non modò  
ut mihi consulerem, sed etiam cæterorum mor-  
taliū cōmoditati seruiens, quoad mihi liceret  
per ætatem, cōmunia studia scientiarum quadan-  
tenus promouere. Inter enim medicos, quos au-  
dire id temporis mihi cōcessum est publicè pro-  
fitentes, unum IOANNEM Baptistam Montanum  
Veronensem uirum tum singulari doctrina, tum  
morum sanctitate ac probitate ornatissimum, di-  
ligenti cura & attentione summa semper audiui,  
atq; incredibili amore prosecutus sum, & colui.  
Ex quo factum est, ut illius dogmata omnia, nō  
solū memoriæ, sed etiam scriptis commēdata,  
ueluti quosdam thesauros antiquissimos & pre-  
tiosissimos conseruare studuerim, ne aliqua tem-  
poris iniuria interciderent. Siquidem sperabam  
medicinæ candidatis aliquando non mediocriter  
esse profutura. Vtilitatem igitur hāc diutius dif-  
ferri honestum esse non putaui, postquā ille de  
uita decessit, non sine maxima iactura totius ar-  
tis medicæ. Diligēter igitur curauī, ut in uulgus  
exirent, non auræ popularis, & inanis gloriolæ  
aucupandæ gratia (ut fortassis nonnulli maleuo-  
li in-



li interpretabuntur, qui rapiunt omnia in dete-  
riorē partem ) sed adiuuandi potius causa nostra  
studia, quæ quotidie in peius ruerent, nisi à MON-  
TANO, & eiusdē ordinis medicis sustentaretur ad-  
uersus incertam quorundā imperitorū, qui me-  
dicā artē potius remorantur, q̃ promouent. Vt. n.  
quæ ab Aesculapio & ab Hippocrate, p̃fecta sunt,  
Galenus amplificauit, auxit, & excoluit: ita Ga-  
leni dogmata MONTANVS nostræ ætate expoliuit  
& adauxit, unde nomen immortale & famā incre-  
dibilem apud oēs gentes sibi cōparauit. De quo  
apud illustrissimā D. T. præstat nihil (ut dicebat  
ille de Carthagine) q̃ pauca dicere. Nam sui præ-  
clari nominis illud perpetuū argumentum & te-  
stimoniū extat, q̃ summis Pontificib. Imperato-  
rib. & Regib. charissimus fuit, qui sæpius spe fa-  
cta multorū cōmodorū, & oblati præmijs sum-  
mis, eū ad se pellicere conati sunt. Sed sprete uti-  
litate, arti potius medicæ publicè tradendæ, & iu-  
uentuti instituendæ, intentus esse maluit, q̃ in au-  
lis Regū magnificè & splendidè quod reliquū ui-  
tæ restabat, agere. Nihilominus consultationes  
eius pertinentes tū ad morbos curandos p̃ntes, tū  
ad sanitatē conseruandā, tum ad prouidentia futu-  
ri morbi, principib. placuisse, argumēto nobis  
est Sereniss. Regina BONA SFORTIA, de qua ex-  
tat in hac cēturia, prima cōsultatio, idq̃ iure opti-  
mo. Vt. n. propter Regium diadema, & uirtutes,  
quib. prædita est, tū propter illustrissimā prolē,  
quam peperit, (Serenissimi enim ac potentissi-



mi SIGISMVNDI AVGVSTI, Regis Poloniae, optimi & semper augusti principis, mater est) principatū quendā tenet; ita honestū & necessariū fuit, primo loco in hac cēturia cōsultationū de tantae Reginae salute collocari. De reliquorū autē principū ualetudine cōsultationes, hanc primā tanquā ducē ordine suo dispositae consequuntur, id quod planius atque clarius patefiet in altera cēturia, quae non multō post in lucē prodibit. Hanc uerō primā centuriā, & reliquas quae deinceps edentur, sub auspicijs illustriss. D. T. peruulgandas multis, & illis quidē grauissimis causis adductus, cōstitui: quas oēs si recensere uellē, dies me deficeret. idcirco cæteris relictis, potiores in mediū adferam. Primò quidē ut ostenderē gratam animi mei uoluntatē erga MONTANVM, si eius placita sub nomine tuo, maximi nimirum ac potentissimi principis, in uulgus exirent. Quia sub illustriss. D. T. clariora & tutiora fore hæc existimaui. Audito enim nomine Principis potētissimi ac prudentissimi, maleuoli desinent mortuo MONTANO obretare. Si. n. illustriss. D. T. hostib. terrorē incredibile inquit, multō grauiorē sanē inquit cauillatorib. Mōtani, illis quidē insulsis medicis, ac minutis philosophis. Quis. n. splēdorē familię tuę, quis potentiā, quis authoritatē, quis res summa prudentia gestas, quis tuas denique uirtutes quę in optimo principe requiruntur, ignorat? Clara est siquidē tua pietas, iustitia, clementia, liberalitas, & denique sapiētia. Quare non immeritō  
omnes



omnes te colunt, uenerātur, summisque laudib.  
in cœlū efferunt, nomenq; optimi Principis maxi-  
mo cōsensu tribuūt. Ob quas singulares tuas uir-  
tutes Serenissimus augustissimusque Rex Polo-  
niæ, te in primis charū habet, magnisq; reb. gerē-  
dis præficit, cuius rei nō leue argumētū extat san-  
ctissimū matrimoniū cū potentissimi Regis Fer-  
dinādi filia Sereniss. CATHERINA, à sua Sereniss.  
Regia Maiestate, nuperrimè cōtractū, quod felix  
faustumq; esse oēs optamus. Tū ut declararē me  
apud oēs maxima ac incredibili uoluptate affici,  
ex familiaritate ac amicitia mutua, quā cū illust.  
ac mag. dño D. Stanislao Comite à Thenczin Ca-  
stellano Leopoliensi &c. heroē ac meo patrono  
nūq; hercle satis laudato (uirtutib. n. doctrina, sa-  
piētia, reb. p̄clarè gestis, dignitatib. ac deniq; splē-  
dore, nobilitate & antiquitate familiæ, sūmus est)  
sanctissimè obseruas, qua quidē ego fretus, hæc  
tuo nomini dicanda esse uolui. Tū uerò ut meæ  
incredibilis in tuam illustris. d. obseruantia,  
pro summis erga amicos meos beneficijs, q̄ qui-  
dē & multa sanè & insignia fuerunt, signū ac testi-  
moniū aliquod extaret. Accipe igit̃ ill. Princeps  
à me mācipio deditis. tibi, hoc munus qualecūq;  
sit, quasi à Mōtano per manus traditū, & à multis  
medicę artis studiosis magnopere desideratū. Etsi  
aut̃ hic liber in amplā molē non creuit, tua tñ illu-  
stris. d. æqui boniq; cōsulat, propterea q̄ plenif-  
simus bonæ frugis est, & plus in recessu q̄ in frōte  
promittit. Scio quidē dignū non esse tāto princi-



pe. At illud me cōsolatur q̄ ill. D. T. pro sua pru  
dētia, quæ summa est, animū donātis respiciet po  
tius, q̄ doni magnitudinē. Scio quoq; multos desi  
deraturos Romani sermonis emēdationē struētū  
rā, & nitore in dicēdo, copiā præterea atq; orōnis  
splēdorē. Sed materia hæc subiecta, isthæc lumi  
na uerborū non requirit. Medica. n. est, quæ orna  
ri negat, sed contenta doceri est. Eō aut libentius  
tibi Princeps ill. hæc offero & dico, quò sēpius au  
diui ex uiris maximis, & præcipuē ex Mag. dño  
STANISLAO BONERO, Capitaneo Bieccēsi, heroē sa  
nē amplitudine & splendore familię claro, ac D.  
Nicolao Offolinio uiro sūmo loco nato, uirtutū  
amatore. audiui inquā p̄hos ac medicos tibi non  
ingratos esse p̄sertim verò doctis. uiros Bartho  
lomæū Sabinū, Petrū Posnaniēsem, præceptores  
meos nunq̄ satis laudatos, & Martinū Borucium  
Cuiuiensē philosophū ac medicū prestantis.  
physicos Serenis. Regis Poloniæ. Tū etiā q̄ ad  
eas, quæ in te elucent uirtutes, hanc quoq; laudē  
accedere intelligerē, quòd etsi maximis & grauif  
simis negotijs tū Regiæ maiestatis, tum latissimi  
dñij tui, nunq̄ ferē nō distringar, quod tñ inter  
dū otij tibi datur, id in optimarū artiū studijs li  
bentissimē consumis. Quippe qui præterq̄ quòd  
maximā ex ijs voluptatem capis, intelligis ad ma  
gnas res agendas illa cōferre. Audeo aut hæc dog  
mata MONTANI ac hosce labores meos (quos sanē  
maximos, vt studiosi uidebunt, impendi) illust.  
D. T. offerre, cū medicos præstantis. ac antiquis.  
imò



imò & recentiores plurimos, idē fecisse constet.  
Ex quorū numero est Arist. & Gal. ipse, quorū al-  
ter Alexādro Regi alter Antonino Imp. chariss. ui-  
xit. Rhafis Māfori Regi Arabū suos libros obtu-  
lit, & hac nostra ætate Iunius Paulus Crassus Pa-  
tauinus medicus eruditione & experiētia clarus,  
Aretæum ac Ruffum vetustissimos artis medicæ  
scriptores è Græca in Latinā linguā uertit, & ill.  
Prusiæ Principi dicauit. Andreas Vessalius anato-  
men CAROLO V. Imp. & Tagaultius Gallus librū  
Chirurgicū ex Guidone mutuatū Regi Galliarū,  
ac Vincentius Casalis Brixianus philosophus &  
medicus summus, optimo ac potentiss. Principi  
ill. dño dño Ioāni Comiti à Tharnovv Castella-  
no Cracouiēsi, ac copiarū Sereniss. atq; inuictiss.  
Regis Poloniae imperatori sūmo, opuscula quē-  
dā MONTANI, superiori anno me etiā consultore  
dicauit. Ac deniq; innumeri alij opera medica, tū  
sua, tū aliena, Regib. potentissimis, ac principib.  
maximis ascripserunt. Nec fanē est quod q̄spiā mi-  
hi uitio uertat, quòd aliena ediderim. Nā ut tur-  
pe nō puto mihi p̄ceptoris mei dogmata edere,  
sic etiā aliquā mihi laudē (absit verbo inuidia) de-  
beri, q̄ in ijs colligendis diligens fuerim. Sēperq;  
existimaui honorificentius esse ex præscripto do-  
ctorū uirorū, rectē de aliqua re differere, q̄ sua so-  
mnia lris mandare, quod multi nra ætate faciunt.  
Hoc aut̄ consiliū meū si probari sensero, maiora  
aggrediar, & fortassis tandē aliquando (CHRISTO  
auspice) nō de alienis, sed de meis lucubrationib.  
aliquid



aliquid depromā, vt ostendam operā me non lu-  
fisse sub reliquis præceptorib. meis & BASSIANO  
LANDO Placentino, & HELIDEO de Paduanis Fo-  
roliuensi (quos honoris gratia apud ill. D. T. no-  
mino) philosophis ac medicis hac nra tēpestate  
clarissimis & maximis, quorū alter Patauij cum  
summa laude Theoricā medicinę ordinarie pro-  
fitetur, alter uerò Bononię praxim cū feliciss. suc-  
cessu exercet, ac alijs quorū nomina studēs breui  
tati, silētio interea prætereo. Tuæ igitur illuf. D.  
hunc librū (qualecunque munus fuerit) non solū  
dedico, uerū etiam me ipsum perpetuo deuoueo.  
Diu ualeas, uiuasque Principum decus, ac patriā  
meam Serenissimo atq; inuictissimo Principi &  
domino, domino SIGISMUNDO AVGVSTO Regi  
Poloniæ domino nostro clementissimo, cōmen-  
datissimam reddas. Bononiæ Calendis Apri-  
lis M. D. LIIII.

## Valentinus Lublinus Polonus

lectori Salutem.

HAC prima Centuria consultationum vttere felix candide lector,  
donec altera, & fortassis etiam tertia in lucem deinceps prodeat, quod  
breui (CHRISTO auspice) futurum credimus. Si uerò in hac prima  
tibi satis factum erit, id totum DEO optimo maximo acceptum feras,  
cū ab illo omnia bona promanent. Sin minus, MONTANVM ne  
culpes, quoniam non sunt hæc ab illo recognita, nec mihi vitio vertas,  
propterea quòd non castigatori (nam studia mea literaria, & Ty-  
pographi assidua efflagitatio, obliterunt vt vix etiā argumēta, appone-  
re ac appendices aliquot ascribere potuerim;) sed viri sedulò colligen-  
tis isthæc consilia, munere functus sum. Satis est mihi declarasse tibi,  
diligentiam & animum candidum, quo sim tum erga præceptorem,  
tum erga te. Siquidem in magnis voluisse satis est. Bene vale.

CATALOGVS



CATALOGVS CONSVLATIO-  
NVM MEDICINALIVM, QVAE HAC  
*prima Centuria continentur.*

<b>D</b> E leui capitis dolore, & destillatione, ex imbecillitate ventriculi, & hepatis, pro Srenissima Bona Sfortia Regina Poloniæ	I
De diuersis dispositionibus præter naturam cum metu futu- ra apoplexiæ, pro Illustrissimo Duce Bauariæ	10
De epilepsia, pro Illustri Germano	14
De imbecillitate cerebri, cū vertigine & catarrho perpetuo, pro matrona & Comite à Drichtristain Germana	21
De catarrho & fluore sanguinis cum macie corporis, & do- lore pectoris, pro Illustrissima matre Illustrissimi Ducis Florentiæ	28
De ijsdem affectibus, pro eadem	37
De catarrho, dolore capitis cum vertigine, dolore podagri- co, & œdematico tumore cruris, pro Duce Melpheni	41
De inflammatione capitis, cum dolore dorsi, & suppressio- ne menstruorū, pro nobili matrona Veneta de gente Cor- nelia	46
De epilepsia per consensum, pro nobili puero Germano	56
De epilepsia, pro nobili viro Vicentino	63
De imbecillitate totius capitis, & oculorum, pro ciue Cra- couiensi Polono	70
De catarrho diuturno ex intemperie frigida & humida cere- bri, pro heroë domino à Drichtristain Germano	75
De præseruatione à catarrho falso destillante ad partes subie- ctas, excitante diuersa symptomata, & de potu therma- rum Lucensium, pro Cornelio Clementino equite	79
De destillatione catarrhi ad partes subiectas, fluore alui penè dysenterico, assiduo vomitu, torminibus ventris, cum febre assidua, & insigni totius corporis tabe, pro adole- scente filio Medici	81
De dolore capitis periodico, grauitate eius, & sibilo aurium, pro Veneto	84
Pro eodem	88
De dolore capitis & dentium, cum varijs symptomatibus, pro	



pro nobilissima quadam matrona	91
Pro puella epileptica	96
De intemperie humida cerebri, & de præseruatione dentium à nigredine, & putredine, pro puero nobili Germano	102
De catarrho, & sputo sanguinis periodico, pro nobili Ve- neto	107
De dolore capitis periodico, de ventriculi debilitate, & men- fib. albis, cū detestatione coitus, pro matrona Veneta	123
Ad phthiriasim, seu tineam capitis antiquam	126
De dolore capitis post partum, cum symptomatibus melan- cholicis, pro matrona Germana	127
Pro eadem, & marito eius laborante morbo Gallico	130
De catarrho, pro Illustrissima Ducissa Urbini	137
De dolore capitis cum tinnitu aurium, pro Illustrissima ma- trona	138
De tremore membrorum, & mouēdi imbecillitate vitio ce- rebri, pro Magnifico viro	142
De vertigine, & tinnitu aurium antiquo, pro viro integer- rimo domino Mathia Zesz Polono	144
De dolore capitis, cum asthmate, & dolore dextri lateris, & febre leui, pro puella Maurocena	145
De apoplexia terminata in paralyfin dextri brachij & cruris, cum diminutione earundē partiū, pro nobili Illyrico	156
Pro eodem	162
Pro eodem, continens curationis factæ ordinem	164
De destillatione à capite, vlceribus, animi deliquijs, epile- psia, imaginationibus melancholicis, & alijs plurimis, pro Marchione quodam Montisferrati	167
De dispositione catarrhosa cum ventriculi imbecillitate, pro viro 58. annorum	173
De suppressione mensium, cum grauitate capitis, pro Ma- gnifica muliere	177
De catarrho, in quo periculū de tabe, p nobili Veronēsi	179
De tremore, ophthalmia sinistri oculi, & reliquis ortis vi- tio cerebri, pro matrona Leonora Sacrata Flischa	182
De diminutione visus, pro matrona Veronensi	187
De actione visus diminuta, pro iuvene Augustano	195
De diminutione visus, & pilis in palpebris interius retortis, pro	



	pro Polono	200
	De debilitate visus, & paralyfi diminuta & vertigine, pro doctore Veneto	203
	De destillatione à capite ad diuersas partes, & febre, pro ab- bate sancti Gregorij octuagenario	210
	De oculis lacrymantibus, pro Iudæo Turcico	218
	De visione diminuta continua, & corrupta, sed intermitten- te, pro monacho sanctæ Iustinae	221
	De debilitate oculorum, & periculo suffusionis ex consensu ventriculi, pro D. Gasparo Vngaro	228
	De ophthalmia, pro Corricio iuvene doctissimo	229
	De ophthalmia, cum principio suffusionis, & vlcere in cor- nea	245
	De apostenatibus cancris in naribus, pro Germano	254
	De polypo narium ad cancrum accedente	257
	De difficultate aperiendi mandibulam ex debilitate muscu- lorum, pro domino Andrea Ponticello	259
	De catarrho descendente ad vertebrae colli, & impediende circumgirationem capitis, item de immunda matrice con- iugis, pro nobili Germano	261
+	De sputo sanguinis	268
	De sputo sanguinis cū febre hectica, pro puero Hebreo	270
	De empyemate cū suppressione menstruorū, pro puella	272
	De tussi ex catarrho cum sputo sanguinis, pro adolescente Bononiensi	276
	De angustia pectoris ex catarrho & imbecillitate ventriculi, pro Gallo	291
	De tuberculo circa thoracis regionem lateris sinistri, tam in anteriori quàm posteriori parte, pro generoso domino à Stuberberg Germano	293
	De cardiaca passione, pro nobili matrona Vicentina boni habitus 47. annorum	296
	De febre ex intemperie membrorum naturalium, ac obstru- ctione à materia frigida & crassa, orta, pro Francisco Ca- sali medico Brixiano	300
	De febre orta ex obstructione, pro puero Veneto	302
+	De scirrhus hepatis, & obstructionibus cum periculo hydro- pis, pro doctissimo iuvene Vtinenfi domino Ioanne Ba- ptista	



ptista Luuifino	304
De morbo Gallico, pro quodam nobili Germano	314
Pro eodem	326
De morbo Gallico cum febre & continuis vigilijs, pro nobili iuvene	330
De morbo Gallico, doloribus in extremis partibus digitorum, vlceribus narium ac gutturis ex destillatione acris, pro generoso Polono	334
All'Illustriss. & Eccellētiss. Signor il Sig. Galeotto Pico dignissimo Conte della Mirandola	341
De tumore splenis post diuturnam febrem, pro Reuer. Boschetto Mediolanensi	361
De intemperie frigida splenis, cum tumore insigni, cruditatibus ventriculi, & corporis atrophia ac decolorationibus, cum metu futuræ aquæ inter cutem, pro nobili Polono quadragenario	366
De tēsiōe hypochōdrij dextri ex affectu frigido hepatis	370
De melancholia hypochondriaca	381
De flatibus hypochondriacis, pro sacrificio	384
De passione hypochondriaca cum annexis symptomatibus, nimirum tremore cordis, & ventriculi mordicatione, & totius corporis macie, pro Veneto	386
Ad ramicem intestinalem	397
De hernia	399
De imbecillitate ventriculi cum fluxu mensium alborum, pro matrona Veronensi	400
De affectu hypochondriaco, pro Comite de Mantfort Germano	402
De vrinæ difficultate cum pruritu, & de dolore dorsi ac renum, & de gracilitate gingiuarum, & de lue Gallica	407
De fluxu hæmorrhoidum, pro muliere nobili	417
De calculo renali, pro nobili Germano	422
De calculi præseruatione, pro Reuerendiss. Cardinali Petro Bembo	435
Per lo Reuerendiss. Cardinale Monfig. Pietro Bembo	441
De eiectione materiæ crassæ & fœtidæ per vrinam, cum dolore renu m	486
De ardore vrinæ, cum eo vt sæpe vrinam emittat	489
De	



De calculo vesicæ cum stranguria urinæ, pro nobili puero  
Italo 491

De passionibus pudendi, ardore urinæ, difficultate mingen-  
di, gonorrhœa, & febre erratica, pro nobili Veneto 427

De calculo, dolore renali, & iuncturarum cum ardore uri-  
næ, pro ciue Florentino 516

De arenulis, & metu futuri calculi, pro iuvene Siculo 521

+ De ardore urinæ, cum quadam suppressione urinæ, suffoca-  
tione noctu à primo somno, dolore renis præcipuè fini-  
stri, de dolore spatulæ sinistræ, dolore ventriculi, ventosi-  
tate in fundo ventriculi & intestino colo, de continua  
stomachi imbecillitate, cum dolore podagrico remisso in  
pollice pedis dextri, pro Francisco Vargo Regis Hispa-  
niæ Consiliario 530

De præfocatione matricis 538

+ De fluxu materiæ albæ è virga per decennium, pro Magni-  
co Contareno patritio Veneto 542

De præseruatione à calculo, pro ciue Veronensi 545

De fluxu per virgam, pro ciue Taruisino 548

An diuretica conueniant in præseruatione affectus renum,  
& vesicæ, pro Magn. Contareno prætore Patauino 550

De lassitudine ex labore, pro mercatore Veneto 560

De dolore genu obtuso ex destillatione pituitæ à capite, pro  
Magnifico Veneto 569

De tumore in utroque genu, pro domino Georgio Freidel  
Germano 574

De tumore œdematico vtriusque pedis, pro ciue Ferrarien-  
si 582

+ De titubatione pedum ex leui vertigine, pro Magnifico Ber-  
nardo Nauagerio Senatore Veneto 585

De luxatione pedis pro Illustrissimo puero Germano 596

+ De præseruatione à podagra, pro nobili viro, domino Ma-  
thia Zefz. Consule L. Polono 601

CATALOGI FINIS.

APPENDIX



## APPENDIX.

**CUM** videbis aliquot Consilia Italica lingua conscripta, & folio 529. deesse dictiones aliquot, indices inde nostram fidelitatem, tum quòd MONTANI Italicam phrasin non penitus prateriundam esse censeuerimus, ne ex translatione sensa MONTANI corrumparentur, tum quòd adulterina verba pro veris quæ desunt, non subiciamus. Facile autem hæc verba quæ desunt substitues ex folio 521. huius libri, quoniam ibi descriptio similis serè habetur. Si ergo in locum illum vacuum substitueres succi glycyrrhizæ vel butyri recetis 3. 1. nō multum aberrares. Præterea non te moueat in Consilio primo ratio vicius aliqua ex parte mutata. Nam hoc integra fide fecimus, quemadmodum enim rem sese habere accepimus, cū ex informatione descripta à Medicis suæ Reginalis Maiestatis quam nos adepti sumus, tum ex relatu quorundam nobilissimorum seruitorum suæ Serenissimæ Maiestatis, ita tibi communicandam censuimus.

### Ad lectorem G. L.

**ARDVA** præcipiti cursu MONTANVS ad astrum  
 Dum petit, æternum dogma reliquit humi:  
 Neue diu pressum densis latitaret in umbris,  
 Maturam dedit huic cura fidelis opem,  
 Cura Valentini Medica præstantis in arte,  
 Qui tam præclarum promit, & ædit opus.  
 Diffugiunt tristes magna formidine morbi,  
 Contra se quoniam tela parata uident.  
 Si quem igitur labor hic iuuat, si profuit ulli,  
 Lublino debet cuncta referre uiro.

IOAN.



IOAN. BAPTISTAE  
MONTANI MEDICI  
VERONENSIS,

Consultationum medicinalium  
Centuria prima,

A VALENTINO LVBLINO  
Polono quàm accuratè collecta.

Consult. 1. De leui capitis dolore, & destilla-  
tione, ex imbecillitate vetriculi & hepatis,  
pro Serenissima Bona Sfortia Regina Po-  
loniæ, Serenissimi ac potentissimi Regis  
Poloniæ Sigismundi Augusti matre.

**E** **X** OMNIBVS intrinsecis causis,  
que ad affectus capitis præter natu-  
ram generandos conducunt, potissimæ  
sunt vetriculi imbecillitas, atq; hepa-  
tis caliditas. Ac de vetriculi quidem  
imbecillitate, cuius ratione succi crudi multiplicati assi-  
duos vapores ad caput summittunt, cuiq; etiam uulgari me-  
dico, uel mediocriter in arte uersato est exploratum, ni-  
hilq; frequentius auditur, quàm mutus ille circulus læ-  
sionum inter cerebrum, & uentriculum. De hepatis ue-  
rò imbecillitate, quantum ad capitis repletionem faciat, Gal 3. de huius  
authoritas est Galeni III. de locis affectis, præter ratio-  
nem, quæ dictat, in huiusmodi temperaturis maximam ua-  
porum copiam à toto uenarum ambitu ad cerebrum ascen-  
dere. Sunt igitur suapte natura paratissimi ad omnes cir-  
ca caput

caput que  
modo ab im-  
becillitate vetriculi  
et hepatis latet  
atq;  
Gal 3. de huius  
affect.  
affectib. capitis



*Generi qui  
dicunt.*

*Symptomatum  
enarratio.*

ca caput affectus perpetiendos, quicunque in duobus illis  
membris uentriculo scilicet, & hepate tales habeant tem-  
peraturas: quibus si postea accesserit apta capitis ad re-  
cipiendum dispositio, iam intrinsecus omnes promptas ha-  
bent occasiones tum ad efficiendas, tum ad recipiendas cir-  
ca caput dispositiones præter naturam. Cum ergo scri-  
batur in sua Serenissima Maiest. hæc omnia conuenire,  
non est mirum, si facile inciderit in dolores capitis, deflu-  
xiones, & quosdam alios affectus præter naturam. Sed si  
postea his quoque accesserint aliqua uitia sex rerum non  
naturalium, humana corpora necessario commutantium,  
tum planè non facilitas tantum; sed necessitas malarum  
impresionum consequitur. Cum igitur huiusmodi quo-  
que conuenisse audiam in eadem Serenissima Maiest. per-  
ficitur integer tãquam causarum chorus ad morbi incre-  
mentum idoneus. Audio enim suam Maiestatem primò  
non se penitus exercere: aliquando uerò in assiduis cogi-  
tationibus, & animi molestijs detineri: somno diurno uti  
quotidie: in cibo & potu non admodum exquisitum dele-  
ctum habere: cuicunque aëri incumbentibus grauissimis  
negotijs sese exponere. De excrementis uerò, an secun-  
dum quod oportet expellantur, non audiui quidem, sed  
forte & in illis erit aliquod uitium: fere enim ista quoq; læ-  
sio præcedentes errores cõsequi, comitariq; solet. Nam de  
mensibus retentis quãuis ratione ætatis secundum natura-  
lem ordinem retenta fuerint; nihilominus in tali tempera-  
tura, & tali otio, & delicijs Regijs non sine dãno inter-  
cepta sunt. Nam etiam audio post eorum retentionem in  
omnia prædicta symptomata cõfestim incidisse, scioq; plu-  
rimas quoq; matronas aliàs post detentos menses etiã na-  
turali



turali temperie præditas, tamen in uarias ægritudines postea delapsas esse. Et si omnia rectè collegerimus, facile intelligemus non tantum capitis affectiones; sed etiam lienis, & tumores hydropicos, qui quandoque contigerunt, ab iisdem causis processisse. His rectè cognitis, & suppositis haud difficilis erit intentio. Ac primum illud ex reinnatura fundamentum elicitur, S. M. purgantibus quidè, & his, quæ attenuant, uel alio modo præparant, aut excoquant humores subleuari quidè posse, curari uerò nequaquam: uel enim enumeratorum membrorum intemperies ad naturalem statum sunt redigendæ, uel causæ intrinsecæ relinquendæ sunt, quibus periodicè ad illos eosdem affectus sit redeundum. Quamuis ego non negauerim purgationes esse opportunis temporibus faciendas, ut humores qui quotidie ob membrorum inæqualitatem assiduam generantur, non redundant, & ex redundatione non illos tantum affectus foueant; sed novos quoq; generent, ut frequenter fieri solet. In illis tamen purgationibus non est insistendum, sed ad alia quoq; quæ paulò inferius dicam, est accedendum, quæ magis facient ad præseruationem, quàm ad curationem. Vera enim curatio, si uerum fateri uolumus, fortè erit impossibilis, si modo totam morbi naturam rectè perpendimus: quomodo enim fieri poterit, ut eorum membrorum inæqualitas ad æqualitatē redigatur? in hac præcipuè ætate, & in corpore regio, cui quàm difficillimè sit longius imperare. Notum est omnibus, qui aliqua ex parte experimento deprehenderunt. Primò itaq; in tam longa ægritudine in recta uictus ratione curationis, præseruationisq; basim, potissimamq; fidem statuerem, ita ut neq; alicui aëris excessui tam calido, quàm frigido occurreret,

Prognosis.

dieta

A 2 uentosq;



uentosq; omnes, & pluuias euitaret. Nec hyemis tempore in uaporarijs suo more calefactis, uel prope magnos ignes diutius moraretur, præcipue ubi ignis ex fortioribus lignis ardeat, qualis est quercus, ilex, ulmus, & reliqua plura huiusmodi. Caueat etiam, ne acriter magnum lumen, siue solis, siue ignis intueatur, sed neq; ab alto prospiciat, aut fluuiorum præcipitium, aut turbas, aut celes res rotarum gyros, & reliqua. Laudarem, ut singulis septimanis caput ablueret, præcipue si sit illi lauandi consuetudo, eligatq; lixiuium ex salicis, aut uitis cinere confectum, in quo salvia, maiorana, chamæmelum, rosa, decocta sint cum drachmis tribus agarici electi. Hæc enim ablutio conferet ad roborandum, mundandumq; caput. Inter præcipua hoc habeat, ut omnes animi molestias, quæ maximè fieri possit, euitet, faciatq; ut quàm maximè exhilaretur animus quacunq; occasione sumpta. Erit etiam illud otium, & quies corporis immoderata omnino auertenda. Quotidie matutinis horis sese exercebit deambulando, donec totum corpus citra sudorem incalasciat, nec minus imperabit sibi frictiones quotidie, ut mane in lecto fiant, sintq; frictiones in toto corpore æqualiter, molles tamen, & prolixiores, ita ut cutis calefacta incalasciat. quod si etiam post frictionem totum corpus illiniatur oleo garyophyllorum odorato, longè magis expediet. Et quoniam audimus deditam esse longa consuetudine somno meridiano, consulimus, ut paulatim desuescat, præcipue si nocte, quantum satis est, dormierit: ad capitis enim repletionem, distillationesq; augendas efficacissimus est somnus meridianus. Obseruabit præterea, ne cubitum accedat, nisi à cœna post horas ad minus duas, cœnaq; illi sit parcior,



parcior, quàm prandium, si & suauiore somnum, & leuius, liberiusq; caput habere uoluerit: non tamen propterea tam copiose prandeat, ut postea crudo stomacho ad coenam accedat: utrunq; ita moderandum, prandium inquam, & coena, ut nouus cibus priorem inconcoctum, uel ebullientem non inueniat. quod optime fiet, si citra satietatem semper comederit. Sitq; inter coenam, & prandium spatium non minus, quàm nouem horarum: tunc enim cruditatem semper euitabit: quod inter cætera optimum erit remedium ad omnes suos affectus abolendos. Sitq;, quàm fieri potest cibus, quàm maxime simplex, uniusq; naturæ. quod quidē sicut est Principibus, et Regibus difficillimum propter inueteratam, & malam consuetudinem, ita etiam perniciosissimum est. Nihil enim magis facit ad cruditates, ad corruptionem, putredinemq;, & ad deprauatos humores in corpore multiplicandos, quàm ciborum uarietas, & multitudo. Confunduntur enim plurima diuersissimarum naturarum, quæ dum inæqualiter concoquuntur distribuunturq;, necessarium est, ut inde labor caloris innati consequatur, & uaria uitiorum genera in succo illo tam diuerso. Admonemus igitur, & deprecamur suam S. M. ut uelit in hoc Regium morem exuere, & in opipara regali mensa unum tantum eligere, quod sibi pro fame sufficiat, illudq; sit leue, & quod facile concoquatur, facileq; distribuatur, & optimum sanguinem generet, quales sunt omnes carnes pullorum, perdicum, phasianorum, hœdorum, uitulorum, castratorum iuuenum, oua recentia tremula, uel sorbilia: panis ex purissima farina sit, bene fermentatus, & mediocriter salitus. Ab omnibus antiquis carnibus, & sale maceratis abstinebit, ab oleribus præci-



puè crudis, à fructibus horarijs, à piscibus, præcipue qui in stagnis degunt, aut paludibus, ab auibus etiam, quæ palustria incolunt loca, ut sunt anseres, anates, & huiusmodi, à leguminibus, à pastilibus, à lacticijs, & præcipue à caseo, à frixis in sartagine. hæc omnia S. R. M. sua auersetur. Vinum eligat clarum medijs coloris, uel etiam album, non acidum, neq; adstringens, sed bene maturum, mediocriter uinosum, & omnino euitabit mustum & uina turbulenta. Quod si etiam uindemiæ tempore uinum conficeretur cum salvia, & betonica, illud esset præstantissimum, præterquam quod gustui non esset iniucundum. Sed non est omittendum, tanquam parui momenti, quod ut sua M. quotidie habeat beneficium alui, diligenter opera danda est, imò inter præcipua hoc animaduerti debet: hoc enim studio adhibito distrahentur uapores, qui ad caput cōtinuè feruntur. Si igitur natura faciat, quantum oportet, nil ultra moliendum: sin minus laudo, ut semel, aut bis, aut quoties opus fuerit, sumat tantum terebinthinæ Cypriæ, quæ facile habebitur Venetijs, uel interim, dum non habebitur, laricinæ, quæ habebitur facile, pondus drach. duarum mane tribus horis ante prandium. Hoc enim remedium non tantum molliet aluum, sed etiam obstructions aperiet, membra præterea naturatia, membraq; neruosa corroborabit, urinam prouocabit, utero conferet. ideo, me iudice, prætermitti non debet. Hæc summam dicta sint pro tota uictus ratione, quæ si diligenter à Maiestate sua obseruabuntur, tam erunt efficacia, ut fortè sola horum ope præseruetur, et immunis futura sit ab omni affectu, de quo nunc conqueritur. Hoc tamen si non fecerit, uel magis, ut futurum credo, non adeò exquisitè obseruet, alia proponam,

*terebinth  
cypria fa-  
cultates*



ponam, quæ in alijs duobus curandi instrumentis pharmacia scilicet & chirurgia consistunt. Quantum ad pharmatiam attinet, laudo, ut bis singulis annis purgetur, autumno, & uere. Ex his enim annuis purgationibus præseruari solent homines à grauißimis etiam morbis, quemadmodum erat sententia Galeni in libro de sanguinis missione. Et quanuis immensa penè euacuandi materia sit, nihilominus tamen proponam, quod mihi congruum uideatur, & quod erit tanquam intentionis exemplum.

℞. Cassiæ ʒ i.

Specierum hieræ ʒ i.

Fiat bolus tribus horis ante prandium sumendus.

Deinde

℞. Mellis rosati colati

Syrupi de cichorea Nicoli sine rhabarbaro ana ʒ i.

Decoctionis cetrach

Capillorū ueneris in aqua boraginis destillata ʒ iij.

Misce pro uno, & sic pro alijs septem. Deinde

℞. Rhabarbari ʒ i.

Spicæ gra. ʒ.

Infundantur in decoctione florum cordialium per horas x. & facta diligenti expressione, colaturæ adde decoctionis hamech ʒ iij. Syrupi rosati solutiui ʒ ij. Misce, & fiat potio danda in aurora cum custodia. Et iste esset purgandi modus satis facilis, & expositus. Placeret tamen, ut sanguis quoq; in purgatione ueris mitteretur à basilica sinistri lateris, cuius quantitas sit ad uncias viij. uel uncias x. In autūno postea peracta euacuatione prædicta præter sanguinis missionem summopere placeret, ut sumeret per duos, uel tres dies infrascriptam decoctionē,

A 4 quæ



quæ apud me longo experimento probata est ad melan-  
cholicos succos sine aliqua molestia euacuandos, lienisq;  
affectus egregiè remouendos, cuius dosis quidem commu-  
nis est, unciarum sex. Est tamen pro natura uniuscuiusq;  
consuetudine, & ætate limitāda, cuius descriptio talis est.

℞. Myrobalanorum omnium ana ℥ s.

Contundantur grosso modo, & fricentur manibus cum  
oleo amygdalarum dulcium. Infundantur per 24. horas in  
libris vi. aquæ fumiterræ destillatæ. Postea

℞. Polypodij

Epithymi

Folliculorum senæ ana ℥ iij.

Seminum citri

Liquiritiæ ana ℥ ij.

Garyophyllorum ℥ s.

Corticum radicum ellebori nigri 3 iij.

Bulliāt omnia simul ad consumptionem medietatis, de-  
inde facta diligenti expressione, & colatura reſeruetur  
ad usum. Postea

℞. huius decoctionis ℥ vi. aut iij. aut iiij. aut quantum  
expedire uidebitur.

Iulep rosati ℥ s.

Misce, fiat potio danda in aurora, poteritq; dari uel  
alternis, uel singulis diebus secundum euacuationis quan-  
titatē, augendo, uel minuendo dosim, prout euentus osten-  
det. Et hæc de purgationibus ordinariè per singulos an-  
nos faciendis. Sed quoniam in ratione uictus semper ferè  
aliquid delinquitur, & præcipuè in Regijs delicijs, ideo  
ne deprauati humores plus æquo excrescant, suum consi-  
lium esse opinor, si singulis mensibus bis, aut ter mediam  
rhabar-



rhabarbari optimi drachmam deglutiat, siue mandendo, siue in pilulari forma, siue in puluerem redactam admixto saccharo rosato, uel passulis, quomodocunque libuerit.

Ad oculi uerò affecti corroborationem, cōcoctionemq; & discussionem materierum confluentium, optimum erit remedium huiusmodi collyrium

℞. Foenugræci electi,

Radicum althææ ana ℥ ij.

Mudentur exquisitissimè ab omni sorde, infunde & decoque in aqua fontis purissima sine fumo, aut puluere, aut fauillis ad cōsumptionem duarum partium, deinde fiat fortis expressio, & colatura. Postea

℞. Aloës optimæ lotæ in aqua rosarum ℥ ij.

Sacchari candi, uel rosati ℥ i.

Decoquantur omnia simul ad consistentiam mellis, deinde seruentur in uase uitreo optimè obturato, & suo tēpore suauiter ponatur in angulo oculi affecti cum penna, & maximam inde utilitatem habebit, quā accipiet. Pro capitis uerò particulari purgatione, laudo quidem ea, quæ nos uulgò appellamus masticatoria, & præcipuè quæ cū sola mastiche fiunt. sed caputpurgia, & expurgationes per nares uiolentas non ita laudauerim, tum propter maximam affinitatem inter angulos oculi, & nasi emunctoria: esset enim potius attractio ad eūdem locum, quàm deriuatio. Sed ubi omnibus his diligenter peractis S. M. adhuc uexaretur ab iisdem symptomatibus, tum maximè probarem, si cauteria quoq; fierent in utroq; crure, in parte exteriori, in loco consueto per quatuor digitos infra iuncturam, à peritissimo chirurgo: esset enim auersio, & euacuatio optima, & efficacissima, & præcipuè si in sinistro

crure,



crure fieret propter rectitudinem. Et hæc crederem suffectura, si modo S. serenitas diligētissimè præservari uoluerit ab omnibus molestijs, quibus nunc affici solet cum auxilio Dei optimi maximi, cuius nomen sit perpetuò benedictum. Datum Venetijs nonis Iulij 1549.

Consult. II. De diuersis dispositionib. præter naturam cum metu futuræ apoplexiæ, pro Illustris. Duce Bauariæ.

PROBABILE admodum est Magnificum hunc, et nobilissimum uirum à natiuitate laudabilis fuisse temperaturæ, neque in corporis compositione deliquisse. Audio enim & bono habitu constare, semperq; constitisse, & esse carnosum, rubei, ac floridi coloris, hilarem, ingeniosum, prudentem, & rebus agendis idoneum. Quæ quidem indicant non tantum corporis temperaturam bene habere; sed membra quoq; omnia principalia in idem exquisitissimè conspirare. Si quo igitur morbo uel laborat, uel hactenus laborauerit, non est iudicio meo, uitio corporis, sed uictus rationi tribuendum. Cum tamen calidioris hepatis sit, plurimumq; sanguinis generet, parumq; exerceatur, & lautissimè uiuat; non est postea mirum si ex redundantia in uarias ægrotudines semper inciderit, & primo in adolescentia in tertianas febres, & icteritias ob feruorem ætatis, bilis copiam, & malam uictus rationem. deferuescente autem ætate dum calor non ita acris adesset, frigidiore postea morbi inuaserunt, ut testiculorum, calculi renum, iliaci affectus, ulcera crurum erodentia propter humorum adustionem: & nunc cum tantum sit in primo senio constitutus, totq; morbis subiiciatur, periculum est,



est, nisi exquisitissime sibi caueat, & præcaueat, atq; iterum caueat, ne in Apoplexiam tandem etiam incidat, aut subito suffocatus intereat, præcipue cum uideatur hoc illi esse hereditarium ob similem patris interitum. Oportet igitur, ut tanquam prudens, & temperatissimus uir muniat se, atq; ab imminentibus periculis se custodiat. quod non ita difficile efficiet, si rationi, & fideli medico uelit obtemperare. Neque enim, ut prius dicebamus, uitium aliquod naturale in hac corporis structura esse opinamur: sed sola deprauata uictus ratione contractum. Incipiet ergo à fundamento solido, & necessario, ubi tandem tota præseruationem, totam etiam curam inuenerit, sine quo nihil exequi poterit, & quo solo omnia facile exequetur. Fundamentum illud est, ut in sex rebus non naturalibus quantum fieri potest, nihil delinquat. Exercitijs utatur moderatis: euitet omnes aëris excessus, omnesq; animi molestias: quotidianam alui excretionem procuret: somnum meridianum effugiat, omninoq; ad uigilias potius declinet: sed præ reliquis omnibus cibum, & potum moderetur. Caueat ab aromatum usu, qui mos apud Germanos plus nimio uiget. Vnico cibo contentus sit, ferculorumq; ac omnium esculentorum copiam euitet. Ideo à lautis mensis, & communi nobilium cōiuctu, & compotationibus quàm maximè potest abstineat. Iuniores carnes comedat, sicut hœdorum, uitulorum lactantium, pullorum, perdicum: oua etiam recentia, & sorbilia conceduntur. A piscibus, leguminibus, pastilibus, lacticinijs, rebusq; omnibus frictis abstineat. A uino quàm maximè abstineat: in uino enim omnia ferè inueniet detrimenta, suarumq; omnium agritudinum fomenta. Sit ergo uinum uel nullum si fieri potest, loco



loco cuius utatur uel ceruisia: uel si uinum admittit, neq;  
ceruisiam toleret, sit saltem uinum dilutum, pauciferum,  
clarum, subtile, & modica admodum quantitate ebibitum.  
Quantum ad id quod quæritur, utrum quemadmodū con-  
suevit sit in illo singulis annis secanda uena? Dicimus ex  
quo hætenus consuevit, non protinus esse desuescendum.  
Sed si ita uiuet, quemadmodum à nobis est institutum, non  
aggregabit ea excrementa, quæ indigeant tanta missione  
sanguinis: & tunc poterit paulatim ab annua uenæ sectio-  
ne desuescere, præsertim maturiori succedente ætate in  
regione frigida, & boreali. Ad secundum quæsitum, utrū  
ulcera crurum sint præseruanda nullis factis cauterijs,  
quæ uulgus fontanellas appellat? Respondemus cū iam  
natura assueuerit ad eas partes excrementa corporis, &  
ea quidem acerrima & pessima transmittere, si defluxus  
huiusmodi intercipiatur, fore hoc cum maximo ægri disci-  
mine. Sæpe enim uidimus, & habemus parata exempla  
multorum, qui ex crurum emanantiū sanatione, & exicca-  
tione in apoplexias et perniciosissimos morbos inciderint.  
Laudamus igitur cauteria in utroq; crure loco consueto in  
parte exteriori quatuor digitis infra genu euitando chor-  
das, & loca neruorum, rite esse facienda. Et ubi cauteria  
hoc modo peracta destillare, sanientq; emittere satis copio-  
se inceperint, tunc nisi ulcera sponte sanentur (id enim fre-  
quenter fieri solet) arte medici sananda esse consulimus.  
Ad tertium quæsitum, quodnam thermarum genus illi con-  
ueniat. Respondemus iudicio nostro omnes calidas ther-  
mas ab illo quàm maximè esse euitandas, quales maximè  
sunt sulphuræ, nitrosæ, bituminosæ, aluminosæ: æneæ  
uerò, & reliquæ huiusmodi, in quibus tamen ferri minera  
præ-



prædominatur, ac consequenter frigida sunt, & sicca. harum usum summopere laudamus: hepatis enim, renumq; ac dorsi feruorem contemperabunt, per urinam excrementa corporis expurgabunt, corpusq; totum sua adstrictione corroborabunt. Debet autem hoc corpus ita præseruari, ut bis in anno, uere inquam, & autumnno exquisitè purgetur pharmacis bilem præcipuè, & pituitam purgantibus. Inter quæ omnibus ego prætulerim confectionem hamech, syrupo rosaceo solutiuo admixto. Et quoniã à me requiritur, ut particularis modus purgandi tradatur, licet hoc præsentibus medicis esset dimittendum; nihilominus, ut amicorum desiderio satisfaciam, particularem purgandi formam exponam. Ineunte igitur uere circa primã Lunæ quadrã mane hora ante prandium duodecim drachmas floris cassiæ in bolo confectas exhiberem, ac die sequenti syrupum infra scriptum propinarem, qui habet.

R. Syrupi acetosi simp. multæ acetositatis

Syrupi de succo limonum ana ʒ i.

Decocti acetosæ

Seminum citri,

Carnis citrangulorum, uel arantiorum, cortice dempto ana ʒ. iiij.

Misce pro uno, & sic pro alijs. Sumptis septem Syrupis pharmacum accipiet quod ita habebit.

R. Confectionis hamech. ʒ. iiij.

Syrupi rosacei solutiui ʒ. iiij.

Cum modico aquæ acetosæ fiat potus. Sumat in auro-  
ra cum custodia: postea utatur saccharo rosaceo per plu-  
rimos dies, quod etiam laudo, ut familiare habeat. Sanguis  
autem mittatur è uena basilica dextri lateris post exhibi-  
tionem



tionem secundi syrupi, tertio scilicet die ab assumpta cassia. Quantitas sanguinis est pro uirium ratione metienda. Autumno eandem prorsus euacuationem repetet excepta sanguinis missione. Quantum ad asthma attinet, illud ut audio merum fuit symptoma ob retentionem materiei consuetæ ad crura defluere: hoc enim tantum proximo anno inuasit, dum crurum emanatio detenta esset. Propterea emanantibus cruribus crediderim non superuenturum asthma. Si tamen contingeret, in paroxysmo quàm maximè esset abstinendum à cibo, & potu. Sorbitio tamen paulatim, & per interualla exhibenda esset modò aquæ mulsæ cum hyssopo decoctæ, modò cum oxymelite eadem hyssopo adiuncta. Erectus maneret, neq; omnino iaceret supinus, ubi spirat aer liber frigidus minimè suffocatus. Illini-  
ret pectus & thoracem totum tam antè, quàm postè  
rius linimento ex adipe anseris, butyro, oleo amygdalarum  
amararum confecto: adiuncta particula croci. Procuraret etiam cum clysteribus acutis alui lenitionem, ita & euacuet, & auerteret materiam. Declinante paroxysmo posset agarici præparati drachmas duas deglutire siue in forma pilularum, siue ex melle rosaceo collectum, siue dilutum aqua betonicæ, uel hyssopi, & similium. Mensè Iulio. 1547.

Consult. III. De epilepsia, pro Illustri Germano.

Ex structura capitis Illustrissimi domini, atque ex multis excrementis, nemo non potest iudicare cerebrum illud humidissimum esse plurimaq; redundare pituita. quod  
facile



facile etiam indicant omnes operationes animales, atq; alia  
 signa omnia. ubi postea acceſſerit peſſima uiuendi ratio, nō  
 abſq; ratione conſecuta fuerunt peſſima accidētia, & præ  
 cipue epilepſia: quæ proprie conſequitur talem tempera  
 turam cerebri. Cum ergo tum naturalis corporis habitus,  
 tum mala uiuendi ratio ad morbum tum generandum, tum  
 alendū conſpirent, meminerit, ſi modo Illuſtriſſ. ſua domi  
 natio ſuæ ualeitudinis curam habuerit, omni conatu utrū  
 que emendare, malam ſcilicet uiuendi rationem, malamq;  
 cerebri temperaturam. Quæ quidem præſtare non pote  
 rit pauco quodam tempore, parcens præſertim his quibus  
 nocumento affici poſſit. Ideo perpetuò indicenda eſt ſibi  
 talis uiuendi ratio, quæ ſimul & poſſit morbum, & natu  
 ralem corporis conſtitutionem in contrarium auertere.  
 Primum igitur ſtudebit, ut deligat aërem, in quo degat,  
 quàm maximè ſiccum. Calidior etiam eligendus eſſet, ſi re  
 gio ſua pateretur: ſed illum ſaltem qui quàm minimè fri  
 gidus iudicetur. humiditas autem aëris quàm maximè ca  
 uenda eſt. Valles igitur concauas paluſoſaq; loca, et quæ  
 à uentis minimè diſſilari poſſint, euitet, non tamen propte  
 rea uentis caput eſt exponendum, Auſtro præcipue, & *Auſtro et boreæ*  
 Boreæ: alter nanq; excrementitio humore caput replet, *quæ inducant*  
 alter intenſo rigore conſtipat, comprimit, concoctioneſq; *Inmoder.*  
 omnes impedit: unde obſtructiones oriuntur. Serenas igi  
 tur temperatasq; regiones quàm maximè expetat, ubi neq;  
 montium aſperitas, neq; uallium depreſſa inæqualitas neq;  
 per paludes, aut ſtagna aut uſtitates, ſyluæ intercedant.  
 Sed eligat amplas planities libero ſole, & ab omni euapo  
 ratione quàm maximè immunes. Nocturnum etiam aërem  
 effugiat, neq; loca inhabitet terrena, neq; fenestris apertis  
 dormiat,



dormiat, etiam si feruor aestatis accedat. Vbi frigus uel uē-  
ti regionem occupauerint, quod euitare nō possit, tunc ca-  
put congruis operimentis est tegendum, auresq; & cer-  
uix, & totus thorax ab omni frigoris iniuria præcipue de-  
fendi debent. Nec minus studebit, pedum ne frigiditatem  
patiatur: pedum enim frigiditas cerebro ob rectitudinem  
non mediocriter consentit. Vbi ergo corpus ita optimē mu-  
nitum fuerit, ut possit, & humiditati, & frigiditati aëris,  
& omnibus importunis uentis resistere, tunc curabit ne  
accidentibus animi molestis aliquo modo afflicetur: cere-  
brum enim ex illis quā maximē afficitur nocumento. Irā  
igitur tristitiasq; omnes tanquam pestes effugiat, & quie-  
tem animi quærat, iucunde uiuat, cum amicis lætetur, un-  
de etiam cauebit à solitudine. Recedat ab eo prorsus diu-  
turnus somnus præcipue meridianus & matutinus: meri-  
dianus enim generat, matutinus retinet capitis omnia ex-  
crementa. Surgat igitur in diluculo, & intra cubiculum  
suum se continens deambulando, & corpus congruis mo-  
tibus exercendo, caput etiam pectendo, quærat omnia ca-  
pitis excrementa tum per palatum expuendo, tum per na-  
res, tum per aures etiam, excernere. Quæ ubi peregit  
tūc ad exercitium corporis se conferat, quod quidem sua-  
ue molleq; esse debet, & in quo præcipue caput non agite-  
tur, sed crura potius & inferiores partes moueantur a-  
crius, in aëre tamen hoc erit faciendum temperato.  
Quod si regio, uel aëris constitutio, aut anni tempus pro-  
hibeat, intra proprios lares atq; intra cubiculum, etiam  
se exercere poterit: nequē enim exercitium singulis die-  
bus est intermittendum, quod sicut molle suaueq; esse præ-  
cipimus, ita etiam longum statuimus, ut longitudo expleat  
quod



quod mollities præstare non potest. Et si exercitium aliqua occasione prorsus impediatur, exercitij loco frictiones longas toto corpore fieri oportet omisso tamen capite. Deinde enitatur, ut secundum ciborum proportionem quotidie etiam egerat excrementa conuenientia tum per aluū, tum per urinam: maximè enim studere debet, ne excrementa retenta caput suis malis humoribus repleant. Vbi igitur natura in hoc satisfecerit, bene erit: ubi deficiet, tunc artificio suppleatur, commodissimumq; & præsentaneum remedium & ad hunc usum instrumentum erit clysteriū: maximè enim auertit à capite, confertimq; & subito expurgat sine aliqua molestia. Clysteres autem sint ex betæ, maluarum, fursurisq; decocto, addito oleo & sale et ℥.iij. mellis rosati, quod si clysterem non ita facile assumpserit, utatur ante cœnam ℥.i. optimæ aloës ad formam pilule reductæ hora una ante cœnam bis aut ter etiam in septimana, si ita res exegerit. nam hoc remedium auertet à capite uapores omnes, prouocabit urinam & alia excrementa, aperiet obstructions uenarum, corroborabit uermiculum, & uegetabit calorem innatum: hæc enim omnia efficacissimè præstat aloës usus. A uenere, quàm maximè abstinebit: nam ab antiquis omnibus, præcipue ab Hippocrate medicorum principe, uenerem nihil aliud esse quàm breuem epilepsiam proditum est. Superest uiuendi ratio circa cibum & potum in quo maxima sue curationis portio consistit: ex cibo nanq; & potu generantur humores, ex humoribus obstructions, ex obstructionibus epilepsia. Curandum igitur est, ut humores boni generentur, & non boni tantum; uerùm etiam quantitate moderati: redundantia nanq; humorum, etiam si optimi fuerint, pessimos

B generat



generat morbos, inter quos epilepsia quoque, & apoplexia numerantur. Cauere igitur oportet à cibis, tum qualitate, tum quantitate, peccantibus. sed & multitudo ciborum, uel uarietas uitanda est: neque enim in uarietate contingere potest, quin & plus sumatur alimenti, quam oporteat, & deinde cum assumptum est, ob naturarum diuersitatem, & contrarietatem non corrumpatur, & putrescat. Vnico cibo contentus erit, idq; horis consuetis. Cauebit diligenter, ne cibum assumat, nisi priorem concoxerit: ideo ad mensam non accedat, nisi uera fames coegerit. Et propterea non malum erit, si quando omnino etiam abstinebit à cibo: id enim natura sæpe exigit, ut quod assumptum est, decoquat, atque distribuatur. Prandium sit & cœna inter se proportionem correspondentia, ut ex tribus partibus cibi uiginti quatuor horarum pars una sumatur in prandio, duæ uero partes in cœna, ita tamen ut post cœnam leuiter, & suauiter deambulet, neq; prius cubitum eat, quam duæ saltem horæ à cœna peractæ fuerint. Cauebit, ne inter prandium, & cœnam, & horam decubitus aliquid prorsus bibat siue uinum, siue aqua fuerit: neq; etiam aliquid comedat, siue sint fructus, siue aliquid aliud genus edulij: omnia enim hæc summopere nocebunt, & coctionem impediunt. Abstinebit præcipue ab omni genere carniū antiquarum, sicut sunt bubulæ, caprinæ, & castratorū ueterū: à carne porcina cuiusque generis siue recens, siue salita fuerit: ab omnibus palustribus auibus, sicut sunt anseres, anates: à coturnicibus, quas Itali Qualias uocant, habent enim innatum quendam & naturalem consensum ad epilepticos motus excitandos. Cauebit ab omni piscium genere, præcipue tamen à palustribus, & anguillis,



guillis, & ab his quas Tencas uulgò uocant, ab omnibus pastilibus, lactinijs, cibarijs frictis in sartagine, à fructibus præter ficus, & melones, quos tamen in pauca quantitate, nec quotidie cōcedimus: à caseo, ab ouis duris, ab omnibus acetarijs, præcipue herbarū crudarū, & maximè lactucæ, & tandē ab omni eduliorū diuersitate: à uinis quoque omnium generum, hoc enim præcipue placeret. Sed si aliquod uinum bibendum est, sit illud pauciferū admodū & bene dilutum, album, & in paucissima quantitate. Quantum uerò ad medicamenta alia, laudo per aliquot subinde annos autumnno & uere purgetur. purgatio autem sit huiusmodi.

℞. Floris cassiæ

3 x.

Specierum hieræ simp.

3 ij.

Cum saccharo fiat bolus sumendus tribus horis ante prandium. Item

℞. oxymellis scillitici

Syrupi de betonica

ana 3 i.

Aquæ pæoniæ

3 iij.

Misce pro uno, & sic pro alijs septem. Post ultimum Syrupum die immediate sequenti accipiet infrascriptam medicinam mane in aurora cum custodia.

℞. Confectionis hamech 3 iij.

Corticum radicum ellebori nigri 3 i.

Syrupi rosati solutiui eiusdem anni 3 iij.

Cum aqua pæoniæ fiat potio sumenda in aurora cum custodia. Deinde

℞. Sacchari rosati 3 iiij.

Sumat 3 5. hora una ante cibum bis in die. & hoc pro euacuationibus tam autumnni quā ueris. Medijs uerò temporibus utatur ter uel quater etiam in mense pilulis in-

B 2 frascr-



frascriptis sumendis una hora ante coenam ad pondus.

3. i. uidelicet.

Rx. Seminum pæoniæ. 3 i.

Garyophyllorum

Nucis muscatæ ana 3 s.

Rheubarbari electi

Aloës succo citrini

Agarici præparati ana 3. ij.

Puluerizentur omnia per se, & misceantur: deinde aspergantur succo rosarum puro, & permittantur exiccare, & ita iteretur septies: deinde cum oxymelle squillitico fiat magdaleon, de quo fiant pilulæ tres singulis uicibus ex singula 3 i. & refoementur cum oxymelite squillitico. Item utatur frequentissime electuario infrascripto bis aut ter etiam in septimana, & deglutiat singulis uicibus cochlearia duo tribus horis ante prandium.

Rx. Oxymellis squillitici 3 ij.

Mithridati optimi 3 i.

Succi radice pæoniæ recentis 3 iij.

Seminum pæoniæ

Seminum citri ana 3 ij.

Pulueris cranei humani 3 ij s.

Sacchari rosati 3 iij.

Misce cum saccharo siue Iuleb rosato, fiat lambitiuū. Item quandoque ubi electuarium fastidierit, sumet 3 i. infrascripti pulueris in brodio pulli circa auroram.

Rx. Seminum pæoniæ

Pulueris humani cranei ana 3 iij.

Garyophyllorum

Nucis muscatæ

Seminum



Seminum citri ana 3 i.

Misce & fiat puluis, qui seruetur ad usum. Duo autem cauteria in cruribus cōtinuè teneat aperta, et pro his dilatandis loco pulueris utatur unguento hoc.

℞. Unguenti Aegyptiaci ʒ i.

Lithargyrij ʒ 5.

Misce.

Et cum huiusmodi ratione uictus & remedijs cum diuino auxilio probabile est, suam Illustriss. Dominationem conualituram. Efficaciora remedia uti minimè necessaria: omittētes, faxit Deus, ne illis indigeat. successum uerò morbi rescire subinde desideramus. Caput poterit abluere ter & quater etiam in mense ante coenam, atq; eo die se contineat in ædibus, custodiendo se à uento & à frigore. Lixium, cum quo se abluet, tale erit. primo conficiat lixiuum dulce ex cinere salicum uel uitium, deinde accipiat huius lixiuij quantitatem pro una ablutione necessariam, & in ea decoquat maioranam, betonicam, asarum, & 3 i. agarici optimi in panno lineo inuolutam, quam postea exprimet diligenter, & cum lixiuio caput abluet ut dictum est, adhibito sapone odorato.

Consult. IIII. De imbecillitate cerebri cum vertigine & catarrho perpetuo, pro matrona & Comite à Drichtristain Germana.

ILLVSTRISSIMAM dominam primò esse imbecillis cerebri constat ex uertigine, quam tot annis perpetitur: ex perpetuo catarrhi defluxu: ex eo quod accidit, ubi se bis inuerterit, uideri sibi omnia concidere.

B 3 Hanc



Hanc imbecillitatem modo in cerebro ortum habere, an aliunde fieri, posset aliquis dubitare. Cum tamen tandiu perseverauerint accidentia, quæ multis etiam remedijs hæctenus non potuerunt tolli, in ipso cerebro læsionem esse probabile est. Non tamen fieri potest, quin & à uentriculo, & à toto corporis ambitu augeantur cerebri affectus. nam quanuis propter capitis destillationem, tum ad uentriculum delabentem, tum per nervos, & uertebras ad singulas partes corporis deriuatam, languor ille uniuersalis, & uentriculi affectus generari possint; tamen fit inde circulus: nam ubi semel affectio in inferioribus partibus generata fuerit, cerebro quoq; communicabitur. Iam ergo neq; cerebrum omnino sine inferiorum consensu, neque inferiora sine cerebro affici puto, sed sibi inuicē utraq; simul mutuis uicarijs labefieri. hinc perseverantia ægritudinis, et curationis difficultas, omnibus scilicet mēbris affectis, et præcipuē principalibus, quæ sibi æqualiter cōmunicant affectum. Si uerò à me queratur, quænam imbecillitatis causa sit, credo ad frigidam intemperiem esse referendam ex perpetua destillatione, & perseverantia, & longitudine morbi, ex tarditate, & segnitie accidentium. Neq; dubium esse potest, hanc intemperiem frigidā copię materiæ congeneris, frigidæ scilicet, & humidæ copulari. Non tamen hoc corpus priuari atræ bilis abundantia, crediderim: nam calida hepatis temperatura, & habitus corporis, & amplitudo uenarum, hæc facile possunt ostendere. quæ ubicunq; adsuerint, si postea adiungantur curæ, & molestiæ, & animi accidentia, & longæ ægritudines afflictales, & ætas iam decliuis, fieri non potest, quin ibi melancholicus humor redundet, atq; inde deteriores,



teriores, diuturnioresq; fiant uertigines, inde etiam quandoq; tremor cordis. Ergo si curari uoluerit illustrissima D. à tam longa, tamq; pertinaci ægritudine, quæ fundamentum habet, & firmam sedem in membris etiam principalibus essentialiter affectis, & sibi inuicem ad maleficium consentientibus, cum accessione quoq; pessimorum humorum, pituitæ inquam destillantis, & atræ bilis euaporantis. Si ergo curari uoluerit illustrissima D. indigebit proculdubio plurimo tempore, diuturna perseverantia, & pertinaci patientia, obediendo fidelibus medicorū consilijs, neq; ab illis decedendo, donec integram sanitatē fuerit consecuta, alioquin si parum confidat, & desperet, & tardum euentum nunquam futurum putet, medicamentaq; opinetur nihil propterea conferre, quia serò curant, profectò innumerabilem prorsus reddet ægritudinem, & dum sæpe ad uaria medicorum consilia, & uarias opiniones se conferet, in nullo proficiet. Quod ergo primum præcipimus illud est, ut proponat morbum habere longum, & diuturnum, qui etiam longa indigeat curatione. Hoc ita supposito, primò deliberabit, & enixè studebit illustrissima D. ut in ratione uictus moderatissima sit. Caueatq; in primis ab omni aëris excessu: cerebrū enim imbecille præcipue ad aëris omnes iniurias exponitur, & quamuis frigiditas in hoc casu maximè aduersa sit, non tamē propterea calori tutò occurret. nam sicut frigiditas auget, deteriorēq; reddit intemperie; ita calor colliquat humores, calorem resoluit, & uires exhaurit. Studendum igitur est quàm maximè, ut aërem eligat temperatum: ideo ab omni flatuum genere, & à pluuijs, à niue cauebit, & æstatis tempore in feruente sole non ambulabit, neque immorabi-



tur. Germanica etiam uaporaria non adeo placent: qui enim in uaporarijs degit, semper in extremis uersatur, uel nimio scilicet calore, uel nimio frigore. Caput muniat operimentis, quibus ita se ab aëris iniuria defendat, ut non tamen grauetur. Hoc etiam loco laudo, ut semel saltem singulis septimanis caput abluat, scilicet horis uespertinis, post solis occasum, ut possit post capitis lotionem tota subinde nocte se intra cubiculum proprium commodè continere, neq; se aëri exponere, eritq; lotio huiusmodi. Sumatur lixiuium ex sarmentis uitium, quantum sufficit ad unicam capitis lotionem, atq; in eo decoquantur maiorana, lauri baccæ, pulegium, calamentum, ocimum cum seminibus, & agarici electi contusi, & ligati in petia 3 ij. Addaturq; uini pars tertia ad lixiuij mensuram: & tunc omnia decoquantur ad consumptionem quartæ partis, postea fiat expressio, & colatura, & cum hoc lixiuio lauetur caput cum aliquo sapone odorato. Ex hac enim lotionem mirum in modum caput corroborabitur, quæ si conferre uidebitur, laudo, ut bis in septimana repetatur. Præterea mirum in modum placet, si pomum habeat odoratū, quod assidue manibus teneat, & odoret. pomum erit talis descriptionis.

℞. Ladani electi, & pinguis 3 i.

Styracis pinguis

Belzoini ana 3 i.

Garyophyllorum

Cinnamomi

Nucis muscatæ

Seminum nigellæ ana 3 ij.

Olei de garyophyllis odoratis 3 i. s.

Gummi



Gummi tragacanthi

Masticis ana 3 ij.

Dissoluatur gummi in aceto rosaceo, postea omnibus simul compositis secundum artem fiat pomum, additis in fine moschi, ambræ ana gr. x. Seruetur hoc pomum, & odoretur, ut dictum est. Ad idem quoque conferet, si perpetuo in cubiculo, in quo dormit, & uersabitur, fiat suffumigium infrascriptum.

R. Ligni aloës

Belzoini

Styracis ana 3 i.

Sandalorum citrinorum 3 iiij.

Thuris masculi 3 i.

Excipiantur omnia cum gummi tragacanthi dissoluti in aqua rosacea, & fiant troisci parui pro suffumigio. Præterea operimenta capitis sint, quam maxime fieri possint, candidissima, & caueat, ne sordescant humore capitis, perpetuoque præcipue in hyeme, antequam applicentur capiti, calefiant, & apud ignem exiccentur, deinde suffumigentur odoratis aromatibus, & sic capiti imponantur. Circa cibum & potum, primo si uino fuerit assueta, à uino non discedat, sed eligat limpidum, non multum potens, colore albo. Si uero sit assueta ceruistæ, ad uinum non accedat, ceruistam tamen eligat sine lupulis: lupuli enim summopere replent caput. Vnico etiam cibo contenta erit, & multitudinem epularum tanquam pestem euitabit, & mihi credat, nihil magis illi perniciosum fore, quam eduliorum uarietatem. hoc præcipue admoneo & obtestor, et repeto, tum quia ad curationem maxime suam refert, tum quia nouerim nobilem, & prædiuturnum hoc esse uitium

Lupulones  
Inmoda.



uitium peculiare, ut copia, & diuersitate epularum maxime delectentur, sitq; illis honori, & ambitioni relatū, quod in perniciem, & mortem uertitur. ergo cauendum moneo, ac præmoneo à ciborum diuersitate. Vnicus autē cibus sit facilis concoctionis, & optimi nutrimenti. talis erit. Primò panis purissimi tritici, optimè fermentatus, carnes hoedinae, castratorum iuuenum, uitulorum lactentium, pullorum, perdicum, phasianorum, auicularum paruuarū montanarum: à reliquis carnibus abstinendū consulo, oua forbilia recentia congrua sunt, quandoq; rarius tamen pisces saxatiles, ita tamen, ut si pisces comederit, nullum præterea cibum admittat. Abstinebit à fructibus, ab omni acetariorum genere, præcipue ex crudis herbis, à lacticijs, à pastilibus, & ab his quæ in sartagine friguntur. Cauebit etiā satietatē, bis tantum in die comedat, neq; omnino bibat inter cœnam, & prandium. Euitabit animi ac cidentia q̄ maxime poterit. Exercebit corpus horis matutinis, uel ambulando, uel equitando, uel intra domum aliquo familiari exercitio incumbendo. Non dormiat ultra horas octo, maneq; circa exortum solis exurgat, neq; comedet, nisi post horas quinq; cauebitq; omnino à meridiano somno. Studebit quotidie excrementa alui reddere, quæ si forte defuerint, optimè sibi afferetur ab usu aloës, cuius scrupulum sumat hora ante cœnam, quotiescunq; dictabit necessitas. Hæc sufficiant ad uictus rationem, in qua potissimum studium ab Illustrissima sua D. ponendum est, & in hoc potissime curatio huius morbi consistit. Quantum uerò ad medicamenta attinet, laudo, ut bis in anno totum corpus expurgetur, uerè scilicet, & autumnò, poteritq; purgatio esse huiusmodi.

Ex. Spez



℞. Specierum hieræ simplicis 3 ij.

Floris Cassiæ ʒ i.

Cum saccharo fiat bolus sumendus hora una ante prædium. Sequenti die syrupum huiusmodi sumat.

℞. Syrupi de stœchade

De betonica ana ʒ i.

Decoctionis corticum citri, addita portione garyophyllorum in aqua endiuia, ʒ iiij.

Misce pro uno, sic pro alijs usq; ad septimum. Deinde

℞. Confectionis hamech 3 iiij.

Syrupi rosati solutiui ʒ iiij.

Misce, & fiat potio cum aqua betonica sumenda in aurora cum custodia. Item

℞. Sacchari rosati ʒ ij.

Sumat semunciam ante prandium, & coenam per duos dies post assumptum pharmacum. quod quidem tam autumno, quam uere repeti poterit. Laudo tamen, ut uere mittatur sanguis à uena basilica lateris dextræ, uel à saphena pedis dextræ, si forte menstrua defuerint, tempusq; mittendi erit post duos syropos assumptos. Item laudo, ut frequenter, necessario etiam, quotidie mastichen mandat, expuatq; saliuam. quod si quoq; eandem mastichen deglutiuerit, non erit importunum. Quandoq; etiam mastiches loco mandere poterit, ut frustulum nucis muscatæ, uel tantundem radicis Zedoariæ, uel folia dictamni Cretensis non exoluti, si haberi poterit. Præterea hora decubitus, si in aurem utranq; iniecerit oleum odoratū ex garyophyllis, uel oleum nucis muscatæ, quod ex Lusitania defertur, si haberi poterit, non fuerit inutile. His omnibus peractis, si non succedat euentus, quemadmodum cupimus, laudo, ut cauteria



cauteria fiant in utroq; crure in parte extrinseca, per quatuor digitos infra iuncturam, & dimittantur aperta saltem per annum integrum, & diutius quoq; si apparuerit. Quod si etiam tales aquas posset, & stillicidium ab eis sumere, quales sunt, nostræ Apponenses, crederem mirificè esse profuturas, si modò & suo tempore, & post debitas purgationes cito exhibeantur.

Consult. v. De catarrho, & fluore sanguinis cum macie corporis, & dolore pectoris, pro Illustrissima matre Illustrissimi Ducis Florentiæ.

PRIMUM audiuius, quod ista Illustrissima mulier habet sua membra nobiliora ualde inæqualia, quod est maxime attendendum. Habet enim uenter frigidum, & humidum, cum deberet esse calidus, & humidus pro concoctione fienda: hepar est frigidum, & humidum, cum deberet esse calidum, est tamen excessus frigiditatis: habet præterea cerebrum calidum, & humidum: cor uerò calidum, & siccum. Stantibus ergo istis horum membrorum inæqualitatibus, Nobilissima hæc mulier uexatur multis dispositionibus præter naturam, quæ sunt septem. Prima enim est catarrhi destillatio à capite descendens ad inferiora, qui in substantia modò tenuis est, modò crassus: in sapore uerò perpetuo est insipidus. Secundò patitur flatus, & rugitus in ipsis intestinis. Tertiò dicunt hanc pati fluxum hæmorrhoidarum admodum excedentem, qui in principio confertim consuevit fluere in maxima copia, ita quod quandoq; effluxerint 25. libræ, quãdoq; uerò decem, quandoq;



doq; duodecim. Et aiunt hunc fluxum ferè semper præcessisse menstrua. Nunc uerò non ita confertim, & affatim fluit iste sanguis: sed paulatim, & continuè, & sicut tunc menstrua talem fluxum præcedebant; ita etiam nunc præcedunt, & subsequuntur, non tamen tempore menstruorum patitur huiusmodi fluxum. Quarto patitur diminutionem menstruorum, ita ut nunc duæ, aut tres unciae sanguinis effluant. Quintò ipsa est arefacta, & extenuata, & cacexiam habuit, & circa oculos, & fauces, et circa tibias tumores quosdam. Sextò habuit urinas continuò albas, tenues, & crudas, & in magna etiam quantitate licet nunc non sint tam copiosæ. Septimò aiunt habere dolorem pectoris, modò in dextro latere, modò in sinistro, modò in medio quod σέρνον appellant, qui talis est naturæ, in principio incipit calor, & morbus fluxionis sanguinis futuræ, & paulatim paulatim descendit quousque ad pectinem deueniat, & cum ibi est, tunc erumpunt menstrua, & cessat talis dolor. Ista sunt accidentia præter naturam afficientia Nobilissimam hanc mulierem, quæ scripta sunt ab Excellentissimis illis medicis, quæ consideranda sunt à nobis quoniam, ut inquit Galenus, neq; affectus præter naturam, neque symptomata, neque ægri-tudines possunt curari non cognita causa, & essentia ipsius. quoniam ab essentia, & à proprijs causis sumuntur ueræ indicationes curandi. Et ideo seriatim procedendo, primò dicam causam illius destillationis catarrhi, à quo multa incòmoda dependēt: nulla. n. natura inuenitur magis prona ad catarrhos generandos, quàm ea, quam diximus istam nobilissimam mulierem habere, quia cum uenter sit frigidus, & humidus, sequitur quod fiat mala decoctio,

&amp;



Et per consequens multi adsunt humores crudi, à quibus  
 multi uapores ad caput eleuantur. Cerebrum autem cum  
 sit calidum, et humidum, ideo idoneum est, ut habetur lib.  
 II. artis medicinalis, ad suscipiendas tales superfluitates,  
 et non parum uapores, qui à plurimo sanguine, et tenui  
 in hepate calido, et humido generato eleuantur. Vnde non  
 tantum à uentriculo; sed etiam à tota massa sanguinea plu-  
 rimi uapores ascendunt ad caput, qui cum eius cerebrum  
 sit calidum, et humidum facile ab ipso suscipiuntur, et ma-  
 xime si accedat aliqua ex extrinsecis causis, ut si fiat pec-  
 catum circa cibum et potum, circa animi accidentia, cir-  
 ca aërem, in quibus omnibus puto hanc nobilissimam mulie-  
 rem peccasse. Habitat enim Florentiæ, ubi est aër subtilis-  
 simus, qui est causa fluxionum. Præterea non est mirum,  
 si quando talis catarrhus fuit crassus, quandoque uerò te-  
 nuis, quoniã talis fuit secundum uarios, et uarios cibos, et ua-  
 rias concoctiones. Quod autem sit perpetuo insipidus hæc  
 potest esse causa, quoniam hepar, uenter, et cere-  
 brum omnia ista ad hoc conspirant. Et sic uidetur mihi  
 quod istæ sint causæ istius catarrhi, et qualitatis substã-  
 tiæ, et saporis. De secundo modo dicendum est scilicet  
 de flatu et rugitu, et dolore intestinorum. Si enim uen-  
 triculus ipsius natura est frigidus, et humidus, et sæpe fiunt  
 distillationes à capite, et fiat ille circulus debili existente  
 calore, ratione obiecti fiunt uapores, quia cum materia est  
 frigida, et calor innatus est debilis, statim ex eo eleuan-  
 tur uapores, et flatus, ex quibus sequitur dolor. De  
 tertio accidente dicendum est scilicet de fluxu hæmorrhoi-  
 darum, unde proueniat. Certè ad inueniendum causam hu-  
 ius fluxus utar distinctione Galeni v. de causis accidentiũ,  
 uel

Gal s de Sym



uel. n. talis fluxus fit ratione uasorū & meatuū, qui magis dilatātur, uel q̄a dilatātur orificia uasorū pp rarefactionē (prætermitto modò dilatatiōes uasorū, quæ sint ex cōtusio-  
ne: atq; etiā prætermitto fluxus, qui ex erosione sint, quia non faciunt ad rem nostram) uel fit talis fluxus uitio san-  
guinis, uel quia plurimus sit sanguis, uel quia nimis tenuis, uel quia sit acris, ita ut excitet uirtutem expulsiuam, uel nimis feruens, ita ut faciat intumescere uenas, uel fit ratio-  
ne membrorum mandantium. quorum uirtus sit potens in expellendo, uel ratione imbecillitatis uirtutis recipientiū: ex istis enim potest causari talis sanguinis fluxus. Sed di-  
ces à qua causa putas prouenire istum fluxum sanguinis? Dico, quòd fortè ab omnibus. Primò enim quòd cōcurrat dilatatio uenarum, & orificiorum potest coniectura asse-  
qui ex duobus signis: nam dicit fluxum sanguinis incepisse dum igni dorsum exposuit, ex quo non tantum uena caua propter caliditatem potest fuisse aperta; sed etiam aliæ, quia calidi est aperire, ita quòd causa procatarctica fuerit caliditas. Alia coniectura potest consequi à iuuantibus et nocentibus, quia bis cum aquam balnei Villæ, & Aquarij sumpserit, illico cessauit fluxus: aqua enim Aquarij est aluminosa, & astringens. Præterea ex sola lymphatione aquæ balneorum & Villæ, quæ aucta est ex impositione ferri, unde aucta est uis astringendi, fuit liberata. Præ-  
terea existimo illud accidens non solum contigisse ex uasorū apertione; sed etiam propter sanguinis multitudinem, quo-  
niam emanarunt interdum xxv. libræ sanguinis, interdū decem, interdum duodecim. Et præterea talis effluxus hæ-  
morrhoidarum euenit, postquam dimisit phlebotomiā fre-  
quentem. Quia igitur impeditæ fuerint consuetæ excre-  
tiones,



tiones, & ut scitis ex II. de ratione uictus in morbis acutis, consuetudo interdum uertitur in naturam. Quia igitur dimissa fuit phlebotomia consueta, natura tentauit aliam excretionem. Et sic patet quomodo multitudo sanguinis fuerit causa huius defluxus. Etiam acredo, & tenuitas sanguinis fuit in causa, quia sanguis, qui exit tenuis est, et prius à prædominio cholerae, nunc uero aquosus. An uero nunc etiam sit cholericus, necne? dico quod non potest esse cholericus, quia fuit feruor in sanguine, quia tunc dum bis assumpsit stillicidium Sancti Philippi, quod calidum est, ut illum catarrhum sisteret, semper post assumptionem irrigationis in fluxum sanguinis deuenit, ita quod calefacto corpore data fuit occasio prodeundi sanguinis. Et sic ratione latitudinis uenarum, & apertione orificiorum, & ratione uirtutis expulsiuae fortis, & ratione multitudinis sanguinis, & acredinis, & tenuitatis ipsius factus est iste fluxus. Et licet ille medicus, qui scribit ad nos casum, dicat quod corpus sit arefactum, addit tamen, uirtutem non resolui. & ad hoc etiam concurrit imbecillitas contentiuae. Et quia dubitatum est, an iste sanguis fluat à partibus superioribus, scilicet ab hepate, & ad inferiora descendat: nam dicunt, est maxima copia, & uidentur potius declinare in hanc sententiam, quam quod sit fluxus hæmorrhoidarum. Sed non inconuenit quin etiam ex hæmorrhoidibus possit prouenire: imò credo quod ex ipsis ueniat, si posset uideri, quia iam multitudo sanguinis facta fuerat. Et nos uidimus non tantum: 25. libras fluxisse ex hæmorrhoidibus; ed etiam 36. & 40. in paucissimis diebus, & ex naribus in uno die 10. & 20. & 25. libras uidimus effluxisse: in quo tamen sunt debiliores uenae. Ideo dico quod  
non



non concludit, hic est fluxus sanguinis copiosus à sede, ergo non ex hæmorrhoidibus. Non tamen ego assero quòd ex hæmorrhoidibus contingat, quia nullam habeo coniecturam super hæc: sed tamen bonum esset si haberemus præsentem, & possemus uidere, quia si ab hæmorrhoidibus fluere, facile uideretur. Sed si esset ab hepate talis fluxus per concauitatem intestinorum, esset commistus cū fecibus quandoque, quòd tamen non est dictum ab Excellentissimo illo doctore. Siue ergo ab hepate, siue ab hæmorrhoidibus, satis est quòd sit ex apertione uenarum, & ex multitudine sanguinis, & ab acritate tenuitate, & eius feruore. Tertium symptoma est, quia habet menstrua nunc diminuta, quia non excedit duas, uel tres uncias sanguinis. Dico quòd hoc est duabus de causis, uel ratione ætatis, quia agit, ut audio, 42. annū, & fortasse amplius, & plerunque in tali ætate deficiunt menstrua ex toto, uel saltem diminuuntur. præterea habet auersionem, scilicet fluxum hæmorrhoidarum, ideo non angor in hoc. Præterea adest urina alba, tenuis, & cruda, de hoc non habenda est cura, quia frigescit corpus, ex rarefactione habitus, & ex frigidityte coctiones fiunt deteriores, & ideo urina apparet crudior: præterea color qui deberet esse in urina, fortasse auertitur per defluxum sanguinis. Præterea dicunt quòd adest arefactio corporis & imbecillitas, & tumor in facie, oculis, & tibijs: hoc habet cū sit frigidius corpus, & rarefactio, quia factis deterioribus concoctionibus, facta est atrophia, & sic non potest fieri assimilatio, & sic consequitur dispositio ad cacexiam, & ad hydropem, ut 11. de facult. natur. & sic ad anasarcam. Præterea ait dolere ei pectus modò in parte dextra, modò

C in



*Prognosis*

in sinistra, modò in medio, & postea cùm sequitur fluxus, cessat dolor. Talis potest esse causa, quia pars subtilior et tenuior catarrhi prouenit ad aliquas uenas, quæ siue trahatur à uenis, siue ab arterijs, ideo uenæ distenduntur, & sic causatur dolor, quia natura illuc transmittit talia excrementa & non cessat motus naturæ, donec transmiserit ad loca consueta, scilicet ad uterum. Cùm igitur talia sint symptomata, talesq; habeant causas, ex tali notione causarum possunt præuideri quid circa singula sit iudicandum, & qua arte sit singulis occurrendum. Quoniam ergo plurimus sanguis euacuatus est; ideo uidendum quòd corpus sit in frigiditatem, & rarefactum, ex quo sequitur, quòd etiam hepar sit in frigiditatem: & ideo posset sequi hydrops, sicut patet ex VI. Aphoris. uel etiam ex retentione sanguinis posset fieri scirrhus in splene, uel in hepate, & sic sequetur omnino hydrops, quod apparuit ex illis tumoribus. Sed dices, quare nunc non apparent illi tumores? dico quod ratio est, quia non effluit sanguis in ea copia qua prius. Sed si talis sanguinis fluxus non cessauerit, refrigerabitur hepar, & ea frigiditas, quæ nunc est per abundantiam caloris scilicet sanguinis, fiet positiua, licet nunc existimem quòd non sit positiua, & sic omnino sequetur hydrops, quia hydrops est propria passio sequens ad ipsam hepatis frigiditatem. De distillatione autem dico quòd ea non potest penitus fisti, bene potest emendari, si uoluerit uti recto uictus regimine: & sic alia sex symptomata poterunt emendari, si ipsa uoluerit uti recto regimine. quòd autem curetur, non credo. Et si possit omnino fisti talis fluxus, ego non laudarem, quoniam Hippocr. & Galenus VI. Aphoris. XII. dicunt, quòd semper cùm fluunt



fluunt, debet uia aperta relinqui, quia aliter fieret collectio multarum rerum præter naturam: & sic deueniret uel in scirrhum hepatis, uel splenis, & tandem in hydro-  
pem caderet. Pro cura uero omnium istorum symptomatum tradam distinctas curas omnium. Et pro distillatione à capite ad inferiora, primò corroboraremus membra, ex quibus eleuantur uapores, ut hepar, & stomachum, dico stomachum, ne ita esset aptus ad recipiendum. Suppono tamen uniuersales euacuationes fieri cum consuetis, & cum facillimis. Si enim uellet hac æstate purgari, aliud esset, quàm si autumno, quoniam si hac æstate, sumeret leues syru-  
pos, qui plures haberent intentiones, & respicerent omnes affectus: & ideo eligerem syrupum de endi-  
uia, quia habenda est ratio, ne hepar nimis incalascet, et uenter-  
culum corroborare oportet, ut possit melius conco-  
quere. Et hoc non facerem cum uehementer calidis, sed cum moderatè calidis: & ad roborationem corporis, & inferiorum, uterer syrupo de betonica, quia non habet ca-  
liditatem, de qua sit timendum, et habet proprietatem re-  
spiciendi caput, mel rosatum, ieleniabin zuccarinum, & acciperem singulorum ʒ vi. ita ut essent drach. xviii. in singulo syrupo, & cum decoctis siue ex cichorea, siue ex coma absinthij, ex betonica, ex uiolis. Post aliquos sy-  
rupos darem uel mannam, uel cassiam cum infusione rha-  
barbari, uel cum syrupo rosato. Sed nunc non consistamus in agarico stante illa caliditate. Si uero autumno uel-  
let purgari pro digestionem materiae exhiberem oxymel cō-  
positum: pro euacuatione darem agaricum, & eius infu-  
sionem, & darem confectionem hamech, quoniam eua-  
cuat materias crassas, & euacuat à capite propter my-  
robalanos,



robalanos, & habet uim astringendi, & corroborandi. Postea procederem ad corroborationem membrorum per exterius, & interius, & uellem quòd recta uictus ratione uteretur. Pro corroboratione uentriculi, & capitis uellem quòd continuè uteretur zuccharo rosato, & bolo Armeno, antequàm ingrederetur lectum, quia Galenus multos asthmaticos solo bolo Armeno sanauit: præterea corroborat inferiora, & exiccat catarrhum, & confortat, & corroborat omnia membra principalia: ideo dicunt isti quòd resistit uenenis. Et sic ista bolo Armeno uteretur singulis diebus, uel saltem alternis in uestperi, cum uadit dormitum. Et uteretur lotionibus capitis conuenientibus cum lixiuio dulci, cum rosis, balaustijs exiccantibus & infriigidantibus: quia caput calidum est & humidum, ideo cum contrarijs debemus occurrere, cum myrtis, cum corticibus granatorum, & etiam cum agarico decocto in lixiuio, & sapo confectus esset ex agarico, iride, & sapone comuni. De reliquis uerò accidentibus, & de flatu, credo quòd curata distillatione, & roboratis membris omnia cessabunt. tamen pro flatu uterer zuccharo rosato cum cinnamomo, cum garyophyllis, macis, & reliquis huiusmodi. & ista corroborant etiam uentriculum. De fluxu quærerem moderationem tantum, & maxime si non ab hæmorrhoidibus, & omnia quæ diximus conferunt etiam ad corroborandas uirtutes. Vellem ut uteretur myrobalanis chebulis, indis, & citrinis, et præcipue chebulis. Præterea in sex rebus nō naturalibus nollem ipsam aliqua delinquere, & si posset euitare illum aërem tam subtilem, laudarem, ut iret aliquò extra urbem. præterea fugeret animi perturbationes, & accidentia, quantum fuerit possibile, &



le, & uteretur moderato exercitio. Cibus autem neq; nimis tenuis, neq; nimis crassus sit, sed medius, quoniam si esset aquosus ille sanguis effluens & acris, darem cibos crassos. Vellem præterea ut uteretur confectione facta ex pistachijs, & ex seminibus melonum, cum granis pini, licet fortasse melius esset sine huiusmodi granis.

Consult. VI. De iisdem affectibus,  
pro eadem.

QVONIAM inter malos corporis affectus huius Illustrissimæ Domine, quæ quadragenaria est, præcipuus esse uidetur ille sanguis eiectus à sede. Vnde credimus etiã corpus exaruisse, & se ipso imbecillius redditum iam pridem, quòd tum crura, tum facies intumuisse uideantur, & à destillatione, ut patet, non parum foueri, & cum non sit nobis explicatum, utrum à uenis, quas hæmorrhoidas uocant, an ab intestinis deferatur, determinare nolumus id quod coniecturis tantum assequi possumus. Et quanuis à uenis hæmorrhoidalibus pleriq; nostrum potius offendi arbitrabantur, tutiorem tamen partem eligimus. itaq; ita remedia moderaturi sumus, ut undecumq; fluxerit, communis utilitas consequatur. Primò ergo ex malo corporis habitu necessarium est excrementa multa in uentriculo, & uenis, & extra uenas quoq; aggregari: postea natura stimulata ad expulsionem non desinit à cõtina sanguinis excretionem, cum quo & laudabilis excernitur. Propterea consulimus, ut is à medicis præsentibus proximè sistatur, & corpus exquisitè purgetur, ita tamen ut habeatur ratio temporis, & uirtutis, nec ad ualida medicamenta accedatur.



tur. Igitur molliri prius uentrem uolebamus, uel clysteri, uel electuario de sebesten sine scammonio, uel lenitiuo simplici, uel tali quopiam, prout in uarijs regionibus uarij usus seruari solent. Deinde syrupum quoq; exhiberi, qualis est de cichorea Nicoli, uel rosaceus, uel de betonica, hoc modo.

℞. Syrupi de cichorea Nicoli	℥ i. s.
De betonica	℥ i.
Decoctionis betonicæ	
Cichoreæ	℥ iij.

Misce, fiat syrupus sumendus nouem, aut decē diebus. Deinde sumeretur medicamentum, quod haberet rhabarbari optimi drach. duas, spicæ grana sex. madesiāt in aqua agrimonie: addatur diacatholiconis drachma, syrupi rosacei solutiui unc. duæ: misce, & fiat potio. Qua purgatione perfecta, si satis corpus purgatum fuerit, bene erit, sin minus, tunc iteretur. Purgato autem corpore, tunc uolumus primò, ut singulis diebus ante prandium & cœnam utatur saccharo rosaceo, ita præparato.

℞. Sacchari rosacei unius anni	℥ iiij.
Garyophyllorum	℥ s.
Cinnamomi	℥ i.

Misce. Post cibum uerò per horam sumat myrobalanos chebulos optimè præparatos, ex his scilicet, quæ ex Alexandria deferuntur, & Ienuæ potissimum inueniuntur, & in hoc præsidio summè confidimus. Præterea cōsulimus, ut singulis septimanis dormitura assumat boli Armeni quantum est granum ciceris, ita quòd ter, uel quater singulis mensibus sumat, & rhabarbari optimi scrupulum in puluerem redactum, quæ admisceantur uel cum drachma



drachma sacchari rosacei, uel cum passulis, & saccharo. Postea stomachus quidem illinatur assidue istiusmodi unguento.

Rx. Olei de floribus aranciorum, quod habetur in officinis eorum, qui conficiunt aromata ʒ i.

Mannæ belzoini quæ ibidem reperitur ʒ i. s.

Garyophyllorum

Macis ana ʒ s.

Ladani optimi ʒ ij.

Misce, & fiat linimentum pro stomacho: erit enim stomacho utilissimum, & odoratum, & præcipue dignum, si recte conficiatur. Ad hepar uero aliud unguentum non minus nobile parabitur ita confectum.

Rx. Olei de rosis paruis confecti, quod apud unguentarios uulgo appellatur oleum de rosettis, ʒ i. s.

Olei de spica, quod apud eosdem unguentarios inuenitur, ʒ i.

Masticis

Rhabarbari electi ana ʒ i.

Specierum triasandalorum ʒ i.

Misce, cum modico ceræ albæ fiat linimentum pro hepate. Præterea uolumus, ut singulis septimanis caput abluat hoc modo. Conficiatur lixiuium ex cinere salicis, aut uitis, in quo decoquantur rosæ, myrti, & ladani durioris frustulum, & agarici drach. duæ, quo lixiuio lauitur caput, & sapone infra scribendo utatur.

Rx. Saponis optimi ʒ iiij.

Agarici ʒ ij.

Iridis

Garyophyllorum, ana ʒ ij.

C 4 Camphoræ



## Camphoræ

D i.

Misce, & fiat sapo secundum artem. Laudamus præterea, ut mastichen assidue teneat in ore, mandat, expuat, coneturq; , ut per nares pituita excernatur, fiantq; à medicis caputpurgia, prout illis magis opportunum uidebitur. His igitur ita diligenter peractis non minor pars reliqua est, & maxima: sine hac enim frustra reliqua adhibebuntur. Est autem ratio uiuendi, quam exquisitissime seruare debebit, si se ab extrinsecis periculis præseruari uoluerit. Ergo primum eliget aërem temperatum, cauendo à nebuloso, & crasso, & à tenui, & frigido, qualis est Florentinus, præsertim accedente hyeme, & uitabit etiã uentos, solis ardorem, & pluuias, & demum omnem aëris excessum. Et curabit, ut quotidie naturalia excrementa excernantur per aluum, per urinam, per palatum, per nares. Iubebitq; sibi fieri matutinas frictiones in brachijs, & partibus superioribus, quæ sunt supra diaphragma, sintq; frictiones leues, & longæ. Deinde cum è lecto surrexerit, se exerceat deambulando, donec anhelitus immutetur. Cibus eligat, qui optimum sanguinem generet, & facile concoquatur, qualis est caro perdicum, pullorum, phasianorum, hædi, animalisq; castrati: & si ob nimiam inanitionem sanguinis debilem se senserit, quandoq; sumat ouorum recentium uitella, & cum uino albo aromatico aquæ permixto lentè decoquantur ad lactis cōsistentiam, & hoc ferculo ante cibum utatur: esset enim optimi nutrimenti, & ualentissimum. utatur præterea ouis sorbilibus. Ab oleribus, leguminibus, & ijs cibarijs quæ uulgò lactinia, & pastilia dicuntur, à piscibus etiam abstinendum est. Post cibum etiam utatur confectiōe ex pistachijs, seminibus



minibus melonum, & saccharo. Vitet ciborum diuersitatem, neq; ad mensam accedat, nisi præteritum cibum recte concoctum senserit. Vinum eligat pauciferum, maturum, substantia, & colore moderatum, quod etiam parce bibendum est: ac potissime obseruabit, ne inter coenam, & prandium bibat, longè tamen deterius est, si post coenam dormitura potauerit. Inter medicamenta unicum superest præstantissimum, quod superius suo loco omissum fuerat, quod ita habet.

Rx. Succi foliorum myrti

Succi agrimonie ana ꝑ iij.

Succi absinthij

Succi hypocistidos ana ꝑ iij.

Hoc succo post purgationem inungantur renes, uenter, stomachus, & utraq; hypochondria, & quod est in partibus inferioribus circa lumbos: est enim membris mandantibus efficacissimum, & uasis recipientibus corroboratiuum. Hæc si fuerint peracta, speramus Illustrissimam Dominam à multis imminetibus periculis præseruatam iri, Deo fauente.

Consult. VII. De catarrho, dolore capitis cum vertigine, dolore podagrico, & œdematice tumore cruris, pro Duce Melpheni.

INTELLECTIS his omnibus, quæ à clarissimo Doctore diligentissime explicata sunt circa dispositiones præter naturam illustrissimi, & excellentissimi Principis, & proregis in Italia Regiæ maiestatis, uidetur hæc esse summa.



summa. Patitur primo destillationem catarrhi ad partes subiectas, quæ interdum difficultatem anhelitus inducit, assidua tussicula infestatur, nonnunquam etiam podagrico dolore afficitur, ac præterea œdemate, & tumore crurū laborat, dolore etiam capitis, & uertigine non parū uexatur. Quæ cum inter nos diligenter perpensa, considerataq; fuerint, coniecimus probabilibus rationibus ducti fontem, primamq; originem horum omnium symptomatum esse imbecillitatem membrorum naturalium ex frigidityte contractam, quæ quidem frigiditytas excessit, tum longo ætatis prouectu, tum etiam mala uictus ratione in omnibus sex rebus non naturalibus. Hoc ita esse satis indicare potest tumor ille pedum œdematicus, & sanguis aquosus, qui ex fluxu hæmorrhoidis conspici solet. Ea igitur ita existente intemperie frigida tum uentriculi, tum hepatis, par est omnia cōsequi symptomata enumerata: præcipue cum his accedat quoque, ut audio, capitis intemperies frigida. plurimi enim uapores crudi tum à uentriculo, tum à toto corporis ambitu ad cerebrum ascendunt. Itaque non mirum est, si inde destillatio continua generetur, cum ea materia uaporum sit perpetua. Sequitur etiam, ut raptu materiæ, & catarrhi descendens secundum locorum diuersitatem uaria sequantur symptomata, tussis inquam, anhelitus difficultas, dolores articulares, capitis etiam grauitas, dolor, & uertigines. Quæ cum ita se habeant, habita ætatis ratione iudicamus illustrissimum Principem multa præseruatione indigere, moresq; ideo illi permutandos esse, ut proculdubio longè facilius sit præseruare, quàm curare. Quæ quidem præseruatio nullo modo à medico fieri potest, nisi illustrissimus Princeps eodem prorsus studio teneatur.



teneatur. Primò igitur tota uictus ratio immutanda est, aërisq; excessus omnes summopere uitandi, frigidi tamen præcipue, & humidi. Cauebit flatus omnes tam Austri, quàm etiam Boreæ. Fugiat, quantum fieri potest omnes animi molestias, atq; à cœna, & prandio uacabit animo, et corpore, nihil uel intense scribendo, aut cogitando, aut distando, ut Principes solent, sed molliter deambulabit. Neq; dormiet interdum, nisi in tota ætate fuerit consuetus, uel plus æquo noctu uigilauerit. si ergo dormiendum fuerit, somnus erit perquàm breuis, & si fieri potest, non decumbat. Procurabit singulis diebus, ut uenter obediat, & si natura defuerit, supplendum est: propterea quàm maxime probauerim frequentem usum terebinthinæ Cypriæ: nam præterquàm quòd uentrem leniet, conferet etiam catarrho, & pectori, neruos cerebrumq; corroborabit, urinam prouocabit, quod senibus præcipue, maxime est expetendum. Si etiam caricis, aut ficubus aridis ex pinguioribus frequenter utetur, ferè ad eosdem usus conferet. Sumere etiam interdum oxymel scilliticum, uel acetum eiusdem scillæ, si uenter tollerabit, summopere proderit, non tantum ad molliendum aluum; sed etiam ad humores crassos uiscidosq; incidendos, ad tussim, & podagram. Consularem quoq; ut aliquo illorum, uel omnibus interpolatim, & alternatim uteretur, etiam absque leniendi alui necessitate. Quantum uerò ad cibum, & potum attinet, primò illi omnis mensa principum lauta, & deliciosa omnino interdicenda est: unico enim cibo, & simplici contentum esse oportet, qui sit facilis concoctionis, & optimi nutrimenti. Neq; in eligenda materia multum immorabor, cum uulgatissima sit, habeatq; assistentem medicum prudentem

*terebinth.  
cypria font*



prudentissimum, & doctissimum. Potus sit uini minimè dulcis, sed maturi, clari, limpidi, & unius saltem anni, non multum potentis, mediij coloris, quod etiam parcè bibat: abstinebitq; omnino à potu à prandio, & cœna. Hac uictus ratione sibi proposita utatur, quæ nullo modo uariâ da est, sed habitus in ea faciendus. habet enim in præseruatione ferè totum pondus. Laudo postea, ut nonnullis etiam medicamentis utatur, quæ possunt uentriculũ, & hepar corroborare, & ab illis intemperiem frigidam remouere. Laudo igitur, ut utatur ante cibum diatrion pipercon, quod in rotulis ex saccharo conficiatur, uel diacalamento eodẽ modo confecto. Nonnunquam etiam summopere cõferet usus Mithridatici antiqui, quod ego theriacæ prætulerim Illustrissimo principi. Vbi præterea compertũ erit medico prudentissimo corpus idoneè euacuatum esse, neq; redundare excrementis, laudarem tunc temporis frictiones quoque omnium membrorum, & balnea aquæ dulcis, in quibus tamen decoquerẽtur rosæ, & chamæmelum, & aliquid etiam absinthij, ut simul & calor innatus augeretur, concoctiones, diffusionesq; fierent meliores, ac præterea tonus singulis membris adderetur. Quæ intentiones etiam augebuntur, si post frictiones, & balnea totum corpus inungatur ex oleo garyophyllorum odorato, uel ex resina, aut gummi nucis muscatæ, quod iam deferri incepit à Lusitanis. est enim præstantissimum remedium, quod multa experientia comprobauimus ad omnes artus corroborandos, contra podagram, & morbos articulares. Cõsulerem præterea, ut singulis annis Illustrissimus princeps bis purgaretur, uere inquam, & autumnò: esset autem purgatio mitis, conueniens ætati, & nobilitati. Neq; ego tran=



transcenderem in purgatione usum cassiæ, & rhabarbari augendo, & minuendo dosim, prout purgatio bene succederet, & uirtus toleraret: nulla enim purgatio est tam exquisita, quæ perfici non possit his benedictis medicamentis, si modò dosim pro uiribus metiamur: nullus præterea humor est in humano corpore redundans, qui his duobus medicamentis educi non possit, siue ille sit crassus, & uiscidus, siue terreus adustus, siue subtilis, et biliosus, ut quotidiana experientia deprehendimus, & ut testatur quidem apud Græcos Actuarius, apud Arabas uerò Mesue. Non ergo hæc medicamenta excedenda putauerim. Quantum uerò profuturæ sint annuæ huiusmodi purgationes repetitæ in affectibus Illustrissimi Principis testatur Gal. tum in lib. Quos, quomodo, & quando &c. tum in methodo de missione sanguinis. Vt tamen melius præseruari possit princeps Illustrissimus, non displiceret, ubi prius aliquanto tempore omnia, quæ diximus, rectè peracta fuerint, accederet etiam ad utriusque cruris cauteria: plurimum enim possunt in auertendis uaporibus, & humoribus, qui raptum habent ad caput. Consulo etiam, ut familiarem habeat usum, ut manè mastichen mandat, ut inde caput purgetur, uel garyophyllum, uel portiunculam nucis muscatæ, uel folia dictamni Cretenensis, quæ non sint arida. Ista enim plurimum poterunt ad expurgandum caput. neque ascenderem ad ualidiores apophlegmatismos, sed his tantum essem contentus. Quantum uerò attinet ad errhina, quæ uulgò caputpurgia appellantur, dimitterem huiusmodi auxilia in principe Illustrissimo, tanquam quæ nimis excutiant, agitent, & commoueant. Hæc omnia si diligenter, & suo quoque tempore rectè peracta fuerint, spero



spero Illustrissimum principem præservedum, tum ab his symptomatibus, quibus nunc afficitur, tum etiam à deterioribus, quæ in neglecta curatione contingere possent, ad laudem Dei omnipotentis.

Consult. VIII. De inflammatione capitis, cum dolore dorsi, & suppressione menstruum, pro nobili matrona Veneta de gente Cornelia.

NON tantum uidetur casus iste difficilis propter rationem dictam à clarissimo Doctore, quoniam prolongata fuerit ægrotudo, sunt etiam aliæ rationes quàm plurimæ, quare sit difficilis cognitu & curatu. quia si naturam ægrotudinis considero & symptomatum, & in causas uolo reducere, non est facilis prouincia. Ideo etsi longiori tempore essent considerata, nihilominus quantum potui colligere ex hac improuisa uisitatione tam circa essentiam, quàm circa curationem, quid mihi uidebitur, dicam. Primo notanda sunt symptomata quibus affligitur, & proximè afflicta fuit, quoniam non parum facient ad cognoscenda præsentia. Conqueritur primò de inflammatione, & grauedine capitis perseuerante sine dolore cum caliditate insigni, ut referat illa magnum nocumentum in illa caliditate percipere. Et ita dispositam esse, ut à quacunque causa lædente incurrat in talem inflammationem cum pruritu oculorum & ardore, cum asperitate cutis. Et dicit etiã impetiginē quandā pati. Dixit præterea cōsueuisse excernere pituitam ex naribus, & nunc suppressam esse talem excretionem. Præterea conqueritur de dolore dorsi maxime



ximè circa infimam partem spinæ, refertq; circa renes non dolere, sed circa finem dorsi. Præterea dicit affligi aliquando doloribus uentris inferioris. Habet præterea mēstrua suppressa maxima ex parte, atque ea licet sint in quantitate diminuta, sunt etiam qualitate corrupta; imò aquosa, pallida, permixta excrementis albis, quibus solet etiā sana existens affligi. Ista ferè uidentur quæ potui percipere. Vnum etiam notandum est, quod semper à quocūque medicamento, dum melius se haberet, ita affecta est, ut in febriculam incurreret, & in capitis inflammationem. Hæc sunt tot symptomata, ut non sit facile causas assignare. De febricula illa quid dicam? cuius sit generis, & naturæ non uideo quæ possimus pronuntiare. Dicam ego unum, considero ego naturā & habitum huius corporis. Corpora enim maximam dant occasionem ad ægritudines certas suscipiēdas, ut unum facilius labatur in unam, aliud in aliam, ita quòd corpus aliquod facilius labatur in unam quàm in aliam ægritudinem. Ideo ex operationibus animalibus, & ex habitu totius uideo ita optimi ingenij & discursus esse, ut animales operationes ita uegetes sint, ut dicam spiritus tenuissimos hanc nobilissimam iuuenem habere, & calorem tenuissimum. quia operationes tam uegetes non possunt aliunde prouenire, nisi quia tenuissimos spiritus, & tenuissimum sanguinem habet. Quòd autem talem sanguinem habeat, & calorem, accipiendo pro qualitate simplici, hinc patet, quòd adest caliditas moderata non adiuncta siccitati, nec humiditati obtundenti: sed moderata, ita quòd caliditas illa moderata non habet dominium nec in siccitate, nec in humiditate: quæ siccitas iuncta caliditati faciat mordacem, & sanguis fieret crassus. Credi

derim



derim igitur quoad temperaturam, & quoad qualitates primas, quod habeat caliditatem moderatam sine dominio passuarum. Quoad habitum corporis credo, quod sit rara textura, ut ex mollitie carnis apparet, quæ consequitur prima principia, quia molles carne apti sunt mente. Et hac de causa pueri molles sunt, quia sunt raræ texture, tenuium spirituum, facile alterabilem, & sanguinis tenuis. Talia ab omni causa extrinseca, & ab intrinseca laeduntur. Præterea habet hoc corpus, ut apparet ex auditis, hepar excedens à temperatura aliorum membrorum etiam pro merito complexionis totius: ideo dicendum est calidum. & ideo facillime inflammatur propter calorem non requisitum certæ temperaturæ. De uentriculo an sit temperaturæ frigida cum abundet pituita multa, & à capite etiam, an quia ratione frigiditatis cerebri excrementa non possunt dissolui per halitum, uel confici, uel ratione alimenti proprii, uel ratione uaporum ascendentium, difficile est iudicare. Tamen credo quod temperatura cerebri optima sit, quia operationes optimas, & sanas efficit. Et ideo cum operationes eius sint ualidissimæ, temperatura etiam ualidissima est: & propterea si laborauit coryza à naribus, fuit ratione membrorum inferiorum mandantium. Et quia pituita in uentriculo generata est, siue modo per otium, siue propter uictum delicatum, & fructus, & propter cibaria diuersa, & ratione obiecti prauis, & intempestiue sumpti, ratione frigiditatis fuit, quæ non impedit appetitum: imò aliquid facit ad appetitum. Et cum hepar calidum sit, non impeditur coctio. Bene ergo merito suæ temperaturæ potest id contigisse, quæ ad frigidum declinet, & operationes non sint læsæ: præparauerit



rauerit tamen ad ægri tudines frigidas, & ad præparandū pituitam apta sit, & ab extrinsecis omnibus læditur, hoc fortè non est ab re: quia Nobilissima mulier hæc non est multæ carnis, & hepar calidum habet: & ferè semper cum caliditate hepatis est frigiditas uentriculi, quia omentum, cuius munus est detrudere calorem innatum uentriculi interius, propter caliditatem hepatis absimitur pinguedo, & uenter fit frigidus. præterea habet musculos abdominis graciles, quia, ut relatū est, percipitur motus arteriæ è directo spinæ: exiles ergo erunt musculi uētris: sed ubi est gracilitas illa, uentriculi frigiditas est. Si ergo spiritus tenues habet cum raritate texturæ, cum caliditate hepatis, frigiditate uentriculi, uidemus corpus præparatum ad ista nocumenta, quibus affligitur. Ex ijs soluitur prima dubitatio, cur facile in febriculam incurrat, & inflammationem capitis ex pharmaco, hoc est, quia proprium est pharmaci attrahere à circumferentia ad centrū, in qua attractione agitatio fit: & cum humores agitantur, spiritus tenues facile eleuantur, & humores facile putrescunt. Ideo post euacuationes perpetuò inflammatur. Et licet non fuerit inflammata ab illo pharmaco exhibito à Papiensi, hoc potuit esse, quia inuenit humores præparatos ualde, & uias apertas: ideo facillimè quos mouit, eduxit, & nulla fuit facta agitatio. Sed ubi humorum attractio facta non fuerit, eorum omnium, qui moti sunt & agitati, ut ex pharmaci debilitate, uel quia uiae non sint apertæ, & humores non sint præparati, uiolenta fit tunc attractio: ideo in talibus corporibus fit accēssio talis. Patet etiam cur facile inciderit in menstrua alba & retentionem ipsorum. Talia corpora, quæ habent calidum he-

D par



par & frigidum uentericulum, obstructionibus maxime parata sunt, quia hepar ualide attrahit humores frigidos, & pituitosos, quos aggregat uenterculus frigidus. Facile autem pituita obstruit, & sanguis intercipitur, & natura saepe pituitam liquidiores expellit, & ita apparent alba: & diuersa pro diuersitate temperaturæ, ut lædatur ab omni nocumento extrinseco, quia tenuium spirituum est. Ideo quando nubilus erat, sana degebat: postquam autem coniuncta fuit uiro iuueni ac forti, non amplius sana est, hoc accidit mulieribus istis imbecillibus facile alterabilibus ad quemcunq; terminum, & maxime cum uir fortis est, quia spiritus ualde resolubiles resoluti fuerunt per commercium uiri. Ideo habuit corpus præparatum ualde ad has ægrotudines. Et ita ex occasione huius temperaturæ omnia contingunt symptomata passa, & quæ patitur habent easdem causas. Inflammationem capitis habet sine dolore, quia raritatem texturæ habet, & uapores tenues: ideo mala temperatura non potest fieri, quia euaporant, & quia non extenduntur, non fit solutio cōtinui: ideo nec dolor, quia ab his duabus causis fit dolor. Grauitatem percipit, quia humores aliqui frigidiores permanent, quia nō exhalant omnes. Percipit mordacitatem & pruritus oculorum, propter exhalationem multorum uaporum tenuium. De dolore dorsi causa facilis est, quia sanguis pituitosus, cum descendit ad renes per uenas delatas aut concavam ad matricem, in delatione illa cum transit per angusta loca, uentosatur, uentosatur autem per admixtionē pituitæ, & facit dolorem in sine dorsi. Etiam circa uterum causatur dolor, quia cum uentosatur materia illa circa membrum sensibile admodum, facit dolorem in uentre inferiori.



inferiori. Sed remanet difficultas una, quam consulto ha-  
tenus omisi: habet enim febriculam, ut patet ex pulsu,  
qui nec secundum magnitudinem, nec frequentiam, aut se-  
cundum pondus seruat propriam naturam. Ideo posset  
queri, quomodo febris hæc perseverans à cholera utelli-  
na putrescente, ut suppositum fuit, tandiu perseveravit,  
ut iam mensis sit cum dimidio, & secuta non sint plura ac-  
cidentia: quia cum febris sit perseverans in corpore, mul-  
ta sequuntur accidentia. Et Auic. in capite de febre phleg-  
matica dicebat, quod cum phlegmatica febris pertransit  
xiiii. diem, membra naturalia debilitantur: ideo ex-  
hibet ipse transacta xiiii. die trochiscos, quia uirtus  
concoctrix, & appetitrix debilitatur, fiunt obstructio-  
nes, & hypochondriorum tensiones: intumescunt sæpe  
pedes. Ista autem Magnifica Domina appetit, concoquit,  
bene dormit, & tamen continuè febrit: & supposuimus  
omnino ex humoribus putrescentibus intra uenas proue-  
nire. Præterea si tangatur pulsus, uidebitis uelocitatem,  
& frequentiam maiorem esse, quàm inæqualitatem: præ-  
terea non uideo pulsum remotum à tensione, & à durtie.  
Quantum uerò attinet ad illam perceptionem caliditatis,  
ubi manu diutius impresseritis, quoniam ego non tetigi eã,  
nescio quid dicam circa illud. Illud tamen uerendum est,  
quod post cibum inflammetur, cum sit signum proximum  
& pathognomonicum, ut Galenus & Auic. dicunt, fe-  
bris hecticæ, quia omnes spiritus incallescunt. Est ergo mi-  
rum cur incalescat post cibum, & ibi non sit febris habitu  
dinalis. Diceret aliquis, etiam ante cibum incalescit. Non  
est mirum, quia potest esse febris interpollata habens pe-  
riodos, quanuis fixam habeat febrem. Si diceretis non est

D 2 marasmata,



marasinata, si autem haberet fixam febrē, magis extenuata esset. Dico quod non est ita malus diabolus: imò facilius curatur ista prima species, quàm illa, quæ ex putredine humoris cholerici à cholera uitellina fit. nulla est ita difficillis, imò Galenus libro VII. meth. med. & sæpe ubique curat hecticam post febres ephemeræ, ita facillimè curat eam, dum est in primo gradu, non dico cum pertransiuit ad marasimum. Ideo suspicor, quod sit febris hæc habitudinalis: & non sum ita tutus, quin sit aliqua febris in habitu. Itaq; non solum indiget corpus hoc euacuatione, cum sit in hoc corpore inæqualitas membrorum, & maximè ex suppressione mēstruorum. Et credo quod à principio putredinalem febrem habuerit, & cum medicinis fuerit leuata: sed remansit febris aliqua in habitu, facileq; potuit inflammari tale corpus, cum sit spirituum tenuium, texture raræ. Imò uult ibi Galenus, quod ubi perseverarit ephemera per tres dies, & non pereat typus, dicas ipsam transiuisse ad hecticam: ideo leuiori coniectura utitur Galenus quàm nos utamur. Ideo non solum euacuatione; sed alteratione etiam indigebitis. Et propterea dico quod in habitu totius corporis est febricula hæc fixa, non tamen mala, quin possit curari, & facilius, quàm si esset putredinalis. Et credo quod habuit putredinalem febrem, quæ sublata fuit ex euacuationibus: permansit tamen feruor aliquis. Talem ergo crediderim esse naturam febris, & complexionis. Ex his patet consequenter quid futurum sperem, si uerum est corpus hoc ita facile alterari ad quemcunq; terminum, licet ponam secundum habitum caliditatem esse, cum illa sit in primis humiditatibus, & leuis, facile remouibilis est. neq; absolutè intelligendum est dictum



dictum Auic. quòd difficillimè cognoscatur cùm sola est. Bene difficilis cognitionis est; cùm alteri febri putredinali coniuncta est, & tunc difficillimè cognoscitur, facillimè tamen curatur: imò credo quòd facilius curetur, quàm tertiana. Credo etiam cùm adsint obstructiones in corpore, & inde humores facile putrescibiles putrescunt, & fit typus. Minera autem putredinis ubi sit, quia dicit Galenus 11. de diff. feb. febres quæ habent periodos, non habent ita humores paratos, ut natura faciat putrescere hodie unam partem, cras aliam: sed membrum superfluitates aggregat, ad membrum debile expellit eas, & illa dicitur minera. Et exemplificat de inflammatione oculorum: & inquit, quòd oculus affligitur periodicè, cùm aggregatur in capite materia, & ad oculos transmittitur. Vnde etiam contingit quòd in febre hepar, uel aliquod aliud membrum aggregat superfluitates, & secundum periodos expellit eas, & ita fit periodus. Ita etiam credo quòd in utero aggregatur superfluitas, & partim per foramen expellitur: & superfluitates etiam in superioribus partibus sunt, uel etiam in uenis supra hepar, & ab intra ad extra expelluntur & putrescunt in uenis etiam, & ideo periodicat: & quia humores illi expurgantur, cessat periodus. Istud est quantum ad ægritudinē attinet, & quoad hoc credo quòd facile curabitur, nec debemus deterreri, licet dixerim hecticam febriculam esse. Cum quibus autē ingenijs & instrumentis? Cùm hic sint obstructiones & suppressio mēstruorum, ijs prouidendum est: postea si factis istis fuerit aliqua supercalefactio in corpore, alterabitur. Primò ergo aperiendæ sunt obstructiones uteri, & omnes tandem: secundò alterandum est membrum. Aperiuntur autē ob-



structiones euacuando humores, qui obstruunt, incidendo, subtiliando, & abstergendo: utrunque enim necessarium est. De phlebotomia non dixerim aliter fiendam esse, quia maturè facta est, & tunc fieri debet, cum principium est ægritudinis. Quid autem nunc facere debeamus consulendum est. Ego sum concors cum suis Medicis, quòd materia concoqui debeat cum aperientibus, & incidentibus, ac abstergentibus, & euacuari taliter ut simus memores huius temperaturæ, & texturæ, ut nunquam rhabarbarum transeamus. Agaricum autem fugeres tu: minime, quia dixit Mesue familiarissimum esse naturæ: & Dioscorides dixit, quòd corroborat uenterculum & cor, & dat eandem dosim de agarico, sicut de rhapontico: ita rhabarbarum appellatur ab ipso. Est autem infamis quadatenus propter suam leuitatem, quia supernatat: possumus autem corrigere ipsum addendo aliquid quod aggrauet, sicut sal gemma & duo corrigit unum, quòd est tardæ solutionis: secundo facit ipsum grauitatem habere, ut descendat commodius ad fundum uentriculi. Melius autem corrigitur quam cum sale, si rhabarbarum, & aloë, quæ grauitatem habet, miscebinus: societas hæc fidelior est, quam fuerit triumuiratus Lepidi, Marci Antonij, & Octauiani. Ideo placet mihi compositio ex aloë, agarico, & rhabarbaro: & crederem, quod aperirèt obstructiones, & corroborarèt membra. Sed diceret aliquis in rhabarbaro adest stipticitas, & in aloë. quomodo igitur aperientur obstructiones? Credo uos uidisse Galenum in III. & V. de simpl. med. ubi ait, cum uolumus bene aperire cum re aperiente, debet aliquid esse quod adstringat. Ideo absinthium optime aperit, & stipticitas eius adiuuat ad penetrandum, & est



Et est tanquam manus aliqua impellens. Et exemplificat de oleo rosaceo, quod magis humectat corium, quam oleum simplex, quia stipticitas olei rosacei adiuuat penetrationem, quod non faceret oleum simplex: Et ita non debemus deterreri substantiam rhabarbari. Iuuabit igitur quia transit per uenas, quæ non sunt strictæ; sed amplæ. bene exterius non abstergeret absinthium, quia poros cutis, qui sunt stricti non transiret: hoc autem facit farina fabarum, nitrum, succus limonum: interius autem non timerem exhibere hæc tria. Syrupum etiam laudo de cichorea cum rhabarbaro sine alia additione rhabarbari, quia in singula uncia syrupi ingreditur scrupulus unus rhabarbari. Ideo satisfaciet ista portio, quæ ingreditur ipsius compositionem. Syrupus etiam acetosus compositus optimus est, Et si timeremus nimiam eius incisionem, quoniam humores facile incisibiles sunt, essem contentus acetoso simplici, melle rosaceo, syrupo de betonica cum aquis distillatis, uel cum decoctionibus, quia ex eo simplici parua aqua elici potest, uel cum aqua cuscute, endiuie, borraginis, ut fieret præparatio, Et incisio. nec statim euacuarem, sed paulatinè digererem, Et paulatinè euacuarem: Et facta una iterum redirem ad aliam. Postea si euacuatis humoribus remaneat caliditas in membris, quia timeo quod sit impressa caliditas, quoniam alterabilis admodum est, tum procederem non cum exterius refrigerantibus, sed cum interius, cum zuccharo rosato simplici Et nouo: deinde linirem corpus totum cum oleo rosaceo, factis prius frictionibus: leuiter enim refrigeraret, Et penetraret, et si esset exiccatum humectaret. Sed ante omnia prouiderem, ut habeant exitum menstrua, Et à leuioribus inchoarem, Et circa uterum in-



ciperem, factis prius euacuationibus, cum decocto camomillæ, liliorum alborum, cum modico anethi, propter penetrationem maiorem, & pessarium facerem ex oleo maioranæ, uel alio odoramento in coto, uel bombice, cum menstrua instant. Factis euacuationibus procederem cum frictionibus circa coxas, & applicatione uentosarum intra coxas, siccas applicando. Vtrū modò balnea conueniāt, cum fuerint omnia facta? Credo quòd non erunt necessaria, ideo Excellentissimus doctor proposuit sub dubio: quia timerem supercalefactionem. Et hac uia procederemus.

Consult. ix. De epilepsia per consensum,  
pro puero Germano.

CUM actio medici circa epilepsiam sit genere triplex: uel enim excitamus hominem, quando actu cadit in epilepsiam, & hæc propriè cura symptomatis, non morbi appellatur: uel præseruatur, ne cadat, aut saltem rarius, uel leuius: tertia est causarum remotio, id est, ægritudinis, à qua immediatè epilepticus casus contingit, Nos tertiam sequemur arbitantes hanc esse potissimam, quæ si remoueatur, alia quoque duo facile propellentur. Et cum in hoc nobilissimo puero causa proxima symptomatis sit materia frigida à subiectis partibus, præcipuè à brachio, tanquam aura repentè ad caput ascendēs, spiritusq; & uirtutem animalem maxima ex parte intercipientes: ideo curationem ueram duco prohibere, ne talis materia generetur, auertere ad partes oppositas, quæ iam fuerit generata, caput corroborare, ne tam facile recipiat.

Quantum



Quantum ad auersionem attinet, ab hac enim primum incipio, iam pridem idonee (ut arbitror) à me prouisum fuit, brachio, unde potissime ascendebat materia, synapismos, & cauteria applicando, à quibus non prius desistendum putavi, quam integram (si Deo placuerit) adeptus fuerit sanitatem. Altera pars auersionis erat, ut per oppositas partes euacuaremus quicquid continue excrementosum generaretur, quod neq; à me prætermisum fuit. † Institui enim ut iugiter uteretur alui subductione cum pilulis ex mea quadam descriptione, quam apud se seruat, in quam ingreditur agaricum. Consului præter hoc, ut leuioribus quandoque uteretur, ut aloë simplici, ante cenam, uel hiera Galeni de sex rebus, uel aceto scillitico mane tribus horis ante prandium, aut melle itidem scillitico. His omnia adhuc utendum consulo, hoc, uel illo, prout felicius succedet. Et hæc quantum ad auersionem attinet. Ut uero prohibeatur materia, ne generetur, quæ sicut uerior, & integrior, ita difficilior curatio est, præcipue ex parte ægroti malè ferentis consilium, dicam tantum ea, quæ necessario quam diligentissime obseruanda putauerim, præcipuumq; est, ut in omnibus sex rebus non naturalibus regatur exquisitissime. Primò igitur euitabit omnem aëris excessum, præcipue dum fuerit in Germania, aëre frigidissimo, & humidissimo. in ea enim regione peculiari circa hoc admonitione indiget, ferè enim Germani hyeme præcipue in duobus extremis summopere peccant, nam uel in æstuarijs suis torrentur. uel sub dio frigido, & gelu torquentur, cum tamen ab utroque enixe cauendum sit. Dum enim nobilissimus iste adolescens in uaporario uersatur, meatus cutis, præcipue capitis aperiuntur, humores atte-

nua-



nuantur, & in uapores transeunt, unde necessario caput repletur, alioqui ex morbo debile, & imbecillum. Sed ubi postea repente in subdialem aërem transit, algor uehemens occurrit, qui penetrans per apertos meatus, cerebrum refrigerans, humores in eo contentos comprimens, & congelans efficit, ut omnino deterrima subsequantur. Cum igitur hæc nocumenta omnibus communia iudicem, huic tamen puero arbitror futura esse magis perniciofa. Erit ergo ab illis quàm maximè cauendum, eritq; artificialis ratio, ut omnem aëris excessum quàm procul effugiat. Quòd si necessarium erit quandoque ex consuetudine gentis in utroque uersari, primò frigiditatem munimentis, & uestibus quàm maximè propellet: uaporaria uerò eliget moderatissimè calida, et uix tepètia, in quibus magis aperto capite commorabitur, ut postea eodem munito, cum egreditur, minor fiat illa mutatio, & transitus de contrario in contrarium. Si præterea perceperit flatus aliquos malos, uel niuem, uel pluuias aërem turbare, intra domum se continebit. Denique illud commune seruabit, quemadmodum diximus, ut aëris immoderatos excessus effugiat. Præterea omnis animi molestia, ira præsertim, & incontinentia summopere arcenda erit, studebitq; cum socijs, & amicis honestè, & iucundè conuersari. Quotidiano exercitio præcipuè delectabitur matutinis horis, quod inferiores potius partes exerceat sine multa capitis agitatione. Ideo pilæ ludum, neque gladijs dimicare, aut saltus immoderatos facere non probauerim in nobilissimo hoc puero, & adolescente: cerebrum enim nimis concutiunt, & exagitant: sed potius eligere deambulationes, equitationes, sagittarum, lapidum, pali ferrei iaculationes, & huius generis



neris exercitia, in quibus sine insigni aliquo motu capitis reliquum corpus exerceatur. Exercendi tempus commodissimum est, quod duabus horis prandium præcedit. Sed & frictiones quotidianas non minus laudo, siue præcedant, siue sequantur exercitium, sintq; uniuersi corporis, lenes quidem, & molles, sed longæ, quousque corpus incalêscat, & rubescat, dimittaturq; in frictione caput, & partes omnes, quæ ad collum attinent, fricantisq; manus semper deorsum trahatur, optimumq; est si post frictionem totum corpus illinatur oleo garyophyllorû odorato, quod unguentarij conficiunt, & non aromatarij. Et si quis unquam cauere debet à somno meridiano, uel matutino, aut nimis prolixo, adolescens iste unus ex illis est. Erit igitur illi somnus moderatus, nocturnus, non diurnus. Procurabit, ut quotidie beneficium alui habeat: quod si defecerit, adiuuetur, uel pilulis prius nominatis ex hiera simplici, uel aloë, quandoque etiam cum clysteribus emollientibus, neq; omnino patiatur fæces in uentre plus æquo retineri: inde enim magna grauitas capitis subsequi solet. Bis in die tantum comedat, sitq; cœna longè parcior, quàm prandium. Neq; credant critici isti medici me propterea Galeno contradicere, cum longè alia ratio sit cœnæ nostratum, quàm fuerit antiquorum. Sed hîc non est huius difficultatis determinandæ locus, sat habeat, quod si abunde cœnauerit, non erit immunis à maxima capitis repletione. Cœnet igitur parcè, neque in hoc discedat ab Auicennæ præcepto, quod est nihil aliud, nisi Galenicum ex opposito immutatum, uidelicet, ut ex tribus partibus diurni cibi duas in prandio assumat, tertiam in cœna: ita enim neque interdium percipiet repletionem, aut grauitatem, neque multa opprime-

tur



tur cibi nimietate, sed suauiter, & iucundè dormiet. Caueatq; ne post coenam, aut prandium, aliquid degustet, aut bibat Germanorum more: frustra enim imperaremus aliquid de coena, & prandio, si aliæ quoque coenæ intercederent. Cibus sit unicus, ac quàm maximè simplex: nihil enim illi æquè nocebit, quàm epularum multitudo. A uino si toto tempore suæ curationis abstinere poterit, quemadmodum hætenus me admonente abstiuit, optimè illi succedet: sit tamen aqua cum cinnamomo, & aniso confecta, sicut præcepimus. Abstineat quàm maximè à pastilibus, leguminibus, à lacticiinijs, caseo præsertim, à fungis, ab oleis, crudis præcipuè, à piscibus, rebus frictis in sartagine, à carnibus auium palustrium, à carne porcina tam recenti, quàm salita: non etiam laudo carnes agnorum propter redundantem humiditatem. Et cùm iam appropinquet ætas ueneris, consulo, ut ab ea quàm maximè abstinere: nihil enim aliud uenus est, quàm breuis quædam epilepsia, si Hippocrati credimus. Hæc sit tota uictus ratio, in qua ferè totum est curationis fundamentum. Si enim hoc modo sibi cauerit, materia illa frigida, & cruda, quæ fouet epilepsiam, nulla, uel paucissima generabitur, quod erat à nobis intentum. Atque ita satisfactum est, & auersioni materiæ, quæ generatur, & prohibitioni, ne generetur. Supererat capitis corroboratio, ne nocumentum suscipiat. Est autem in corroborando capite ratio præcipuè habenda, ne agitetur cerebrum, aut aliquo pacto cōcutiatur: propterea neq; caput purgia probauerim, neque frictiones capitis, aut stillicidia à medicis uulgò in huiusmodi casu proposita: sed masticatoria, quæ ὀσφολεγματισμοὶ à Grecis uocantur, admittat, primò ex mastiche



mastiche sola, & simplici, deinde etiam adiecto pipere, & staphisagria, & pyrethro pastillos conficiendo. Mandare etiam matutinis horis garyophylla, nucem muscatam, cinnamomum, zedoariam, & quæ huiusmodi sunt, summo opere laudo: maximè enim conferunt ad capitis corroborationem in hoc casu exiccatione, & euacuatione. Præterea caput abluere singulis septimanis circa horas vespertinas ante cœnam, est remedium à me ualde probatū, si lixiuium dulce eligatur, in quo decoquatur asarum, senna, betonica, maiorana, rosæ, & capilli ueneris, adiecto etiam agarico: erit enim lixiuium ad hunc usum præstantissimum. Post lotionem uerò suauissimè exiccari debet, neque fricando, neque agitando, cum pannis moderatè calidis. Caueat etiam, ne ignem acriter intueatur, aut magnū splendorem, aut campos niue refertos, aut turbam hominum circumcursantem, aut curruum rotas uelocissimè motas, uel molas, nec quicquid in gyrum uersatur, ab alto etiam ne prospiciat, neque decurrentem fluuium intueatur. hæc enim omnia cerebrum, & spiritus exagitant, & robur adimunt. Laudo præterea pro capite, & membris quoque inferioribus corroborandis, ut bis in mense sumat optimi Mithridatici drachmam. Est etiam præstantissimū remedium instillatio olei de ladano per sapientem destillatorem confecti, tum in aures, tum in nares, tum etiam quandoque illinendo uerticem capitis. Sed etiam mane suauiter pectinari illito pectine ex eodem oleo, non mediocriter conferet ad caput corroborandum, sed pecten semper retrò trahendus est uersus occipitium. Et hæc sufficiant, tum in auertendo materiam, tum in prohibendo, ne generetur, tum in capite corroborando, quæ tria nobis à principio



cipio fuerūt proposita. Quòd si etiam magis præserved-  
ri uoluerit nobilissimus adolescens, uerè purgabitur ex Ga-  
leni præcepto, poteritq; huiusmodi esse purgatio.

℞. Hieræ simplicis 3 ij.

Floris cassiæ 3 i.

Cum saccharo fiat bolus, sumendus horis duabus, uel  
tribus ante prandium. Item

℞. Oxymellis scillitici

Syrupi de betonica ana 3 i.

Decoctionis granorum pæoniæ in aqua destillata  
pæoniæ 3 iiij.

Misce pro uno syrupo, & sic pro septem. Deinde

℞. Confectionis hamech 3 iiij.

Syrupi rosati solutiui 3 iiij.

Cum aqua pæoniæ fiat potio, danda in aurora cum cu-  
stodia. Talis igitur, uel huiusmodi poterit esse annua pur-  
gatio, quæ ad præservationem attinet. Et hæc pro tem-  
pore suffectura arbitror in curatione, & præservatione  
huius nobilissimi adolescentis ad laudem Dei optimi ma-  
ximi.

#### ADNOTATIO.

† Locus postulare uidetur, ut duo lectorem admonea-  
mus. Alterum quidem est, ut sciat, qua ratione magdaleon  
ad pilulas conficiendas compositum sit: fuit enim hac arte  
conditum, ut plures Montani studiosi adnotarunt.

℞. Rhabarbari electi 3 ij.

Garyophyllorum

Cinnamomi ana 3 ij.

Aloës 3 iiij.

Agarici



Agarici 3 iij.

Seminum pæoniæ 3 i. s.

Misce, & cum melle rosaceo confice magdaleon. Alterum uerò est electuarium ad usum seruandum, quod est.

℞. Scillæ assatæ, & præparatæ secundū artē 3 iij.

Seminum pæoniæ puluerizatæ 3 i.

Mellis optimi colati, & despumati lib. i.

Misce, & fiat electuarium.

Consult. x. De epilepsia, pro nobili viro Vincentino.

PROPONITVR nobis curandus iste Magnificus dominus, quia quo morbo infestetur hoc uidere clarissimū est; ideo breuiter me expediam. Iste laborat epilepsia, habuit enim tria signa attestantia super ipsam epilepsiam. primum quod habuit, fuit spuma in ore: secundo passus fuit conuulsionem, siue spasmus: tertio amisit sensum, & motum. Ex ista accidentium syndrome facile possumus conijcere morbum hunc esse epilepsiam. Habita notitia morbi, quia oportet, ut & nos aliquid de cura dicamus, non possumus autem quicquam perfecte dicere, nisi causas morbi indagemus; ideo est necessarium distinguere præsentem morbum ut omnia hæc clarè habeamus: & primo uidendum est quidnam sit epilepsia. Epilepsia nihil aliud est, nisi spasmus quidam factus ab obstructione uentriculorum cerebri à materia crassa, & uiscida, siue ab aliqua qualitate uenenosa, quam isti auram uocant. Et quia in definitione cadit spasmus, uidendum est quotupliciter fiat spasmus, ut ex hoc habeamus causas ipsius epilepsiae.



psia. Spasmus, ut dicebat Galenus in III. de locis affectis, ubi loquitur de hac re, fit tripliciter, aut à materia, aut à qualitate, aut à siccitate: istæ enim sunt tres causæ potentes facere spasmus, materia quæ nam sit dicemus, qualitas mala, quam auram uenenosam appellauit Galenus, & siccitas ipsa. Videamus modò nūquid istæ tres causæ faciunt epilepsiam. Quòd possit fieri à materia, hoc patet, quia cum materia crassa est in uentriculis cerebri, siue sit per consensum siue per essentiam, ita quòd ibi generetur pituita, obstruit uentriculos cerebri, qui postea insurgunt ad expellendum, & tantum contrahuntur, & in illa contractione deficiunt mittere sensum & motum ad membra, & ita priuatur membra sensu, & motu. Quòd autem possit fieri epilepsia absq; materia, uidelicet à qualitate illa mala, & ab illa aura, Galenus pluribus signis hoc probauit in illo loco præallegato. Dicebat enim ipse, uidemus in ictu phalangij, qui & si tantillus sit, tamen dissipatur per totum corpus, & omnia membra inficit illa mala qualitas. Non est dicendum, dicebat Galenus, quòd fiat à materia uenenosa, quia illa fuit ita exigua, quòd non potuit hoc corpus totum inficere. Quare dicendū est quòd sit aliqua mala qualitas eleuata à tali materia uenenosa exigua, quæ postea qualitas per totum corpus dispersa, et disseminata, sit sufficiens tale nocumentum causare. Simile potest cōtingere de epilepsia à materia: potest fieri mala qualitas, quæ postea petens cerebrum potest esse in causa contractionis uentriculorum cerebri, & facere epilepsiam. & ita Galenus ex sententia Pelopis præceptoris sui cōclusit posse à mala qualitate fieri huiusmodi morbos. Nunquid autem à siccitate possit fieri? dico quòd non, &  
in



in hoc differt spasmus ab epilepsia, quia spasmus potest fieri à tribus illis causis: epilepsia uero tantum à duabus causis prædictis, & non à siccitate. Quod potest & à priori, & à posteriori manifestissime probari. Et primò à priori: nam cum siccitas sit causa habens causare epilepsiam, oportet quòd cerebrum ita exiccetur, ut per siccitatem contrahantur uentriculi cerebri, & fiat epilepsia; Sed hoc non potest fieri, quia cerebrum cum sit membrum humidissimum, nunquam poterit taliter exiccari, ut per siccitatem deueniat ad contractionem, quia cum fuisset exiccatum statim periret homo, & ita antequàm fieret epilepsia, moreretur homo. Similiter à signo confirmari potest, quia epilepsia subito fit: statim enim homo cadit in paroxysmum epilepticum, illa autem exiccatio non potest, si habet fieri, subito causari, sed successiue, ita quòd in tempore oportet ut exiccetur. Quare relinquitur, quòd à siccitate non potest talis ægritudo causari. Derelinquamus ergo tertiã causam, & accipiamus reliquas duas scilicet quòd epilepsia potest fieri à materia, & à qualitate sola: si fit à materia, fit ab humore crasso, utputa ab humore pituitoso, & melancholico obstruente uentriculos cerebri, uentriculos dico anteriores, de his intelligatis. Similiter intelligatis de obstructione non perfecta, sed imperfecta & diminuta, quia si intelligeremus de perfecta obstructione, fieret tunc apoplexia, & non epilepsia, quia tunc homo penitus ex perfecta, & completa obstructione uentriculorum amitteret sensum, & motum, ita quòd iaceret, sicut cadauer. hoc fit in apoplexia. Ideo intelligatis de obstructione diminutè facta. Cum ergo habeamus morbum hunc fieri à materia, & à qualitate, uidendū est

E modo,



modo, à quânam harum duarum causarum in isto Magnifico domino talis morbus proueniat. Ideo in hoc crediderim quòd à qualitate mala non principaliter causetur, licet reuera ipsa concurrat, & maxime quòd, ut retulit Excellentissimus Doctor, iste fuit à passionibus animi ualde uexatus. Quantum autem possunt isti animi affectus ad hos morbos epilepticos concitandos, unicuique poterit esse manifestum. Noui ego duos, qui tantum ex animi affectibus inciderunt in hunc morbum: unus enim fuit quidam Laurentius Brachadenus, & Marcus Antonius Contarenus. Isti tamen in uictu erant parcissimi, non erant excrementosi, tantum ex animi affectibus uenere in talem agritudinem: & ita dico quòd potuit ista causa concurrere. Sed quod principaliter est in causa, est materia crassa, ita quòd dicerem morbum esse materiale. Et cum materia potens epilepsiam causare duplex sit, melancholica & pituitosa, à quânam, dicetis uos. Dico quòd potest prouenire ab utroque: utraq; enim materia concurrat. Et ita causatur essentialiter in cerebro, & per consensum à reliquis membris ad ipsum demandatur. Quòd autem pituitosus humor in hoc Magnifico domino dominetur, hoc ostendit eius temperatura, & sua membra principalia. Audio quòd iste abundat pituita multa, quæ excernitur per nares, & per os. Istud est signum humiditatis cerebri, habet enim cerebrum calidum, & humidum, ut per signa manifesta potest apparere, & facile comprehendere. Similiter habet uentriculum satis abundantem pituita, in quo ab inordinato uictu, & coitu ut retulit maxima copia pituitæ generatur, pituitæ dico non ueræ: nam, ut scitis, non uera pituita in uentriculo generatur. Ideo ex pituita genita in  
uentri-



uentriculo, & item illa, quæ in cerebro generatur, concludo materiam esse tum per essentiam, tum per affluxum. Quod autem fuerit aliqua materia melancholica, hoc facile persuaderi potest. Audio hunc esse melancholicæ naturæ, & si non fuerit ex naturali temperatura, tamen propter acidentia animi potuit effici melancholicus. Cum quis autem aliquando cadit in melancholiam, impossibile est ut non retineat illam materiam in cerebro, ut dicit Galenus. Ideo cum adhuc reliquæ melancholiæ remaneant in hoc Magnifico uiro in ipso cerebro, potest & ipsa concurrere ad obstructionem. Similiter hepar habet calidum. Viget enim caliditas in toto illo corpore, & ita ob caliditatem hepatis potuit fieri adustio: nam cum hepar est calefactum, oportet quod & uenæ sint calidæ: nam, ut dicit Galenus secundo artis medicinalis, orta debent attestari suis principijs. Cum ergo hepar sit calidum, non est mirum, si patitur cerebrum: nam, ut dicit Galenus in IIII. de locis affectis loquens de dolore capitis, qui habet hepar calidum, facile incidit in dolores capitis, quia ascendunt materiæ, & uapores, ut causent dolorem. Habetis hucusq; ut omnia colligam, causas morbi, & morbum ipsum, à quibus facile poterimus indicationes curatiuas sumere. Veniamus modò ad curam. Iste querit curari, credisne hunc posse curari: ut ingenuè fatear, morbus epilepticus morbus est maximus, & non nisi à uehementi causa potest causari, fortissima causa concurrir ad excitandos hos dolores, & talem sensus, & motus ablationem. dolor enim cum in hoc morbo intrinsecus fiat, oportet quod fiat à fortissima causa solente continuum. Dimittamus modò nunquid dolor fiat à ma-



la temperatura facta in quatuor qualitatibus, an à solutione continui. Teneo, ut aliàs dixi, fieri à solutione continui, & à mala temperatura: & quòd ista solutio continui sit æquiuoca ad illam solutionem continui, de qua intelligunt isti: longè enim differt ab ista. Sed de hoc diffusius alibi dixi, ideo nunc non est opus ea reuocare. Propterea dico cùm ista egritudo fiat à forti causa, quæ cum difficultate potest remoueri, iste magnificus dominus de facili poterit mori. Audio cum hucusq; habuisse duos paroxysmos epilepticos, incipiendo à xv. Iulij usque ad xxiiii. Augusti: propterea facillè poterit iterum cadere in hos paroxysmos: imò nunc conqueritur de aliquali tremore. Neque debemus nos confidere suæ naturæ robustæ, & carnositati: nam licet uideatur sanus, non propterea uacat periculo. Noui ego Iustinianum quendam, qui habuit tantum unum paroxysmum, postea mansit per tres menses sanus absque molestia, deinde reuersus est alius paroxysmus, deinde alius, & tandem mortuus fuit. Ideo cura difficillima est, neque ut dixi, uacat periculo: tamen non est desperandum. Veniamus ad curam, & primo indicationes sumamus à morbo, & à causis eius. A morbo, cùm morbus sit in nobili membro, indicatur, quòd sit citò remouendus, & quàm citissimè potest: epilepsia enim cùm occupet nobile membrum, morbus sacer fuit ab Hippocrate appellata. Sumamus modò indicationes à materia. Materia ista, ut dixi, duplex est, pituitosa, & melancholica: ista uenit euacuanda. Et quia facta fuit sanguinis missio ab illo perito medico, propterea desisterem à missione sanguinis, deuenirem ad concoquentia pituitam, ut est syrupus de eupatorio, decoctum pulegij, origanum, syrupus



syrupus de calamento, & infinita alia ipsam pituitam digerentia. Concoquerē etiam melancholicum succum, ut cum syrupo de fumo terræ, de epithymo, & talibus. Postea cum erit cocta materia, euacuarem, & inciperem à leuioribus pharmacis: non transirem illam confectionem hamech, & pilulas cochias. De medicinis autem illis cum colocynthide, & agarico pro nunc non exhiberem, quia sunt ualde fortes. Quæ autem recipiunt ista, ut sunt illi trochisci Alhandal, hiera Logodiō, isti aromatarij in hac ciuitate, cum sit mater studiorum, non conficiunt ista, & miror cur uilla quæuis parua non habeat ista facta. Modò hoc corpus est euacuandum. Ego deuenirem ad caputpurgia, & ad masticatoria, & uellem ut masticaret, sicut de pipere, & reliquis. Deinde per nares prouocarem naturam cum aliquo leui sternutatorio. Facto hoc si uoluerit assumere illa balnea Aponitana, cum sint calida, ego laudo. De cauterijs, ego summopere laudarem cauteria in brachijs, imò hoc est familiare remedium. Et uidi anno præterito unum qui solo cauterio sanatus est. Et erat senex in LII. anno ætatis suæ constitutus. De dieta, quia morbus longus est instituatur conueniens dieta. Pro potu poterit conficere aquam decoctam cum aniso, & potissimè cinnamomo, & saccharo: est enim potio gratissima tū in colore, tum in sapore. Restat unum derelictum, utrum debeat bibere uinum. Videtur ex una parte quòd non, quia uinum fumosum est, & facile replet caput: ex alio uidetur quòd sit dandum uinum pauciferum, quod sapit naturam aquæ. Sed, ut dicit Galenus in III. de ratione uitæ, uinum si magnum est, obest cerebro sua fumositatē: si uerò sit pauciferum, licet non noceat cerebro, obest ta-



men uentriculo, & ita uidetur conuenire & non conuenire. Ego tamen conficerem uinum, & maxime quia sumus in tempore conuenienti. uellem ut sumeret uinum album, in quo aliquid aquæ imponeretur: & apponerem radicem pæoniæ, betonicæ, folia saluiæ, roris marini, & alia, quæ respiciunt hos humores, & omnia decoquantur, & conficiatur uinum, quo poterit uti. Ista hic posita non sunt ingrata, non sunt amara, & sunt appropriata pro tali morbo sanando. Et hæc sufficiant.

Consult. xi. De imbecillitate totius capitis, & oculorum, pro ciue Cracouiensi Polono.

DOMINATIO sua meminisse debet, atque animo perpetuo tenere, & tanquam fundamentum necessarium præsupponere, atque ad hoc, ueluti ad scopum quendam omnes actiones suas dirigere, uidelicet, se habere totum caput, & oculos utrosque imbecillos, & paratos ad recipiendas superfluitates totius corporis, & ad omnia morborum genera subeunda, ut nulla iam arte, nulloue remedio huic uitio succurri possit: ita enim iam confirmatum est, & per essentiam parti illi appropriatum, ut ne Aesculapius quidem ad ferendam opem sit suffecturus. Et bene aduertet dominatio sua me dicere hoc loco imbecillitatem capitis, & oculorum, ac præparationem ad suscipiendas superfluitates tolli non posse: sed non propterea dico, quin præseruari possit, & curari à malis præsentibus, & futuris. Aliud enim est membrum aliquod esse imbecille, & paratum ad morbos à quacunque leui causa: aliud agrotare.



tare. In hac opinione, & cognitione huius rei, quam diximus, tantam inueniet utilitatem S.D. ut, nisi id præsupsuerit, & constanter crediderit, in duo maxima incommoda, & pericula perpetuò collapsurus sit: primum est, quòd quoties inciderit in medicum, uel cuiuscunque generis hominem, qui sanitatem polliceatur, statim illi adhaerebit, & torquebitur, & in deteriore dispositionem, & fortè ultimam perniciem deducetur. quod ipse facile potest proprio experimento, & suo etiam discrimine cognouisse. Quòd si in bonam aliquam fortunam, uel peritum medicum inciderit, qui præsentes morbos curauerit, secundum incommodum non effugiet. Si enim arbitratus fuerit se ita fuisse curatum, ut imbecillitas quoque capitis, & oculorum, & præparatio ad eosdem morbos simul sublata sit, huius meæ admonitionis oblitus, suo postea periculo facile recognoscet uerum, & fidele fuisse nostrum consilium. Nam negligendo curam perpetuam sui capitis, & oculorum, quam inferius explicabo, etiam si millies curabitur, millies quoque uel in eosdem, uel etiam deteriores morbos præcipitabitur. Præsupponat, & fundamentum firmissimum habeat, se habere caput, & oculos summè imbecillos, perpetuàq; cura, & præseruatione indigere, si uult inter homines bene esse. Atque æquo animo ferat calamitatem, quæ tamen non ita improba est, & detestabilis, ut si ipse uelit non negligenter res proprias procurare, non possit satis commodè, & honestè sine multa molestia curari, actionesq; singulorum membrorum non inuolide exercere. Quibus igitur hæc omnia præstari possint, nunc tempus est explicare. Sua uerò dominatio audiatur, legat, & perlegat, neque corrumpi patiatur, uel à



societatibus, uel à more patriæ, quæ, si uerum fateri uolumus, plus æquo uoluptatibus indulget, iubeatq; , ut hoc nostrum consilium in propriam linguam uertatur, secumque familiariter habeat, & non tantum ediscat, sed etiam exquisitissime obseruet: alioquin præterquam quòd oculos amittet, multò etiam deteriora patietur. Longè enim humanius est admonere hominem de futuro aliquo periculo, in quod facillè possit incidere, quàm ita molliter secum agere, ne dicam peruersè, & dolosè, & ne tristitia ipsum afficiamus, permittamus incuriosum, & nil tale cogitantem hominem in extremam perniciem præcipitari. Qua igitur arte S. D. præseruari possit, iam explicare incipiam. Et primò ita aëris commoditate potietur, ut nec feruenti soli, nec uehementi frigori se exponat, cauebitq; præcipuè sub cælo uentoso, ac nebuloso diutius immorari, neque fenestræ se exponat, quam uentus aliquis perflauerit, aut aëri nocturno occurrat, uel noctu apertis fenestris dormiat, fugiat etiam humiditas, terrenasque habitationes. Hyemis tempore, dum manebit in uaporarijs, sicut est mos suæ patriæ, non operiet caput, nisi operimento quodam leui, & postea, dum exhibet, accipiet cooperimentum pelliceatum cum uestibus optimè suffultis. Vaporaria etiam non erunt ualde calfacta, sed moderata. Cauebit intueri ignem, manere ubi sumus, uel puluis aderit. Providebitq; , quantum fieri poterit, ne irascatur, nè ue tristetur, aut aliqua animi molestia multum torqueatur. Coitu rarò admodum, & moderato utatur. Mane exercebit totum corpus, ut cale scat, & anhelitus fiat magnus, & frequens. Surgat singulis diebus ante ortum solis, & procuret omnes superfluitates collectas per omnes uias

excer=



excernere, tum per aluū, tū per urinam, tum per sreatū,  
et per nares, tum etiam pectinando se, et collum, fa-  
ciemq; panno lineo molliter, et suauiter perfricando, et  
aures donec rubescant: neque unquam faciem lauet aqua  
frigida, sed uel desistat à lotionē, uel utatur uino albo: au-  
res etiam quotidie perfricet, et abstergat, similiq; modo  
dentes etiam abluat, et os uino albo. Quæ omnia ubi ma-  
ne surgens effecerit, tum ad consueta negotia progredi-  
etur. Prædebet itaque quatuor, aut ad summum quinq;  
horis, postquam à lecto surrexerit, et nouem, uel octo  
interpositis horis à prandio cœnabit, diligentissimè obser-  
uando, ne interbibat spatio aliquo intra prandium, et cœ-  
nam, neque etiam comedat, sed sobriè interim degat duo-  
bus illis tantum temporibus cibis contentus, prandio in-  
quam, et cœna, alioqui non erit tutus à recidiua. Ciba-  
ria sint simplicia cum paucis, aut nullis aromatibus, neq;  
delectetur ciborum uarietate, sed unico tantum cibo con-  
tentus sit: illa enim uarietas corruptionem, cruditatem,  
et malitiam humorum generat: unde postea ægritudines  
oriuntur. Abstineat à carnibus antiquis, et ab his ouis,  
quæ in sartagine, uel patella assantur. Abstineat à pisci-  
bus, caseo, leguminibus, et auibus palustribus, olerum et-  
iam usum euitet. Vinum, si fuerit consuetus bibere, eligat  
pauciferum, clarum, subtile, et mixtum aqua, quod etiam  
moderatissimè bibat. Sed si uini potationi non fuerit assue-  
tus, uel aquam mellis, uel ceruissiam bibere consueuerit se-  
cundum patriæ suæ morem, tunc laudarem magis, ut pror-  
sus à uino abstineret, et ceruissiam, uel mulsam eligeret.  
Hæc si ritè, et diligenter peregerit, uix imaginari pote-  
rit, quantum sanitati suæ sint colatura. Si uerò contra-  
ria



ria sequatur, etiam medicinis omnibus adhibitis frustra sanitatem spectabit. Sed ut exacte sue salutis consilium adhibeatur, paucula quoque adijciuntur, quæ quicquid in corpore colligitur excrementorum, totum illud excernant. Utetur igitur ter, uel quater in mense pilulis infra scribendis hora una ante coenam ad pondus drachmæ. Descriptio talis est.

℞. Aloës optimæ

Rhabarbari electi

ana 3 vi.

Agarici electi

3 s.

Garyophyllorum

Gingiberis,

Cinnamomi,

ana 3 i.

Rosarum rubearum

3 ij.

Myrobalanorum chebulorum

3 s.

Puluerizentur omnia per se, deinde misceantur: cum melle rosaceo fiat magdaleon, de quo singulis uicibus fient pilulæ tres pondere drachmæ, sumendæ, ut supra. Præterea laudo, ut semel in uere, si semel: in autumno, et uere, si bis, mittatur sanguis à basilica dextri lateris. Præterea si his omnibus peractis reliquæ etiam suorum morborum permanserint, laudo, ut in parte exteriori utriusque tibiæ infra genu per digitos quatuor, cauteria fieri iubeat, quæ uulgo appellantur fontanellæ: efficacissime enim diuertunt à capite. Item laudo, ut bis, uel ter in mense accipiat bolum optimi mithridatici pondere drachmæ, additis drach. quatuor sacchari rosacci tribus horis ante prandium.

Con-



Consult. xii. De catarrho diuturno ex intemperie frigida & humida cerebri, pro heroë domino à Drichtristain Germano.

IN adolescente iam in uigesimo anno constituto alioqui boni habitus, satis proceri corporis, & optimæ indolis, non posset esse catarrhus tam diuturnus, tam molestus, tam confirmatus, nisi intemperies cerebri insigniter frigida, & humida fuerit: est enim catarrhus pituitosus, mucosus, & frigidus. Vnde autem contracta fuerit huiusmodi intemperies, an ab excessu rerum non naturalium, uel ab alio aliquo, haud satis compertum habeo. Quantum uerò ad præsens negotium attinet, non ita multum refert, siue naturalis, siue acquisita hæc fuerit intemperies. Hoc unum proponam neq; facile, neq; citò remouendum fore: imò indigere exactissima diligentia alicuius medici, sed longè maiori egrotantis. Ex longa enim perseuerantia curationis poterit æger ad meliorem habitum deduci, alioqui periculum imminet, ne in deteriore aliquem morbum dilabatur præcipuè ætate maturiore succedente. Enixè igitur tanto discrimini est resistendum, & in primis exquisitissima uictus ratio habenda est, sicuti in omnibus morbis diuturnis obseruari debet. Primaria igitur diligentia circa aërem sit: omnino enim tam frigiditas, quàm humiditas aëris est uitanda. Sed nec flatus cuiusq; generis admittendi sunt, ne cerebrum repleant uel refrigerent, uel constipent. propterea eligat eiusmodi locum suæ habitationis, ne aër cerebro inferat aliquod malum propter frigiditatē, uel humiditatem. Et diligenter obseruabit, ne post uentri-

culi



culi repletionem se ad studia, aut mentis exercitia conferrat: sed per quatuor horas interim quiescat, uel deambulet remisso animo, uel cum amicis letis, & iucundis uersetur, & euitet omnes animi molestias: illæ enim non tantum catarrhum fouent, & augent, imò generant. Laudo exercitia horis matutinis, quæ sint placidiora: sed longiora usq; ad manifestam mutationem anhelitus, totiusq; corporis calefactionem insignem, ita tamen, ut post exercitium euitet aëris excessum aliquem, uel flatus, uel frigiditates, aut humiditates, immutetq; uestimenta, si fortè sudorem haberent. Laudo, ut caput abluat semel saltem singulis septimanis, sitq; ablutio talis. Sumatur lixiuium dulce ex cinere uel salicis, uel populi, uel sarmentorum uitium, uel nucis, uel huiusmodi, & ex eo quantitas unicæ ablu-tioni eligatur sufficiens, in qua camomilla, rosæ, maiora-na, & betonica decoquantur simul cum drach. duabus agarici minutim incisi, & in panno lineo inuoluti, qui postea pannus post decoctionem diligēter in hoc decocto exprimatur, hocq; lixiuium caput abluat adhibito sapone aliquo odorato, quales apud pigmetarios reperiuntur. Hora ablutionis sit uesperis ante cœnā, ut deinde facilius possit aëris omnia incommoda euitare: & post ablutionem suauiter, & leniter caput pannis moderate calidis exicce-tur. Studeat quoq; ut mane ante ortum Solis exurgat, neque comedat, nisi sex horis post egressionem lecti: tali enim modo catarrhus rectè collectus optimè concoquetur, & digeretur, ac cibus in prandio purum uentriculum inueniens optimam concoctionem perficiet. Nihil enim pestilentius his, qui catarrho subiecti sunt, quàm serò è lecto surgere, atq; ad prandium accedere nocturno catarrho  
adhuc



adhuc fluctuante. A' prandio caueat, ne aliquo modo dormiat, bibat, aut comedat: nam nihil inter prandium, & coenam sumendum est, si quis catarrho studet liberari: imò & coenam sumat longè parciolem, quàm prandium, tum in cibo, tum in potu. Laudaremus, si uesper à carnibus abstineret, neq; cubitum eat, nisi duabus horis saltem tractis à coena, interim leuiter deambulet, uel stet: ita enim caput leuius erit noctu, maneq; recrementis, ac uaporibus omnibus liberum habebit. Ergo ut hæc commodè fieri possint surgat maturè, & sic maturius prandeat, & coenet. Cibus illi omnino simplex eligendus est: ciborum enim multitudo catarrhis aduersissima est. Vinum sit pauciferum, album, limpidissimum, benè maturum, quod etià parcissimè bibat. Carnes comedat animalium iuuenum castratorum, pullorum, hoedorum, uitulorum, leporum etiam iuuenum, & cuniculorum, auiumq; campestrium. Abstineat à palustribus cuiuscunq; generis: pisces etiam euitet, & caseum, & lacticiniorum omnia genera: item legumina, & pastillos, panesq; azimos, & quæcunq; in sartagine assantur. His ita bene dispositis necessariū est quàm plurimo tempore seruare institutum: neq; enim facile, sicut antè paulò diximus, tolletur affectus tam longo tempore confirmatus. Quantum uerò ad medicinas attinet, noui illustrem Dominum à quocunq; genere medicamentorum abhorrere, ut nesciam, an unquam talem inuenerim: ideo ne frustra offerantur, quæ nullo modo sunt admittenda, placidissima quæq; proponamus, quæ non nisi à pertinacissimo reijci possunt. Et primò utetur saccharo rosaceo singulis anni temporibus, singulis quoq; diebus si licuerit, uel saltem ter, aut quater in septimana utatur.

Vtatur



Vtatur etiam ante prandium odoratissima, & iucundissima confectione, quæ ita habet.

℞. Rosarum rubearum

Sandalorum citrinorum

Seminum citri ana 3 i.

Ligni aloës optimi, & synceri 3 ij.

Sacchari optimi quantum sufficit.

Misce, & fiat confectio in rotulis: utatur drach. duabus una uice ante prandium, & coenam una hora. Quod si pateretur rhabarbari optimi scrupulū mane ante prandium mandere, primò sensim, deinde deglutire, haberet remedium præstantissimum. Quod si id noluerit, utatur saltem bis singulis mensibus pilulis infrascriptis, & ex eis unam duntaxat sumat in uesp̄ri ingressurus lectum, quæ ponderis esset drachmæ.

℞. Rhabarbari electi

Aloës succocitrini

Agarici optimi ana 3 i. s.

Nucis muscatæ

Garyophyllorum

Gingiberis

Puluerizentur omnia per se, deinde misceantur, postea aspergantur succo rosarum puro, & permittantur exiccari, & sic iteretur septies. Deinde cū oxymelle simplici fiat magdaleon, & seruetur ad usum. Item laudo, ut in ingressu lecti unam, aut alteram guttam in utranq; aurem iniiciat olei ex optima terebinthina, & appposito bōbice muscato dimittat usque ad lucem sequentem. Si etiam manderet mane granum mastiches, ut expueret, quicquid saluæ redundaret, egregiè suæ saluti consuleret. Atque  
ubi



ubi hæc diligenter, ac diu peracta fuerint, spero illustrem dominum ab omni deteriori dispositione præseruandum, atq; ad meliorem habitum profuturum, diuino tamen aspirante auxilio.

Consult. xiii. De præseruatione à catarrho falso destillante ad partes subiectas, excitante diuersa symptomata, & de potu thermarum Lucensium, pro Cornelio Clementino equite.

Dv o sunt, quæ à nobis in casu Illustrissimi equitis Cornelij Clementini requiruntur. Primò qua arte sit præseruandus à destillatione pituitæ salsæ à capite ad partes subiectas, à stillicidio urinæ, & excretionem arenarum, uiscidæq; materiæ, & à sputo sanguinis ob corrosam uenam paruam pulmonis contingente, ut refertur. Secundò utrū illi competant aquæ thermarum Lucensium. Incipiam ab hoc secundo, nam & hoc uidetur maximè ad præseruationem conferre. Supponentes igitur hepatis, ac renum caliditatem, unde par est, & urinæ stillicidium, & arenas generari, Lucenses aquas, illas inquam, quæ ferreæ sunt, crediderim præstantissimum fore remedium hepati, & renibus corroborandis, tum excedentem caliditatem contemperando, tum laxitatem uasorum ad mediocritatem ducendo, retundent etiam salsedinem pituitæ, quam probabile est ob hepatis, sanguinisq; feruorem fieri, simul etiam uenis pulmonis egregiè tonus addetur: & cum salsedo destillantis materiæ retundetur, maxima ex parte tolletur periculum corrosionis. Nec obstat uentriculi frigida, &  
humida



humida intemperies : primò enim remouebitur humiditas, cum omnes thermarum aquæ, siue calidæ, siue frigidæ fuerint, semper exiccent. Exiccata ergo redundante humiditate, uenter proculdubio reddetur robustior, & appetitius cibum amplexabitur, & consequenter felicius concoquet. Quantum uerò ad aquarum frigiditatem attinet, poterit interim defendi uenter cum linimento calefaciente, quale est oleum de garyophyllis odoratum, de styrace, addita mastiche, & ladano. Non ergo ab harum thermarum usu abstinendum censuerim, siue putauerim. Reliquum casus quod ad præseruationem attinet, cum iam plurima sint peracta à clarissimis illis medicis, eius rei potissimum gratia præcipua sunt duo cauteria tum brachij, tum sincipitis. Neque uerisimile est eos, qui ad tantam accesserunt præseruandi diligentiam, dimisisse exquisitissimam uictus rationem in omnibus sex rebus non naturalibus. Ideo ne ineptire uidear, indignum duxi, ut hic à me explicarentur circa uictus rationem, quæ etiam semidoctis medicis sunt comperta. Vnum tantum proponam, quod in omnibus his affectibus, & in tota syndrome nullo penitus repugnante ad præseruationem summo opere conuenire uidetur, uidelicet frequentissimus usus duorum remedium secundum omnem administrationis modum, sacchari inquam rosacei, & rhabarbari. Consularem ergo suam illustrissimam D. ut singulis diebus ante cibum uteretur saccharo rosaceo etiam ad uncie quantitatem, ac præterea quater in mense tribus horis ante prandium manderet, ac deglutiret drachmam optimi rhabarbari. In reliquis omnino abstineret ab omnibus ualidioribus medicamentis : & in qualibet etiam magna purgandi necessitate non



non excederet rhabarbarum, cassiam, mannam, & syrupum rosatum solutiuum. Quæ omnia si rectè obseruentur, & addantur his, quæ clarissimi illi doctores iam pridem consuluerunt, spero non tantum ad præseruationem, ex catarrho cum sputo sanguinis, sed etiam curationem, ubi oportuerit, subuentura.

Consult. xiiii. De destillatione catarrhi ad partes subiectas, fluore alui penè dysenterico, assiduo uomitu, torminibus ventris, cum febre assidua, & insigni totius corporis tabe, pro adolescente filio Medici.

NON ab re excellentia tua onus istud grauissimū uix subeundum putat, curandi huius nobilissimi adolescentis, tanquam illius diuini præcepti memor. Caue ne malarum ægritudinum curam suscipiens, mali medici nomen adipiscaris: præterquàm enim quòd difficillimis quàm plurimis, & inter se etiam discrepantibus morbis infestatur, adeò consumptus est, & labefactatus, tamq; uirium imbecillum, ut penè ulla omnino uia relinquatur, qua etiā medicus audacissimus aggredi uelit prouinciam tam difficilē: nihilominus, ut tibi uiro amicissimo, & doctissimo morem geram, in re tam ardua tanquam Hippiclus hærenti siue adminiculo dicam, quod faciendum iudicarem. Cum ergo adolescens iste nobilissimus simul destillatione catarrhi ad partes subiectas laboret, alui fluore penè dysenterico, assiduo uomitu, rugitibus, & torminibus uentris, febre fortè assidua, insigni totius corporis tabe, ego tentandum cen-

F serem



serem primò, ut fluor alui sisteretur, uomitus sedaretur, & uentriculo robur adderetur, ut corpus nutriri incipiēs redderetur ualidius, nosq; simul aptiores redderet ad reliquos affectus tollendos. quod sicut fieri posse dubito, ita iam faciendum esse necessarium duco. Et quoniam ab excrementis biliosis tam per uomitum, quàm per secessum maxima copia redditis, iudicamus esse hìc maximam hepatis caliditatem, cuius ratione forte ex plurima bile assidue generata, & ad uentriculum, intestinaq; erumpente, perseuerat alui fluor, uomitus, inappetētia, & sitis: ideo ad hepar accederem curaturus, tanquam ad omnem malorum fontem, quod cum calidum sit, refrigeratione procul dubio indiget: cumq; eius tonus sit ualde remissus, leui etiam adstrictione roborandum iudico: & ut hæc fiant, aliquo exquisito, potēti, & parato remedio indiget. Nihil igitur ad hæc omnia peragenda præstantius occurrit, quàm potus thermarum Calderianarum. In illis enim propter plurimam ferri materiam magna uis est refrigerandi, & adstringendi: nec tantum id præstat; sed & ualidissime præstat. Et quoniam, sicut Hippocrates dicit, maximis morbis maxima, & exquisita remedia adhibenda sunt, sicut etiam Galenus testatur in quinto methodi, in magno morbo à leuioribus incipere nihil aliud est, nisi parare ægro longum interitum: ideo hanc præcipue æstatis occasionem nactus quàm citissime ad hoc auxilium accedat, priusquàm uires huius corporis, alioqui ita affectæ ad extremum debilitentur. & si suspicatio aliqua occurreret, ne inde uenter aquarum frigiditate læderetur, facile huic quoque incommodo occurrere possemus illinentes eam uentriculi partem, quam refrigerandam timemus, cum



cum oleo, quod uim habeat calefaciendi simul & corroborandi, sicut præcipue oleum est odoratum ex garyophyllis, quod à pigmentarijs confici solet, addito mastiche, & modico ceræ. In ratione autem uictus, occurrat magna dubitatio, nunquid huic iuueni uinum competat: uirium enim imbecillitas, ac uentriculi frigiditas uinum potius exposcere uidentur: at illa insignis hepatis caliditas, febris, & destillatio omnino contrarium postulât. Crederem ego in hoc casu, dum tantisper hepar refringeretur, cui maxime, ut paulò suprâ dixi, insistendum est, tutius esse, si omnino à uino abstineret, utereturq; uel iure leui pulli iunioris, quod uulgò aquam pulli medici appellant, uel etiam hordei decocto in optima, & tenuissima aqua, quæ facile distribuatur, & transeat hypochondria: cui siquid etiam adderetur, quod uentriculo consuleret, moderatæ caliditatis, non etiam displiceret, & hoc esset quale est cotoneum cum saccharo cōditum, si eius frustum simul cum aqua, & hordeo decoqueretur: fieret enim potus iucundus uentriculum roborans, & cotoneum ex cōdimento, & saccharo patet aliquid remissæ caliditatis acquisiuisse. Ergo huiusmodi potus, præter hoc, quòd hepar refrigerabit, non etiam uentriculo nocebit. Hoc uellem, clarissimè Doctor, tentare potius, antequàm ad aliquam aliam curationem accederem. Quòd si excellentiæ quoque tuæ idem uidebitur, nihil ultra morandum iudicauerim, quin ad opus accedatur. Si uerò contra senserit, idq; ad me scribere dignetur, enitar sedulò, ut aliud proponam, quod magis excellentiæ tuæ satisfecerit, cui plurimū me commendo. Erit etiam mihi gratissimum audire successum curationis filij tui suauissimi, & quid nam proficiant

F 2



ficiant remedia, quæ simul conuenimus esse facienda. Oro igitur, ut me quoque admoneas: nam de eo æquè, ac de filio meo audire cupio, quod bene succedat. Vale.

Consult. xv. De dolore capitis periodico, grauitate eius, & sibilo aurium, pro Veneto.

SI QVIS rectè discurrat quæ causa & origo sit doloris capitis periodicè infestatis Magnificum dominum, uidebit per uerum consensum illum esse, ab inferioribus partibus, & non quia cerebrum uel primogenio affecto, uel per essentiam patiatur. Si enim membrum illud dicitur esse sanum, cuius operationes sunt sanæ, ut cerebri propriæ operationes sunt imaginatio, discursus, & memoria: atque hæ omnes in sua Magnificencia cum rectissimè se habeant, sequitur cerebrum in se sanum esse, nisi aliunde consensum acceperit. Sunt etiam aliæ operationes hoc idem testantes, quæ licet non fiant in cerebro, sunt tamen à cerebro, sicut sensus exteriores, & facultas quæ per electionem mouet: atque hæ omnes facultates integerrimæ sunt, ut inde quoque patere possit hoc cerebrum in se esse sanum. Cum uerò sanitas uniuscuiusque membri amplam habeat latitudinem, cerebriq; optima temperatura sit unde optimæ prodeunt operationes, sitq; quando ad reliqua membra principalia comparatur, frigidum & humidum, quæritur hic nunquid & cerebrum sit hoc modo & hoc sensu frigidum & humidum, an uerò declinet ab hoc optimo statu per aliquem excessum uel defectum. Respondeo quantum ad qualitates actiuas attinet, iudicio meo, uel .



uel non recedere à temperato cerebro propriè, uel si recedit, ad frigiditatis excessum potius declinare. Indicat id caliditas illa immensa hepatis simul & cordis, sicut in cōfesso est, etiam reliquorum medicorum iudicio, & sicut ex proprijs signis apparet. Amplitudo enim uenarū, color subniger corporis, pilorum multitudo nigrorū, crassorum, & crispiorum, maxima ad uenerem promptitudo, insignem quādam hepatis caliditatem præ se ferunt. Animi uerò constantia, & in rebus agendis audacia & uehementia, cum maximo arteriarum motu, cor planè calidum ostendunt. Sed nemo prudens medicus uel philosophus, ignorabit, hepatis & cordis insigni existente caliditate, si etiam cerebri caliditas accesserit, necessariò fore, ut uir talis ferorum & barbarorum morum sit, truculentus, crudelis atque inexorabilis, cum spiritus animales, non habeant ubi sedentur & mitescant. Sed Magnificus dominus iracundus quidem est, sed facile placabilis, mitis, mansuetus, optimorum morum, ac præterea prudentissimus. Quæ omnia arguunt uel frigiditatem cerebri, uel temperiem, in quo spiritus temperantur, sicut est sententia philosophi & II. de generatione, & xxx. sectione problematum. Præter hanc qualitatem actiuam, quam in cerebro esse opinamur, credimus etiam in passiuis ad siccitatem potius declinare: ingenij enim perfectio & iudicij stabilitas, opinionumq; grauitas, memoriæq; tenacitas siccitatem mihi non humiditatem ostendunt. Tale igitur erit cerebrum Magnifici domini, ut si à naturali suo temperamento recedat, recessus sit potius per frigiditatem & siccitatem. Quibus ita se habentibus, sequitur quòd primò circa caput raræ texture & habitus sit: secundo quòd alimen-



tum proprium non concoquat ita exactè: tertio quòd excrementa tam propria quàm aliunde transmissa non facile expellat & difflet: quarto quòd facile admittat uapores & materias aliunde transmissas. Ista enim omnia symptomata familiaria sunt temperaturæ frigidae & siccae. Et hæc sufficiant de cerebro, de quo multus erat habendus sermo: quoniam in illo principaliter doloris causas inuestigamus. De hepatis uerò & cordis temperatura idem erit iudicium, quod obiter superius retulimus: utrumque enim horum membrorum insigniter calidum est. Nam hepatis caliditas ostenditur facile ex corporis colore nigro, ex multitudine pilorum nigrorum, crassorum, & crisporum, ex amplitudine uenarum, & quòd plurima bile redundat, atque in ipsa cute citrinus color cum fuscidine apparet. Cordis caliditatem ostendit maximus & uelox arteriarum motus, animi uigor & promptitudo ad iram. In uentriculo autem non eam esse caliditatem, quæ rectæ concoctioni requiritur, indicat generatio pituitæ, quæ nullam aliam probabilem causam habere potest suæ generationis in hoc corpore, quàm ipsius uentriculi frigiditatem. Sed & habitus abdominis hoc idem indicat, est enim gracile, & sine pinguedine, quod quidem ad calorem retinendum & coctiones adiuuandas maximi iuuamenti est, sicut est & Galeni & Aristotelis sententia. His ita explicatis & constitutis apparet iam quemadmodum in hoc corpore sint omnes dispositiones ad capitis repletionem & dolorem excitandum idoneæ. Primo frigiditas & siccitas cerebri, de qua proximè multa diximus. Secundo hepar calidum, cuius ratione sanguis feruens plurimus generatur, ex quo feruore necessario plurimi uapores redduntur capiti



piti ex toto ambitu uenarum, ut optimè dicebat Galenus IIII. de locis affectis. Accedit ad hoc cordis caliditas, à qua etiam spiritus feruentes & mobiles generantur, qui confertim & cum impetu ad cerebrum delati extendunt, percutiunt, aperiunt: agitantur enim interclusi in angustis locis, unde necessariò dolores excitantur. Propterea frequenter deprehendit Magnificus dominus ipsa experientia dolores capitis repente excitari, & facile etiam discuti non ob aliam rationem, quàm quòd spiritus ipsi remissi sunt, & sicut citò mouentur, ita etiam citò dissoluantur. Est ultima causa pituitæ in uentriculo generatio, quæ in uapores uersa propter caliditatem adiacentium membrorum ad caput ascendit, dolores excitat. inde est quòd sæpe percipit grauitatem capitis protensam ad oculorum radices, & quòd dolor extenditur usque ad aures cū quodam sibilo, qui incipit circa primas colli uertebras. Grauitas autem à uaporibus pituitosis tanquam crassioribus, extensio ad aures & radices oculorum, quoniam pertingit crassus uapor, & percutit interiorem cerebri membranam. Sibilus autem non aliunde prouenit, quàm quòd uapor crassus & uiscosus agitatus à calido, & non ita facile resolutus strepitum facit, quemadmodum uapor uenti propulsus in aëre. Quòd uerò in occipite dolor incipiat, inde est, quoniam uapores à uentriculo ad cerebrum eleuati, necessariò per oesophagum transeunt, qui in parte posteriore positus est. Ergo ut dolor iste capitis est multiplex, ita etiam multiplices habet causas, sanguinem uaporosum & feruentem, hepatis ratione, quod calidius est, spiritus uitales calidos igneos, superius facile raptum habentes, pituitosos uapores à uentriculo delatos. Atque



ita in confesso est, dolorē istum capitis per consensum purum ab inferioribus partibus esse propter uapores & spiritus ascendentes, & non alio uitio capitis uel cerebri, quatenus est membrum organicum, licet ratione temperaturæ unam tantum auferat actionem, ut nō multum resistat, uel repellat, aut difflet causas alterantes: in reliquis penitus culpa uacat. Ac inde est, quod non ascendentibus uaporibus præter naturam, caput sanissimum persistat, in omnibus suis operationibus noxa carens, illis uerò elatis, longè minori parte temporis patitur caput: paucis enim horis dolore capitis affligitur, reliquo toto tempore omnino excitatissimum est, & omni nocumento carens. Ergo et rationibus & signis ostendimus, illud esse, quod à principio proposuimus de hoc capitis dolore. Et hæc satis de causis & essentia symptomatum & morborum in hoc Magnifico domino existentium. Quantum ad curationem nihil aliud addendum occurrit, quàm quod iam præscripsimus in sequenti consilio. ad id recurrat, & ita integrum erit consilium tam quoad speculationem & cognitionem causarum, quàm quoad curationem.

Consult. xvi. Pro eodem.

DOLOR periodicus, uel non periodicus capitis tam in anteriori, quàm posteriori parte capitis, magis tamen in anteriori, in hoc nobili uiro incipiens cum frigiditate pedum, deinde inuadens totum caput, & præcipuè mordicās ambos oculos, qui iuuatur ab adstrictione et repressione, quam ipse facit à natura edoctus, manibus ualidissime comprimendo, nec potest pati frigus præsentē dolore, imò



imò necessarium est, ut totum corpus caleseat, & calefiat arte, quod iugiter fit pannis calidis applicatis: præcipuū tamen iuuamentum est calefactis naribus, desinens postea cum sudore copiosissimo totius corporis, & relinquens in palpebris impotentiam motus. Talis inquam dolor cum huiusmodi symptomatibus, proculdubio per cōsensum est à uentriculo & toto ambitu uenarum, eleuatis uaporibus undecunq;: & ideo etiam totum caput dolet, magis tamen anterior quàm posterior: quoniam pars anterior & calidior & apertior, magis recipiens excrementa & sensibilibior ac præterea uapores eleuati à uentriculo crassiores & plures, nec tamen facile dissolubiles. Cuius signū quòd finito dolore adhuc remanet impotētia motus in palpebris, propter reliquias uaporum crassorum in membranosis illis partibus impactas, nec dissolutas. Incipit autem cum frigidityte pedum: quoniam dolore in suprema parte existente, calor maximè & spiritus ad illas partes uergunt, simul cum uaporibus calidis, & acribus. Sed cū caput ualide manibus astringit, ideo iuuatur, quia reprimuntur uapores, & caput roboratur, ne tam facile suscipiat uapores. Leditur à frigore, quoniam dum friget corpus, pori adstringuntur, uaporesq; magis reclusi ascendunt ad caput: at calefacto corpore relaxantur, diffanturq; uapores, & auertuntur. Et præcipue iuuatur, quando nates calefiunt, quoniam maximè ad oppositum trahuntur ac uertuntur uapores. Cuius signum manifestum, quoniā declinante dolore totum corpus in copiosissimum sudorem resoluitur: tunc enim uapores planè ad diuersas partes resoluuntur, & per sudores educuntur. Tum etiam, quòd longè deterius habet, quando aluius adstricta est, uaporibus



bus scilicet magis eleuatis, & quod irritatur periodus ab animi molestijs, quoniam inde calefcit caput, & imbecillius redditur. Etiam ab aëre tam calido quam frigido, quoniam calidus aperit, rarefacit, attrahit: frigidus densat, comprimit, prohibet diffilari uapores eleuatos, & à proprio alimento capitis redditos. Inuatur à pilulis aloëticis, euacuatur enim uentriculus eis. Curatio huius nobilissimi uiri in hoc consistit, ut maxime corroboret caput, & totum corpus exquisitissime mundū conseruet. fiet id præcipue proposita sibi recta uiuendi ratione. Cauebit ergo ab aëre alterante caput tam frigido quam calido, tam humido quam sicco, excessus enim omnes euitandi, & temperies eligenda est. ideo nec noctu exponat se aëri, neque in Sole ambulabit. Abluet caput singulis septimanis semel, suauissimeq; sine multa frictione exiccabit, rosæq; saluia & frustulum agarici bullient in lixiuio. Cauebit à uino potenti, sed & acidum austerumq; euitabit, eligetq; tenue, maturum, pauciferum, quod etiam parce bibet. Simplici cibo contentus erit, parciusq; cenabit, nec nisi post duas horas cubitum accedet. Fugiet diurnum somnum, ac uenerem: uteturq; singulis diebus antequam à lecto surgat frictionibus uniuersi corporis, & post frictiones linimento ex oleo garyophyllorum, quod uenditur ab unguentarijs. Providebit singulis diebus, ut subducatur aluus, & ad hoc utetur pinguißima terebinthina pōdere triū drachmarum, tribus horis ante prandium, quam deuorabit hostia aut simili re inuolutam. Præstantissimum est, si quotidie hora ante prandium deglutiat zucchari rosati semunciam. Bis in anno purgandum consulo, quemadmodum uisum fuerit præsentibus medicis. Singulis septimanis se-

mel



mel saltem sumet ante coenam drachmam pilularum de hiera simplici. Tempore paroxysmi, dum primò incipit, illinet frontem, utraq; tempora, collum & circa scapulas, dimittendo spinam, quæ nullo modo tangetur, tali linimento.

℞. Terræ sigillatæ

Boli Armeni orientalis ana 3 i.

Hypocistidos

Acaciæ ana 3 ij.

Albuminum ouorum conquassatorum num. iij.

Aceti mediocris 3 iij.

Misce.

Consult. xvi. De dolore capitis & dentium, cum varijs symptomatibus, pro nobilissima quadam matrona.

HABITA matura consideratione omnium symptomatum, quibus affligitur hæc nobilissima matrona, reductis omnibus seorsim in suas causas, quemadmodum nos esse opinabamur, iudicauimus tria membra uniuersales esse causas eorum omnium accidentium, à quibus tanquam à principijs & origine omnia nascantur incommoda, hepate inquam, cerebro, & uentriculo. Atq; hepar quidem naturali sua, ac fortè etiam aduentitia caliditate, plurimùm sanguinis feruentis biliosi & adusti generare. Ventrículum tum ratione imbecillitatis propriæ, tum etiam ratione obiectorum, cibi inquam & potus, quorum usum audimus sine aliquo delectu esse, plurimum generare pituitæ, quæ partim per uenas distribuitur, partim in uapores uersa



sa ad cerebrum ascendit, partim in ipso uentriculo & intestinis immoratur, motura mensium tempore dolores illos & flatus, qui deinde facile superius & inferius extrudantur. Cerebrum præterea siue ob innatam humiditatē, siue ob acquisitam, quod magis credo, accedentibus plurimis ac molestis cogitationibus, neq; ipsum deest in quā plurimis frigidis humoribus generandis: qui deinde & ad uentriculum per uias latas & communes, tum per uenas ac spinæ uertebras per totum corpus disseminati ac sanguini admixti statis temporibus generant extremitatum intolerabiles dolores ad illas partes expulsi. Cū uerò totum corpus perpetuò redundat feruentissimo sanguine, qui tanquam alimentum ad singulas corporis partes necessario deferatur, quæcunq; eius pars subtilior acriorq; est, ad cutim tanquam excrementum defertur, attenuando subinde & insensibiliter difflando. Hæc igitur pars ita attenuata et ad descensionem parata, si fortè frigori uel ex aqua uel ex aëre occurrerit, statim condensatur, meatusq; astringuntur. Vnde introclusi spiritus illi tenues, acres & mordicantes necessario primò excitant pruritum, deinde dolorem, multiplicata uidelicet materia & sibi inuicem succedente: unde etiam in ea parte dolente ex multiplicatis scilicet uaporibus, color flauus apparet. Hoc autem ita esse facile indicat consueta curatio. Audimus enim quotiescunque rursus locus incaluerit, uel frictione uel re calida admota, euanescere statim pruritum, dolorem & colorem flauum. Hæc igitur cū ita se habeant, sintq; illæ tres uniuersales causæ in uentriculo, cerebro, & in hepate, ad quæ singula referuntur, dicimus quidem perfectam curationem in hac nobilissima matrona non esse exigendā.

Neque



Neq; enim eorum membrorum uel naturales, uel tanquam naturales dispositiones tolli poterunt, in pueritia secus certe, iam & plurimis negotijs implicata. Credimus tamen magna ex parte sedari posse symptomata, si duo procurabuntur. Primò ut corpus bene expurgatum ac diffusibile tam internè quàm externè reddatur, uiæq; omnes ad naturalem distributionem & excrementorum expulsionem aperiantur. Secundò, si membra corroborentur, hepar quidem ad moderatiorem caliditatem reducendo, cerebrũ modicè exiccando, uentriculum calefaciendo. Hæc est summa intentionum, iudicio nostro, quas in hoc casu debet medicus intueri. Inter instrumenta autem particularia primò quidem est diligens uictus ratio, deinde opportune euacuationes tum per pharmaciam, tum per sanguinis missionem. De ratione uictus statim apparet eum esse eligendũ, qui & optimo alimento corpus reficiat, & nullo incommodo afficiat. Erit igitur primum circa aërem ita studendum, ut in eo nullus excessus appareat: siue enim calidus, siue frigidus fuerit ob membrorũ diuersitatem, semper habebit quod huic nobilissimæ matronæ negotium faceßat. Molestias animi quantum potest effugiat, ab hac enim causa multum detrimẽti accessisse arbitramur. In cibo & potu, cauendũ à uinis potētibus, præcipuè si nigra & crassa fuerint. Limpidum ergo uinum eligere oportet, bene maturum, mediocris potentie uel album uel nigrum. Omninoq; cauebit à potu aquæ, quàm si propter aliquam occasionem bibere cogatur, eligat quæ in illa ciuitate laudabilior habetur, admisceatq; uinum: pura enim nequaquam bibenda est. Carnes omnes antiquas, bubulas præsertim, effugiat, & quæcunque sunt auium palustrium. A' salis omnibus



omnibus abstineat, ab acribus, qualia sunt cepæ, allium, & lacticinijs, et præsertim antiquo caseo, et pastilibus, à piscibus palustribus, quòd si etiam pisces optimi fuerint, par-  
cè quoq; illis utatur, quamuis eorum usum non omnino sus-  
tulerim. Olera præsertim sylvestria sunt omnino euitan-  
da. Fructibus etiā horarijs parcissime utatur, & non nisi  
ante cibum: omnino enim à cibo sunt fugiendi. Studeat ut  
quotidie beneficium alui habeat. quantumq; matronæ con-  
uenit, corpus matutinis horis exerceat, pomeridianis quie-  
scat potius, iucundeq; cum familiaribus tempus transigat.  
Hæc quantum ad uictus rationem pertinet. Pro euacua-  
tione bis singulis annis euacuabitur, uere inquam & au-  
tumno, ac primò per sanguinis missione, deinde per phar-  
maciam: sanguinis tamen missio semel tantum singulis an-  
nis sufficiat, atq; illud uere magis quàm autumno. Si igitur  
feruor temporis hoc anno non impedierit purgari poterit  
in hoc Iunio mense, primò cum uncia una floris cassiæ, ad-  
iectis drach. duabus specierum hieræ simplicis. Quo phar-  
maco sumpto proximo sequente die syrupū accipiat, qua-  
lis est infrascriptus.

℞. Syrupi de cichorea Nicoli cum rheubarbaro

Mellis rosati ana ℥ i.

Aquæ betonicæ ℥ iiij.

Misce pro uno, & sic pro alijs septem. Sumptis duo-  
bus primis syrupis, mittatur sanguis à uena communi de-  
xtri brachij usq; ad uncias octo uel decem. Post septem sy-  
rupos bibat infrascriptum pharmacum.

℞. Confectionis hamech ℥ iiij.

Syrupi rosati solutiui ℥ iiij.

Cum aqua betonicæ fiat potio danda in aurora cum cu-  
stodia.



stodia. Quod si feruore aestatis impediēte purgari non poterit ad proximum mensem Septembris differatur. Hæc quantum ad euacuationem uniuersalem singulis annis seruandam. Atque ut melius tum euacuari, tum etiam auerti possint humores, consulo ut præter annuas illas euacuationes habeat quasdam pilulas familiares, quibus frequenter utatur: erunt autem sine custodia & sine aliqua molestia sumenda, qualis esset huiusmodi descriptio.

℞. Rheubarbari electi

Aloës optimæ

Myrrhæ

ana 3 iij.

Croci

3 i.

Sandalorum citrinorum

Rosarum rubearum

Myrobalanorum chebulorum ana 3 s.

Garyophyllorum

3 ij.

Puluerizentur omnia subtilissimè: deinde aspergantur succo rosarum puro & permittantur exiccari, & ita reiteretur septies: postea cum melle rosato fiat magdaleo, de quo fiant pilulæ pro singula drachma tres, de quibus unam, aut alteram, aut etiam tres, si parum eduxerint, sumantur, hora una ante cœnam ter aut ad summum quater in mense. Hæc igitur satis dicta sint quantum attinet ad uniuersalem corporis purgationem, quemadmodum antea pollicebamur. Quantum uerò pro membrorum corroboratione, primò quidem caput quater saltem in mense lauabit hoc modo. Fiat lixiuium ex cinere salicum aut uitis, in quo deinde coquantur rosæ, folia myrti, maioranæ, camomillæ, singulorum drachma, & agarici electi. Deinde forti colatura & expressione facta singulorum, hoc decocto



cocto caput lauabitur. Item singulis saltem septimanis in tinea uel dolio ad id commodè fabrefacto, quod sit oblongæ uel oualis figuræ, totum corpus fouebit & lauabit cum aqua dulci moderatè calida, in qua decocta sit camomilla, anethum, pulegium, maiorana, & betonica. Ventrículo ceratum apponat compactum ex mastiche, aloë, myrrha, & ladano partibus æqualibus, quod perpetuò adhaerebit uentriculo, præter horas quibus moratur in balneo, & præter diem in quo sumet pilulas, addito etiam proximo sequenti. Utatur quàm poterit frequentissimè Zucchæro rosato optimo unius anni, quod sumat hora una ante cibum mane seu ante prandium pondere unius uncie, aut saltem dimidiæ. Quod si etiam his non ita perfectè conferentibus, cauteria fierent in tibia utraque in loco consueto, crediderim fore illi remedium præstantissimum. His omnibus ritè peractis speramus nobilissimam matronam aliquid in melius prouecturam iri, & à deterioribus dispositionibus præseruaturam iri, ad laudem Dei opt. max. Cuius nomen sit benedictum in secula.

Consult. xviii. Pro puella epileptica.

IN CASV proposito utar omni breuitate, qua poterò, non tamen ea, ut uidear aliquid quod necessarium sit, prætermittere. Ne igitur tempore abuti uidear, deueniam ad casum istius nobilissimæ puellæ. Supponatur istam pati epilepsiam, quod apparet tum ex symptomatibus, tum ex relatione nobis facta à medico ita affirmante, & non morabor nunc in recensendis omnibus causis ipsius epilepsie, quoniam necessarium esse minime puto. Ideo ero  
breuis



breuis in recensendo quasdam causas, quas ponere oportet, quoniā ista laborat tali morbo ex diuersis causis. Quātū ergo ad efficiētes causas, quædā sunt intrinsecæ, quædā extrinsecæ. Intrinsecarū prima est inūdatio, siue agitatio spirituum in uentriculis cerebri, ita ut spiritus impediātur à libero transitu. Secunda causa est ebullitio humorum, siue spirituum contentorum in uentriculis cerebri, quomodo scilicet propter caliditatem incipiunt ebullire ipsi humores, & spiritus. Tertia causa sunt humores contenti in cerebro, qui sua crassitie, uisciditate, & multitudine obstruunt uentriculos cerebri. Quarta causa sunt uapores, uel mala qualitas, ascendentes ad ipsum cerebrum ab istis partibus inferioribus, sicuti à uentriculo, hepate, utero, & consimilibus, qui quidem uapores & mala qualitas cum petunt cerebrum, excitant motus istos epilepticos. & sic istæ sunt quatuor causæ intrinsecæ. Extrinsecæ uerò potissimæ sunt, aer, cibus & potus, accidentia animi, temperatura etiam potest hoc idem efficere. & has uolui enumerare causas, quas duxi esse necessarias in cognoscenda hac ægritudine, qua ista puella laborat. Materiales uerò causæ istius ægritudinis sunt uel humores, uel uapores, humores quidem aut sanguinei, aut melancholici, aut pituitosi: qui quidem humores uel sunt in cerebro, uel in partibus inferioribus. Si in cerebro dicuntur causare epilepsiam in capite per essentiam. Si in inferioribus per cōsensum, quando scilicet eleuantur uapores, aut mala aliqua qualitas, sicuti à uermibus, aut à morsu scorpionum, aut à consimilibus, quæ qualitas tendit ad uentriculos cerebri, & motus hos excitat epilepticos. De loco autem nihil dicam, cum satis per se constet. At cum sint tot cau-

G se,



ſe, iudicas ne ab aliqua iſtarum, an ab omnibus talem af-  
fectum generari in hac puella? Credo ego quantum ad ef-  
ficientes attinet, primò quòd adſit illa inundatio ſpirituũ, ut  
indicatur à ſtrepitu illo percepto, ac ſi aliqui dimicarent.  
Secundam etiam adeſſe cauſam credo: nam dixit ſe per-  
cipere ueluti fulgura quædam præ oculis, & ſunt uapo-  
res quidam ignei, qui faciunt ebullitionem ſpirituum in uen-  
triculis cerebri, & faciunt apparere iſta fulgura. Quòd  
autem tertia cauſa adſit, ſcilicet obſtructio ex humoribus  
cræſſis & uiſcidis ac multis, patet: nam hoc indicat gra-  
uitas capitis. Quòd etiam adſit mala qualitas, arguitur  
quoniam retenta ſunt menſtrua, à quibus eleuantur uapo-  
res uenenofi ad ipſum cerebrum. Quòd autem à men-  
ſtruis eleuentur iſti tales uapores, teſtatur Gal. in VI. de  
locis affectis ultimo. Et ſic uidetur quòd omnes cauſæ ef-  
ficientes concurrant in iſta nobili muliere, &c. Accedit  
poſtea temperatura humida uniformis huic diſpoſitioni:  
nam audimus corpus eius eſſe carnoſum, pingue: corpus  
autem in quo eſt pinguedo cum carnoſitate, ſignificat quòd  
in eo dominatur caliditas, & humiditas. Si autem fuerit  
plus de pinguedine, quàm de carne, oſtendet humiditatem  
præpollere caliditati, & contrà ſi plus de carne, quòd  
caliditas ſit maior. Ideo temperatura hepatis in iſta calida  
eſt & humida, & nulla eſt temperatura magis apta ad re-  
plendum caput, quàm iſta. & ſic inter cauſas efficientes  
connumeranda eſt temperatura. Quòd autem ratione ce-  
rebri diſponatur ad epilepſiam, patet: nam audio quòd  
ſemper habuit debile caput, & ſemper fuit affecta aliquo  
dolore ipſius capitis. Cauſæ autem extrinſecæ, fuit mala  
ratio uictus. Accedit etiam quòd incepit alere illos uer-  
miculos,



miculos, à quibus tum putrefactis, tum uiuis eleuantur mali uapores, qui quantum possint disponere ad hos motus epilepticos, unicuique per se patet. Habuit insuper retentionem menstruorum. Accedit ad hæc omnia regio ipsa, quæ primò est exposita Austro: Auster enim spirat per hos lacus Venetos, & accedit ad hos ualde humidus. Ex parte autem Septentrionis sunt montes, & spirat Boreas, & credendum etiam ibi esse ualles, in quibus colligitur iste uentus, & unitur, & causat maxima frigora. & sic Auster humectando, & Boreas refrigerando potuerunt hanc malam qualitatem & affectum inducere. Et sic omnes ferè causæ concurrunt, & nulla fuit à nobis superflue enarrata, neque enumerata. De causis autem materialibus, credo quòd humores sint in cerebro: nam habet grauitatem cum summa frigiditate in parte posteriori: ideo concedendum est quòd ibi sit plurima pituita. Quantum uerò ad consensum, credo quòd adsit consensus uteri, uentriculi, & totius. & ista materia in capite est difformis: nam in parte anteriori sunt uapores illi ignei, in posteriori autem pituita frigida. Talis igitur est ægritudo istius puellæ, quæ agit xxii. annum. Et hoc notandum, quatum ad prognosticum attinet: nam ubi puella creuit usq; ad xiiii. annum, & non sunt remotæ eæ malæ affectiones, non est sperandum quòd ita facile debeant remoueri. Nam ratione ætatis uerendum est, ne ægritudo ista sit incurabilis, præsertim alijs concurrentibus. Sed quicquid sit, cura non est impossibilis, etsi non poterit penitus tolli, saltem efficietur leuior. Et hæc quantum ad prognosticum. De curatione autem ex quo tot habet causas oportet singulis occurrere: nam intentiones



tum curatiue, tum præseruatiue sumentur ab illis: oportetq; omnes causas amouere extrinsecas. At si posset mutare aërem, mihi summopere placeret: etsi non potest, caueat à uentis australibus, & alijs uentis, & remaneat in cubiculo bene disposito, & alteret aërē ipsius cum aliquo alterante, ut si esset acetum cum aqua rosata, & fieret suffumigium cum garyophyllis. Et mihi summopere placeret, ut in cibo haberetur maxima cura, ut scilicet utatur attenuanti-dieta: nam si uentriculus abundat pituita, & in toto redundant plurimi humores crassi, nihil melius, quàm quòd attenuetur, ex quo etiam prouocarētur menstrua. Et panis sit fermentatus, in quo ponerem anisum, & cinnamomum: cinnamomum enim est tenuissimæ substantiæ, siquid aliud. Quantum uerò ad carnes attinet, omnes quæ habent uim attenuandi. Galenus autem in hoc affectu exhibebat Apium, quod tamen Auic. maximè detestatur, & dicit quòd nihil deterius: imò quòd à proprietate nocet ipsis epilepticis: & tamen Galenus utitur eo pro medicina conuenienti. Sed credo ego quòd Apium apud antiquos, quod nos petroselinum uocamus, non est ita uaporosum, sicuti apium. Et si consideretis in apio sunt plurimæ humiditates indigestæ crassæ: nam in tota ferè hyeme est pertinacissimæ uiriditatis, & est uaporosum, ac replens caput: et de isto intelligit Auic. à quo est summopere abstinendum. Sed Galenus intelligit de petroselino, quod conuenit in ipsa epilepsia: & hoc modo isti duo magni uiri poterunt conciliari. Et sic attenuanti dieta est utendum. Vinum autem, quoniam est inter attenuantia, uideretur conueniens, licet in principio morbi prohibeatur. hoc enim fit iure, nam triplici causa prohibetur  
uinum,



uinum; morbo existente crudo, dolore capitis, & inflammatione intrinseca. Nam si exhiberemus uinum materia existente cruda precipitaretur ipsa materia: & in epilepsia inconcocta materia est, & mala. Vinum, ut inquit Auic. dilatat animam & adiuuat cōcoctionem, moderatē tamen sumptum: uinum autem forte, & ualidum percutit neruos, & caput: sed laudarem uinum pauciferum. De carne autē & alijs nihil aliud dicam. Factis his cū morbus habeat duas materias, pro materia quæ est in inferioribus uellem diuersiones, & uellem habere ea quæ continuo diuerterent materiam à capite, & lubricarent aluū, ut pilulæ ex myrrha, aloë, & rhabarbaro: ex ijs enim haberemus euacuationem materiæ, & apertionem menstruum, & si ijs adderetur aristolochia longa, esset optimū, & sumantur per horam ante cibū. & prouocentur menstrua cum pessarijs, cum lotionibus non multum euaporantibus, ut si decoqueretur pulegium, calamentum, baccae lauri, & lauarentur pedes cum tali decoctione: & ante cibum uel mane uel sero cucurbitulæ applicentur popliti. Et si ista non euacuarent menstrua, non mihi displiceret euacuatio hæmorrhoidarum: ista enim iuuarent ratione diuersionis per rectum. nam uereor ne tanta multiplicetur materia, ut tādē fiat apoplexia, & mors. Præterea euacuaretur cum tali aliquo, qualis est hiera Logodionis, uel Hermetis, uel pilulæ cochineæ, uel confectio Hammech, & similibus, in quibus est uis agarici, & colocynthidis, raro tamen: nam si hæc fortiora sæpius sumerentur, debilitarentur spiritus animales, & uenterculus, ex quo fieret apoplexia. Ideo nollem crebrò uti ijs medicamentis uehementioribus, ne debilitentur ipsius uirtutes, et



membra. His non iuuantibus & accedente uere, ad ipsum caput accederem cum ualde exiccantibus, & cum cauterijs, synapismis, rubificationibus, uesticatorijs, quæ & capiti, & spatulis essent applicanda, sicut de ijs tunc melius consulendum esset. Si etiam exhiberetur decoctum ligni, non esset malum: nam ex ipso haberemus attenuationem ipsius materie facientis epilepsiã, & multa alia bona huic morbo occurrentia. Et uellem quòd ter in mense tantum Mithridati acciperet, quantum esset una drachma cum aqua pæoniæ, & uteretur ipsa pæonia in omni suo ferculo. Laudarem etiam scarificationes saphenæ, quando cætera non prouocarent menstrua. & ita sperarem hanc nobilissimam puellam posse, & si non penitus curari, saltem præseruari.

Consult. XIX. De intemperie humida cerebri, & de præseruatione dentium à nigredine & putredine, pro puero nobili Germano.

TRIA à nobis requiruntur. Primò cùm cerebrum & caput suapte natura ualde humidum sit, ad temperiem magis æqualem quomodo reduci possit. Secundo quomodo dentes ad putredinem nigredinemq; procliues, præseruari & custodiri possint. Tertiò utrum dentes, qui iam ad nigredinem & putredinem deducti sunt, possint uel arte uel natura restaurari. Ad primum quæsitum respondemus, cerebrum posse ad maiorem æqualitatem traduci, ablata superflua humiditate, non solum arte, sed etiam natura. Constat enim pueros omnes humidioris esse cerebri, et postea



stea in ætatis incremento exiccari magis, & ad æqualitatem quandam peruenire. Habebit igitur & istud nobilissimus puer quod beneficio ætatis in melius uerget, sed non propterea ars otiosa esse debet in adiuuanda natura, præsertim cum illa cerebri humiditas eo deueniat, ut multorum incommodorum causa fuerit. Hactenus autem non desuimus cōsulendo, credoq; curatores suos, quæ probauimus antè, uidelicet ea quæ moderatè exiccant: ut tamen magis ac magis optatum finem consequi possit, nunc quoq; pauca dicemus. In ratione uictus præcipuā perseuerantemq; curam adhibere debemus, sine qua rectè nihil fieri potest, post reliqua aër est præcipuè obseruandus. Ideo animaduertendum si quandoq; in Germaniam accesserit, nam certè accessurus est, ut caueat ab intensa frigiditate & humiditate aëris, eligatq; loca quæ minimè de his qualitatibus participant, et si cogatur in tali aëre manere, caput suum aliquo cooperimento muniat, & utatur odoramentis calidis & siccis, sicut est suffumigium ex storace, belzuino, decocto garyophyllorum, corticum citri in aceto & aqua rosata, ac pluribus huiusmodi. Circa potum caueat à potationibus & uino potenti: hæc enim maximè replent caput & calorem innatum extinguunt. Fugiat uentriculi cruditates, utaturq; uino simplici & moderato. Et quisnam cibus esse debeat, iam frequentissimè sibi præcepimus: neque enim à laudabilibus carnibus est abscedendum, qualis est uitulina, hædina, pullorum, & auium campestrium, caponum senum, oua sorbilia, & fercula ex hordeo, oryza, panico cōceduntur. Cauendum est ab olerib. piscibus, à lacticiis, et leguminibus, à rebus frictis & fructibus quantum fieri potest: hæc enim omnia cruditatem habent, ca-



put replent, humoremq; excrementitium efficiunt. Hæc in ratione uictus seruari debent, ut caput ad æqualē temperaturam reduci possit. Quantum uerò ad medicamenta attinet, optimum erit, si bis singulis annis purgabitur, uere inquam & autumno. Purgatioq; sit talis.

℞. Aloës optimæ ℥ iiij. Detur per unam horā ante cœnam. Postridie incipiat sumere infra scriptum Syrupum per dies septem.

℞. Syrupi de betonica

De sthœcade

ana ℥ i.

Decoctionis { Saluie  
Maioranæ  
Betonicæ } Factæ in aqua Melissæ destillatæ ℥ iiij.

Misce pro uno syrupo, & sic pro alijs. Ultimo pilularum cochiarum ℥ i. uel indarum, uel confectionis hamech cum zuccharo in bolo, in hausto in decocto betonicæ, prout illi placuerit, detur in aurora cum custodia. Hæc satis sint pro euacuationibus. Spatio uerò quod est inter ambas purgationes, utetur semel tantum in septimana hora una ante cœnam ℥ i. Aloës optimæ in pilulæ formam redactæ, ac præterea sæpissimè accipiat mane myrobalanum chebulum conditum in oriente: erit enim efficacissimum remedium ad exiccandum cerebrum corroborandumq;. Præterea utetur lotionibus capitis singulis septimanis semel tantum, quæ sint ex lixiuio dulci facto ex sarmentis uitium, uel ligno salicis quantum sufficit, Maio-  
ranæ, saluæ, betonicæ, rosarum rubearum ana man. i. Agarici ℥ i. Decoquantur omnia in prædicto lixiuio, & cum hoc caput abluat, deinde moderatè siccando extergatur cum pannis moderatè calidis. abluatur uestertinis  
horis



horis ante coenam, ita ut non amplius in aërem exeat usq;  
ad sequentem diem. Item gestet continue in manibus po-  
ma odorata arte confecta, & poterunt esse huiusmodi.

℞. Seminum nigellæ 3 iij.

Garyophyllorum

Nucis muscatæ ana 3 iij.

Storacis calamitæ optimæ 3 iij.

Laudani electi mollis 3 ij.

Musci

Ambra 3 i.

Cum mastiche & colophoniam dissolutis secundum ar-  
tem, admiscendo aquam rosaceam & oleum aromaticum  
garyophyllorum, uel cinnamomum, fiat pomum, & uta-  
tur ut supra. Hoc quantum ad cerebri temperiem in-  
ducendam, quod primum fuerat à nobis propositum.

De secundo de præseruatione dentium à putredine & ni-  
gredine, erit sciendum primò quæcunque diximus ad ce-  
rebri temperaturam corrigendam, maximè etiam facere  
ad dentium præseruationem, si modò credimus, sicut cre-  
dendum esse arbitror, dentes & nigrescere & putrescere  
ab excrementitia cerebri humiditate: erunt tamen non-  
nulla localiter adhibenda, ut dentes præseruentur. Quã-  
uis multa iam præcepimus facienda; nihilominus addentur  
quoque alia quædam, ita tamen ut ea quæ hætenus insti-  
tuimus non propterea contemnantur. unumq; erit quod  
præstantissimum iudico tum ad abstergendos mundifican-  
dosq; dentes, tum etiam à putredine conseruandos, quod  
eiusmodi est.

℞. Osium dactylorum 3 ij.

Coralliorum rubcorum 3 i.

Farinæ



Farinae lupinorum	3 iij.
Scilla assata	3 vi.
Radicum Iridis	3 iij.

Contundantur contundenda, & omnia misceantur cum optimo melle, deinde fiant trochisci parui & exiccentur in umbra. postea usus tempore dissoluantur uel in aceto scillitico, uel in uino albo, uel in decocto ramorum lentisci cum uino, & cum eo liquore abluat singulis diebus mane dentes & foueantur tenendo in ore istum liquorem, in ea maxime parte, in qua putrescunt dentes, sed prius diligenter fricentur panno albo subtili mundo. Et si uidebuntur gingiua quandoq; nimis rubea, liuida, uel tumentes, scarificentur mane, ita ut inde sanguis exeat, qui exprimitur diligenter & expuatur: postea in ore teneat uinum nigrum calefactum, in quo salua rose, & balaustia decocta fuerint. Aliud dentifricium optimum.

℞. Corticum ostreorum combustorum & puluerizatorum 3 iij.

Vernicis seu Sandaracæ 3 iij.

Radicum iridis 3 ij.

Radicis Aristolochia

Gentianæ

Centaurij maioris ana 3 ij.

Terantur omnia per se, deinde misceantur, & excipiantur cum oxymelle scillitico, fiant trochisci parui, & postea tempore usus fricentur dentes cum illis, & lauentur dentes cum aceto scillitico, uel dissoluantur isti trochisci cum uino, & fiat sicut supra dictum est. Aliud præstans remedium, quod dentes mirum in modum abstergit & à putredine præseruat, ita ut prius frictis dentibus sola



sola gutta liniat dentes cum oleo uitrioli, & postea perfri-  
centur cum panno asperiori, statim enim decidunt sordes  
per plurimum temporis collectæ in eis. Si haberi etiam  
posset cedria, optimum esset ad eundem usum. quod si ha-  
beri non poterit, loco eius utatur oleo per artem destilla-  
to ex uernice seu sandaracha, hocq; idem præstare pote-  
rit quod cedria. Quantū ad tertium non uidemus dentes e-  
uulsos aliquo pacto uel artificio refici posse, sicut & alias  
affirmauimus.

Consult. xx. De catarrho, & sputo sangui-  
nis periodico, pro nobili Veneto.

Huius nobilissimi uiri supponatur hepar & cor  
calidæ admodum temperaturæ à natiuitate fuisse, & uen-  
triculum à natiuitate frigidum, sicut hoc perpetuò accidit  
ijs, qui habent hepar calidum. & rationabile est, quia ta-  
les non habent multam carnem in suis uentriculis, quod est  
unum quod in uentriculo facit caliditatem cum plurima  
caro est in fundo ipsius: tum etiam quia caliditas hepatis  
adurit pinguedinem, quæ in omento est, quæ etiam ipsa ca-  
liditatem facit: tum quia muscoli longitudinales abdomi-  
nis graciles sunt. Et ideo quia tales non habent musculos  
amplos circa fundum stomachi, nec pinguedinem circa ip-  
sum myrach, & circa cutem ipsarum, ex his malè conco-  
quunt: præterea habent nocumentum, quia non retinent  
in uentriculo cibum, quandiu oporteret retinere pro opti-  
ma concoctione, quia hepar propter sui intensam calidi-  
tatem attrahit ad se citius quàm oporteret. Habet igitur  
nobilissimus iste uir frigidum uentriculum à natura cum  
hepate



hepate calido, addita omni mala uictus ratione, & maxime in coitu: quia ut audiui in XII. suæ ætatis anno cœpit uti coitu immoderato admodum. Et nos scimus quod in illa ætate, cum sit incrementum, uix sufficit alimentum pro incremento corporis: ideo non opus est, ut aliò demandet: & huiusmodi habent texturas raras, ut non possint sustinere sanguinis missionem. Et scimus ex Galeno quod maior sit euacuatio ex unica seminis emissionem, quam si quadragesies mitteretur sanguis. Et ideo credo ego quod causa ista fuerit efficacissima ad augendam uentriculi frigiditatem. Sunt & alia signa, solitus est aliquando redundare pituita acida, quam euomit aliquando. Habet præterea cerebrum inæquale admodum. Et quia uideo aliquos medicos hæsitare circa capitis temperaturam, ex hoc arguo cerebrum neque temperaturæ admodum calidæ, neque admodum frigidæ esse, quia sic faciebat Galenus III. Methodi loquens de aceto, quia acetum non excedit neque in caliditate, neque in frigiditate; ideo, inquit, dubitauerunt multi an esset calidæ, an frigidæ temperaturæ. Ita ergo de cerebro istius nobilissimi uiri, dico non excedere multum per caliditatem, neque frigiditatem, & primò quantum ad agnata. Pili enim sunt albidii, & sic capilli: an uerò sint molles, et tenues, quia non tetigi, non possum super hoc dicere, habent enim colorem attestantem super debilitatem caloris, & super debilem frigiditatem, tamen uidetur mihi quod magis ad frigiditatem declinet. Vtrum uerò cum remissa caliditate, uel frigiditate iuncta sit humiditas, uel siccitas? Si deponere debeo quid sentiam, dico quod magis siccitas dominatur: & ratio est, quia uideo promptitudinem operationum in agendo. & cum non sit immensa caliditas, sed remissa,



remissa, si ei iuncta fuisset humiditas, non fuisset ita acris ingenij: sed ubi non est caliditas admodum intensa, tamen iuncta sit siccitas, illi promptissimi sunt ad operationes, et acris admodum ingenij, & magis etiam, quam qui calidi sunt admodum cerebri. Ideo qui moderatam habent frigiditatem cum siccitate, illi sunt acerrimi ingenij: imò uidemus melancholicos optimi ingenij esse, quia habent cerebri temperaturam frigidam & siccam, non tamen cum multa frigiditate. Arguitur præterea ex ægritudinibus calorem cerebri esse diminutum: & quia non poterat conficere alimentum sibi demandatum, ideo pustulis redundabat, quæ pustulæ à pituita falsa proueniunt. Habuit præterea à principio suæ natiuitatis redundantiam catarrhi per nares, quæ omnia arguunt super debilem cerebri caliditatē. Item ex mala uictus ratione, & præcipue ex coitu redditum est frigidius, quia nos scimus quantum infrigidet ipse coitus. Ideo quantum ad cerebrum, crederem ego quod sit frigide, & siccæ temperaturæ: & sic etiam uentriculus, quia siccitas est sibi naturalis cum caliditate remissa, quæ postea ad frigiditatem declinauit, tum propter inordinatum regimen, tum propter coitum, cuius signum est redundantia pituitæ: cum etiam hepar sit calidæ, & siccæ temperaturæ. Ex qua membrorum inæqualitate si studuisset dedita opera in istas ægritudines incidere, nihil aliud fecisset, & maxime si in fluorem sanguinis deuenire uoluisset. Primò enim habuit fluorem sanguinis per nares, secundò per sputum, tertio per urinam. Et iam sunt septem anni ex quo patitur symptomata hæc. Præterea incidit in aliam dispositionem peiorem, scilicet in catarrhi distillationem à capite, à qua procedunt symptomata mul-

t. 1, &amp;



ta, & præter fluorem sanguinis habet tensionem etiã circa hypochondrium dextrum, & etiam quandoq; cum dolore ad tactum: habet difficultatem anhelitus, quæ incipit in confinio thoracis, & membrorũ naturalium. Et quæsiui ego diligentissimè, an percipiat sonitum aliquem in anhelitu, & negat se sentire. Habet præterea febriculam diuersam quidem, quia prima uice qua tetigi ipsum, inueni calorem adurentem tactum cum pulsus inæqualitate. Heri uerò cùm tetigi, sensi caliditatem quidem, sed admodum remissam, & in pulsu non tantam inæqualitatem, & hodie reperi caliditatem adhuc minorem: et urinæ rubæ perseverauere. Et ista sunt accidentia, quibus affligitur nobilissimus uir iste. Et licet nunc non patiatur sanguinis fluorem, tamen non minus est considerandus, quàm sit catarrhus qui adest, quoniam natura sanguinis nobis ansam & ad iudicandum, & ad curandum maximam dabit. Incipiam ergo primò à catarrho, deinde ad fluxum sanguinis deueniam. Quantum sit ad catarrhum, oportet primò uidere in quo loco generetur catarrhus iste, deinde cuius nam sit naturæ, & reliqua, quæ in catarrho considerari debent ac solent. Catarrhus enim est species fluxionis: generatur ubi excrementa multiplicantur, uel in toto uel in parte, & in partem corporis imbecilliorẽ demandantur. Quod contigit in isto uiro ex membrorum inæqualitate, & mala uictus ratione, cacochymia multæ, & deprauationes, multorum humorum diuersitatem, & etiam ex animi accidentibus quàm plurimis, quæ passus est nobilissimus uir iste, secutæ sunt. His ita aggregatis cùm cerebrum à natiuitate fuerit debile, & nunc maxime sit debilius propter causas iam dictas, nõ mirum est si iste fluxionem



nem patitur tum propter uapores à toto, à uentriculo, & ab hepate ascendentes. Et caput est magis aptum ad suscipiendas superfluitates, ut dicit Galenus III. de locis affectis, quàm corpus, in quo est caliditas in ambitu uenarum, & in hepate: & cum cerebrum naturaliter debile sit, nō potest diffilare uapores illos nec concoquere, & hoc non solum per consensum; sed etiam per essentiam, & ratione propriæ imbecillitatis: ideo uerè rheumatizans est. Habet præterea texturam admodum raram: ideo à quolibet extrinseco calido tum frigido patitur mirum in modum, cum etiam non habeat calorem innatum ualidum. Quantum uerò ad naturam catarrhi, tenuis est & frigidus, & insipidus, quandoq; tamen salsus. Quòd autem sit tenuis, cognoscitur ex hoc quia fluit, & in principio tenuior adhuc erat. Ideo Venetijs medici plurimum laborarunt, ut crassefacerent, sicut refert Magnificèntia sua. Quòd autem sit frigidus, patet à substantia, quia pituita de se frigida est, nisi aliquid extrinsecus adueniat. Præterea est pituita insipida, quæ arguit maiorem frigiditatem. Præterea longam moram traxit, diu etiam perseuerauit: sed cū catarrhi diu perseuerant, licet sint cerebri calidi, tandem fiunt frigidi. Tum etiam propter priuationem signorum catarrhi calidi, arguitur catarrhum istum frigidum esse: quia si esset coryza, quod nomen tractum est *κρυση* *κρυση* *κρυση*, quod est lacerare, & mordicare, quod etiam annotauit Auicenna, nares mordicaret: sed non habet mordacitatem aliquam in descensu, neq; in naribus, neq; in palato, neq; in faucibus, & est sine sapore aliquo. Non habet præterea sitim: ideo iudicandum est esse frigidum. Quòd si aliquando aliquam falsedinem habuerit, hoc forte fuit



fuit quia salsedo, ut uoluit Galenus & Arist. fit propter putredinem humoris craffi adusti: uel, ut uoluit Auic. propter permixtionem uaporum calidorum, & acrium fit salsedo. In isto ab utraque causa tum à pituita putrescente, ut uidebimus, tum ex permixtione uaporum calidorum quia totum & maxime hepar calida sunt, à quibus euaporant uapores calidi, & acres in non parua copia. Ideo in natura sua frigidus est, & tenuis, & insipidus, quandoque tamen salsus propter causas iam dictas, & loquor de defluente. Quantum ad descensum uidebimus, quod habet tres uias, per quas descendit, primò per gulam ad cesophagum: & nos uidimus cum accessimus, ipsum euomentem catarrhum, & pituitam illam à capite defluxam. Item distillatio illa, quæ uadit ad uentriculum, facit obstructionem, & difficultatem anhelitus, licet sit in fine naturalium membrorum, quia tangit ipsum diaphragma: ideo potest facere anhelitus difficultatem. Alia uia est, per quam descendit catarrhus iste, & est per uenas capitis, & deuenit ad uenas thoracis, & fortasse est occasio nõ leuis quod expuat sanguinem. Tertia uia est aspera arteria, & descendit ad pulmonem, & excitat tussim, quæ & motus à natura factus ad expellendum excrementa in pectore contenta. Videndū modo est, an istud quod expuitur sit in cõcavitate pectoris, quia locus ille non est debilitatus, nec dolor præcessit, nec abscessus aliquis, sicut solet contingere in empyematib. post ægritudines pectoris, & post pleuritidem, & post peripneumoniam. Ideo credo ego quod sit in substantia pulmonis. Vtrum modò sit purulentus: dico quod non est immanis, nec liber omnino ab aliquali putredine, quæ fieri solet in humore, qui potest putrescere, &  
non



non descendit ad fundum urinæ, quia non totaliter putridus est, & quia permixtus est cum pituita spumosa. Quod si odoretis, sentietis aliqualem putredinem, non qualis est illa, quæ prouenit ab ulcere: & fit ista putredo à caliditate hepatis, & membrorum inferiorum, quæ resoluit ipsius tenuiores partes. posset etiam per admixtionem bilis deferri per uenas, quod non credo, quia bilis signa perciperentur. Vtrum uerò ab ulcere facto in pulmone proueniat sanguis iste: dico quod non, quia nullum est signum hoc indicans: nam si esset ulcus in pulmone, adesset febris fixa perpetua, & licet sit exemplum Gentilis, nescio quomodo ipse potuerit imaginari, quo pacto etiam si inducatur callus in uena, non perseueret febris hectica. Præterea non audiui, quod Magnificentia sua incalescat post cibum, quod indicat mihi non esse febrem fixam. Præterea si tangatis arterias, non inuenietis in ipsis maiorem caliditatem quàm in reliquis partibus, quod quidem obseruaui, neq; etiam duritiem aliquam. Præterea habet inæqualitatem in pulsu, quod non conuenit in pulsibus hecticorum, imò illi sunt æquales. Præterea si esset hectica febris, colliquarentur solida membra: sed non colliquantur, imò nutriuntur. Et sic dico quod non uidetur mihi, quod adsit febris hectica. Neq; etiam est suspicio de phthisi, quia si esset phthisis, ut dicit Galenus primo de locis affectis, uolens indicare an ulcus sit intrinsecum, uel extrinsecum dicit, esset pus. Non igitur est phthisis, quia non adest sanguis cum pure, neq; pus ulla, neq; uiridis, neq; pus quæ non possit commisceri cum sputo. Præterea ubi est uera tabes non poteritis ingredi thalamum, quin percipiat odorẽ malum. Præterea uirtutes omnes constant: sed si tabesceret

H      pulmo,



pulmo, non constaret uirtus cordis, nec esset talis color, si esset consumptio in substantia membrorum. Sed quæ est causa huius febris? dico quod ista est febris potius putrida proueniens ab humoribus pituitosis emanantibus per uenas pectoris, qui defunduntur per sanguinem, & faciunt febrem occultam, quam Græci typhodem appellauere, & laticam Arabes, quæ simillima est hectica. Et aduertatis, quod textus antiquus Auicennæ habet, cum rigore: sed nouus stat bene, qui dicit, sine rigore. Talis ergo febris est, nec ita facile est iudicare, licet sit calor præter naturam, & pulsus inæqualis: quia, ut bene dicit Galenus quarto de causis pulsuum, & in de locis affectis loquens de Antipatre medico, ubi materiæ sunt in pectore contentæ, fiunt pulsus inæquales. Cū igitur sint in isto humores in pulmone, qui putrescunt, faciunt calorem quendam præter naturam, qui medius est inter calorem febrilem, & non febrilem, & faciunt etiam maximam inæqualitatem: fit etiam propter uapores illos putridos eleuatos ad ipsum cor: & quia cor non potest ita bene euentari, ideo fit febris erratica. De fluore ipsius sanguinis duo dicam, & primò de causis floris sanguinis per sputum, deinde de eo qui per nares, & qui per urinas, & quare cœnosus aliquando fuerit. De sanguine igitur, qui per sputum eijcitur, certum est, quod uel à superioribus, uel ab inferioribus membris excernitur, qui per tussim à pulmonis partibus eijcitur, & non per uomitum, quia tussis, ut iam dixi, est motus factus à pulmone ad excernenda excrementa ipsius pulmonis. An uerò ad pulmones à capite demandetur, plurima sunt indicia, quæ possunt hoc persuadere, primò quia ante fluxum apparet calor & grauitas circa ipsum caput, & cū



Et cum emanat sanguis à pectore, illico cessat Et calor  
Et grauitas illa: præterea est Et alia coniectura, quia eo  
tempore, quo defluit sanguis per tuſſim, eodem tempore  
defluit etiam per nares: præterea sanguis qui expuitur,  
niger est quandoq;: potest etiam addi priuatio ſigni, quod  
est, quando à pulmone deuenit, ſpumofus est, ut dicit Ga-  
lenus v. Aph. xiiii. Et v. de locis affectis: iste uerò ſi-  
ne ſpuma est. Sed quia alij medici, qui ipſum curarunt,  
non affirmarunt quòd à capite flueret, imò inquit, quòd ei  
dixerunt à partibus ſuperioribus pectoris emanare: ergo  
ſi quod ſentio in medium afferre debeo, dicerem à pulmo-  
ne emanare, Et non à capite. Et cum hoc me mouet au-  
thoritas Galeni in v. de tuenda ſanit. qui dicit cōtra an-  
tiquos: Etiam sanguis à capite defluit, dum fauces occu-  
pat, Et ſi mordacitatem nullam habeat, tuſſim excitat, Et  
maximè antequàm uenit ad pulmonem, uel non. Si proue-  
niret, ibi congelaretur, Et concreſceret, Et faceret ſe-  
uiſſima accidentia, Et rigores maximos, Et contractiones  
caloris, quorum neutrum huic accidit. Præterea sanguis  
dum defluit, percipitur maximè in uigilia: ſed iſte nobiliſ-  
ſimus uir nunquam percipit talem deſcenſum: ideo nō poſ-  
ſum perſuaderi, quòd à capite defluat. Neq; rationes, quæ  
iſtis difficultatem pariunt, uim aliquam faciunt: nam di-  
cunt, cum accidit iſti ſanguinis ſputum, percipit calidita-  
tem circa caput Et grauedinem, quæ cum expuerit ceſ-  
ſat, quia credo hoc eſſe ex uapōribus eleuatis à partibus  
inferioribus, qui petunt caput: quia dum sanguis aggrega-  
tur, inflammatur pulmo, Et ſit id quod fieri ſolet in peri-  
pneumonia, ſi peripneumonia eſt inflammatio pulmonis.  
Cum igitur sanguis iſte tenuis permixtus pituitæ à toto de  
H 2 fluat



fluat ad partes pulmonis, inflammat ipsum, à qua inflammatione eleuantur plurimi uapores, qui petunt caput, & inflammant, & aggrauant ipsum. Et quia fluit à naribus etiam tunc temporis, dico quòd illa potest esse causa, quòd cum sanguis est feruens in toto, uel ab aliqua causa antecedenti, uel à causa aliqua extrinseca à pluribus partibus potest simul erumpere, quia potest pars illius sanguinis deuenire ad nares, & illinc fluere: et sic potest esse causa quòd caput inflammetur, & aggrauetur, cum sanguis à toto transmittatur ad nares. Et quia quandoq; talis sanguis, qui expuitur, niger est; ideo credunt isti à capite prouenire. Sed potest etiam à pulmone fluere, & esse talis coloris: quia scimus, quòd nihil citius putrescit, quàm sanguis, cum est extra uenas. Ideo quandoq; apparet rubeus, quia illico cum exit uenas expuitur: quandoq; uerò subniger, quia facit moram. & in principio apparet aliquantulum spumofus ex uehementi tussi: cum uerò facit moram, deficit esse spumofus. Quia bene ualet argumentum, expuitur sanguis spumofus, ergo prouenit à pulmone: non tamen ualet eius oppositum, non est spumofus, ergo non prouenit à pulmone. & hoc dicit Galenus v. Aph. xiiii. qui dicit. Quicumq; sanguinem spumofum expuunt, his è pulmoneeductio est. Galenus in fine illius commentii dicit, quod cum is sanguis, qui expuitur, spumofus est, indicat ulcera in pulmone, ita quòd uerè dicatur solius pulmonis ulcera indicari, non uerè ulcerato pulmone spumofum expui, dicit Galenus. Sæpius enim uidimus quibusdam ex alto cadentibus, uel calcitratis, atq; in palæstra percussis, sanguinem plurimum expui cum tussi bene coloratum, sine ullo dolore, quem ratio dicat ex aliquo pulmonis uase disrupto prodire.



dire. Et sic dico quòd licet non sit spumofus, potest tamen à pulmone exire: neq; credo quòd à substantia pulmonis exeat, sed à uenis in eo existentibus. Sed contra instabis, si à pulmone, ergo phthisis. Dico quòd non ualet, quia triplex potest esse causa exitus ipsius, uel apertio orificiorum uenarum, uel disruptio ipsarum, uel corrosio ipsarum. Dico quòd quando est corrosio in ipsis uenis, quòd tunc caueat à phthisi: cum uerò fractio est in uenis, quia ut plurimum, sicut dicit Galenus v. methodi, propter solutionem continui fit inflammatio, & sic fiunt tabidi: sed si ante triduum eis occurratur, plurimi sanantur, quia si prohibeatur inflammatio, tunc sanantur: sed si ita relinquantur, post triduum sequitur inflammatio, & sic tabidi fiunt. Sed in apertione orificiorum uenarum, quod in extrinsecis partibus uidemus, quandoq; quod in naribus aperitur aliqua uena, quæ post fluxionem sanguinis clauditur: sic etiã dicendum in interioribus, quia illa orificia clauduntur, & nos curauimus annis præteritis Cameranium, & alium doctorem de Bataglijs, qui spuebat sanguinem ex apertione orificiorum uenarum. Est tamen hoc etiam periculosum, quia potest contingere quòd sanguis ille non bene excernatur, & cum ibi retineatur, putrescit, et putrefacit quod sibi proximum est: quia quod tangitur à putrido, putrefit. Et ita credo esse in isto nobilissimo uiro, quòd orificia uenarum pulmonis aperiantur quandoq; & fuerint causa expuitionis sanguinis: & quia bene mundificatum est, & expuitur totus ille sanguis, non causat accidentia alia. Sed adest tussis maxima, quæ si perseuerabit, credo, quòd facile ad rupturam uenæ deueniet. His stantibus, quid dicendum de hac ægitudine, quia est distillatio perpetuò perse-



uerans à capite ad pulmonem, & ad pectus, & fluxus sanguinis periodicus è pectore timendus est, & est tussis uehementissima, propter quam maius adhuc instat periculũ de sputo sanguinis. Dico quòd stantibus eisdem causis sequuntur ijdem effectus, quia nisi remoueaturs illa mala cerebri, & uentriculi intemperies, in peius quoq; delabetur. Sed quo modo reducetis cerebrum, & uentriculum ad proprium temperamentum? quia non facile erit, imò difficillimum, maxime cum sit lapsum ad contrarias qualitates, à caliditate scilicet ad frigiditatem: est tamẽ possibile. Sed id quod mihi facit difficultatem est, quia dicit Galenus in primo Aph. oportet seipsum præstare obedientem, & nõ tantum medicum opportuna facientem. Et quia morbus est longus, certè credo quòd non poterit pati optimam uictus rationem in sex rebus non naturalibus, & maxime in cibo & potu, in animi accidētibus, & in Venere, quia (ut credo) habet pulcherrimam uxorem. Et sic possibilis est cura, sed difficillima, si quæ alia sit. Et quia adest istud sputum sanguinis, & uos scitis, quid dicat Hippocr. in IIII. Aph. sanguis eiectus à quacunq; parte corporis malum: præterea adest multitudo catarrhi, quæ maior est, quàm sit cibis, & potus, quem assumit, & est malus etiam, quia purulentus uariis, quia subtilis, & crassus, & iãdiu perseverat: ideo mali moris est, quia fuit curatus ab excellentissimis medicis, & tamen non potuit sanari. Ideo dico, quòd licet sit uiaticum, habet tamen iter longum admodũ: propter quod attendendum est ad uirtutes nõ tantum præsentis, quia propter longam ægritudinem tandem fient debiles. & sic non facile est prognosticari. Credo tamen quòd possit curari, & quòd ægritudo longa est, eradicabilis



bilis tamen : et quia uirtutes in hoc itinere tam longo possent deficere ; ideo illis prouidendum est maximopere .

Quantum modò attinet ad curam , uos scitis esse sententiam Galeni v. methodi in cap. de cura catarrhi, ubi est spiritum sanguinis , à leuioribus non est inchoandum , quia sic facere est parare ægro longum interitum : ideo à fortissimis inchoarem curare. Et Galenus in eo loco à tribus maximis, & ualidissimis inchoat : primò cum ualidissimis euacuantibus, & sepißimis, & legatis ipsum , quia docet facere quasdam pilulas cum agarico, quæ ualde similes sunt pilulis cochijs, & sepißimè euacuabat : secundò in synapsimis fortibus : tertio in corroboratione membrorum, in quo utebatur diasspermaton, & theriaca noua, et antiqua. Ideo in primis curandum est, ut corpus istud exquisitè euacuetur , & circa euacuationem huius corporis proposita sunt duo instrumenta : primum fuit emissio sanguinis : secundum pharmacia . quantum ad euacuationem possumus ipsam facere . Quantum ad indicationes sumptas à causis antecedentibus, sunt enim uapores calidi, & multi ascendentes à toto ad ipsum cerebrum, ideo insurgit una indicatio, quòd remouenda est caliditas hepatis , quod fiet per euentationem sanguinis , ut uidemus etiam ex urinis , quia sunt rubæ , quæ indicant etiam de quantitate sanguinis , & ideo posset ex hæmorrhoidibus , si apparuerint , fieri. Et licet adsit multa pituita , tamen poterit fieri parcissima, quia dicit Galenus quinto methodi, & quarto de tuenda sanitate, quòd ubi est putredo mixta in febribus , etiam si indigeamus phlebotomia , debemus tunc uitæ thesaurum conseruare , qui est sanguis . & idem dicit Auicenna prima 4. Quantum possibile est , caue à missione sanguinis,



nis, quia est thesaurus uitæ. Et istud corpus indiget magis euacuari per pharmacum, quàm per missionem sanguinis. Ideo si feceritis copiosam phlebotomiam, facietis multa incommoda, tum quia suspicio est de ruptura uenæ: & scitis Galenum in de missione sanguinis dicere. Non solum facienda est phlebotomia, quando magnus est morbus; sed etiam quando futurus est magnus. et quinto methodi cap. de catarrho, ubi corpus dispositum fuerit ad rupturam uenæ, & pectus angustum fuerit, & ipse fuerit longus, & si nunquam inciderit in rupturam uenæ, mittas tamen sanguinem propter præcautionem. & sic cum sit multitudo sanguinis, ratione cuius soleant rumpi uenæ, uel cum sanguis solitus sit erumpere ad partes pectoris, tunc indicatio est de missione sanguinis. Et quia in uere maxime solet abundare, ideo indicatione sumpta ab hoc non esset malum mittere sanguinem in hoc subiecto, & hoc ut prohibeamus uapores ascendentes ab hepate ad caput, uel ratione auersionis. Ideo paulatim extraherem uerbi gratia unc. ij. deinde nutrirem, & iterum alias unc. ij. & iterum nutrirem, & sic partiremur. Quantum uero ad euacuationem, dico quod totum debet esse exquisitè euacuatum, quia tunc caput magis potens erit ad excernendum proprias superfluitates, & debemus uti euacuationibus, quæ trahant à capite. Ideo in singula hebdomada euacuarem ipsum cum rebus tamen leuibus, & non dimitterem agaricum, quod si uomitum excitaret, abstineremus ab ipso: sed prius tentarem an excitaret. Ideo exhiberem florem cassiæ cum agarico, uel terebinthinam, uel cum confectionibus cōsuetis, ut essent pilulæ aggregatiuæ, quæ optimæ sunt, quia haberent quicquid habent illæ pilulæ Galeni:



leni: nam in illis est rhabarbarum, agaricum, scammonium, & portiūcula colocynthidis, & cum myrobalanis, purgarem cum cochijs: pilulæ etiam de hiera cum agarico sunt leuiore. Sed quia non euacuamus, nisi concoquamus materiam, & quia sunt diuersæ materiæ in pectore, aliæ enim sunt crassæ, aliæ fluidæ; ideo alia præparatio ne indigent quæ fluunt, & alia, quæ crassæ sunt. Ideo in illis uterer rebus abstergentibus, & incidentibus: in fluidis autem increpantibus: & hæc de materia iam fluxa. Quæ autem à capite defluunt, uidentur præparatæ: neque enim admodum crassæ, neque admodum tenues, neque parietibus adherentes sunt. Ideo pro incisione materierum crassarum, quæ in pectore continentur, uterer rebus ualde incidentibus, & astringentibus, ut esset syrupus de liquiritia, syrupus de farsara, de hyssopo, de betonica, & consimilibus. De corroboratione uero membrorum mandantium, & recipientium, quantum sit de recipientibus cum bene euacuata essent, uterer zuccharo rosato in maxima quantitate, & bolo Armeno: nam bolus Armenus simplex post purgationem prohibet descensum catarrhi ad pulmonem, & uterer etiam theriaca noua, & ueteri: sed cum sunt uigiliæ, noua, quando non adsunt, ueteri. Et uellem ut uteretur myrobalanis chebulis conditis, quia confortant uentriculum, cerebrum, & hepar. Queritur modo an stillicidium in hoc casu capiti conueniat. Et quia dixere alij, quod temperatura huius capitis est calida et sicca, quod si ita esset minimè conueniret, quia dicit Galenus libro de tuen. san. ijs qui sunt calidi, & sicci capitis, non conueniunt thermæ, quia magis augent affectum. Sed quis dixerit, quod bene à natiuitate caput fuit calidum & sic-  
cum,



cum, nunc autem permutatum est ad frigidum, & siccum. Ideo non abstinere à balneo calido: imò credo quòd per ipsum reducerem cerebrum ad proprium temperamentum calidum, & siccum, prius tamen quærerem caput ex omni parte expurgare, & cum caputpurgijs non ex aqua maioranæ, betæ, & uiolearum, quia uidentur illa frustra operari. Ideo deuenire ad succum cyclamini, id est, panis porcini, & ad alia huiusmodi, quæ maximam uim in expurgando à capite habent. Abstinerem à gargarismis, quia suspecti sunt propter descensum materiæ: nam maiorem quantitatem ipsius traherent. Quantum ad masticatoria, uterer mastiche simplici primò, deinde staphisagria cum pipere, ut per os catarrhum expueret, ne ad pectus descenderet. Quantum ad reliquas diuersiones, quia factum est cauterium in genu sinistro, facerem aliud in dextro, & in alijs etiam partibus, sicut in brachio, & collo, quia ab ista ægitudine imminet maximum periculum. Accederem etiam ad synapismos ex thapsia, ex flammula Iouis, ex apio canino, seu ranunculo. Cauere tamen à cantharidibus propter illum mictum sanguinis. Et sic procederem cum reliquis huiusmodi uesticatorijs, quæ facerent crustas. Deinde super caput pro confortatione apponerem pulueres ex ladano, de garyophyllis, & agarico pari portione. Vellem & ut caput lauaret cum aqua, in quibus decoctæ essent herbæ calidæ, & odoratæ, quas temporis angustia prætermitto. Haberet præterea pomum quod continuè odoraret, confectum ex rebus odoratis, ut ex nigella, ladano, nuce muscata, garyophyllis, mace, ambra, musco. Et hac uia procederem.

Consult.



Consult. **xxi.** De dolore capitis periodico,  
de ventriculi debilitate, & mensibus albis,  
cum detestatione coitus, pro matrona Ve-  
neta.

**TRIA** in hac Magnifica D. membra affecta sunt, ce-  
rebrum, uentriculus, & uterus. Cerebrum, quoniam pa-  
titur dolores uehementissimos, tam in anteriori, quàm in  
posteriori parte, & illos periodicos: quandiu enim uen-  
triculus suos uapores ad ipsum transmittit, tandiu infesta-  
tur, & hoc propter colligatiam, quã uentriculus cū cere-  
bro habet. Patitur uentriculus, primò plus appetit, quàm  
deberet, secundò male concoquit, tertio non retinet cibũ,  
quod ex ructibus, & flatibus declaratur, quartò non ex-  
pellit, imò quandoque acida per uomitum eijcit. Uterus  
uero & ipse suo munere non fungitur, menses etenim al-  
bos reddit, offenditur in coitu, ita ut post congressum  
pestimè semper se habeat, & sæpe uirum suum depre-  
catur, ut ab eo abstineat, neque delectatur in uenere. Istis  
dispositionibus, & affectibus præter naturam affligitur.  
Quantum ad dolorem capitis nihil aliud dicam, cū per  
essentiam in capite non sit, sed per consensum uentriculi.  
Ratio ergo tota ad uentriculum referenda erit. Ventricu-  
lus, sicut apparet ex operationibus læsis, frigidus est, plus  
enim appetit, quàm concoquat, quod supra uentriculi fri-  
giditatem attestatur: male etiam retinet, cuius signum est,  
quòd flatus, & ructus acidos percipit, & cibum in stoma-  
cho flatuantem, euomit acida semper, quæ omnia frigidam  
uentriculi intemperiem ostendunt: & dum uentriculus ita  
male



malè dispositus est, caput ipsum non pauca læsione affligit. Vtrum uerò cum ista mala intemperie frigida sit coniuncta siccitas, uel humiditas: si considero substantiam uentriculi, abdomen gracile, siccus erit & exanguis: si uerò totum hoc aggregatum, & humorem frigidum contentum in ipso, dicam humidum esse. Itaque mala ista intemperies cum affluxu humoris frigida statuenda est. Uterus frigidior quoque factus est, quod patet ex multis, primò ab exeuntibus mutatis, ex illis albis menstruis ante, & post fluxum, quæ frigidiorum uterum declarant. Secundò ab actionibus læsis, cum decennio non pepererit: ergo actio diminuta, diminuta autem actio à frigidityte prouenit, sicut corrupta à caliditate. Signum postea à posteriori, quoniam semel tantum peperit, & foemellam: foeminae autem, si Hippocrati credimus, generantur propter uterum frigidiorum, ergo læditur in coitu, non quòd collum matricis tortuosum sit, quod actum uenerèum lædat, sed quia uterus ex emissio spermate uirili affligatur, quod dum emissum est refrigeratur, inflatur, & intumescit. Vnde postea matricem lædit ipsam extendendo, & dilatando, cuius signum est, quòd dum calida applicat, statim uaporibus per caloricam ista ascensis dolor cessat. Quartò uterus frigidior redditus est ex magno fluxu, quem passa est post partum, quantum enim superflue euacuationes membrum lædant: à quo excernuntur, testatur Hippocrates ipse plurimis in locis. Quid ergo mirum, si uterus cum uentriculo frigidior, quàm par sit, caput ipsum in consensum traheret? unde dolet caput propter communicantiam istorum duorum membrorum, in parte posteriori, quoniam ab utero per uenas, & arterias plurimi uapores frigidi eleuantur, qui



qui ipsum extendunt, & replent: in anteriori quoniam uentriculus uapores, & fumos ad ipsum delegat, sicut etiam apparet in his, qui uertiginem, aut suffusionem per consensum uentriculi patiuntur, magis in anteriori cerebri parte dolent, sicut illi quibus per aortam, & uenam cauiam uapores ascendunt magis in posteriori. Prognosticum erit, quod curabitur, non tamen ita perfecte, ut omnino integram ualeitudinem recipiat: concipiet proculdubio, si nostris preceptis obsecundabitur. Cura talis instituenda est, ut bona ratio uictus prescribatur, & bono regimine in sex rebus non naturalibus utatur: nihil enim perniciosius in egritudinibus chronicis, quam multis solutiuis corpus macerare, quæ licet primo occursum uideantur proficere, tempore tamen ipsum destruunt, uires deiciunt membrorum præsertim naturalium, sicut & nix super segetes cum cadit, iuuat nonnihil, sed tandem quoque illas in totum destruit. Instituto bono regimine, leniendus erit uenter cassia, & hiera simplici: postmodum concoquenda materia hoc infrascripto syrupo.

Rx. Syrupi de absinthio

De cichorea Nicoli sine rhabarbaro ana ℥ ij.

Foliorum cichorei

Absinthij decoctorum in iure pulli tenui, quantum sufficit. Purgetur postea. Assumpto secundo syrupo fiat phlebotomia non euacuandi gratia, sed ut euentetur iecur, quod calidius aliquantulum est, sicuti ex urinis apparet. Peractis purgationibus accedat ad thermas Apponenses, quas bibat, & in illis se immergat: hac enim ratione, & uterus, & uentriculus refrigeratus calefiet, & corroborabitur, quod præcipue intendimus.

Consult.



Consult. xxii. Ad phthiriasim, seu tineam  
capitis antiquam.

PRIMO' abstineat à lacticinijs, pastilibus, carnibus  
antiquis, auibus palustribus, rebus frictis in sartagine, le-  
guminibus, herbis crudis, uino dulci & crasso, & à uino  
nigro & turbido, à satietate & multitudine ciborū, post  
cibum à studio & exercitio pleno existēte stomacho. Hæc  
ubi iste fecerit, sumat pilulas singulis septimanis semel aut  
etiam bis si oportuerit, num. iij. hora una ante cœnam: quæ  
rum descriptio est talis.

℞. Succī fumiterræ

Borruginis

Chamædryos ana ʒ ij.

Myrobalanorum chebulorum

Indorum

Citrinorum ana ʒ iiij.

Hellebori nigri ʒ ij.

Agarici electi ʒ iiij.

Aloës ʒ vi.

Epithymi

Foliorum senæ

Polypodij ana ʒ i.

Puluerizentur omnia, & permisceantur succis, &  
permittantur exiccari, & postea cum syrupo de sumoter-  
ræ fiat magdaleon. De quo formentur pilulæ pro singulis  
drachmis tres, sumendæ ut suprâ. Item tondeantur capil-  
li usque ad cutem, postea utatur lotionē infrascripta sal-  
tem semel in septimana.

℞. Li=



℞. Lixiuij dulcis quantum sufficit pro una uice, in quo decoquantur.

Aristolochiæ rotundæ

Pannis porcini

ana ℥ s.

Gentianæ

Rheupontici

ana 3 iij.

Centaurij

3 iij.

Decoquantur omnia ad consumptionem tertiæ partis lixiuij, & cum eo lauetur caput, & exiccetur semel aut bis in septimana. Deinde inungatur caput oleo infrascripto magistrali.

℞. Ireos

℥ s.

Squillæ

℥ i.

Centaurij minoris

℥ s.

Myrtillorum

℥ i.

Garyophyllorum

℥ i. s.

Olei amygdalar. amar.

℥ i.

Ponantur omnia simul in uase uitreo bene obturato, & bulliant in balneo Mariæ lento igne per horas sex, postea seruetur oleum in Sole, remouendo ipsum tempore nubilo & in nocte. & hoc oleo illiniatur caput quotidie in introitu lecti, & post lotionem ordinatam à nobis

Consult. xxiii. De dolore capitis post partum, cum symptomatibus melancholicis, pro matrona Germana.

MVLIER quædam xiiii. diebus post æditum partum cœpit laborare ex dolore capitis, adeo ut existimauerit, caput sibi inane & uacuum esse, nec dormire potuit,



tuit, inde timuit ne priuaretur sensibus, & ratione, et uoluit ipsa sibi inferre uiolentas manus, quod quidem perdurauit à puerperio tribus mensibus. hoc quidem etiam illi contigerat antè in duplici partu, sed non ita diu perdurauerat. Cum uerò uterum gestabat, dolebat quidem ex capite, sed magis quieta fuit. Curanda erit hæc nobilissima mulier ab affectionibus suis, quas melancholicas arbitror, habita ratione ætatis, temperaturæ, genere morbi, tempore anni, & reliquis non repugnantibus: primò recta ratione uictus, secundò missione sanguinis, tertio alteratione & purgatione humorum, quarto confortatione membrorum. Pro uictus ratione, custodiatur ab omnibus animi molestijs, degatq; cum amicis cum omni animi hilaritate quantum fieri potest arte & studio comparando. Utatur uino albo & tenui, & si fieri potest, subdulci. Carnibus iuuenum animalium, hædorum, pullorum, et reliquorum huiusmodi. Sumat mane singulis diebus oua sorbilia, neque utatur multitudine ciborum, euitet crapulas, potationes et cruditates cuiusq; generis. Aluum mollem quàm fieri potest conseruet, pro quo si natura defecerit, enitetur cum flore cassiæ, uel decocto prunorum dulcium & saccharo, uel decocto maluæ ex iure pulli aluum lenire: nihil enim perniciosius suis affectibus quàm aluum strictam habere. Procuret concoctiones neque cum cruditate accedat ad cibum, cruditas enim melancholico omnino uitanda. Circa Martij mensis medietatem lenita prius aluo uel clysteri, uel drachmis decem floris cassiæ cum zucchero in bolo confectis, sequenti die sanguinem mittat ex basilica dextri lateris, trahaturq; sanguis pondere drachmarum decem, ac postea die etiam eodem missio sanguinis repetatur,



repetatur, sed à sinistro latere. Deinde utatur diebus septem iure hoc modo confecto, quod sumat mane hora syrupi.

℞. Foliorum borraginis

Buglossæ

Betonicæ

ana ℥ i.

Polypodij

Glycyrrhizæ

Radicis althææ

ana ℥ i s.

Decoquantur omnia in libris duabus iuris pullacei ad consumptionem dimidiæ partis. deinde facta expressione & colatura bibat totum residuum una uice: & sic repetatur per dies septem. Octauo die sumat bolum infra scriptum.

℞. Confectionis hamech

℥ iiij.

Radicis hellebori nigri

℥ s.

Misce cum modico iuleb uiolati, fiat bolus cum zuccharo, deturq; in aurora cum custodia. Item

℞. Conseruæ florum borraginis

℥ vi.

Conseruæ rosarum

℥ ij.

Zedoariæ

℥ i.

Misce, fiat electuarium, de quo sumat singulis diebus cochlear unum tribus horis ante prandium. Deinde illinatur totus uenter quotidie infra scripto linimento.

℞. Olei de absinthio

℥ iiij.

Masticis

℥ iiij.

Ceræ parum,

Fiat linimentum. Item abluat caput singulis septimanis bis cum infra scripto decocto.

℞. Furfurum tritici

lib. iiij.

I

Florum



Florum camomillæ	℥ ij.
Glycyrrhizæ	℥ iiij.
Polypodij	℥ ij.
Radicum hellebori nigri	℥ ij.
Agarici electi	℥ i.

Bulliant omnia simul in sufficienti quantitate aquæ ad consumptionem medietatis. Deinde facta expressione, utatur hoc decocto pro lixiuio, & tergat caput sapone odorato muscato, & hæc omnia explebunt quæ promissimus. Quod si optimum quoque Mithridaticum ter in mense sumat ad drachmæ unius quantitatem cum modico uini aromatici albi quinque horis ante prandium, perficiet adhuc magis corroborandi consilium. Insuper diligenter inquire an post partum 30. diebus, ut moris est, post masculinum partum, post foemellam 40. sit satis purgata, an habeat sua debita menstrua, an utatur debita ratione uictus, an uisa sit aliquando habere purgationes, quæ nunc aliquandiu cessarunt, alui, uomitus, hæmorrhoidarum.

Consult. xxiiii. Pro eadem, & marito eius laborante morbo Gallico.

PRO consultatione sanitatis huius nobilis & strenui uiri & nobilissimæ suæ uxoris, nunc duo sunt proponenda, ratio uictus inquam & medicamentorum usus. Quantum ad rationem uictus attinet, erit illa utriq; communis, ideo de hac ratione uictus quæcunq; admonebuntur intelligi uelim utrunque esse pariter admonitum. medicamenta uerò singulorum cum diuersa sint, explicabuntur seorsim.

Primo



Primò igitur quærent ambo omni conatu quascunque animi molestias quàm maximè uitare, & tanquam pestẽ abominari, iracundiam præcipuè, mœstitiãq; ac timorẽ, sed læti ac in optima spe constituti uiuant. Præterea otium & quietem corporis procul effugiant, moderato exercitio utantur, mane præcipuè ac uesperis ante cœnam. Caueant tamen ne exerceantur, aut post exercitium quiescant in aëre admodum frigido aut uentoso, & ubi talis aër contigerit, tunc se intra domum contineant & exerceant, suas res familiares procurando, hoc enim optimum exercitiij genus est. Fugiant meridianum & omnino diurnum somnum: proinde hortor ut mane ante uel circa Solis exortũ surgant, & procuratis excretionibus corporis consuetis per aluum & urinam, per sputa, & per screatus, narium emunctiones, frictiones capitis, auriumq; sorditie expurgata, tunc uegeti atq; hoc modo excitati ad exercitia corporis se conferant. Etsi aliquando contigerit uel in altero, uel in utroq; ut excrementa alui præter consuetudinẽ suppressi uelint, non permittant hoc uitium inualescere, sed protinus si clysteres non admiserint, præbiant ante prandium ius pulli, in quo decocta sit mercurialis, malua, & beta, uel folia brasicæ, deinde adiecta portione zucchari rubei: lenietur enim aluus sine molestia. Præterea non diu uersentur, aut commorentur, aut aliquo modo se exponant, ubi sit aër frigidus & uentosus, & tempore hyemis caueant, ne more Germanorum repente exeant à suis uaporarijs & hypocaustis calidis exponẽtes se aëri frigido: illud enim longè detestabilius est, quàm si perpetuò in eodem aëre frigido uersarentur: sed ubi necessitas aduenit exire hypocausta, habeant operimenta tã capitis quàm

I 2. uniurest



uniuersi corporis, quibus se à repentina aëris frigiditate tueantur: neq; ita calefiant hypocausta, ut multi consueuerunt, quibus non satis est, ut corpore mediocriter incallescant tantum, ut à frigoris excessu muniantur, imò non cessant nisi prius torrescant & assentur. Caueant igitur ab eo importuno hypocaustorum feruore, sed tantum tepescat locus, nimis enim offenderentur in egressu. Præterea aëri nocturno ne occurrant, sed in locis altis, uersus orientem & meridiem sitis. Caueant quàm maximè, tanquam à peste, à comessionibus & compotationibus, sed sobrij intra proprios parietes sibi uiuant: nisi enim hoc fecerint, frustra reliqua agentur. Bis in die moderatè comedant, & moderatè bibant, omittendo has compotationes, quæ nedum sanitatem amissam reficere student, sed eam quoq; quam possident deperdere. Potus ante omnia deligendus, ille sit uinum minimè potens, sed lene & pauciferum, nullius aciditatis particeps, sed bene maturum, colore album uel rufum: à nigro, obscuro, crasso prorsus abstinendum, & si album uel rufum haberi non potest, eligatur giluum, limpidum: & eo modestè utantur, neq; à prandio aut à cœna potent. Panis sit bene fermentatus, bene coctus, neq; ultra quàm quotidianus. Carnes pullorum, castratorum iuuenum, hædorum, auium campestrium pinguium. Sed caueant maximè à palustribus, ut anatum, anserum: à piscibus abstineant quàm maximè fieri potest. Oua recentia uel cum aqua, uel cum igne mediocriter cocta, conueniunt cum modico zuccharo & cinnamomo condita prorsus sine butyro. Fercula etiam ex oryza, hordeo, spelta, farro non uitupero, si in iure pingui optime cocta fuerint. Euitent herbarum omne genus præter



præter lactucas, quandoq; & borragines. Fructus etiam præcipue fugiant, & maxime horarios. Autumnalia pyra & poma decocta cum saccharo & aniso, nõ malè post cibum admittuntur. Caueant ab omnibus lacticijs, pascilibus, rebus cuiuscunq; generis in sartagine frictis, à carnibus antiquis, sicut bubulis, hircinis, à salitis item omnibus, à multitudine cibariorum, imò in singulis mensis singulo tantum genere sint contenti. Hæc quantum attinet ad uictus rationem, quam diximus utrique esse communem. Nunc ad medicamenta accedemus, quæ sint singulis seorsum propria. Nobilis igitur uir quàm primum se in propriam domum contulerit, incipiet purgari hoc modo, qui proxime sequitur. Primò

R. Floris cassiæ ʒ i. s. Cum zuccharo fiat bolus. sumatur mane hora una ante prandium. Deinde

R. Syrupi de fumoterræ simpl.

Oxymellis simpl.

ana ʒ i.

Seri caprini

ʒ vi.

Misce pro uno, & sic pro septem alijs. Postea uerò

R. Confectionis hamech

ʒ iiij.

Syrupi rosati solutiui

ʒ ij.

Cum aqua fumiterræ fiat potio sumenda cum custodia in aurora post syrupum ultimum die sequenti. Sed post assumptionem duorum syruporum primorū mittatur sanguis à uena basilica dextri lateris, extrahantur uncia decem, uel ultra. Finita hac purgatione quiescat per dies duos, & interim mane & uesperis hora ante cibumumat sacchari rosati unciam unam. Peractis his duobus diebus incipiat bibere syrupum infra scriptum, ex quo soluetur alius sine molestia quater aut sexies singulis diebus.

I 3

Erunt



Erunt autem omnino sex syrupi sex diebus exhibendi.

℞. Aquæ fumiterræ lib. vi.

Myrobalanorum citrinorum

Chebulatorum

Emblicorum

Indorum

Belliricorum

} ana ʒ ij.

Epithymi

Polypodij

Senæ

Glycyrrhizæ

Semi. citri

} ana ʒ i. s.

Corticum hellebori nigri

ʒ iij.

Fricentur myrobalani cum oleo amygdalarum dulcium, ubi prius contusi fuerint grosso modo, deinde infundantur in prædicta aqua per diem naturalem, postea decoquantur omnia simul secundum artem, ad consumptionem medietatis: postea facta diligenti expressione & colatura reſeruetur, & tota illa coctio diuidatur in sex partes, & ſumatur una pars ſingulis diebus tepida in aurora cum uncia una Syrupi de infuſione roſarum. Vbi uerò hæc tota purgatio peracta fuerit (hæc purgatio uere & autumnò fiat, eademq; erūt prorsus & ſimilia omnia, præterquàm quòd miſſio ſanguinis uere tantum admittenda eſt) trium dierum quiete interiecta, ac ſaccharo roſato ante cibum ſemper ſumpto, ut paulò ante inſtituimus: interim parabit ſibi decoctum ligni Indi, quod tranſacto illo triduo potare incipiet. Accipiat igitur illius ligni nigri & deraſi lib. i. Aquæ deſtillationis endiuie lib. xiiii. & fiat inſuſo in olla noua bene obturata per horas 24. poſtea in eadē olla ſenſim



sensim decoquatur, donec decrescat tertia pars. deinde facta colatura, bibat huius decocti calidi lib. i. mane & alteram uesperis hoc modo, ut hora octaua primam bibat, duodecima comedat siue prandeat: decimanona uero bibat secundam, & uigesima tertia coenet, atq; ita perseueret usq; ad diem quadragesimum. Caueat interim hoc toto spatio à uentis, et si sudor prouocetur, accubet lecto, pannisq; diligenter operiatur. Quotidie procuret beneficium alui. Cibus sit singulis uicibus panis biscocti unciae tres, pulli iunioris unciae totidem. Loco uini bibat aquam communem optimi fontis uel putei, in quo id lignum secundo decoctum fuerit. His rite peractis habeat postea familiares pilulas, quas pro cōseruatione sanitatis toto anno usurpabit semel in septimana, hora ante coenā pondere ℥ ij. uel drach. unius. Et si integrè se percipiet, bene erit: sin minus futuro uere rursus eadem purgatione praemissa ad decoctum ligni Indi redibit. Neq; enim dubitamus hoc solo remedio tandem esse curandum.

℞. Aloës optimæ ℥ i. Puluerizetur optimè, inde aspergatur succo rosarum puro, & permittatur exiccare. Deinde

℞. Agarici electissimi 3 vi. & similiter puluerizetur. postea aspergatur oxymelite, & exiccetur eodè modo, ut de Aloë diximus. Postea

℞. Rheubarbari 3 iij.

Rosarum siccarum

Succi glycyrrhizæ

Nucis muscatæ ana 3 i.

Salis gemmæ 3 ij.

Puluerizentur omnia per se, deinde misceantur, &

l 4 cum



cum melle rosato fiat magdaleon. De quo conficiantur pilulæ ut supra, quæ sumantur ter uel quater singulis mensibus hora una ante coenam pondere  $\mathfrak{z}$  ij. uel  $\mathfrak{z}$  i. & fiant pilulæ tres. Et hæc satis pro nobili uiro. Pro honestissima uxore, & ipsa bis singulis annis purganda est, uere inquam & autumno, ita ut uere etiam sanguinem mittat, autumno nequaquam. Purgatio autem talis erit.

$\mathfrak{R}$ . Electuarij de sebesten solutiui  $\mathfrak{z}$  x. Cum saccharo fiat bolus. sumatur mane tribus horis ante prandium ac parçè prandeat.

$\mathfrak{R}$ . Syrupi Sabor regis

De fumoterræ

ana  $\mathfrak{z}$  i.

Aquæ borraginis

$\mathfrak{z}$  ij.

Misce pro uno, & sic pro alijs.

Item

$\mathfrak{R}$ . Confectionis hamech

$\mathfrak{z}$  ij.

Syrupi rosati solutiui

$\mathfrak{z}$  ij.

Cum aqua borraginis fiat potio, sumenda die proxima sequenti syrupum ultimum. Sed post duos primos mittatur sanguis à uena basilica dextri lateris, & trahatur uncia decem, uel libra sanguinis, et hoc uere tantum non autumno. Vbi ita bis in anno purgata fuerit, utatur postea bis uel ter aut quater in mense infrascripta potione benigna, & sine custodia, quam sumat tribus horis ante prandium.

$\mathfrak{R}$ . Folliculorum senæ

Epithymi

ana  $\mathfrak{z}$  iiij.

Polypodij

$\mathfrak{z}$  i s.

Glycyrrhizæ

$\mathfrak{z}$  i.

Ponantur uesteri in infusione in iure pulli pinguis uel  
in



in sero lactis caprini: facta diligenti expressione, & colatura, bibatur decoctum tepidum addito saccharo, si libuerit. Hoc præcipue erit utile ad omnes affectus arcendos in hac nobili muliere. Item ante prandium utatur quàm sepiusimè electuario infrascripto, quod sumat hora antequàm prandeat pondere  $\mathfrak{z}$  s.

Rx. Sacchari buglossati

Borraginati

Violati

Nenupharini

ana  $\mathfrak{z}$  iij.

Commisceantur omnia simul & addantur folia auri puri numero vi. & seruetur in uase uitreo, & hoc maxime utatur cum fuerit grauida.

Consult. xxv. De catarrho, pro Illustrissima Ducissa Urbini.

PER LO catarrho di sua Eccellenza è prima d'hauere grande cura circa il suo uiuere. Riguardisi da uarietà di uiuande, mangi sobriamente, massime la sera, non beua tra pasto. Il uino ha da essere leggiero, ouer ben adacquato, pur che l'acqua non le sia naturalmente inimica: & non saria male, se il uino hauesse un poco di dolce. Guardarsi da frutti, da pesci, & da latticini, & da paste. Con questo gouerno uorrei che sua Eccellenza pigliasse ogni sera nell'andare à letto un buon cucchiaro dell'infrascritto elettuario, & non saria male, che anchor fra il giorno ne pigliasse spesso una pochissima quantità per uolta, tanto che senza inghiottire distillasse da sua posta nelle uie del spirito, & le sarà di gran giouamento. Et oltre mi piacerà molto,



molto, che due uolte la settimana usi di pigliare fiore di Cassia nuouamente estratta dalla canna mezza hora inanzi di snare: la quantità è quanto si po cauare di quattro onze di canna. Et sua Eccellenza la potrà far trarre in sua presentia fuor della canna, & così pigliarla, che à molte suole essere piu grato pigliarla in questo modo: pur sua Eccellenza si satisfarà in ciò, che non fò difficultà piu ad un modo, che ad altro. ~~de~~ descrittione de lo elettuario è questa.

Rx. Caputum papaueris albi num. xx.

Liquiritiæ rasæ ꝑ ij.

Carnis siliquarum pinguium dempto cortice, et exemptis acinis ꝑ iij.

Bulliant omnia simul in x. libris aquæ fontis, donec remaneant duæ. Deinde

Rx. Zucchari albi lib. i.

Penediarum ꝑ iij.

Et syrupizentur omnia simul secundum artem usq; ad consistentiam mellis: deinde seruetur ad usum.

Consult. xxvi. De dolore capitis cum tinnitu aurium, pro Illustrissima matrona.

SUPPOSITA ægritudine, uel potius dispositionibus præter naturam, quibus laborat Illustrissima domina uidelicet dolore capitis & tinnitu aurium, quæ licet aliquando remittantur, tamen subinde redeunt, neque prorsus remittuntur. Supposita etiam temperatura, ut conijcere possumus ex his quæ referuntur, calida & humida, & habitu corporis pingui, & obese, in magnis delicijs degendo



degendero, lautissimis & copiosissimis cibarijs adhibitis, dicimus facillimè deprehendi posse earum dispositionum causam esse plenitudinem humorum & redundantiam. Et cum non audiuerimus capitis aliquod uitium præcessisse, cerebriq; operationes tum extrinsecas, tum intrinsecas fuisse secundum naturam, neque unquam distillationem perperam fuisse, credimus hanc ægritudinem primogenio affectu ad caput non esse reducendam, sed ad membra inferiora, ut uenter, & hepar, ac totum uenarum ambitum. Existente enim in illis membris redundantia, necessarium est omnino repleri caput ob plurimos uapores ascendentes, præcipuè in regione frigida, ubi paucissima transpiratio. Quàm primum igitur occurrendum est plenitudini, ne cerebrum affectum eliso ac suffocato calore innato, reddatur seipso imbecillius, ac deinde intemperies per essentiam firmetur in capite, reddaturq; ægritudo uel insanabilis, uel quæ difficillimè tolli possit, estq; uia curationis manifestissima. Plenitudinem, sicut dicebat Hippocrates, euacuatio sanat. Euacuabitur tum adhibita recta uictus ratione, cibiq; ac potus parsimonia, tum medicinis euacuantibus ac sanguinis missione. Quantum igitur attinet ad uictus rationem, cauendum primò ne aëri frigido occurrat uel flatibus uentorum, etiamsi æstiuo tempore quandoque uideatur esse iucundum, sed ab Austro caueat præcipuè, ab aëreq; nocturno. Somnum meridianum fugiat, maxime enim officeret capiti. Procurabit ut singulis diebus reddat alui excrementa, quæ si pauca aut retenta fuerint, adiuuet mollientibus, sicut est potus ante cibum pullacei iuris, in quo malua, mercurialis, & beta alba decocta fuerint, addito etiam saccharo. Vbi herbarum facta fuerit expres-



expressio ebibat haustum copiosum tribus horis ante prandium : proderit enim ad aluum emolliendam . Ad idem etiam confert usus passularum dulcium ante prandium, puluere sacchari adiecto . Bis tantum in die comedat , neque inter prandium & coenam bibat, & praecipue post coenam . Vnico cibi genere contenta sit, nihil enim ad augendam plenitudinem efficacius quam ciborum uarietas . Carnibus uescatur iuuenibus, facili concoctionis, quales uitulinae, haedinae, pullorum, leporum iuuenum, auium campestrium ut perdices, phasiani, & aues paruae . Abstineat à carne antiqua, porcina tam salita quam recenti, à pastilibus & lacticijs, à piscibus & omnium ciborum genere uaposo, uiscofo, & humido . Oua recentia conueniunt , si tremula fuerint elixata uel calido cinere cocta . Quātitas cibi sit intra satietatem . Vinum bibat uel pauciferum uel bene dilutum, & in pauca quantitate, & hoc maxime refert : nihil enim magis replet caput quam uinum uel potens, uel uaporosum uel utrunque . Et haec quantum ad rationem uictus attinet . Quantum uero ad purgationem laudarem, nisi aestus maximi impedirent , ut quam primum praemissa lenitione alui cum ℥ i. floris cassiae & specierum hierae simp. ℥ ij. die proximè sequenti sanguis mitteretur à uena brachij, quam communem appellant, extrahereturque sanguinis quantitas usque ad ℥ iij. uel x. Deinde ad ulteriorem curationem cum pharmacis accederem, praemisissis infrascriptis syrupis .

℞. Syrupi de betonica

Mellis rosati

ana ℥ i.

Aquae maioranae

℥ iij.

Misce



Misce pro uno, & sic pro quinq;. Postea purgetur modo infrascripto.

Rx. Agarici præparati 3 ij.

Floris cassiæ 3 i.

Misce, fiat bolus cum zuccharo. detur in aurora cum custodia. Vel si malet pilulas.

Rx. Pilularum cochiarum 3 iiij. Cum melle rosato fiant pilulæ v. dandæ eodem modo, & hora eadem. ego tamen præferrem bolum. Facta hac purgatione, si ulterius res urgeret, laudo masticatoria, primo ex mastiche simplici, matutinis horis semper expuendo, deinde si uellet uires masticatorio adijcere.

Rx. Mastiches 3 ij.

Pyrethri

Staphisagriæ ana 3 s.

Ceræ

3 ij.

Misce, fiat masticatorium in forma trochiscorum pondere 3 i. & utatur eodem modo, quemadmodum de mastiche diximus. Deinde si adhuc urget res, laudo ea quæ caputpurgia uocant, leuia tamen, sicut cum decocto betæ, maioranæ, & mercurialis, attrahendo per nares ieiuno stomacho, quæadmodum fieri consuevit. Ad tinnitum aurium maxime confert oleum picis uel terebinthinæ, adiectis duabus partibus amygdalarum amararum: mane & uesperis guttam unam & alteram destillet in aures, adiecto coto uel bombace carminato & muscato. Præterea pro diuersione & euacuatione, si morbus perseveraret, laudo ter aut quater singulis mensibus, utatur 3 i. pilularum infrascriptarum hora una ante coenam.

Rx. A



℞. Aloës optimæ 3 iij.

Agarici electi

Rheubarbari electi ana ∅ ij.

Spicæ

Zingiberis

Nucis muscatæ

Mastiches ana ∅ i.

Puluerizentur omnia per se, deinde misceantur, postea conspergatur succo rosarum puro, & permittantur exsicari: & ita utetur septem uicibus.

Consult. xxvii. De tremore morborum,  
& mouendi imbecillitate uitio cerebri, pro  
Magnifico uiro.

SUPPOSITIS his quæ tum ab excellentissimo Medico, tum ab assidentibus & familiaribus intellexi de hoc magnifico uiro, qui tot annis membrorum tremore, et mouendi imbecillitate laborauit, considerataq; septuagena ria ætate, temperatura calida & sicca, insigniq; extremorum caliditate, & doloribus pungitiuis, immoderataq; alui adstrictione, consulerem primò circa rationem uictus, ut effugeret pro uiribus molesta animi accidentia, sicut irā & mœstitiā, quæreretq; omni studio, ut cum amicis quietam uitam iucundamq; degeret, calidum aërem euitaret, ptisana, lactuca, borragine, portulaca, endiuia in ferculis uteretur: ac si uenterculus ferret, laudarem, ut omnino à uino abstineret, & uini loco huiusmodi potum sibi confici curaret.

℞. Aqua



℞. Aquæ fontis lib. xvi.

Ligni guaiaci ℥ i.

Bulliant ad consumptionem quartæ partis : coletur, et reseruetur. Est & hoc poculū præstantissimū ad nutriendum, ut quod nihilò segnius uino nutriet. Pro alui uerò lenitione uelim, ut singulis diebus sumeret ante cibum libram mediam iuris pullastri, in quo decocta esset malua, uiolæ, hordeum, & sex uel. x. pruna dulcia. præterea acciperet quater in mense duabus horis ante prandium tale medicamentum.

℞. Floris cassiæ ℥ i.

Rheubarbari electi ʒ s.

Cum saccharo fiat bolus. Quotidie ad hepar & renes huiusmodi linimento utatur.

℞. Vnguenti rosacei Mesue eiusdem anni ℥ ij.

Vnguenti Sandalini recentis ℥ i. Misce.

Præterea foueret omnia membra dolentia huiusmodi balneo.

℞. Florum Camomillæ man. iiij.

Hordei man. vi.

Rosarum siccarum man. ij.

Violarum man. ij.

Bulliant in sufficiente quantitate aquæ, in qua moderate calida sedeat ieiunus bene coopertus uestibus & in aëre calido. Caueatq; ut post huiusmodi balneum statim membra huiusmodi linimento inungat.

℞. Olei Camomillini

Rosati

Violati

ana ℥ ij.

Et nisi facta fuerint cauteria infra crus exterius, sicut fieri



fieri consuevit, laudo ut omnino fiant. Nec displicet hæ-  
morrhoides prouocare, præsertim si natura per eas uias  
aliquid tentare uideatur. Quantum uerò ad aquas therma-  
rum attinet, nullas ego laudarem, nisi fortè Calderianas,  
quæ in agro Veronensi sunt, tanquam ad refrigerandum  
hepar & renes idoneas. Sed quod ego præstantissimum  
remedium iudicarem, esset ut ligni Guaiaci decoctum sume-  
ret, non quidem eo uictu tenui, qui solet adhiberi plerisque,  
sed moderato, qualis æstatis temperamento, & uiribus ful-  
ciendis conuenit. Velim tamen ut quod loco syrupi bibe-  
ret, in aqua endiuie decoqueretur. quod si ita fieret, si  
quid unquam huic Magnifico uiro prodesse debet, hoc ma-  
ximè, profuturum credo.

Consult. xxviii. De vertigine, & tinnitu  
aurium antiquo, pro viro integerrimo do-  
mino Mathia Zefz Polono.

QVONIAM & purgatio unius salis, & potus  
aquarum thermarum præcessit, & ratio uictus est insti-  
tuta; ideo ea quæ nunc sint agenda proponam. Et primò

℞. Olei de pice

Amygdalarum amararum ana ʒ ij.

Misce, & frequenter auri guttatim instilletur: pro-  
dest enim ad surditatem, & aurium tinnitum antiqua-  
tum, & cerebrum confortat. Pro capitis autem &  
stomachi confortatione, semel in septimana utatur pi-  
lulis infra scriptis aut ter in mense, prout necessitas  
exegerit.

℞. Nucis



℞. Nucis muscatæ

Garyophyllorum ana ʒ s.

Zedoariæ ʒ ij.

Gentianæ ʒ i.

Rosarum rubearum

Sandalorum citrinorum ana ʒ i. s.

Aloës opt. succo citr. ʒ vi.

Rheubarbari electi ʒ iij.

Puluerizentur omnia per se, deinde misceantur, postea aspergantur aqua rosacea, & permittantur exiccare, & ita iteretur septies. Postea cum syrupo uiolato formetur magdaleon, de quo singulis uicibus fiant pilule ʒ i. cum eodem syrupo uiolato, & sumantur hora ante coenam. Lotio pedum fiat ad prouocandum somnum.

℞. Folia salicis

Anethi

Cortices papaueris albi, quantum sufficit.

Consult. **xxix.** De dolore capitis, cum asthma, & dolore dextri lateris, & febre leui, pro puella Maurocena.

**Si** sanare debemus hanc puellam, oportet cognoscere ægritudinem & causas: neq; tantummodo hæc cognoscere debemus; sed & loca affecta particularia, & naturam ipsorum. Si enim ista non cognouerimus, fieri non poterit, ut habeamus indicationes curandi. Primò ergo quæ sit ægritudo, uel quæ sint ægritudines, & quæ symptomata uidebimus: secundo quæ sint causæ facientes eam: ter-

K tio



tiò quæ loca affecta, & quæ sit natura totius corporis, postea ad curationem accedemus, & procedemus per capita, & conclusiones, quoniam cum doctoribus, & non cum scholaribus habemus sermonem. Pro recta igitur cognitione, oportet rememorari quædam audita heri, quòd hæc puella frè ab ortu suo ichoras, & fluxus quosdam emanantes à capite habuit: deinde audiui, quòd icteritiam patitur, ut à quacunq; leui causa in citrinitatem totius corporis deueniat. Ista sunt rememorāda, quia erūt signa rememoratiua, & coniecturæ ad cognoscendum essentiā & causas ægritudinis. Quantum ad has dispositiones attinet, quibus affligitur in præsentia, audiui primò quòd dolorem capitis patitur, & diu perseverasse, ut etiā nunc conqueratur. Audio præterea quòd difficultatem anhelitus patitur, ut non sufficiat diaphragma & thoracis muscoli ad dilatandum pectus: sed etiam muscoli uentris inferiores, & superiores, qui non faciunt ad dilatationē pectoris, nisi urgente necessitate. Audio etiam quòd conqueritur continuè de dolore existente circa latus dextrum supra costas mendasas euestigio hepatis. Audio præterea dolorem habere in iuncturis brachiorum, & tibiærum aliquando: sed maximè circa brachium dextrum. Et hæc sunt omnia illa, de quibus conqueritur. Habet etiam febrem continuā, quoniam pulsus seruat motum uniformem, et motus hodiernus uniformis est cum motu hesterno: pulsus uerò unum nondum habet, insignem scilicet duritiem, ac si chorda arcus extensi tangeretur cum urinis crassis, multam, & feculentam habentibus subsistentiam, non multæ tamen intense rubedinis, sitiq; minimè uexatur, dolor tamen clamorosus est. Omnia ista rectè considerāda sunt, & quæ possint esse  
cause



causæ omnium istarum dispositionum: & forte unum erit causa omnium istorum symptomatum. Ego incipiam rememorari dispositiones præter naturã. Habet caput quod continuè abundat multis ichoribus, quæ tamen cessauerunt. Citrinitatem etiam habet, qua semper ferè uexatur ex leui occasione. Considero etiam complexionem corporis naturalem. Video quòd hæc puella, ex quo multam copiam Bilis generat, multam habet caliditatem in hepate, ex qua sanguis calidior generatur, cum bilis sit ueluti spuma, & tantò feruentior sanguine, quantò subtilior. Et cum humor ille effundatur per totum, signum est, caliditatem plurimam in hepate esse. Multitudo etiam sanguinis indicat eius temperaturam calidam, & humidam. Et quia uideo plurimam pituitam generare, ut ex dispositionibus illis apparet, & nunc aegritudinibus torquetur, quæ dependent à pituita: & hac coniectura uideo uentericulum frigidum esse, quæ duo inæqualitatem faciunt maximam, & cum in uentriculo sit frigiditas præter naturam, malè concoquit, & humores crudi aggregantur: & quia secunda concoctio non corrigit primam, ubi enim excesserit prima non corrigitur quin humor crudus non sit crudus, cum in uentriculo est genitus: & cum hepar intemperatū est, in quo sanguis generatur, si excedat ad intesum adurit, si deficit, crudos generat humores. Cum ergo hepar ratione caliditatis cholericum generet sanguinem: uentericulus ratione frigiditatis pituitam, non est mirum si omnia hæc contingant, maxime cum natura imbecillum caput habeat suscipiens bilem plurimam, ac pituitam simul, quia Galenus et Auic. inquit à natura ita institutum esse, ut debilia membra superfluitates suscipiant aliorum. Non est mirum igitur,

K 2 tur,



tur, si puella debilis capitis, ut ex principio natiuitatis apparet, excrementa in uentriculo, hepate, & in ambitu totius genita suscipiat. Ascendunt enim bilis, & pituita ad caput, & ibi incrassata descendunt, & omnes dispositiones, quibus affligitur, generant. Et quia perpetuò uapores ascendunt caput imbecillum & magnum, & hepar calidum, & uentriculum frigidum habet; ideo habet omnes causas, ut incurrere potuerit in has dispositiones, quia habet omnia quæ possunt replere caput. Et ideo dolorem capitis incepit pati, qui perseuerauit, quia causæ perseuerabant, & quia repletio ad intensiorem deuenit, defluxum fecit, & ad inferiora decurrens ad loca magis præparata expellitur: sunt autem imbecilliores iuncturæ. Descendit ergo materia pituitosa bili permixta, tanquam uehiculum quoddam, per partes posteriores & per spondylos colli, per neruos aditum habens, ut inquit Galenus in .x. κατὰ τὸ πόνον, ubi de podagra loquitur. Occupat autem iuncturas cum ibi chordæ, cartilagine sint, & loca exangia: ideo ibi detinetur, & cum imbibitur, non facile tollitur. Eadem præterea materia cum destillat ad pectus, catarrhum facit, & eadem prorsus materia est, bilis scilicet et pituita, quæ omnes istas dispositiones facit. Secundum autem quod diuersa occupat loca, diuersa sortitur nomina: si enia pedes occupat, podagra: si iuncturas, arthritis: si pectus, catarrhus appellatur: quia uero materia hæc occupat anulos asperæ arteriæ, bronchus appellatur. Quæ autem sit causa faciens dolorem in costis, est materia biliosa, & pituitosa faciens difficultatem anhelitus, quia non potest pectus dilatari liberè, sicuti oportet, non quod adsit aliqua imbecillitas uirtutis causans talem difficultatem, nec



nec aliam ob causam id accidit ; sed ex copiosa materia, ut pectus non possit liberè dilatari, ut iam dixi. & licet non habeat tuſſim, hoc prouenit, quia materia illa non mordicat : & forte excitabitur, cum magis putridus humor fiet. Sed difficultas apud me est, ubi sit causa efficiens dolorem in costis, & ubi sit ægritudo, an in diaphragmate, uel in pulmone, an in musculis exterioribus. In hepate esse non potest, quia est supra hepar, & non excedit mendosas costas. In diaphragmate esse nō potest, quia maior esset difficultas anhelitus, & sæuiora accidentia, & non esset sine tuſſi, quia cum patitur diaphragma, excitatur tuſſis, etiam si in hepate fuerit materia, eam expellere natura quærit. Vbi igitur erit ? Si uolumus secundum rationem sumere coniecturas, cum per illas interiores ægritudines, cognoscantur, tertio de locis affectis, crediderim hanc affectionem esse in musculis exterioribus, non in membrana, quia dolor ille magis acutus esset, ut patet in ijs qui habent falsam pleuritidem. Habet autem dolorem, quia musculus ualde sensibilis est, & ob hanc causam habet difficultatem anhelitus, non quidem per essentiam, sed per consensum, nec ad pulmonem descendit materia, quæ faciat talē difficultatem, quia adesset tuſſis & perciperetur sonus per respirationem transiens. Et forte causa cur maior non sit dolor, est quia in musculis exterioribus est causa faciens dolorem, & non in interioribus. Et quia in una uice non potest dilatari pectus, omnes musculi conueniunt ut suppleant ; ideo sequitur difficultas ob dolorem in musculis. Sed cum affectus sit in ea parte, credendum est membranā ratione consensus pati, & ideo fit pulsus durus ac si esset in membro membranoso affectus : apparet postea serinus,



cum dolor est in membrana succingente costas. Hactenus sit dictum de dolore in costis existente, & de difficultate anhelitus: & quantum attinet ad dolorem iuncturarum, & ad causas eius: & quod factus est per defluxum materie biliosæ, & pituitosæ per spondylos colli descendentes: loca uerò non habere in se ægritudinem, sed quia defluit materia illa, ita quod cessante defluxu cessabit etiã dolor: & quod caput naturaliter debile est à uentriculo malè affecto, & ab hepate suscipit excrementa: ideo dolore capitis molestat: & cum descendit materia hæc ad costas in musculo exteriori, causat dolorem ibi, ad cuius consensum membrana patitur interior, & facit difficultatem anhelitus, & pulsum durum. Non dicam quo modo extrinseca fuerint in causa, quod hæc contingerent, quia hæc dicta sunt. De febre autem, quia uniformis est, ut apparet ex motu perpetuo, quem uniformem seruat, non credo quod propter dolorem iuncturarum, aut capitis causata sit, quia contingit sæpe, quod aliquis habeat dolorem capitis & iuncturarum, & non habeat febrem, & si adest, ut in podagra, maximus est dolor: sed nec diu perdurat, nec uniformis est. Credo ergo quod sit ratione doloris existētis in costis, quia stāte materia in loco calido cordi uicino putrescit, & febrem accendit: & ideo uerisimile est, ut febris nascatur ab ea causa. Sed à quacunq; causa proueniat, credo quod à materia depēdeat: & quod sit febris accidēs, et à dolore illo dependens, & ab humoribus putrescentibus in locis dolentibus, quæ remouebitur ad remotionem suæ causæ, sicut curatur febris curata pleuritide. Ideo Hippocrates in secundo de ratione uictus in acutis, curat dolorem neglecta febre. Cognita igitur essentia & natu-



ra ægritudinis, & cognitis causis, facile est uidere quid præfagiendum sit, & quid agendum. Quoad præfagium, si consideremus dolorem capitis, nullus unquam, ut dicit Galenus in secundo κατὰ τὸ πᾶν, mortuus est ex dolore capitis: ideo talibus negat dari opiata. Quoad dolorem iuncturarum, idem etiam dicendum est, ut patet experientia. Quoad dolorem, qui est in musculis exterioribus, tutissimus est. Quoad febrem, non est tanta, ut possit interficere. Quantum igitur sit ratione ægritudinum non est timendum: etsi timendum esset, de debilitate uirtutis deberemus timere, quia cum quis debilis est, si portaret pondus decem librarum, caderet: quod non faceret baiulus cum pondere decem millium librarum. Cum igitur uirtus sit ualida, isti morbi non erunt lethales, bene erunt longi, & in longitudine cum multa noua possint contingere, timendum est, ne febris fiat habitualis, & ne dolor inducat puellam ad uirtutis debilitatem, & maximam refrigerationem. Credo tamen quod diligentia nostra nullum horum occurrat. Quoad curationem attinet, cum morbus iste sit ex repletionem, indicat de euacuatione. Sed quia non est simplex res indicans; ideo nec simplex oritur indicatio: ultra enim corporis repletionem, quæ debet euacuari, est caput imbecille, ex cuius imbecillitate repletur, & causantur dispositiones istæ: & præterea adest inæqualitas in hepate, & uentriculo. Ideo primò euacuandum est, secundò corroborandum. Quoad euacuationem cum bilis, & pituita sint causa, siue cholera vitellina, quæ cholera maioris famæ ab Auic. appellatur, sitq; crassius humor, debemus habere indicationes, & modum operandi, ut abstergamus, & incidamus, quia habet crassitiam,



& uisciditatem. Cum ergo non possit euacuari, nisi præ-  
 paremus: possumus igitur præparare prius, & possumus  
 etiam minoratiuum præmittere. Et mihi summopere pla-  
 cet, quia syrupi, qui debent subtiliare humores & incide-  
 re, nisi uentriculus, & uenæ mesaraicæ fuerint expurga-  
 tæ ab humoribus crudis, distribuerentur humores illi cru-  
 di per syropos ad uenas, & putrescerent, & facerent fe-  
 brem: ideo rectè minoratiuum præmittendum est. Euacua-  
 ta autem materia illa communi existente in uis duçtuum,  
 ad digerentia procederem. Sed hîc esset aliquis, qui dice-  
 ret. Tu uis incidere. Sed ab oxymelite, & ab omni re,  
 quæ acetum habet, est cauendum, quia neruis nocet. Ego  
 uidi Galenum IIII. κατὰ γένη, ubi loquens de aceto, et  
 de ægreditudinibus neruorum, dicit ibi. Cum ægreditudo ner-  
 uorum est in profundo, & uirtus aceti non transeat cum  
 medicina, acetum non timeas: & in emplastris ad neruo-  
 rum uulnera, ubi debet apponi aliquid ad penetrādum, po-  
 nit acetum. Nec timeas igitur (inquit Galenus) ibi acetum,  
 quia antequam accedat ad neruos, amittet mordacitatem,  
 & adiuuabit ad penetrationem. Si uerò statim tangeret  
 emplastrum neruos, caueas ab aceto, quia faceret conuul-  
 sionem. Cum igitur in uulnere profundo per quatuor digi-  
 tos non timeamus acetum, non timebimus in casu nostro  
 acetum, tantò magis, quia melli, uel zuccharo est admixtū,  
 & in uentriculo cum humoribus permiscetur. quia dicit  
 Galenus de cepis, & alijs, quòd licet exterius ulcerent,  
 interius tamen non mordicant, quia amittunt mordacitatē  
 in uentriculo ex concoctionibus, & mixtione aliorum ci-  
 borum. Habet postea acetum uim incidendi, & mel abster-  
 gendi: ideo Mesues dixit de syrupo acetoso, quòd acetum  
 facit



facit penetrare medicamentum ad locum, ad quem forte non penetraret. Ideo oxymel simplex aut acetosum cum syrupo de betonica acciperem cum ob incisionem, tum etiam ut faceret penetrare alium syrupum. & sic facerem.

Rx. oxymellis simplicis

℥ s.

Betonice

Mellis rosati

ana

℥ s.

Deinde acciperem decoctum betonicæ, endiviæ, & quoniam calidum est oxymel, licet Galenus dicat ipsum potius frigidum esse, aquam endiviæ miscerem usque ad ℥ iij. ut caliditas contemperaretur. Facta concoctione, nunquam ab agarico recederem, quia Agaricus ultra hoc quod de benedictis medicinis sit, crassos humores educere potest, si cum aloë, uel rhabarbaro misceatur, & exhibeatur in forma boli. Nec sum ego illius opinionis, ut credam, cum uolumus à longinquo euacuare, in forma potabili exhibenda esse medicamenta: cum autem à capite uolumus euacuare, in forma pilularum. Credo ego quod fundetur in falso fundamento, & contra Galenum 11. de facult. nat. in v. de simpl. medicam. & in 11. ubi uult quod humores trahantur ad uentriculum, & uentriculus imbuatur illa qualitate, ut sopita propria ipsius actione attrahat humores ad se, nec uapores aut medicamenta ascendunt, sed manet in uentriculo medicina, & trahit. Cum igitur uolumus exhibere medicinam, ut facilius expellatur, nec potenter euacuet, facimus eam in forma potabili: si uero ut potenter euacuet, nec ita de facili expellatur, potius oppositum esset faciendum. Ideo uel in forma potabili, uel boli, & cum rhabarbaro exhiberem, ut tota materia si esset intentio, et opportunum esset, euacuaretur, ut paulatinè euacuemus,

& pau-



Et paulatinè digeramus. Factis euacuationibus, Et replicatis syrupis eos augendo, cum uidebitur materia concocta, accederem ad corroborationem membrorum, Et præseruationem. Primò ergo respicerem uentriculum, et hepar, Et si non esset caput exquisitè euacuatum toto corpore euacuato, quia multoties figitur materia in loco, Et localibus indigemus, caput purgijs etiam utendum erit, Et post succum betæ, maioranæ ad succum cyclamini accederem per nares trahendum. Facerem masticatoria cum mastiche, dictamno, Et radicibus capparis decocta. Et quia radix hæc amara est, cum staphisagria, uel pipere fieri posset: Et ita uellem caput localibus euacuare. Insupergerem præterea caput cum sandaracha, rosis, maiorana. Et pro corroboratione hepatis, Et uentriculi, si chebuli myrobalani haberi possent, essent optimi ad corroborandum etiam iuncturas: si non possent haberi, zuccharum rosaceum esset conueniens pro corroboratione hepatis, Et uentriculi, Et iuncturarum. Si etiam uideretur, ut humores à iuncturis euacuarentur, fieri posset, Et materia eligeretur conueniens. Istis igitur prouidissimus. Et quia longa est ægritudo, Et membra assueta sunt mandare, Et recipere, ut corroborentur tam membra mandantia, quàm recipientia, ne diutius repleantur superfluitatibus membra, Et fiat recidiua: ter, uel quater in mense pilulam unam ex aloë cum rhabarbaro exhiberem. In æstate uerò modicum cassiæ cum rhabarbaro, Et etiam sana ipsa existente id fieri posset. Et istud est iter, quo ego procederem. Quoad uictum, cum ægritudo sit cronica, Et debilitentur membra, uinum leue conueniret. Et quod dicitur uinum nocere neruis, ueritatem habet de potenti, Et de



de assumpto in magna quantitate: conuenit autem ne stomachus debilitetur. Ideo tenue uinum darem, non album, licet Galenus album exhibeat, ut prouocet urinam. Nos autem eligemus ciresolum uulgari sermone rosseto nuncupatum. In reliquis rectè se habeat. Factis autem euacuationibus, nunquid modicum theriacæ uel mithridati cū modico zucchari rosati conueniret? Quæsiuit D. Marcus Alcherius, & conclusum fuit, quòd sit in modica quantitate, puta ad quantitatem fabæ & raro, quia dicebat Mōtanus ex Galeni sententia, medicamenta ista non conuenire pueris. Ex hac enim medicina concoquetur materia, corroborabuntur membra, & materia resoluatur. Et pro corroboratione cerebri, & cordis proposuit Diamuscum dulce cum corallis rubeis, & cum zuccharo, & aqua rosacea, ut fieret confectio. Pro confortatione autem iuncturarū proposuit sumētationē ex lacte cum rosis, floribus camomillæ, & meliloti. Vnctionem etiam ex radice ebulorum ad quantitatem ℥ i. cū olei rosacei ℥ vi. ad consumptionem tertiæ partis. Et ultra confortationem ad resolutionem materiæ existentis in iuncturis proposuit unctionem ex olei rosati ℥ ij. & olei de terebinthina ℥ i. Et ideo possumus nos ordinare minoratiuum.

℞. Electuarij lenitiui ℥ i.

Cum zuccharo fiat bolus: uel fiat potabile hoc modo.

℞. Electuarij lenitiui ℥ i.

Syrupi rosati solutiui ℥ i.

Cum aqua cichoreæ quantum sufficit, fiat potio. Pro Syrupis.

℞. Syrupi



## Rx. Syrupi de betonica

Mellis rosati

Oxymellis simplicis ana ʒ s.

Aquæ endiuivæ ʒ vi.

Misce, &amp; fiant syrupi sumendi.

Consult. x x x. De apoplexia terminata in paralyſim dextri brachij & cruris, cum diminutione earundem partium, pro nobili Illyrico.

Hic nobilis uir acceſſit in Italiam cum literis etiam Regijs ſubſcriptis manu Ferdinandi, quæ iubent ſubditis, ac rogant exteros, ut pro uiribus ſuis iuuent ſtrenuum et egregium hunc militem, hanc præcipuè ob cauſam ut curetur à paralyſi, quam ipſe dicit ſe habere in dextro brachio & crure: & dicit eas partes plus cæteris diminutas, ita ut ſuſpicietur ne tandem deſtruantur & deueniant ad ſpha celifimum uel ſyderationem, & ita pereant. Licet autem hoc præcipuè petat, quæritur tamen etiam de quibuſdam cõſequentibus, anno elapſo incidiffe ſe ait in quandam apoplexiam, ex qua remanſit hæc paralyſis. Sed ante hoc tempus paſſus eſt uaria ſymptomata, quæ omnia naſcuntur ab uno eodemq; principio, uidelicet à deſtillatione catarrhi à capite in partes ſubiectas, quæ facit diuerſa ſymptomata, prout in diuerſas partes deſcendit. quandoque ad iuncturas & brachia deſcendit, ut non poſſit mouere: aliquando ad uentriculum, & habet appetitum uomendi, non uomit tamen, ſed longo tempore continuè expuit pituitam. Et dicit unum animaduertendum, quod

cum



cum à medicis purgatus esset & missus sanguis, incidit in difficultatem omnium motuum: & cum mitteretur ad balnea & ingrederetur, secuta diminutio sensus & motus, & omnium uirium prostratio, quæ diu durabat, ita ut tantum ossa & pellem habere uideretur. Id totum medicorum culpa factum ait, se autem interim non conualuisse. Vtrū hoc modò sit ex uitio medicorum nec ne? Ex pituitæ multitudine esse ortum constat: est enim subiectus maxime pituitæ generationi, quæ tota à capite oritur: quia ipsemet à capite descendere sentit. Conqueritur & de alijs, sed hæc sunt præcipua, ad quæ reliqua consequuntur. Vnum aduertendum est, quod possumus conijcere ex habitudine totius corporis, ex ratione uictus præcedentis, quod habet caput ualde subiectum generationi pituitæ, hepar præcipue calidum: nam ex colore, habitu corporis, amplitudine uenarum, hoc hepar calidum ostenditur. Qui autem habet hepar calidum, subiecti sunt multis euaporationibus ad caput, & destillationibus. Et reddit rationem Galenus III. de locis affectis de dolore capitis, cur facile omnem repletionem capitis patiantur. quod si caput etiam humidum fuerit, eius etiam ratione plura excrementa aggregantur. Et ideo non mirum est, si hic uir fuerit subiectus plurimis destillationibus, & repletus pituita generata in capite, quæ mucus proprie uocatur à Galeno, cum distinguitur à pituita generata in uentriculo. Habet igitur ortum hoc ex naturali dispositione: & quidem signa sunt tale fuisse caput. Refert autem ipse quod à principio ortus, habuerit plurimas excrescentias circa caput: primò nodum quendam seu duritiem circa oculum dextrum, quem incidere oportuit, ut adhuc ex cicatrice apparet: in ea parte



parte postea paralyſim paſſus: in parte ſiniſtra alias habuit excrescentias, quæ quales fuerint, nescit commodè exprimere, cùm interdum non ſit idoneus. Conſuetus eſt plurimum expuere, & uarias paſſus eſt ægri tudines ex deſtillatione catarrhi. Sic cōſtituto corpore, exercuit artem militarem, & gladio multa acquiſiuit, habet (ut aiūt) xxx. caſtella, quorum maiorem partem gladio acquiſiuit, uir ſtrenuus & qui multa animi accidentia paſſus eſt, ſeditiones cum alijs & bella inteſtina, & in ijs amiſit multa, multa etiam ab alijs acquiſiuit. Ad hæc acceſſit ratio uictus, plurimum bibit, nec enim etiam cùm moderatiſſimè bibit, bibit minus ampla ſitula, & tamen quærebat utrum ſufficeret. Ego quia in tempore ſanitatſ decuplo plus ſe bibere dicebat, permiſi ratione conſuetudinis. Plurimum igitur bibere ſolitus, & optimè uiuere, nam bene accommodatus eſt in omnibus rebus. Nam interdum habet centum currus uini optimi. Acceſſit igitur ratio uictus, quæ diſpoſitionem naturalem corporis inuit, & nunc eſt in tēpore ætatis paracmaſticæ, & eſt xxxxx. annorum, in primo ſenio ubi deſicit calor. Et quia ſic uixit, & corpus cōmodum ad ægri tudines habens, non mirum ſi inciderit in tam leuem apoplexiam, ſi modò apoplexia fuit, ea nō amplius laborat, ſed tantum cùm aliquid molitur, adhuc patitur uertigines: quæ ſunt, ut & reliqua ſymptomata, ad imbecillitatem capitis referenda. Ab ea apoplexia curatus, nunc habet paralyſim, quæ potius eſt relatione ſua quàm ex ijs quæ apparēt, quod cognoſcatur. Dicit membra lateris dextri minora, ſed non apparet, nam etiam ſilo meſuram accepimus. Dicit ſe habere difficultatem in motu, illud nos credere neceſſe eſt: ſed uideo tamen non minus



minus regere gladium in omnes partes, quàm aliquis ualidissimus: sed dicit se in eo motu magnum laborem pati in ijs partibus, & in omnibus articulis impedimentum: nihilominus ualidissimè mouet. Pollex aliquantò magis illi à manu diuulsus in utraq; manu, maximè tamen in dextra, fortè in situ eius digiti morbus est, quanquam nescio an id sit ei naturale. Est præter hoc unum aliud, multa imaginatur quæ nō sunt. Diebus elapsis cū optimè haberet, quidam amicus ad eum accedens, manus illi compressit, & post ipsam compressionem deterius se habere ait, cū tamen non possimus aduertere. Habet & oculos truces, qui significant animi intentionem acrem: & ratione ætatis 40. annorum, & etiam temperaturæ, abundat humoribus adustis, quæ omnia obseruanda. Tota hac hyeme, & à principio cū nihil aliud cogitarem, semper protestatus sum me solum non aggressurum curam illius: & quāquam erant qui illi persuadere uellent, ut tum inciperet, & illi integram sanitatem pollicerentur; ego tamen nolui eam aggredi, nisi in uere, & quidem non solus facere uolui. Est obedientissimus, omnia facit quæ iubent medici, & diligenter, uultq; curari. Tota hyeme unctiones & linimenta habuit, pilulas item ex hiera, rheubarbaro, & agarico diuersas, sed dimittere coactus, quia simplices melius operabantur & educebant pituitam, quod mirum est, ita uiscidam, ut non possit auelli à pelui: abundat enim pituita maximè ut si quod corpus aliud. Sed præter hoc habet aliud, circa regionem stomachi in latere dextro habet ex-crescentiam aliquam, ut nodus uel scirrhus, est tumor languidus, qualis est in herniosis. Nescio an sit hernia uentris prope uentriculum, ita ut siphac, ut Arabes uocant, uel peria-



peritonæum ruptum, & aliquid omenti excidit, quod faciat herniam, sicuti solet fieri in partibus inferioribus. Quod si non est, difficillimum erit dicere, quòdnam genus excrescentiæ sit: non est scirrhus, nec glandula, si quid est erit hernia, & quidem est casus ualde rarus. An possit curari? Quoad morbum, dicerem facilem curatu: quia paralysis leuissima sine deperditione sensus, nec cum ablatione motus est. Magna enim dicitur paralysis cum amissione utriusque, parua cum perditione motus. hæc est tantum cum diminutione motus, ut ipse dicit. Sed habet alia difficilia, est confirmata paralysis & sequuta apoplexiam, nec curatus est, cum tentaret curam tempore morbi recentis, est in primo senio in ætate paracmastica, caput habet perpetuo generans pituitam, nec satis per omnia obediens, quia si uinum prohibeas, uitam adimes: & si parum bibat respectu consuetudinis, multum tamen est ratione morbi, & parum se exercet. Hæc impediunt curationes ut metuum: ideo anceps sum propter rationes ancipites. Si mihi tamen curandus sit, ut hodie est, sic aggrederer curationem. Primò exquisitissimè purgarem, & ideo maturè incepti, ut non una uice, sed ut pluribus euacuare possim. Accepit minoratiuum ex flore cassiæ, quæ eduxit pituitam plurimam cum bile non pauca. Iam syrupos accepit non paucos de betonica & cichorea ad concoquendam bilem & pituitam: quia utrunque respexi in decoctione materiæ, & bene conferunt, ut ipse dicit. Purgarem cum euacuantibus pituitam, cum confectiõne hæmech, uel pilulis cockijs, uel aggregatiuis, & cum his in quibus agaricus & colocynthis ingreditur, quæ educunt pituitam & humores crassos, & simul respiciunt ad humores



mores crassos, & simul respiciunt ad humores adustos: habent enim scammonium & myrobalanos. Ideo idem est apud me dare hoc uel illud, quia eadem intentio est euacuare humores crassos & adustos. Semel purgato corpore post aliquot dies iterarem euacuationem, & postmodum ubi tempus balneorū aduenerit, ad thermas eum mitterem: est enim corpus, quod aptissimum est, ut accipiat eas secundum omnem modum administrandi, uentrem, uentriculum sesquipedalem habet, aptus est ut bibat: & quāquam hepar calidum est, non tamen ita poterit nocere, si praesertim muniamus & defendamus hepar refrigerantibus, uti consuetum est. Habet caput humidissimum, aptissimum ut accipiat stillicidium. Et quia de iuncturis etiam queritur, nataret in ijs, & uteretur etiam tuto. Quid post balnea faciendum sit, postmodum scribemus, cum intellexerimus quid balnea profecerint. Sed quia imaginatur multa, oportet attendere humorem melancholicum, quem abundare uideo, quod etiam ipsa facies indicat. Sed quid de eo faciendum sit, tempus indicabit, ubi primò euacuauerimus. Vnum omisi quod ad sanguinis missionem attinet. dicerem mittendum quā citissimè, sed unū est quod me impedit, dicit se antea ex incisione uenae incidisse in priuationem sensus et motus, atq; ita defecisse, ut tantum ossa & pellis remanerent. Id sanè siue sit imaginatio quaedam, siue uerum sit, ita ut sit secta uena à medico imprudentiore, humoribus crudis abundantibus in corpore, qui attracti ad uenas illa symptomata excitarunt, tutius erit eum primò euacuare à pituitoso humore, & postea uidere de missione sanguinis. De casu uirtutis non est quod uereamur: est corpus robustum, & facile se poterit recreare,

L

ubi



ubi semel atque iterum biberit, habet optima uina, nec est quod properemus in eo: uult enim in consilijs medicorum consistere, donec integrè sanetur.

Consult. xxxi. Pro eodem.

CURATIO, quæ in tota hac hyeme est facienda à sua D. modò infrascriberetur. Primò omni diligentia conabitur sua illustrissima D. habere rectam rationē uictus, sine qua sanitas acquiri non potest. Cauebit igitur quàm maximè ab aëre frigido, & uentoso: & exercebit corpus suum mane, & sero ante cibum, saltem per horam, exercitio mediocri, uel deambulando, uel equitando, uel alio motu se mouendo, donec totum corpus calefiat notabiliter, & maiorem faciat anhelitum: postea quiescat circa horā saltem dimidiam: deinde sumat cibum, qui quidem sit in quantitate quantum S. D. bene ferat, seruata sua consuetudine, & natura. Sed sit ille cibus unicus, & simplex: multitudo enim epularum destruit uires uentriculi, malosq; & putridos humores in toto corpore generat. Vinum eligat album, uel rubeum, clarum, quod sit purgatissimum, limpidum, & transparens, non dulce, neq; acidū, sed medijs saporis, quod bibat temperatè. Et ante omnia caueat ne inter coenam, & prandium bibat, hoc enim illi maximè nocet. Carnes, quas comedet, erunt uitellinæ, hædinæ, cuniculorum, gallinarum, caponum, perdicum, & auium campestrium. A carnibus antiquis, ut est bubula, omnino abstinebit, & à carne porcina siue recens, siue salita fuerit. Item abstinebit ab omni genere piscium, à pastilibus, à lacticinijs, & præcipuè à caseo. Sit contentus prandio



prandio tantum, & cœna, nil ultra comedat siue noctu, siue interdiu. Quotidie curet habere beneficium alui: quod si defecerit, & raro feces emiserit, utatur aloë non lota una hora ante cœnam pondere scrup. duorum tertio quoque die in forma pilularum. Ab usu ueneris abstineat: est enim ægritudini suæ quàm maximè aduersus. Hac ratione uictus adhibita exactè singulis septimanis caput abluet circa horas uespertinas more infra scripto. Fiat lixiuium satis acre ex cinere forti, & in eo lixiui decoquantur folia maioranæ, stœchados, rosarum, radices asari, & facta decoctione, & expressione dictarum herbarum postea accipiat quantitas lixiuij, quæ est necessaria pro una ablutione: & in ea imponantur drachmæ duæ agarici incisi, & inuoluti in panno lineo, & bulliat aliquot ebullitionibus, postea fiat fortis expressio, & colatura. Et ex hoc lixiui lauet caput, & barbam cum sapone odorifero, & muscato. Item singulis diebus in introitu lecti ungat omnes uertebras colli in ea regione, quæ dicitur nucha, & declinet cum eadem unctione ad totam spatulam dextram, & brachium. Vnctio erit infra scripta, & adhibebitur hæc unctio calefacta.

Rx. Olei uulpini antiqui

Nardini

De costo ana ℥ i.

De euphorbio ℥ s.

Misce, & utere, prout dictum est superius. Item singulis diebus comedat una hora ante prædium rotulas duas ex confectioe infra scripta.

Rx. Garyophyllorum optimorum

Nucis muscatæ

L 2 Cinna=



Cinnamomi ana ꝑ iij.

Zedoariæ

Zingiberis ana ꝑ s.

Piperis longi

Albi ana ꝑ i.

Puluerizentur omnia per se, deinde misceantur cum saccharo albo, et aqua betonicæ, fiat confectio in rotulis pondere drach. duarum, de quibus singulis uicibus duas accipiat, prout dictum est. Item

℞. Agarici electi ꝑ s.

Aloës 3 ij.

Nucis muscatæ

Cinnamomi

Garyophyllorum ana 3 i.

Puluerizentur omnia per se, deinde misceantur, et cū syrupo de stœchade fiat magdaleon, de quo singulis uicibus formentur pilulæ pondere drachmæ unius, sumendæ in aurora, in septimana semel, et eo die custodiat se ab aëre, et ab omni motu corporis, aut animi. His ita peractis accedet, Deo adiuuante, uer, in quo fortasse cum diuino auxilio se sanum percipiet. Sin minus eadem diuina fauente gratia aggrediemur perfectam curationem, quam polliciti sumus, ad laudem Dei omnipotentis, qui uiuit, ac regnat per infinita secula seculorum.

Consult. xxxii. Pro eodem, continens curationis factæ ordinem.

CIRCA principium hyemis 1546. accessit ad nos nobilissimus ille uir Illyricus natione, cum paralysi diminuta,



nuta, totius dextri lateris, præcipue tamen manus & brachij, qui quemadmodum ipse referebat plurima uarijs in locis expertus fuerat, diuersorum medicorum usus ad suam salutem recuperandam opera. habuerat etiam Venetijs peritorum medicorum consilium. Quibus omnibus ita instructus cum ad me tandem peruenisset, intuitusq; essem anni tempus atq; aeris constitutionem frigidam, in qua uersabamur, ætatem decidentie (agit enim 40. annum) morbi speciem non tantum natura frigidi, sed etiam longo tempore confirmati, nolui tentare curationem, quam ego eo tempore desperabam. Et ita plane & explicitè quemadmodum sentiebam, sue dominationi declaravi talem curationem tunc omnino non esse tentandam: omnino ideo persuadebam satius esse ut in patriam abiret, rediturus deinde tempore magis opportuno. Cumq; D. S. decerneret se hinc acturam quod ego consulerem, quantum ad curationem attineret, præstare iudicauit tota hyeme morari potius in Italia, uerno tempore postea curandum, quam tantum itineris eundo & redeundo frustra conficere, à me petens interim, ut quæ expedire uiderentur mihi, saltem ad præseruandum corpus in tota hyeme diligenter præscriberem. Cui rei cum esset plane satisfactum, aduentante tandem uere curationem aggressi sumus consilio etiam simul adhibito alterius excellentissimi medici. Nunc tandem à me petit ille idem Illustris dominus, ut sicut præscripsi quæ ad præseruandum facerent in præterita hyeme, ita nunc describam, quæcunq; & ego & alter medicus ille consuluimus pro curatione à principio usque ad finem, nihil omittentes omnino, & aliud addentes quæcunq; facere deberet post curationem, iam in principio commemoratur.



bitur. Volentes igitur huic suæ petitioni satisfacere, dicimus consilium nostrum hoc uere esse, totum corpus primò exquisitissimè purgare & missione sanguinis, & phar-  
 macia. Deinde purgato corpore, ad attenuanda & corrobo-  
 randa membra pituitoso humore refertissima, primò Ap-  
 ponentes aquas biberet, deinde in iisdem lauaretur, denuo  
 uapores quoque & lutum earundem thermarum affectis  
 membris applicaret. & ex hac curatione sperabamus il-  
 lud commodè successurum, quod in tali casu succedere po-  
 test. Sanguis igitur missus fuit à communi uena non quidē  
 dextri lateris, ne ad affectum tota materia traheretur, &  
 totus etiam affectus per sanguinis missionem magis etiam  
 refrigeraretur, sed sinistrum potius elegimus. Euacuatio-  
 nes uero fuerunt infrascriptæ. Pro minoratione accepit.

℞. Floris cassiæ ʒ xij. Cum saccharo fiat bolus.  
 Deinde syrupos.

℞. Syrupi de cichorea simplici

De betonica ana ʒ i.

Aquæ Iuæ arteticæ ʒ iiij.

Misce pro uno, & sic pro alijs septem. Post septē sy-  
 rupos, sequentem habuit medicinam.

℞. Cassiæ ʒ i.

Confectionis hamech ʒ s.

Misce cum zuccharo fiat bolus, accipiendus in aurora  
 cum custodia. Post hanc pro uberiori præseruatione se-  
 quentes sunt ordinati syrupi.

℞. Syrupi de betonica

De cichorea

Oxymellis simplicis ana ʒ vi.

Decocti betonicæ

Cicho=



Cichoreæ ʒ iiij.

Misce pro uno, & sic pro alijs. Post septem Syrupos iterum exhibita est medicina.

℞. Floris cassiæ ʒ vi.

Confectionis hamech ʒ s.

Decocti betonicæ

Cichoreæ quantum sufficit.

Misce pro potu.

Consult. xxxiii. De destillatione à capite, vlceribus, animi deliquijs, epilepsia, imaginationibus melancholicis, & alijs plurimis, pro Marchione quodam Montisferati.

SUPPOSITA tali temperatura nobilissimi uiri, qualem audiuius, quæ dupliciter est inæqualis, primò secundum totum, cum recedat à temperamento per calidum & siccum, secundò per membrorum nobilium inæqualitatem & contrarietatem: est enim, ut refertur, frigidioris uentriculi, & calidioris hepatis. Supposita inquam huiusmodi temperatura, dicamus hoc corpus paratissimum esse ex propria sua natura ad multa magnarum egritudinum genera, & perpetua præseruatione egere. Quādiu ergo fluebant hæmorrhoides & sanguis etiam è nariibus, utrunque magna etiam copia, ut intelleximus: & quādiu fistulam in ano apertam & fluentem sustinuit ob tales diuersiones, purgationes, & deriuationes corpus hoc aliquantò melius habuit: ubi uerò omnia suppressa sunt, non sine ratione destillationes, ulcera, animi deliquia,

L 4 6



et forte etiam accessiones epilepticae, imaginationes melancholicae, febres acutae, pustulae, et exanthemata in cute, stupores et grauitates capitis, aliaque id genus successiue infestarunt, infestantque nobilissimum uirum. His ergo omnibus multisque alijs, quae procul dubio progrediente aetate succederent, nisi uita interciperetur, prouisurus proponam duo communia necessario tam in praeservatione, quam in curatione seruanda: primo diligentem uictus rationem: secundo auxilia quae haberi possunt tum per pharmaciam, tum per manuum operationem. Quantum ergo ad uictus rationem, circa aeris qualitatem consulo, ut omnes uitet excessus tam caloris quam frigoris: propterea aestate atque hyeme regetur diligentius quam temporibus medijs. aestatis enim calor sanguinem adurit, et humorem preparat melancholicum: hyemis uero frigiditas auget uentriculi imbecillitatem, crudos humores et flatus generat, et in his omnia sunt semina aegritudinum. In utroque ergo excessu ea cura adhibenda est, ut aestate à caloris iniuria, in hyeme à frigore, quantum fieri potest, se muniat atque defendat. Somnum et uigilias ita moderetur, ut longè magis inclinet ad somnum, longè enim praestat in tali temperatura somnum excedere, quam uigilias. Nihil autem magis perniciosum sibi existimet quam animi insignes molestias, siue fuerit ira, siue moerstitia, siue timor: haec enim omnia tanquam uenena caueat humores corrumpentia, membris principalibus perniciem afferentia, concoctionem omnem impedientia. Quærat igitur omni ingenio letè et iucundè cum gratis amicis uiuere, occasionesque omnes alterandi animi euitet. Vsum ueneris neque omnino interceperim, neque admodum concesserim:



cesserim : parcius tamen eius usum eligerem ad excitandum potius corpus quàm resoluendum . Caueat quàm maxime ad uenerem accedere uel post plurimos animi aut corporis motus, uel post ciborum plenitudinem . Studeat singulis diebus excrementa corporis reddere . Quòd si uel natura uel ægritudine fuerit impeditus, erunt remedia salutaria, ut tribus horis ante prandium uel tres drachmas terebinthinæ deglutiat, uel ius pulli, in quo decoctæ sint betæ, malua, mercurialis, & pruna dulcia, uel ut sumat cochlearia duo optimi aceti scillitici, uel ut manducet ac deglutiat drach. mediam optimi rhabarbari . Hæc enim omnia excrementa alui optimè educunt, ac membra naturalia sine læsione corroborabunt . Corporis autem exercitio, quantum fieri potest, congruis horis incumbat, quæ erunt maxime matutinæ, sitq; exercitij genus longum potius quàm uelox usque ad insignem anhelitus mutationem & cutis humectationem, notumq; illi arbitror post exercitium muniendum corpus ab æeris frigidioris iniuria, atque in loco tepido quiescendum, neque ad cibi sumptionem accedendum, nisi ubi prorsus quieuerit anhelitus, & totius corporis aduentitius calor, ita ut omnia ad pristinum statum redierint . Quantum ad cibi potusq; rationem attinget, obseruetur præcipue ne ingeratur nouus cibus, nisi pristinus prorsus concoctus fuerit & distributus. quo errore sicut plerique omnes delinquunt, ita ab eo maxime cauendum est, tanquam ab omnium malorum fonte & origine . Accedat ergo ad cibum cum naturali fame, quod ut fieri possit, parcè comedat ac bibat tam in prandio, quàm in cœna, imò si bis in die comederet, corpus illud non toleraret ut multi non tolerant . Laudarem ut potius semel tantum



tantum singulis diebus uesceretur, quam assidue importunis cibis sibi cruditates & humorum putredines compararet: & hoc caput est & fundamentum curationis totius, sine quo reliqua omnia corrueant & necessario destruentur. Caueat etiam à ciborum uarietate, ex ea enim prauitas concoctionis, putredo, cruditas, satietas nauseatiua, humorum malorum redundantia & omne ægritudinum genus producit. Sit ergo unico cibo contentus, eligatq; qui optimi sit alimenti. Vinum quærat maturum, colore medium & subrufum, substantia tenuissima, lucidum, & transparens, neque acidum, neque adstringens qualia multa sunt circa Mediolanum. De particulari autem ciborum electione nihil dicendum arbitror, cum nihil uulgatius, nihil omnibus magis expositum sit, quam ea maxime expetenda quæ sint optimi nutrimenti, & facilis concoctionis: credoq; hæc omnia suæ dominationi iam usque ad fastidium inculcata. Hæc igitur satis erunt quantum ad totam uictus rationem attinet. Reliquum est ad secundam partem propositam accedere, quæ circa medicationem & chirurgicas operationes uersatur.

Pro medicatione igitur compertum habemus, corpora inæqualium membrorum perpetua præseruatione egere: quacunque enim diligenti cura circa uictus rationem adhibita, necessario tamen pluribus excrementis redundant, quæ nisi optimæ euacuentur, morbos pariunt. Ergo bis singulis annis hoc corpus euacuandum iudicamus, uere inquam & autumno: posseq; euacuationem hoc ferme modo perfici.

℞. Floris cassiæ

3 x.

Rhabarbari puluerizati

℥ ij.

Misce,



Misce, & fiat bolus cum zuccharo sumendus mane ante cibum. Sequenti die bibat infrascriptum syrupum.

R. Syrupi de cichorea Nicoli completi

Mellis rosati colati ana ℥ i.

Aquæ borraginis ℥ iiij.

Misce pro uno, & sic pro alijs usque ad septem. Deinde accipiat huiusmodi syrupum, uel pharmacum potius.

R. Confectionis hamech ℥ iiij.

Syrupi rosati solutiui ℥ ij.

Cum aqua borraginis fiat potus brevis, sumendus in aurora cum custodia. Quod si forte à potione pharmaci, abhorreret, loco eius sumi possent pilulæ aggregatiuæ pondere ℥ i. s. uel bolus confectus ex ijsdem, drachmis iiij. Confectionis hamech cum diacatholiconis drachmis sex. Perfecta hac euacuatione per quatuor subinde dies, laudarem, ut mane & sero ante cibum unciam mediam sacchari rosati deglutiret. Quod si etiam in purgatione ueris post secundum syrupum mitteretur sanguis à basilica dextri lateris, crederem hoc præstantissimum fore. Et hæc pro annua purgatione. Pro membrorum corroboratione præstantissimum esset, si bis singulis mensibus, imò etiam ter sumeret tribus horis ante prandium bolum confectum ex drachma una optimi Mithridatici & drach. quatuor zucchari rosati. A reliquo pharmacorum genere consulerem, ut postea abstineret: neque enim tot inculcare corpori præsertim debili proficuum est, cum omnia illud habeant commune quod humanæ naturæ aduersentur, secundum propriam substantiam. De stillicidijs, & potu aquarum thermarum, dicam quod sentio. Primò stillicidia in commissuris capitis prorsus respuo in hoc clarissimo uiro:

est



est enim melancholicus, & augetur exiccatio cerebri, quo nihil deterius melancholicis. Præterea caput, iudicio meo, destillationem illam non patitur: quoniam suapte natura non humidum sit, imò potius siccum, sed destillatio prouenit ob multum uaporum ascensum, quo caput iugiter repletur. Est autem hoc maxime commune, primò ut quicunque calidi hepatis sint, ad repletionem capiti sint paratissimi, quemadmodum affirmat Galenus tertio de locis affectis: secundo quicunque frigidioris uentriculi sunt, perpetuam habent materiam crudorum uaporum per uias latas caput replentium. Non est igitur mirum, si clarissimus uir patiatur destillationes, quanuis etiam suapte natura sit sicci capitis, fortè etiam calidi. Quantum autem huiusmodi cerebri temperaturis stillicidia thermarum sint aduersa, testatur Galenus sexto de sanit. tuenda. De potu uerò thermarum fortè si quæ essent temperatiores, non nocerent, cum & membra naturalia euacuarent, & obstructions aperirent, & robur etiam adderent. Hæc tamen iuuamenta fluxa temporanea; essent, quibus postea succederet exiccatio ab omni thermarum genere inseparabilis, quam exiccationem quæ incommoda uitæ consequantur, omnes medici norunt. Ex his facile est uidere, quid ego de aquis thermarum sentiam. Quantum ad chirurgicam attinet operationem, laudo primum, ut quacunque arte fieri potest, commodè fistula renouetur, plurima enim mala & orta & oritura arbitramur ex illius fistulæ suppressione. Quòd si etiam hæmorrhoides prouocarentur, quibus & antea fuit subiectus, fortè & fistulæ uicem supplerent. Sed præterea summopere laudo, ut cauteria fiant, non circa humeros, imò in utraque tibia



tibia in loco consueto. Membra enim naturalia sunt illa, quæ patiuntur, & caput in consensum trahitur: & ideo auersiones circa inferiora sunt faciendæ, credoq; ex crurum cauterijs non mediocre successurum iuuamentum, præcipue si reliqua quoque instituta conuenerint. Omni- noq; illud concludimus necessarium aperiendos esse plures ueluti fontes, quibus redundantes huius corporis materiæ continuè deriuentur, auertantur, & expurgentur.

Consult. xxxiiii. De dispositione catar- rhosa cum uentriculi imbecillitate, pro ui- ro 58. annorum

Si bene considero casum huius Magnifici uiri, cogno- sco semper fuisse, dum erat iuuenis, sanum & inculpatæ ualitudinis, ut de nulla re conquereretur: sed succedente etate, curæ illi maiores erant, & aer in locis ubi degebat, deterior fuit: ideo passus est dispositionem præter naturā. Atq; ideo non conféro rationem morborum, quibus affligi- tur, ad causam aliquam intrinsecam, seu temperaturam aliquam membrorum: quia ut dixi, cum fuit iuuenis, be- ne ualuit, & cum iam consenuit, pessimè ualet: est enim in secundo senio. Nam primum senium in septimo septena- rio, id est, anno 47. finitur, ipse habet 58. annos: sene- ctus uerò ipsa morbus est, sequuntur enim eius multa incō- moda, & præ cæteris in ea omnes coctiones fiunt deterio- res: nam calor imbecillior, cum sit, multiplicantur excre- menta, præsertim in eo qui non habet rationem senij, uel propter necessitatem, uel propter electionem. Nam, ut au- dio, fuit in infortunijs patriæ & bellis continuis, magnas  
curas



curas animi habuit, aer mutatus in deterius, & ratio uetus in cibo & potu commutata est, & non semper fuit eadem per omnes etates eius. Ad has causas accedente senio, incidit primum in has egritudines: nam queritur de uentriculo, qui habet insignem frigiditatem quam percipit. Nec mirum si in hac etate et tot causis accedentibus fiunt cruditates, & pituita in uentriculo multiplicatur, quae facit frigiditatem: & quia flatuatur saepe, ideo obstructiones in uentre superiore & inferiore percipit, ut multos emittat flatus & ructus, et ex illis emissis percipit inuamentum, & cum flatus intercipiuntur interdum, ut exire nequeant, faciunt uertigines, sed subito transeunt, quia flatus est & statim euanesceat: sed ubi materia crassior et crudior ad partes alias praecipitatur, ut ad colon intestinum, & ibi flatuatur, nec exire potest, incidit in passiones colicas, & summis angustiis afflicatur, donec educatur clysteribus. Quando in hypochondrio dextro uel sinistro acrem dolorem percipit, tunc postea urinas arenosas emittit: quia materia, quae facit calculos, est pituita, quae postea aduritur in renibus uel uesica ibi collecta, ut docetur in libro de affectibus renum, qui ascribitur Galeno, sed reuera non est Galeni, ideo mingit cum dolore, quia calculi minuti adhuc existunt. Et aliud etiam patitur, cum flatus illi ad caput ascendunt, quod iam omnino est imbecillius redditum propter frigiditatem, & inde maxime patitur ab illis, & etiam propter debilitatem alimentum proprium non conficit. Quo fit ut destillationibus laboret, quas omnes senes patiuntur. Hippocrates uero dicit, catarrhos in senibus difficulter curari, quod quidem à Galeno in commento exponitur, difficulter, id est, nunquam. Quod uero in hoc



hoc nobilissimo uiro catarrhus destillet & defluat ad partem posteriorem capitis ad occipitium, causa reddi potest, quod illa pars sit in eo imbecillior. Nam semper in corpore est una pars debilior quam alia, etiamsi nescimus causas, ideo dolores ibi ciet, ut non possit mouere caput, & totum brachium dextrum, in sinistro non tam insigniter cruciatur. Hæ sunt causæ omnium symptomatum, inter omnes tamen præcipua est senectus, ratione cuius multiplicatur cruditates, quæ occupant uaria membra. Quod autem integrè curari possit, difficillimum est affirmare, id enim non fiet nisi restituatur in iuuentutem. iam accedit ad climactericum maiorem, quem cum euasit Augustus Cæsar sacrificauit Dijs. Huius recordetur, & se regat, sicuti debet in hac ætate. Nunquam curabitur quin habeat catarrhum, nec erit eius uentriculus tam robustus, sicut fuit ante annos xxx. aut xx. sed tantum lucrabitur ex optimo regimine, ut melius uiuat. Primum oportet, ut habeat uictus rationem conuenientem morbo & ætati, & ut curet coctiones ne generentur cruditates. Utatur cibis boni nutrimenti, & excrementi pauci, ut generent bonum sanguinem. Sit cibus facilis concoctionis, & non redundet in quantitate, & non sit multiplex. Non bibat post prandium aut cœnam, nec statim à cibo dormiat, & cœnabit sicut fert natura, non tantum nisi duabus horis post cibum eat cubitum, interim sensim deambulabit, ut bene descendat cibus. Mane surgat, & matutinis horis antequam prandeat, se exerceat: ita enim reddet multum excrementorum, & plusquam putet, quod illi multum ad rectam ualetudinem conferet. Procuret quotidie beneficium alui ut habeat. Quantum uero attinet ad medicamenta, quandoque autumno & uere uacuatio



uacuatio generalis facienda. Sed si habeat rationem uictus congruam, & præterea aliquo familiari utatur remedio per interualla, ut hiera, uel cassia iuncta cum hiera, quæ melior quàm hiera sola, quoniam hiera nimium exiccat, sicut & aloë, non erit opus illis maioribus euacuationibus & uniuersalibus, quæ extinguunt calorem naturalē. Accipiat quandoque terebinthinam, quæ ad colicam & ad renes utilis erit, quæ etiam à Galeno laudatur in senibus. Quod si uera terebinthina reperiri non possit, habemus larinicinam, quam etiam Galenus accipiendam in eius locū dicit. Pro corroboratione uentriculi Diacalamenthū bonum in sene, sed in tot cruditatibus, magis laudatur Diatrionpipereon, quod etiam posset misceri cum saccharo rosato. Potest etiam admittere lotionem capitis, & semper in lixiuio decoquat 3 i. agarici, in quo ualde acquiesco: lauetur autem uesper caput, nec egrediatur postea ædes. Ex usu balneorum non poterit non maximā habere utilitatem, cum maximis redundet cruditatibus. Si uerò quis timeret siccitatem, ne ex harum thermarum potu accederet, sed ea non potest fieri, si temperatē sumatur, & paucis diebus, quia tunc minus exiccabunt. Destillatoria laudo, & caputpurgia, ac masticatoria: quod si masticchen masticabit quotidie, maximē laudarem, quia diuerteret materiam à parte posteriore ad anteriorem, nec noceret, etiam si quandoq; ad uentriculum descenderet, quia illi etiam conuenit. His non sufficientibus ad cauteria tantumquam ad sacram anchoram deuenirem.

Consult.



Consult. xxxv. De suppressione mensium, cum grauitate capitis, pro Magnifica muliere.

QVONIAM casus huius Magnificæ mulieris futurus est omnino longus (quod illam intellecturam opto) & molestus; ideo erit diligenter ineunda ratio curandi illam. Et hoc uelim sibi penitus persuadeat, hanc curationem non assecuturam suum effectum, nisi longissimo tempore: quoniam difficiles morbi non curantur pauxillo momento temporis: nam hoc omnibus perspectum est, quod breui tempore, nil bene efficitur. Hoc ergo pro constituto & supposito habeat, se non liberam euasuram ab his dispositionibus, quibus affligatur, nisi diuturnitate temporis, aliter meum consilium non penderet nucem cassam. Hoc existente fundamento, dico principalem partem curationis suæ, consistere in recta ratione uictus. Et ideo circa aërem hæc diligenter aduertat, ut effugiat aëris frigiditatem, uentos cuiuscunq; qualitatis, & maximè nocturnum aërem, nec habitet in locis humidis & subterraneis, & ne prope accedat ad ignem, maximè uerò capite. Præterea consulo, ut lauet caput semel tantum in septimana, cum lixiuio dulci, in quo decocta sit camomilla, malua, betonica, & maiorana: & exiccabit caput pannis lincis mediocriter calidis, non multum fricando, sed suauiter exiccando. Hora uerò huius lotionis erit commodior uespertina quàm matutina. Inter omnia maximè euitabit molestias animi, & irā, quoniam hæc citissimè uitam eripiunt hominibus. Præterea exercebit se moderatè mane, uel domi res domesticas tractando, uel foris deambulando, hoc agat prout illi commodius

M

modius



modius uidebitur. Item studebit, ut omni mane alius saltē semel respondeat, et si alius non fungetur munere suo, accipiat quartam partem unciae unius terebinthinae per horam ante cibum, quod eam iuuabit in his suis affectibus nō mediocriter. Circa cibum quanuis iam habeat modum uiuendi sibi præsriptum in tam diuturno affectu; tamen ego dicam ea quæ sunt magis principalia, & maxime de uino, quod ut commodum sit, multum refert. Habeat ergo uinū pauciferum, clarum, & transparens, subtile, non intensi coloris, optime maturum, & ante omnia ne sit austerum. Et de tali uino in prædio & cœna bibat mediocriter, quod non sit actu frigidum, & ideo igni pauxillum adhibebitur, ut illa frigiditas actu existens, repellatur. Varietatem ciborum euitabit, unico cibo contenta sit. Fugiat carnes antiquas, ut sunt bouinae, castratorum antiquorū, aues aquaticas, ut anseres, anates, carnes porcinas tam recentes quàm salitas, nec pisces cuiuscunq; generis comedat, nec caseum, nec pastilia. Sed cibus suus erit, pulli, caro uitulina, oua recentia, far, spelta, hordeum, & milium præparatum in optimo brodio. Pro insalatitio comedat aliquando cappares, cichorium, borraginem, & lactucas coctas. Et hic erit suus modus uiuendi. Circa uerò medicamenta hoc obseruet, ut bis purgetur in anno, hunc in modum.

Rx. Floris cassiæ ʒ i.

Specierum hieræ ʒ ij.

Cum zuccharo fiat bolus, detur tribus horis ante prandium. Deinde

Rx. Syrupi de cichorea Nicoli cum rhabarbaro.

Bizantini completi ana ʒ i.

Br. d j



Brodi pulli, in quo decoquantur radices petroselini,  
 ℥ iiij. Misce pro uno syrupo sic pro alijs. Finitis istis  
 syrupis, accipiat infrascriptam medicinam.

Rx. Confectionis Hamech 3 iiij.

Syrupi rosati solutiui 3 iiij.

Cum aqua borraginis fiat potio brevis. Detur in au-  
 rora cum custodia. Præterea laudo ut acceptis duobus  
 syrupis primis, secetur uena basilica brachij dextri, & si  
 hæmorrhoides apparerent, maximè laudarem, ut ape-  
 rirentur appositis sanguisugis. Et postea statim reciperet  
 fumum ex aqua, in qua bullierit camomilla. Item consulo  
 ut sæpius utatur zuccharo rosato, ut si singulis diebus  
 acciperet 3 s. zucchari rosati ante cibum, uehemen-  
 ter laudarem. Item semel uel bis in septimana accipiat dra-  
 chmam mediam rhabarbari, uel masticando illud, uel pul-  
 uerizatum miscendo cum 3 i. uuæ passæ, uel cum zuc-  
 charo rosato. Et hic modus est præseruandi hanc Magni-  
 ficam dominam ad uernum tempus. quo tempore, si pla-  
 cuerit suæ Magnificentie, me certiore reddat de uale-  
 tudine sua.

Consult. xxxvi. De catarrho, in quo pe-  
 riculum de tabe, pro nobili Veronensi.

Hic nobilissimus uir factus est ferè tabidus ob copiã  
 catarrhi defluentis à capite ad pectus & stomachum, un-  
 de extenuatio & macies totius corporis sequuta est, liber  
 tamen ab hectica febre existit. Cuius ut ueram curationẽ  
 instituamus, principio operæpretium est caput exiccare,  
 pectus deinde corroborare, quod utrunque futurum cre-

M 2 dimus



dimus materiae euacuatione. Pro capitis exiccatione puluis sequens toti capiti aspergatur.

Rx. Sandarachæ

℥ iij.

Maioranæ

Rosarum rubearum

ana ℥ vi.

Semin. ocimi

℥ ij.

Laudani

℥ iij.

Puluerizentur omnia per se, deinde misceantur. Quod si non esset præsens puluis tantæ efficacæ, ut inde aliquod euamentum sequeretur, utatur sinapismis, Galeni descriptione v. methodi, ex stercore columbino. Pro stomachi confortatione utatur sæpius zuccharo rosato. Pro catarrhi lenitione & confortatione pectoris melle rosato. præterea utatur Diacodio confecto in hunc modum.

Rx. Capitem papau. numero xx.

Silicarum dulcium

℥ vi.

Liquiritiæ rasæ

℥ iij.

Eximantur è siliquis grana, & decoquantur postea omnia in libris xii. aquæ purissimæ ad consumptionem quartæ partis, ut scilicet remaneant lib. iij. Deinde colentur, & exprimantur. Postea

Rx. Penidiarum

Zucchari candi rosati

ana lib. s.

Decoquantur omnia simul ad consistentiam mellis, & sumat de hoc electuario cochleare unum in introitu lecti. Præterea pro euacuatione catarrhi sumat singulis mēibus bis aut ter hunc bolum.

Rx. Specierum hieræ simpl.

℥ ij.

Floris cassiæ

℥ i.

Cum zuccharo rosato fiat bolus.

Aquam



Aquam bibat, in qua cocta sit farsara & eam admisceat cum oxysaccharo. Fiat etiam lixiuum forte, in quo decoquatur agaricus, quo lauetur caput semel uel bis etiam in septimana. Diebus intermedijs aspergatur pulvis iam ordinatus. Per nares attrahat decoctum Iridis, arantiorum, aut maioranae. Postremo fiant fontanellae in brachijs per transversum, & in cruribus per directum diuertentes, ut quae non prosunt singula, multa iuuent, ut saltem aliquid diuertatur. Vesicatoria si fierent in capite, mirum in modum mihi placerent. A cauterijs autem capiti adhibendis, etiam si uiderim in his magnos effectus, abhorreo: nam raro commodè fieri illa posse scio, & ut bene fiant magnum semper adest periculum. Et uidi ego Venetijs puellam iuuenem, & Patauij scholarem etiam, adolescentem utrunq; in catarrho non desperato post cauteria facta miserè interiisse, cum tamen ab excellentissimo chirurgo & sine dolore fierent. Huius uerò causam existimo fibras illas duræ matris transeuntes meatus cerebri, & alligantes cerebrum cum neruis cōmixtis, qui sunt ualde sensibiles, unde facta adustione in cauterio ad os usq; illae partes facile leduntur, ad quod sequuntur spasmi. Præterea sunt quaedam capita, quæ suturas habent ualde largas, per quarum commissuras maiores etiam duræ matris portiones transeunt, quæ proinde facile leduntur. Si tamen hæc cauteria in capite benè fiunt, & non leduntur, aut aduruntur nerui, ualde prosunt, sed est magnum periculum. Et propterea Galenus in tota cura catarrhi, nunquam dignatur nominare cauteria, sed tantum uesicatorijs utitur. Arabes tandem, qui sua omnia habent ex Galeno, cum uideret uesicatorijs parum proficere, nam ea quæ recitat Gale-

M 3 nus,



nus de stercore columbino, & alijs, ut cantharidibus, quia cantharides molestiores sunt propter mictum sanguinis, ideo ad cauteria transfuerunt, relinquentes uesticatoria. Arabes enim erant ignari anatomie, ut quæ lege apud illos prohibita fuit, & eā quam sciunt, uidemus esse fragmenta ex Galeno collecta. Et proinde hæc non ita diligenter considerabant. Sed de his hæcenus sufficiat.

Consult. xxxvii. De tremore, ophthalmia finistri oculi, & reliquis ortis vitio cerebri, pro matrona Leonora Sacrata Flischa.

**AUDITIS**, & diligenter consideratis affectibus omnibus, quibus infestatur nobilissima matrona Leonora Sacrata Flischa, iudicauerim primam originem esse in cerebro, propter paucitatem, & malitiam spirituum animalium, non sine tamen materia aliqua frigida descendente ad partes affectas. Materiam autem descendentem, malitiā, & paucitatem bonorum spirituum fieri ob cerebri frigidā intemperiem. Et quod ita sit, coniecturas habeo: primò imbecillitatem omnium intrinsecarum actionum, quæ cerebro propriæ sunt, sicut ingenij, memoriæ, & cogitationis: non enim actiones remittuntur, nisi ob intemperiem frigidā cerebri, præcipuè si humiditati coniuncta fuerit. Cum ergo animalis uirtus in cerebro sedem habens, siue sine spiritus uehiculo subito, tanquam solis radius omnes corporis partes illustret, sensumq; ac motū adferat, siue uehatur spiritu (hoc. n. apud illustriores Medicos nō sat cōpertum habetur) constat tamen sine animali spiritu, siue præcesserit, siue comitetur, nihil agere posse, uel sentiendo, uel mouēdo.

Sed



Sed spiritus animales neque multi, neque boni esse possunt, ubi fuerit ea, quam prædiximus cerebri intemperies: quicunque enim habet talem temperiem, primò segnes in motu, & sensu redduntur, deinde aucto incommodo torpidi, quòd si ultra processerit trepidi, ac tandem resoluuntur, inciduntq; in eam, quam paralyfin medici uocant. Neque hic à me repetendum esse arbitror, tremorem membrorum fieri equatis, quæ sunt ex parte membri grauitantis, & deorsum trahentis, & ex parte animalis erigentis, dum enim æqualiter illa quidem erigit, hæc uerò grauitant, fit tremor ex duobus motibus contrarijs. Quòd autem hic tremor præcipue fiat ob spirituum paucitatem, ita conijcio, primò quòd eò magis tremit sinistrum brachium, quò magis laborat, uel nititur aliquid complecti. Constat enim ex hoc conatu spiritus resolui, & pauciores fieri, unde necessario quoque tremor augetur, sequiturq; deinde etiam dolor ob intemperiem frigidam confertim ad membra accedentem, scilicet ex spirituum, & caloris subita dissolutione. Præterea dum aliquid acriter intuetur, statim admirando quodam modo brachij tremor augetur, non ob aliam profectò causam, sicuti ego arbitror, quàm quòd spiritus animales ab illo intuitu dissoluuntur, atque ita paucioribus redditis, necessario tremor augetur. Audio etiã, quòd ubicunque stat, cum motus ille sit omnium musculorum, qui tonicus à Galeno appellatur, plurimam fieri spirituum exolutionem necesse est, propterea mira etiam imbecillitas totius corporis consequitur, ingensq; dorsi dolor: musculi enim, qui in ea parte sunt præcipue laborauerunt, & ideo sentiunt ueluti confractionem, & lassitudinem. Vbi etiam sederit, si difficilis est exurectio, ad quã

M 4

causam



causam melius potest referri, quàm ad spirituum paucitatem: Denique illud ita esse manifestissimè arguitur, quod post quemcunque ingentem motum præcipue sinistri brachij, dolor ad cor accedere uidetur. quod quidem nihil aliud esse crediderim, quàm quoddam ueluti procemium lipothymia, scilicet ex spirituum multa dissolutione. Quod autem à labore sequatur dolor uehementissimus, incipiens ab ore uentriculi, terminans in uterum, causam esse crediderim, quod in eo labore calor in magna arteria, & uena descendentibus ferueat, & in eo feruore humores crudi attenuentur, & per ramos eorundem uasorum deriuentur ad uterum, qui postea flatuati dolorem tanquam punctura excitent: sedatur postea flatu cum murmure emissio ob compressionem uiarum. Cur autem frequentissimè infestetur oculi sinistri pulsu, ophthalmiaq; laboret, illud enim pati crediderim cum intumescat, ac sanguine repleatur. Et cur eiusdem sinistrae partis facies uehementer incalescat inquisitione dignum est. id autem fieri crediderim, quoniam ubi dolor, & imbecillitas eas partes occupauerit, calidus sanguis, & uaporosus illuc recurrit, remouendi incommodi causa. Est enim (ut aiebat Hippocrates) omnium partium corporis mutua quædam conuenientia, ut suapte natura altera alteri succurrat, & secundum omnes affectus consentiant. Si uerò etiam pedes intumescant, de huius tumoris causa non possum ita exactè proferre sermonem, cum nec tumoris quidem naturā, aut colorem audiuerim. Superest tamen mihi dubium non paruum, nunquid sit oedematicus, an erysipelatodis, nam cum intelligam circa naturalia optimè habere, fortè humor aliquis calidus, & crassus ad eas partes decumbit ob hepatis



tis caliditatem, & cum ille tam frequens feruor appareat circa partem faciei sinistram circa oculum eiusdem lateris, & ceruicem, suspicionem fecit, ne hepar sit calidius. Nouimus enim, quam facile uaporibus calidis caput repleti soleat, in his qui temperaturam capitis calidam habent. Sed quicquid sit, in re non mihi intellecta, neque ab alio explicata, non possum certum ferre iudicium. Tales ergo, uel non multum dissimiles causas esse crediderim omnium symptomatum, quibus nobilissima matrona afficitur, non tamen adeo sum pertinax, ut ita esse omnino contendam. Casus enim, meo iudicio, admodum difficilis est, qui non tam facile à quolibet etiam peritissimo medico sit iudicandus, præcipue in corpore, quod nunquam uiderit, neque curauerit, neque ab aliquo medico præsentem fuerit exaratus, aut manu ductus, ad causas indagandas. His ergo ita se habentibus, supposita recta uictus ratione, quam credo diligentissime esse præstandam à peritissimis medicis, ego in hoc genere curationis oculum ad illud præcipue habere, ut nec cibus, nec potus, nec aliquid extrinsecus occurrens excessum in aliqua qualitate haberet, sed omnia essent quam maxime temperata: idemque de quantitate oblatorum prorsus censeo. Substantiam tamen cibi, & potus talem eligerem, quæ esset optimi alimenti, & facillimæ concoctionis, & distributionis, uellemque, ut in hac re præcipue studium collocaretur, quod quidem omnibus diuturnis morbis uidetur esse commune. Quantum uero ad medicationem attinet, optarem, ut assidue uteretur aliquo leui medicamento, quod uim leniendi haberet, uentriculumque, & intestina expurgandi, qualia duo essent præcipua, uel cassia, uel rhabarbarum, uel utrunque simul confectum: nam absque facultatum,



facultatum, & spirituum detrimento corpus totum hoc consilio mundum seruetur, sanguisq; purior redderetur, unde & alimenti, & spirituum copiosa generatio bene succederet. Si ergo ter, uel etiā quater in mense sumeret unciam floris cassiae cum semidrachma rhabarbari, credo bene consultum fore. Quod si forte cassia, ut multis mulieribus cōtingit, flatus, & tormina excitaret, exhiberē drachmam rhabarbari, cum uncia sacchari rosacei, uel uncias tres, aut quatuor syrupi rosati solutiui: talia enim in purgando hoc corpore excedere non auderem. Pro capite uero, uentriculo, ac corde roborandis darem etiam nonnunquam, præcipuē ubi aer esset magis temperatus, scrupulos duos, uel etiam drachmam optimi Mithridatici adiecta semuncia sacchari rosacei. Laudo etiam, si matutinis horis mandet, aut, ut uulgò dicitur, pro masticatorio utetur mastiche, aut garyophyllo, aut nuce muscata confecta: caput enim corroborabit, pituitamq; educet. Illinire etiam sæpe trementia loca ex aliquo oleo odorato calefaciente, ac resolvente, non parū utile existimauerim: qualia sunt, quæ à pigmentarijs uenduntur, de styrace, garyophyllo, iaspis, & huiusmodi. Quod si consueuerit caput abluere, omittendum non puto, sed lixiuio dulci, in quo maiorana, stæchas, chamæmelum, & anethum decoquetur. A' fortioribus autem quibuscunque remedijs in hoc morbi genere, & ab huiusmodi causis generato, & in hac ætate maxime abstinendum putauerim. Credo enim ex his, uel similibus, si curari potest, esse curandam: si non potest, quod magis suspicor, saltem esse præseruandam, ad laudem Dei omnipotentis.

Consult.



Consult. xxxviii. De diminutione uisus,  
pro matrona Veronensi.

OFFERTUR nobis casus huius nobilissimæ mulie-  
ris dignus consideratione, quoniam oculorum egritudines  
multa habent problemata, quæ nunc temporis angustia o-  
mittimus. Symptoma quidem affligens hanc nobilissimam  
mulierem est diminutio uisus, & magis in oculo dextro,  
quàm in sinistro, quã quidem passa est hinc ab annis quinq;  
& à xx. diebus incepit esse in sinistro. Genus autem dimi-  
nutionis huius, & lætionis, est à nobis considerandum.  
Narrat enim ipsa in oculo dextro lætionem hanc ince-  
pisse, & uidebatur ei quòd scintillæ quædam obuersaren-  
tur ante oculos, & radij quidam, & maximè cùm à longe  
in aliquod magnum lumen, seu lucernam intueretur, qui  
radij uidebantur circa lumen circulum quendam facere  
subuiridem: & hoc maximè cùm à remotis inspiceret, ma-  
ximè cùm in lumine magno attolleret palpebras, quòd ui-  
debat eosdem radios, & hoc præcipuè in mane cùm surge-  
ret à lecto per horam, & quòd in nocte opplentur ei oculi  
multis excrementis, et uidetur quòd sit quasi tela, seu umbra  
quædam ante ipsum oculum dextrum: sed cùm abstergit  
oculos & mundificat, quòd remouetur maxima pars il-  
lius nocuenti. Præterea dicit quòd percipit grauitatem  
palpebrarum, ut uix uideatur posse attollere, & maximè  
dextri, & si quis diligentius intueatur pupillam dextri o-  
culi, uidet obscuritatem quandam, quæ non apparet in  
sinistro: & sic reliqua omnia minus in sinistro apparent,  
ita quòd uideatur esse quasi principium in sinistro illius  
quòd



quod iam confirmatum est in dextro. Et dicit quod nullum prorsus iuuamentum percipit à rebus extreme frigidis, sed tantum à moderate calidis, & maximum: à rebus uero summopere calidis maxime læditur, quia uidetur quod inflammetur oculi, & quod repleatur caput. Hæc sunt symptomata, de quibus conqueritur hæc nobilissima mulier, & quorum curationem à nobis ex postulat. Sed ut simus boni medici, inuestigemus primò causas horum symptomatum. Pro quorum inuestigatione debetis scire, quod hoc symptoma præcessit dolor capitis, qui diu perseuerauit, ad quem secuta sunt postmodum hæc accidentia. Habuit præterea dolores quosdam ueluti arthreticos, et præcipue circa brachia ipsa. Passa etiam est dolores colicos, & flatus quosdam in uentriculo: dolores præterea renū. Quæ omnia sunt indicia deprauatorum humorum ex ascensione uaporum petentium caput, qui postmodum crassesciti descendunt ad partes inferiores per uenas, neruos, nucham, atque arterias, & replent totum corpus, & percipit caliditatem à quacunque leui causa extrinseca. Quantum sit de membris principalibus huius Magnificæ dominæ, dico quod uidentur omnia calida esse. Nam hepar ex eo quod potest per exterius iudicari, est calidum: habet enim corpus carnosum, uenas latas, multum sanguinem, & reliqua omnia attestantur supra caliditatem hepatis. Habet etiam cor calidum, quia potius est uirago, quam fœmina, & aptissima est ad omnes hominis operationes, & habet generositatem, ut ita loquar, & audaciam maximā in omnibus rebus, ita ut uidetur quod caliditas sit insignis in corde. Ex operationibus præterea uegetibus & animalibus indicatur cerebrum esse calidum. Cum igitur habeat  
mulier



mulier hæc omnia sua membra calida, & ut dicit Galenus tertio de locis affectis cap. de dolore capitis, corpora habentia membra inferiora calida, & maxime hepar, facile capitis repletionem laborant, & ratio est, quia plurimi ab hepate eleuantur uapores qui replent caput, & præcipue si ratio uictus non sit exquisita, imò perperam facta, neque multum se exerceat. Præterea ista habet stomachum frigidum: ideo debet multa pituita abundare, & ex sexu etiam, quia mulieres sunt natura frigidiores hominibus, & credo quòd etiam lautè admodum uixerit, & nullum penitus exercitium facit. Quòd autem uentriculus eius frigidus sit & imbecillis, declarant illi flatus, illi dolores colici, & renum, qui omnes indicant non fieri bonam concoctionem. An uerò ratione obiecti, an ratione subiecti? crederem ego ratione utriusque, & quia utatur cibis diuersis, & quòd uentriculus non bene concoquat. Ex quibus elicio quòd corpus istud aptissimum sit ad congreganda multa excrementa, & præcipue in capite. Præterea uexata fuit diu à maximis animi accidentibus, quæ quantum ualeant ad replendum caput ipsum, & ad faciendum omnes concoctiones deteriores, norunt omnes. Habemus igitur causas intrinsecas facientes repletionem capitis, scilicet ealiditatem hepatis, & omnium membrorum inferiorum, & frigiditatem uentriculi & etiam capitis imbecillitatem. Habemus etiam causas extrinsecas, scilicet accidentia animi, inordinatam uictus rationem, uigilias, & reliqua omnia, quæ uidemus. Cum igitur ex istis alter eorum, scilicet dexter, magis imbecillus est, quærenda modo à nobis est imbecillitas ista quænam sit: potest enim esse uel ratione imbecillitatis ipsius uirtutis uisus, uel ratione



tione instrumentorum, per quæ demandatur uirtus uisua,  
 uel ratione spirituum. Quod non sit ratione imbecillitatis  
 uirtutis uisua, apparet, quia reliquæ operationes aliorum  
 sensuum perfectæ sunt. Quod non ratione spirituum, quia  
 si esset ratione spirituum aut esset, quia spiritus essent cras-  
 sefacti, uel refrigerati: sed hoc non potest esse, quia idem  
 spiritus qui transeunt ad instrumentum uisus, illi idem tran-  
 seunt ad reliqua organa sensuum: sed cum in nullo alio  
 sensuum organo lædatur, præterquam in organo uisus,  
 non est credendum hoc ratione spirituum accidere posse:  
 præterea si ratione spirituum læderetur, magis de longin-  
 quo, quam de prope uideret, quia illi spiritus egredientes  
 magis illustrarentur per aërem, & tamen totum opposi-  
 tum contingit. Quod autem sit uitio instrumentorum, aut  
 in neruis esset obstructio, uel impactio quædam humorum  
 crassorum uiscidorum. Non est quod sit obstructio in ner-  
 uis, quia penitus uisu priuaretur, neque inuiscatio humo-  
 rum, quia si sic, non uideretur impedimentum exterius,  
 id est, nebula illa & obscuritas in oculo. Si igitur erit læ-  
 sio in oculo, hæc autem potest esse in diuersis partibus, quia  
 oculus ex diuersis constat partibus, uel in tunicis extrinse-  
 cis & intrinsecis, uel in humoribus. Quod non sit in tuni-  
 cis intrinsecis, nullum est indicium, quia si sic, spiritus  
 semper æqualiter impedirentur, & non magis in mane,  
 cum surgit lecto, quam postea. Neque in extrinsecis, quia  
 in cornea nullum apparet esse nocumentum, nec etiã in pupil-  
 la. Ideo crederem ego potius uitium istud in humoribus esse,  
 quoniã circa pupillam apparet nebula quædam, quæ magis ui-  
 detur esse in humore albugineo, quam quod sit in pupilla  
 ipsa. Et sic credo quod humor ille albugineus ob permixtio-  
 nem



nem substantiæ crassioris à capite defluentis . sit denigratus , quia substantia crassiori nutriatur , & ob id non fiat uisio ita clara , quia instrumentum non est perfectè clarum . Et hoc etiam admonet nos ætas , quia excrementa crassiora , & frigidiora fiunt procedente ætate : hæc autem sicut audio pertransiuit iam 50. annos . Et ita credo cum ratione materiæ descendentis ad humorem albugineum , tum ratione alimenti crassioris , quo alitur , affici uisionem ipsam . Cuius signum est , quòd dum surgit , deterius uidet : Et hoc est , quia plurimi in nocte uapores concepti , & deuenientes ad humorem albugineum , cum non possint pertransire , causant illud : sed cum abstergit oculos , & mundificat & permanet per horam à surrectione , melius uidet , quia illi uapores resoluti sunt . Et quòd hoc sit patet , quia percipit plures sordes siccas mordaces , dū surgit : & hoc est quia illi succi deprauati diuersi sunt , & à diuersis causis : aliqui enim à cerebro : aliqui à uentriculo , quia humidi sunt interdum , & interdum mordentes , & supercilia grauantur . cuius signum est quòd ægritudo est materialis , & quòd plurima materia tendit ad illas partes , & habet etiam omnia illa impedimenta inæqualiter se habentia , non perpetuò illam turbant . Cuius signū est quòd ibi nō adsit semper præsentia materiæ : & quòd morbus non est in complexione , quia non semper eodē modo affligitur , tum etiam quia subito aduenit huiusmodi læsio . Sed perpetuò illa materia à capite emanat , quia oculus imbecillior factus recipit excrementa à cerebro , sicut dicit Galenus 11. de diff. febrium , referens causas ophthalmiæ . Credo igitur ego quòd cum symptoma istud diu perseuerauerit , dexter oculus sit debilitatus , et ita credo quòd  
causæ



causæ proximæ huius affectus sint humores deprauati partim biliosi, partim pituitosi, & partim adusti deuenientes ad oculos, & occupantes palpebras, & facientes sordes illas, & perturbantes humiditates oculi. An uerò huiusmodi humores misceantur cum spiritibus, & ratione horum fiat deterior uisio, hoc facile potest contingere. Quibus sic stantibus, quid credis futurum de hac ægritudine: si uerum est quòd habeat causas illas corporeas perpetuò affligentes, & quòd iam per quinquennium passa sit istam malam dispositionem, & ob id quòd imbecillis factus sit oculus, & sit illa membrorum inæqualitas, etiam sit quinquagennaria; in qua etate crassescunt tunicæ omnes & crispantur, atq; humores omnes pauciores & crassiores redduntur, crederem ego huic morbo naturali mixto cum accidentali occurri neutiquam posse, nisi prouidendo ne in deterius labatur, quia oculus senis non est oculus iunioris: sed si poneremus oculum iuuenis in sene, uideret ut iuuenis, dicit Aristot. in II. de anima. Prouidendum est ergo ne in deterius labatur, cum omnimoda cura impossibilis sit. Hoc autem facerem, primò iuberem ut omnia animi accidentia dimitteret: uteretur optima uictus ratione: exerceret se quandoq; & in sex rebus non naturalibus nihil peccaret. Quantum uerò ad membrorum inæqualitatem corroborarem uentriculum & hepar, ut bene concoqueret, & ne uapores malos generaret: & uellem quòd continuè uteretur aliquo medicamento. Vellem ut corroboraretur etiam caput & oculi, præcipuè dexter, & purificaretur, & abstergeretur pupilla. Quantum autem ad euacuationes attinet, uellem ut hoc uere faceret uniuersales purgationes, primò acciperet aliquod lenitiuū, ut esset



set cassia, seu electuarium lenituum: ex quibus purgaretur stomachus ab humoribus crudioribus, & deduceret etiam humores malos in primis uenis. Postea uteretur quibusdam concoquentibus, sicut esset mel rosatum, syrupus acetosus, oxymel simplex, syrupus de endiuia, ut exempli gratia,

R. Oxymellis simplicis

Mellis rosati

Acetosi simplicis

ana ℥ s.

Decoctio uero fieret ex seminibus endiuiae, ex folijs borraginis, ex seminibus anisorum, ex eufragia, ex cinnamomo. Et si timeremus nimiam hepatis supercalefactionem, poterimus addere semina melonum, cucurbitae. Medicamentum uero sit ad diuersos humores educendos commodum, ut docet Galenus in v. methodi medendi, ex colocynthide, agarico, & scammonio, & huic cochiae sunt similes, atq; etiam confectio hamech: similiter & pilulae aggregatiuae, quia in hac peccant omnes humores. De phlebotomia uero utrum sit facienda? Ego certe uideo corpus admodum repletum, & licet sit iam quinquagenaria, tamen quia est uirago, & abundat plurimo sanguine, & forte ei etiam defecerunt mēstrua; ideo placeret mihi quod post minorationem, quam fecerit, seu ex cassia, seu ex lenituo, & post assumptionem duorum, uel trium syruporum quod mitteretur sanguis à cephalica, & si placeret à basilica, & postea procederet ad purgationem uniuersalem. Quibus peractis placeret mihi quod haberet aliquod pharmacum sibi familiare purgans caput, quo uteretur singula quaq; hebdomada, sicut essent pilulae ex tribus illis confectae, quae habent caput euacuare, uentriculum & he-

N par:



par: & corroborant etiam omnia ista membra, quia ingreditur rhabarbarum, agaricus, & aloë: & uelle quod ista corrigerentur cum eufrasia, cum capillis Veneris, cum modico macis uel cinnamomi: quæ omnia respiciunt caput, hepar, & uentriculum, cum spica nardi & consimilibus. Vteretur masticatorio frequenter, quale esset mastiche sola, quia ipsa non potest tolerare aliquod calidum uehementius: est enim efficacissima mastiche simplex ad purgandum caput, & saliuam multam educit. His factis uellem ut accederet ad diuersiones, & ad corroborationem capitis, quia iam sumus certi quod ægrotudo ista materialis est, sicut apparet ex signis iam dictis, ex grauitate palpebrarum, ex lippitudinibus oculorum, & quia etiam non semper permanet, aduenit etiam subito: nulla autem immaterialis ægrotudo subaduenit. Ideo oportet deriuare, & diuertere materiam istam à capite: et hoc posset fieri cum cauterijs in cruribus, cum applicatione sanguisugarum hæmorrhoidibus, quia sicut audio, hoc sibi fuit utile, cum semel fecerit, & cum frictionibus in cruribus, & brachijs. Quibus sic factis, accederem ad aliquod leue collyrium in oculis apponendum. Acciperem igitur sex, uel octo radices althæe mundatissimas cum tribus uncijs Fœnugræci optime præparati, & decoquerem in aqua clarissima: et cum essent decoctæ exprimerem ualidissime, & acciperem libram unā decoctionis huius, & drachmas duas aloës subtilissime puluerizatae & lotæ in aqua Violarum, & iterum ponerem ad ignem lentum clarum sine fumo, & sine puluere, & rursus decoquerem, donec hæc omnia ad substantiam mellis redigerentur. quod quidem fiet facillime propter aloën, & mucilagines illas, & ponerem in phiala, &



la, & ex hoc collyrio illinirentur oculi, & maxime dexter & in mane: corroboraret enim oculum, mūdificaret, abstergeret, & confortaret etiam. Et sic uoluit Galenus 11. de locis affectis, & in 11. de compositione medicamentorum secundum locos, ubi dixit expresse de dolore capitis, quod siue in substantia cerebri, siue in meningis fuerit, nihil refert, nec propter hoc uariatur cura. Ita affectus iste siue sit in albugineo humore, siue in pupilla non uariatur cura, siue in rhagoide. Hæc sunt quæ mihi præ temporis angustia occurrerunt, tamen rem hanc indies magis atque magis perpendemus: & si quod in mentem aliud uenerit, consulimus.

Consult. xxxix. De actione uisus diminuta, pro iuvene Augustano.

IUDICAMVS actionem uidendi diminutam in hoc iuvene, cum procul non uideat quantum oportet, sed prope exquisitè possit, non esse ob aliam causam, nisi quia spiritus ex longo studio & labore mentis, rationalisq; discursus fuerunt resoluti paucioresq; redditi quàm ut sufficiant longinquæ uisioni. Ac præterea ita longo usu & consuetudine comparatum est, ut non nisi in re interuallo distante acutè & exquisitè uideat, in quo iugiter intueri consueuerit. Solet etiam id contingere tum in alijs omnibus actionibus membrorum, tum maxime in uisu. Ergo curatio huius symptomatis per sua contraria procul dubio administranda erit, uidelicet ut spiritus multi, clari, & limpidi generentur, atq; ut procul intueri consuescat eo modo & arte, quam infra docebimus. Spiritus generabuntur si ad-

N 2      hibuerit



hibuerit studium in optima uictus ratione, quæ perfici solet in recta administratione rerum, quas medici non naturales uocant. Primum igitur cauebit quantum fieri potest ab aëre multum frigido, nec minus etiam à calido, etiam à feruente. Ventorum omne genus euitabit, præcipuè tamē austrós, & dum in Hispania moratur orientales quoq; in Germania uerò ab occidentalibus & omnibus septentrionalibus flatibus cauebit: deniq; omnes excessus aëris sunt fugiendi. Neq; dormiat in cubiculo aut loco humido subterraneo, & ubi fenestræ noctu sunt apertæ. Omnes animi molestias, iram, mœroresq; præcipuè euitabit. In somno mediocritatem requiret, laudoq; ut ad horas octo extendatur: sed postea meridianis horis non dormiet. Nec post cœnam subito cubitū eat, sed duas saltem horas interponat, hæc enim capiti & oculis maximè aduersa sunt. Si fuerit fortè adstrictæ alui quærat quàm maximè singulis diebus naturalia excrementa reddere, non enim hoc parum confert spiritibus clarioribus & minimè turbulentis efficiendis. Si eius natura in hac actione defuerit, aliqua arte supplendum: sed præcipuum remedium erit, si pruna Hispanica dulcia arefacta numero octo uel decem cum pugillo passularum dulcium in iure pulli, aut carnis uitulinae, uel optimi castrati exquisitè decoxerit, & decoctum mane sumpserit ante prandium. hoc enim sine molestia leniret aluum, & omnes humores corporis temperabit, unde etiam clariores spiritus reddi necesse est. A coitu inter cætera abstinabit, & præcipuè si non sit assuetus, nam si prius in eo fuerit inordinatus, non laudarem omnino omnimodam abstinentiam, sed tamen ut quàm maximè fieri potest, moderetur: hoc enim tantum refert, ut cum  
hic



hic in ratione uictus peccetur, illud unum reliquorum omnium diligentia obtineat, nam oculorum acumini & spiritibus animalibus nihil potest esse magis aduersum. Exercitio temperato quam maxime utatur, praesertim sub dio ubi caeli temperies fuerit, & serenitas aeris, magisque deambulationem laudo in hoc nobilissimo iuvene quam quodcunque aliud exercitationis genus. Exercitandi hora maxime opportuna proculdubio matutina est: neque post exercitium frigido aeri se exponat, nec nisi post horam cibum sumat. A prandio uero & coena deambulare suauiter potest, quod potius laudo, quam quod otiosus sedeat segnis & dormitabundus. Cauebit tamen ab omni ualido exercitio tam mentis quam corporis, & si fieri potest consulo, ut post quatuor horas a cibo nihil scribat, nihil cogitet quod animum torqueat aut sollicitet. Bis in die tantum comedere assuescat, atque inter coenam & prandium ne minimum quidem bibere aut comedere. Simplici cibo quam maxime delectabitur, mensas tertias, uariaque epularum genera effugiet. Caro ab eo eligitur uitulina, castrati iuuenis, perdicum, atque omnium auium terrestrium, praeterquam in paludibus degentium. omnes antiquas carnes fugiet & porcinas. A piscibus magis abstinebit, & qui in stagnis ac foetidis capiuntur aquis, reliquis parcissime utetur. Olera praecipue lactuca, pastilia, lacticina, legumina, & quae in sartagine friguntur, omnia haec maxime aduersa. Vino utetur tenui, albo, & subrufo, non multum potenti, uel certe plurimum diluto. In secunda mensa comedet pineas, anisum, quandoque etiam coriandrum conditum, & cydonia. Haec ubi obseruauerit cum multa diligentia, fieri potest, ut exquisitissima sit ratio ui-

N 3

ctus.



ctus. At quia corporum temperaturæ rarissimè sunt æquales & undecunque congruæ; ideo necessariò plurima excrementa iugiter generantur in corpore, quæ nisi arte aut natura excernantur, in tractu temporis lædunt imbecilliores partes corporis, quales sunt oculi. Ergo enitendum ut arte quoque & purgationibus corpus statis temporibus emundetur. Vere igitur & autumnus hoc modo purgabitur.

Rx. Floris cassiæ 3 x.

Cum saccharo fiat bolus, sumendus hora ante prandium. Proximo die accipiat talem potionem.

Rx. Verbenæ

Rutæ

Chelidoniæ

Rosarum

Euphragiæ ana man. ij.

Seminum anisorum

Fœniculi ana 3 iij.

Decoquantur omnia secundum artem in aqua fontis ad consumptionem duarum partium, & facta expressione et colatura syrupizetur decoctum cum optimo saccharo. Deinde

Rx. Huius syrupi 3 ij.

Aquarum euphragiæ

Chelidoniæ ana 3 ij.

Misce pro uno syrupo, & sic pro alijs septem. Quibus assumptis, sumendum erit proximo die tale pharmacum.

Rx. Pilularum cochiarum 3 iij.

Cum melle rosato, formentur pilulæ numero v. deaurantur



rentur & sumantur in aurora cum custodia. Et hæc purgatio bis singulis annis repetatur, autumno inquam & uere. Intermedijs tamen mensibus laudo, ut hora ante cœnam sumat unam uel duas pilulas ex infra scriptis, sine aliqua custodia, quod poterit fieri bis aut ter aut etiam quater in mense.

℞. Agarici electi

Rhabarbari

Hieræ simpl. Galeni

ana 3 iij.

Garyophyllorum

3 s.

Conterantur omnia per se, deinde misceantur, ponantur in ℥ iij. succi Euphrasiæ, donec exiccetur succus in umbra, postea cum melle rosato fiat magdaleon, de quo ad libitum fiant pilulæ sumendæ, sicut dictum est. Se caueat ne oculos abluat cum aqua frigida, imò nec faciem: sed cum uino optimo aromatico albo, quo etiam abluat os & dentes, nec in hyeme actu sit frigidum, præsertim ubi fuerit in Germania, uel aliqua regione frigida. Quantum uerò attinet ad secundum propositum, uidelicet ut asuescat procul intueri, non hoc utique facere conabitur, nam magis noceret resoluendo spiritus, sed eligat loca angusta, per quæ introspiciat aliquod obiectum uiride, sicut arbores, prata uirentia, & sit hoc aëre non multum claro, sicut in meridie sed potius in uespertino crepusculo, uel aurora, uel saltem in loco umbroso uel opaco, etiam si meridies fuerit. Neque inutile est, quod multi opinantur, introspicere eum per aliquam oblongam tubam intus concuam, uel etiam uitream ex uiridi uel cæruleo uitro, quod adhuc esset præstantius, & poterit terminari uisus non tantum ad uiridia & amœna loca, sed e-



tiam ad limpidissimos fontes & ad nitidas aquas, quæ tamen non currant, sed uel stagent, uel sensim repant. Pro lotionem uerò capitis utatur lixiuio ex cinere salicum uel uitium confecto, in quo maiorana, salua, betonica & citri folia decoquantur, uel lauri si citri defuerint: apponaturq; semper agarici drachma una. Et hoc lixiuio caput abluatur sine multa frictione cum pannis lineis moderate calidis, & exquisitè siccetur, sapoq; eligatur præparatus cum aromatibus musco & ambra.

Consult. XL. De diminutione uisus, & pilis in palpebris interius retortis, pro Polono.

C V M Magnificus dominus tantum à nobis particularia remedia petat (iam enim uniuersalibus euacuationibus usus est, & ratio uictus illi est instituta) ideo ne illi desimus, collyrium hoc erit.

Rx. Althææ

Sem. fœnugræci ana ʒ iij.

Mundentur diligentissimè ab omni sorde, deinde decoquantur in aqua fontis limpidissima sine puluere, sine fumo, sitq; aquæ pondus lib. iij. Bulliat donec remaneat libra una, postea fiat fortis expressio & colatura. Deinde

Rx. Aloës optimæ, raræ, & transparentis ac puluerizatæ ʒ ij. Bulliat decoctum cum aloë ad ignem clarum ad consistentiam mellis, deinde seruetur ad usum in uase uitreo optimè obturato. Quando oculi mordicantur, abluat uel lacte recenti uel aqua rosacea, in qua dissolutum antè sit saccharum candi rosatum, & eligat hoc uel illud. Circa palpebrarum curationem postquam in  
feliciter



feliciter expertus est incisionem chirurgicam, ideo nouerit ab ea abstinendum esse, à qua & ego semper abhorruī: sed curabit ut euellantur commodissimè à perito uulfore. Et remedium celebratissimum apud antiquos, ne pili succrescant est, ut post euulsionem frequentissimè illinatur locus lacte canis. Optimum etiam est, ut pili, qui se inuertunt introrsum reuellantur extrorsum, & deglutinentur palpebræ exteriori colla uel alio glutinis genere. Vbi ablucendum caput, eligatur lixiuium dulce factum ex cineribus dulcibus ut cinere salicum, & addatur singulis uicibus drachma una agarici, quæ inoluta in panno lineo decoquatur in lixiuio, & fortiter exprimatur. Abluat autem se uespere, & postea non exeat eo uespere domum. Queritur etiam quòd pedes ei aliquando sudant, quos abluat. & hunc sudorem utilissimum arbitror: quoniā per eum fit aliqua auersio à capite, eamq; minimè impediendam existimo.

## ADDITIO.

Non alienum fore duximus, communis utilitatis gratia, hoc loco exponere omnibus regimē in potu ligni præscriptum huic Polono ex oculis laboranti. Nam non consentientibus remedijs præscriptis, ordinauit hæc.

℞. Decoctionis nostræ de helleboro ℥ vi.

Syrupi de betonica ℥ i. s.

Misce pro uno, & sic pro alijs, dentur mane in auro-ra. Hos syropos præcessit euacuatio uniuersalis cum præparatione. Postea accipiantur libræ xii. aquæ endiuie, & libra una ligni detriti uel limati, & ponatur in olla magna



gna noua stricti orificij cum suo coopertorio, & ita dimit-  
tantur in infusione per horas 24. Deinde decoquantur  
lento igne ad consumptionem tertiæ partis, fiat expressio,  
& colatura, & seruetur in uase uitreo bene obturato, &  
diuidatur hoc decoctum in octo partes siue syropos. Sumat  
duos in die, alterum hora octaua, & prandeat hora duo-  
decima. Alterum hora xx. uel xix. & cœnet xxij. Et  
dum bibit primum istud decoctum, semper anticipet & præ-  
paret secundum, ne deficiat, & ita perseueret usque ad  
xxxx. dies ad minus. In primis decem diebus suus cibus  
erit iste. Comedat uncias tres panis in prandio, & mediū  
pullum paruum elixatum, qui non excedat magnitudinem  
perdicis, & medietatem eiusdem comedat in cœna cum ea-  
dem quantitate panis: & panis sit optimè coctus, non ta-  
men assatus, cauebit etiam à crustis assatis. Bibet duos  
cyathos ad summum & potius paruos quàm magnos: ui-  
num sit album, clarum, pauciferum. Poterit comedere post  
prandium & cœnam unciam unā uel duas uuæ passæ par-  
uæ & dulcissimæ bene lotæ cum uino albo. Et si non pote-  
rit tolerare maiorē dietam, perseuerabit usq; ad 40. dies,  
sed si posset tolerare, laudarem quod post decem primos  
dies per xx. dies postea subsequentes abstineret prorsus à  
carnibus & à uino, & esset contentus pane & passulis  
lotis ac preparatis, sicut dixi, & loco uini biberet deco-  
ctum eiusdem ligni, quod quidem decoqueretur in aqua pu-  
tei, & acciperet illud idem quod decoxerat in aqua endi-  
uiæ: tolerat enim duas aut tres decoctiones, si ultimò benè  
exprimatur. Item laudo in toto tempore xxxx. dierum,  
in quibus bibit hoc decoctum, quod semper octaua die su-  
mat tribus horis ante prandium bolum hunc.

B.



R. Floris cassie ʒ i.

Specierum hieræ simpl. 3 i. s.

Cum saccharo fiat bolus.

Restitutus est integræ ualitudini.

Consult. xli. De debilitate visus, & paralyfi diminuta & vertigine, pro doctore Veneto.

SUPPOSITIS symptomatibus, quibus iste Excellentissimus doctor molestat, quoniam fuerunt enodata, uenio ad id quod principaliter iste querit à nobis, quærit enim uelle curari: iste est scopus, quo ductus fuit accedere ad nos. Volumus ergo curare excellentiss. uirum, quid agendum? primò debemus cognoscere causas suæ ægritudinis, quibus cognitis facile remedia administrabuntur à nobis. Ut autem eæ causæ cognoscantur, debetis primò scire, quòd causæ morbum facientes aut sunt intrinsecæ, aut extrinsecæ, intrinsecæ dicuntur illa quæ proueniunt à causa intrinseca, ut à mala temperatura membrorum, aut ab eorundem debilitate: extrinsecæ autem sunt illæ sex res non naturales, aer, cibus & potus, &c. Videamus à quibus causis dependeat morbus excellentiss. doctoris, discurrendo primò per intrinsecas, uidenda est temperatura membrorum principalium, & primò hepatis. Video hominem satis carnosum esse habentem bonum colorem, & ut ipse refert, passus fuit fluxum hæmorrhoidū. Ex ijs iudico hepar ipsius esse temperatum, non dico temperatum temperatura illa æquali, sed accedit maxime ad illam temperaturam: uerum si declinat, declinat per calidum



dum aliquo pacto, declaratur, quia uideo hominem habere colorem nigrum, similiter pilos nigros, & reliqua, quæ attestantur super caliditate hepatis adurente, & exiccante: uerum quod ista discrasia per calidum non est multa. Accedamus ad uentriculum, audio ipsum bene concoquere, similiter non pati aliquos dolores in ipso, & breuiter exercet rectissime suas operationes. Et quia ab operationibus cognoscuntur potissime discrasie membri; ideo teneo uentriculum esse bene dispositum, & recte se habere. De corde, cor est spiritibus refertum, potens ualde, & ex præsentī calidum, cuius signum est, quod ipse est firmus, stabilis in suis operationibus, magnanimus, & alia habet quæ indicant cor esse calidum, ac spiritibus refertum. De cerebro, credo & re uera ita est, cerebrum ipsius esse optime dispositum, similiter recte suas operationes moliri: nā audio ipsum uirum habere memoriam tenacissimam, similiter esse oratorem, & quod optime discurrit, & orat in causis suis agendis: et breuiter iste cerebrum habet satis temperatum, atq; nullam discrasiam patitur. Audio autē ipsum habere debilitatē uisus, ita quod cum prope est perspicacissime intuetur, à longe uerò non ita recte. hoc non debet referri ad malam cerebri dispositionem: nam stat cerebrum optime se habere, tamen oculos quandoq; esse affectos, aut ratione organi, aut ratione consuetudinis: ratione consuetudinis, quia & hoc contingit ut plurimum in hominibus ipsis literatis, uti ipse est: isti enim quia studendo tenent libros prope oculos, taliter quod ex continuo illo usu uirtus ipsa oculorum, & natura ipsa ex tali consuetudine assuescit in tali uisione prope. quare fit, ex tali consuetudine homines hos prope acutius intueri, quàm à lon-

ge,



ge, quia cum à longe uidere non sit oculus assuetus, tunc debilitantur spiritus, & non potest longè intueri: & hoc, ut dixi, studiosis, ac literis deditis solet euenire. Potest etiam ratione organi prouenire: nam sunt aliqui habentes oculos eminentes, similiter oculos ualde nigros ex tali eminentia, & ex tali immoderata nigredine longè nō possunt uidere. Ad rem ergo tametsi excellentiss. doctor habet quod à longe uidere non potest, propè uerò potest; nō propter hoc debemus arguere cerebrum esse affectū, cum optimè suas operationes exerceat: sed ut dixi potest prouenire ista debilitas uisus in hoc excellenti doctore à duabus illis causis, siue hoc proueniat à prima, siue à secunda, non refert, hoc unum est, quod non prouenit à cerebro. Habetis hucusq; membra omnia principalia esse bene affecta. Et quia diximus in principio, quod morbus potest à duabus causis prouenire aut à causa intrinseca, aut extrinseca, à causa intrinseca, credo morbum hunc in isto excellentiss. doctore non prouenire, quoniam (ut dixi) membra omnia intrinseca principalia rectè se habent. Ideo quod talis morbus proueniat à causa intrinseca non credo, quod si dependet à causa intrinseca, tantum ab ista prouenire, uidelicet ab hepate, quod cum sit calidius, quàm oporteat, & conueniat suo temperamento, potest inflāmare cibos, & maximè illos, qui putrefactioni sunt obnoxij. Isti enim mediante caliditate hepatis possunt alterari & putrescere, & ex ipsis eleuari fumos, petentes caput, qui faciunt talia symptomata, uidelicet uertiginem, paralysim illam diminutam in brachio sinistro, & in pede sinistro, similiter abscessum in facie, uidelicet in parte dextra faciei, similiter iacturam illam gingiuarum & alia symptomata



ptomata enarrata. Sed illa causa ex se non posset hoc facere, nisi causæ extrinsecæ adfuissent. Et quod proueniât à causis potissimè extrinsecis, ista symptomata, uidelicet ab ipsis omnibus non naturalibus, declaratur primò ex aëre. Nam audio istum excellentiss. doctorem dereliquisse suam patriam, ubi aër frigidus est & siccus, & montanus, & accessisse Venetias, ubi aër est calidus & humidus & palustris, quantum potuerit ista aëris mutatio, nullus ignorat. Nam fuit principalissima causa ista iuncta cum reliquis causis extrinsecis offendendi: aër enim immutat mirum in modum corpora nostra, cum continuè attrahatur: et notum est quid dixerit Galenus de aëre in 11. artis parue, ubi usus fuit hoc uocabulo exterminare, quasi innuerit alterationē, & iacturam eius imprimētē in corporibus nostris: et ita aër fuit in causa symptomatū. Secundò cibus, & potus. audio hunc excellentiss. doctorem, quando fuit cum socijs, ultra modum crapulatum esse, & bibisse, similiter comedisse cibos diuersæ substantiæ. Ex ista crapula ergo (re uera ita est appellanda) fuit facta putrefactio illorum ciborum, ex quibus fumi eleuati, ac cerebrum petentes potuerunt facere hoc apostema, & abscessum, & reliqua symptomata. Deinde motus & quies. audio hunc magnificum uirum perambulasse satis per Venetias, & etiam in cymba cum socijs permansisse detecta, & aërem illum captasse, cuius signum est quod statim sero hora 11. noctis reuersus est domum, & incidit in illum abscessum ingentem, similiter in uertiginem, et paralyfim illam diminutam. Similiter somnus, & uigilia fuit in causa: nam audio istum, cum uigilandum erat, dormire, cum dormiendum, uigilare: nam ipse fessus ex causis agitatatis quandoque



doq; noctu non poterat dormire. ita hæc permutatio uigiliarum & somni potuit etiam esse causa. Similiter accidentia animi ipsa: fuit sollicitus in illis causis peragendis, & quantum ipsi Iurisconsulti patiantur sollicitudines, & animi affectus, nullus ignorat, & maxime Venetijs, ubi fiunt tot motus, & tot labores in causis peragendis. Similiter inanitio, & repletio, hæc fuit etiam potissima causa, eo quia (ut ipse dicit) sunt multi dies quod ipse non egeſſit, imò ut solitus erat nihil egerebat. Iſta retentio facta an poſſit generare uapores malos non nos latet. Præterea permutauit conſuetudinem: ipſe enim ſolebat comedere horis conſuetis, tamen non obſeruabat hoc: imò aliquando hora prima noctis coenabat, aliquando tardius, aliquando citius. Similiter fuere accidentia animi in cauſa iſtius morbi: nã Iurisconsulti multum moleſtantur ſollicitudinibus animi, hoc norunt ipſi. Et ita uidetis, quomodo omnes cauſæ extrinſecæ concurrunt ad hanc ægri tudinem. De cauſis intrinſecis ſola illa caliditas hepatis (ut dixi) eſt. Habemus hucusque cauſas. Quid eſt agendum? curandus eſt morbus. quomodo curatur morbus? curatur remouendo cauſas. quænam fuerunt cauſæ? fuerunt omnes enarratæ. illæ ergo remouendæ. Quid ergo agendum? ego maxime conſulo, ut uelit ærem ipſum permutare: nam ex permutatione æris refrigerabitur corpus, quia conſuetum ærem ſentiet. Iſta eſt potissima cura ad remouendum morbum hunc, ſcilicet permutare ærem. Deinde in cibo, & potu debet ſe moderare ſumendo optima cibaria, ſimiliter in debito tempore, animi affectus omnino repellere, dormire, quando dormiendum, uigilare, quando uigilandum. De euacuatione ego non auderem fortiter euacuare, quia  
nunc



nunc sumus in æstate, iam mensis Iunij transactus est. Ideo auderem tantum in lenitiuis, dando cassiam cum rhabarbaro, aut cassiam tantum, florem dico: ista enim maxima præstarent, quia tenebimus ipsum corpus lubricum, & hoc maxime debemus quærere. Nam, ut retulit mihi sua excellentia, quando accessi ad cubiculum, conquerebatur de ista repletione, & dicebat ex ipsa maximum detrimentum sentire. Ideo bonum est uti cassia, ut corpus mundum, & lubricum teneatur: & si nollet ita sæpe uti cassia, poterit mane assumere brodium, in quo sit decocta mercurialis, & beta, & aliquid passularum: istud enim lubricat corpus, & facit egerere ualde, ut dicit Galenus in v. de tuenda sanitate, aut vi. si recolo. Et quoniam ipse habet fluxum illum hæmorrhoidarum, & nondum est repressus, quod mihi maxime placet; ideo sinerem ipsum defluere, et adiuuarem, si non defluat, eo quia per aliam uiam sanguinem nollem educere: est enim sententia illa Hippocratis, Vndecunq; natura repit, eo ducere oportet, si natura demonstret locum conuenientem, quo ipsa facile exoneratur. quare cum uolumus sequi illam uiam, non debemus desistere, & ita prouocare hæmorrhoidas. Postea uellem, ut fierent duo cauteria, & si non duo, saltem unum in crure sinistro, ubi habet paralyfim illam diminutam, neq; impediret hoc cauterium naturam, ut non faceret diuersionem. Et ita habebimus diuersionem maximam, tum per cauterium, tum etiam per hæmorrhoidas, qua diuersione, ut dixi, maxime indigemus, eo quia materia est in capite, et fuit causata ex illis causis dictis extrinsecis. Similiter causata fuit (& hoc dereliqui) ex clamore. Quantum possit uociferatio ad replendum caput uaporibus, unusquisq; manifeste



nifestè uidet istos clamantes, quibus deueniunt rubicundi oculi, & rubri. Et ita quia in causis actitandis ipse multum clamabat, eapropter facta est inflammatio. & ita diuersio necessaria est. quare cauteria summopere laudo. Et ita sic agerem hac æstate lubricando corpus cum omnibus dictis, aut cum zuccharo rosato recenti, dico recenti, quia recens maximè lubricat non commiscendo aliquid. Et si isto zuccharo posset lubricari, mihi maximè placeret, quia ex isto haberemus tria, uidelicet corroborationem capitis, uentriculi, & euacuationē fecum: sed si hoc non præstet, curetur prædictis. Veniente autem autumno, tunc poterimus concoquere materiam & euacuare. cum pharmacia, & præsertim cum illa confectione hammech, illa enim mouet humores adustos, & ipsos euacuat, & alijs pharmacis poterit uti secundum humores peccantes, quod cognoscere illis medicis hunc curantibus derelinquo. Deinde ego corroborarem caput cum caputpurgijs, & lauarem ipsum cum rebus exiccantibus, & resoluentibus. De materia ista, quænam sit materia faciens hunc morbum an calida, an frigida. Dicam duo uerba, illi excellentissimi medici in hoc fuerunt discordes. Aliqui dicunt quòd erat materia frigida, aliqui calida. Ista est disputatio de lana caprina, eo quia clarum est quòd sit calida, patet quia salsa est, erodit gingiuas. Et ita dico, ut etiam dicebat excellentissimus doctor, quòd materia est calida & frigida: & ita si duæ illæ opiniones in unum redigantur, fiet una opinio. Verùm etiam utranque opinionē saluabimus. Dicam duo uerba de prognostico, & facio finem. Morbus iste curabilis est, non tamen est contemnendus, quia si contemnatur, augebitur continuè. Qua

O re



re fiet apoplexia, aut epilepsia, aut paralyfis in toto corpore perfecta: ideo non sunt dandæ induciæ. Hæc pauca uolui breuiter dixisse, quæ per excellentiam uestram erūt iudicanda.

Consult. XLII. De destillatione à capite ad diuersas partes, & febre, pro abbate sancti Gregorij octuagenario.

PRIMUM, quod uenit considerandum, est natura morbi, & subiecti. Subiectum autem est in ultimo senio constitutum, quæ quidem est senectus, est pessimus morbus, & comparando morbum hunc ad senectutem, longè maior est senectus, quàm morbus, quo affligitur. Habemus ergo ætatem in ultimo senio: habemus corpus quoad radicem ualidum, quod si compararetur alijs decrepitis, robustum est, absolute tamen non est robustum. nos autem robore indigemus absolute, non per comparisonem ad aliud. Habemus ergo imbecillum corpus, nec est considerata temperies elapsa, sed præsens. Et quoad præter naturales dispositiones non omitam, quòd in hyeme proximè elapsa apoplexiam, & paralyfim leuem passus est. Quæ quantum adferat incommodi in omni corpore, argumento esse potest, quòd apoplexia ita prosternit uires cerebri, & calorem innatum, & uires cordis propter consensum cordis cum cerebro, ut uideamus iuuenes cum in apoplexiam inciderint, nunquam restitui, quanto magis senes si inciderint: uel non euadent, uel raro, semper tamen percipiunt tale nocumentum. Considerandum igitur est symptoma, quod licet non curemus, tamen admonet,



monet, quod egritudo deterior est. Nunc uero patitur duas dispositiones, distillationem scilicet à capite ad diuersas partes: & quidem quæ occupat fauces, bronchus appellatur: aliam præterea patitur quæ pectus occupat, & catarrhus nuncupatur: ad ischiam etiam, & ad crus infra genu usq; ad talum descendit, & ibidem tumorem facit in presenti cedematicum: adeoq; copiosa est distillatio hæc, ut perseueret nunc cum tussi, quæ non est sufficiens ad excernendum catarrhum crassum. Alia dispositio est ipsa febris, quæ iam mensis est, ex quo incepit affligere, & ita affligit, ut nunquam ferè fuerit sine febre: ita tamen erat mos febris, ut seruaret hunc ordinē, ut alternis diebus magis inuaderet. Quoad febrem, quæ primò cōsideranda est, & fortè primò curanda, si cōsideremus exeuntia, quæ maxime indicant naturam febris, & præcipuè urina, quæ indicat febres putridas, & si mineram putredinis habeant extra uenas, quia humor qui putrescit intra uenas ille est, qui effunditur extra: ideo urina indicat humorem putrescentem. Cum ergo urinas rubeas & crassiusculas, quæ tales perseuerant, habeat, super humorem peccantem attestantur. Et cum duo sint humores in humano corpore rubei sanguis, & cholera  $\chi\alpha\lambda\delta\alpha$  à Græcis appellata à Latinis rubea; igitur cum non uideamus in hoc corpore sanguinem abundare, nec signa sanguinis apparere, & pituitam multam abundare, nō est sanguis absq; dubio, qui peccet: tum etiam quia sanguis putrescēs non facit periodos. Relinquitur ergo quod bilis sit, quæ putrescit in aliqua minera putredinis: de qua nondum constat. Habemus ergo febrem hīc etiam & à putredine, ex putredine humoris biliosi: habemus præterea egestionem biliosas: & hæc duo

O 2

arguunt



arguunt bilem putrescere. Et quia inuadit sine typo, cum calore leui, & segni, sine siti, sine capitis dolore, & sine sudore, credendum est, quod sit mixta cum pituita, & sit ex genere bilium, quæ appellantur maioris famæ. & hoc uerisimile est, cum abundauerit tanta copia pituitæ, maxime cum corpus sit frigidum, & siccum: hæc enim temperatura (ut dicit Galenus in 11. de temperamentis) maximam pituitam generat. Bene uerum est, quod si caliditas, & siccitas temperaturæ excederet, redundaret bilis: quatenus autem remanet uestigium caliditatis, bilis abundat scilicet, processu uero cum sit corpus frigidum & siccum, abundat pituita. Nec uerum est id quod olim dicebat Cassianus, cum quo habuimus super hac re disputationem, quod generaret talis temperatura humorem frigidum, & siccum, quia talis humor generatur à caliditate adurente. Vtius cum uir iste frigidus & siccus sit ratione ætatis, non est aliter credendum, nisi sit pituita multa bili permixta. Febris ergo ut ex motu febris, & exeuntibus apparet, est febris, quæ pendet à cholera uitellina crassa mixta cum pituita multa: ideo longa est. Talis ergo est causa, & mos febris iudicio meo. Vbi uero, & quo modo putrescat, uidendum est. omnino bilis generatur in hepate. Sed quomodo in isto uiro generetur, multæ causæ adduci possunt, ex regimine maxime facto cum dulcibus scilicet, quæ bilem generant: & præterea potuit esse causa, quod factæ sint obstructiones in hepate à catarrho, & cum in uenis mesaraicis sint factæ obstructiones, nil magis facit ad calorem augendum hepatis, & ad calefaciendum, sicut obstructio, quia cum sanguis tenetur calescit, & facit multiplicare bilem: quæ cum partim per uenas deferatur, quia

uenæ



uenæ omnes non sunt obstructæ, sed plures; ideo nō euen-  
tatur sanguis, incalescit, & partim per uenas partim per  
porum felleum ad intestina defertur. Et ideo per secessum,  
& per urinam plurimam bilem emanantem uidemus. Mi-  
nera ergo putredinis quia uenæ sunt plenæ bile, & pitui-  
ta, & putrescit pars in urina, pars extra, sequitur quod  
putredo uaria sit, & modò in uenis, modò extra uenas sit,  
quia natura potest transmittere materiam extra uenas si-  
ne typo, ut in primo ad Glauconem dicit Galenus, & non  
fit rigor in tertiana, nisi propter multitudinem materie  
subitò excurrentis ad loca sensibilia, ob sensibilitatem mul-  
tam. Cum igitur priuetur multa bile syncera, & membra  
sint sicca sine sensibilitate; ideo potest putrescere extra  
uenas, & intra etiam. Sed quicquid sit siue extra, siue in-  
tra putrescat, materia hæc cholera est crassa mixta cum  
pituita multa. Sed quantum sit de ratione febris factæ ex  
obstructione, quæ si aperietur, transpirare poterit, & bi-  
lis non generabitur, quia remota prohibitione transpira-  
tionis, omnia prospera succedent. Circa catarrhum uerò  
aliter est dicendum, quia senes habent catarrhum conge-  
nitum, & cum occupantur, tunc fit illis ita congenitus, et  
ægritudo, sicut Hippoc. retulit, branchi, & catarrhi in  
senibus rarò maturantur. dicit Hippoc. rarò, Galenus  
uerò exponens in commento nunquam catarrhos tales in  
senibus maturari edidit; & ratio est, quia sunt ipsi conge-  
niti, quia cerebrum cum non possit concoquere alimētum,  
& uapores eleuati ad ipsum non expellantur; ideo tum  
ratione proprii alimenti, tum etiam ratione uaporum, tū  
ratione utrorunq; sic fiunt catarrhi senibus congeniti:  
præterea cum uapores sint multi in corpore senum pro-



pter imperfectionem concoctionum, plurimi ascendunt, & cum non possint expelli, multiplicatur catarrhus, maxime autem multiplicatur in illis, qui habuerunt caliditatem in iuuentute ualidam. Vbi enim perfecta frigiditas est, ut in sene qui fuit frigidus, non fit in eo euaporatio multa, ideo nec multitudo catarrhi, & non nisi propter alimentum cerebri. Corpus autem tale fuit calidum in iuuentute, ut apparet ex toto ambitu, & nunc etiam hepar suum calidum est: ideo fit multa euaporatio ad caput: ideo catarrhi multiplicantur: multiplicatio autem catarrhi ratione cerebri non potest tolli, quia non potest fieri ut cerebrum non sit frigidius seipso, ideo non possumus curare catarrhum: possumus bene remorari ne cito interficiat. Cum igitur hæc duo se habeant in hoc corpore, quid esset dicendum, & quid faciendum? de ijs quæ possunt contingere aliquid est dicendum. Quoad catarrhum attinet, non curabitur perfecte. Quoad febrem poterit forte, sed cum difficultate: & ratio est, quia febris hæc non est nisi à fortis causa, & non habet uirtutem, quæ adiuuet medicum, quia medicus naturæ minister est, ipsa uero operatrix artis medicinalis. Non ergo ita facile curabitur ratione debilitatis corporis, et causæ: et ita sumus in re ualde ambigua. De faciendis est primò uidendum, cui primò occurrendum sit. Dico quòd intentio circa febrem dirigenda est, non neglecto catarrho, quia febris periculosior, quia difficilior est naturæ senis, catarrhus autem familiaris. Ideo febris non seni, sed iuueni est familiaris, neque ea febris hic dependet à catarrho, nisi quia facit obstructionem: & bilis multiplicatur, quæ miscetur cum pituita. Ideo obstructions essent tollendæ, ut febris tolleretur



latur, quia si tollamus febrem, poterimus providere, ut iste Reuerendus dominus uiuat diutius: si uero non tolletur, interficietur, quia fiet quotidie deterior. sed quia ab humoribus, dependet, tollendi sunt, & providendum est ut obstructions hepatis aperiantur. Et quia materia crassa est, quæ euacuari debet, attenuantibus indigemus: deinde educantibus humores crassos in uenis existentes. Et sic una indicatio ab humoribus sumitur, alia à uirtute, quia debet sumi uenia à uirtute, tanquam à principe terreno. Nos habemus uirtutem quæ præcipit, & cum sit in corpore sensili, & uirtus affecta admodum, non possumus ea facere quæ morbo conueniunt. Primo igitur manna proposita est, & ab ipsa inciperem. Sed diceret aliquis: tu euacuabis humores subtiles, hic autem crassi peccant: ideo non euacuabis humores peccantes. Dicebat autem Hippoc. Si talia purgantur, qualia purgari conuenit, confert, &c. Cum ergo non purgentur humores, quos conuenit, non iuuabitur. Dico quod etsi tenues humores euacuet manna, non debemus abstinere ab ea, quia ab humoribus præparatis debemus incipere, qui sunt in uenis mesaraicis. Ideo tutissimè conuenit, & quia iuuabit etiam catarrho, cum feбри non sit occurrendum neglecto catarrho; ideo summopere conuenit. Non dico quod manna penitus sanabit, sed quod erit principium optimū, quia uidi ego sæpe, quod manna licet tenues humores euacuet, aperit obstructions: & facta præparatione, uidi crisin fieri, & post quatuor dies sanitatem secutam esse. Ideo inciperem à manna tanquam à re tutissima, & darem in uespere ipsam: imò felicius operabitur, ut est mos Romæ, ut libentius dent in nocte, & experiuntur feliciter opera-



ri, sed ante cibum statim: & exhiberem ꝑ i. s. uel ij. Postea deuenirem ad alia, nisi natura adiuuaret nos, aut non indigeamus alijs. Altera die nec brodium, nec syrupum darem, quia nollem, ut brodium lauaret medicinam: nec syrupus distribueret humores, quos uolo euacuare. Altera die, quæ tertia erit, darem syrupum, qui habet uim abstergendi, & mundificandi: propositum est oxymel simplex, à quo non recederem: sed uellem ut esset magis acetosum, & præpararetur cū sua acetositate: id enim quod habent pharmacopola, dulce est, non derelinquerem mel rosaceum ratione stomachi, quia senum membra sicca sunt sine pinguedine, & intestina non habent pinguedinē, possemus deuenire ad excoriationem, uellemq; ut esset subamarum, quia multum refert habere optima medicamenta. Postea facerem decoctum accipiendo aquam endiuie, uel capillorū ueneris, si haberētur capilli ueneris: nec erit dimittenda farfara, id est tussilago, appellata propter excellentiam, quam habet ad tussim. Ideo uellem, ut haberemus has tres aquas ad pondus singularum lib. unius. Et decoquerem in ipsis aliquid anisorum, ut corrigeretur earum frigiditas, quoniam omnes aquæ distillatæ frigidae sunt, ut etiam aqua distillata à calidissimo simplici, puta à calamento, quod stimulat linguam ueluti piper, non calefaciat, imò infrigidet: & uidi inflammatos homines propter potum decocti ligni Indi ab aqua calamenti infrigidari summopere. Quia ergo aqua endiuie est frigidior, aqua capillorum Veneris ad temperamentum accedit: uellem miscere anisorum aliquid, ut aperirentur oppilationes, & corrigeretur frigiditas, & decoqueretur, ut duæ libræ remanerent: & exhiberentur huius decocti unciae quatuor:



quatuor: oxymellis simplicis, mellis rosati sing. uncia. Cum autem dedissem quinque uel septem syropos, si uiderem concoctionem, replicarem medicinam, & constante uirtute cum manna, uel infusione rhabarbari, uel cum syrupo rosato solutiuo euacuarem, nec accederem ad agaricum, quia laboriosè soluit, & nauseam facit. Sed ego non recederem à benedictis, nec haberem uirtutem defectam: oportet ergo manutenere ipsam, & cum deuenimus ad rhabarbari infusionem, & ad syrupum rosatum solutiuum, sufficiet nobis. Si postea symptoma catarrhus urgeret, cum linimentis procederem: & ego maximè cōfido in uno à methodo Galeni sumpto. Vellem ut acciperemus adipem anserinum, quia maximè penetrat. Et licet antiqua exposito laudibus extollat arietinum, id perperam dictum, quia textus Græcus habet anserinum. Etiam ille qui traduxit, ea attribuit arietino, quæ sunt attribuenda anserino, cum modico croci, & olei amygdalarum amararum. Iuuabit enim mirum in modum ad concoquendum materias crassas. Nunc autem masticatoria non cōuenirent, sed facta euacuatione: caputpurgia per nares conueniunt ad euacuandum catarrhum, & si per spatium leue facere uellemus, possemus. Ideo si uellet masticare radicem capparum, optimum esset, uel mastichen: corroborat enim, nec facit uiolentam attractionem ad fauces: & conuenirent reliqua pro uentriculo, & pro concoquendo catarrhum, & pro febre. In ijs immorarer, ut scopus meus esset non recedere à benedictis. Circa rationem uictus, ab eo tollendum uinum potens, & uinum sit tenue, subtile, album, ut non habeat acetositatem, nec dulcedinē, quia uellemus curare febrem non catarrhum. Quoad cibum



bum iusculis ex hordeo optimè cocto, & farre cum lacte amygdalarum utatur, & ova sorbilia accipiat, quia in tertianis ova iuuenibus exhibebat Galenus: in reliquis regimine senum utatur, cum aliquibus frictionibus. Quoad illam excoriationem, non laboret supra nates, quia longo decubitu faceret deuenire ad gangrænas, & estiomenum. Ideo petiæ lineæ subtilissimæ in oleo de cerussa madefactæ loco apponentur, uel cum carie lignorum salicis, & cum modico olei rosati, uel puluis ille siccus conueniret: uel item unguentum de lithargyrio simplex, & inter omnia ne molestaretur in decubitu, uellem ut super re molli sederet, & cum subtilissimis petijs, ne aliquid asperum læderet ipsum. Quoad œdema, uellem ut maius fieret: si tamē timerem, ne humor multus destrueret temperaturam cruoris, non esset malum, si aqua marina salsa acciperetur, & germina ebulorum coquerentur in ea, & fierent lotiones, & petiæ lineæ magnæ infusæ essent. Facerēt enim ad resolutionē, nec reprimerent, & corroborarent membra, ne materia illa diutius permaneret destruens calorem innatum. Et ista essent iudicio meo facienda.

Consult. XLIII. De oculis lacrymantibus,  
pro Iudeo Turcico.

CURATIONIS huius affectus quo affligitur, potissimum fundamentum est, ut prohibeamus materiam ne destillet: hoc uerò neuti quam facere possumus, nisi membris mandantibus prospiciamus, ita quod tota ratio curæ consistat in eo, ut membra corroborentur, hepar scilicet, uentriculus, & cerebrum, ne generentur excrementa in corpore



corpore. Quod maxime fiet recta ratione uictus, in qua quidem cum multipliciter delinqui possit, in aëre, cibo, potu, & reliquis; ideo curabit, ut sibi uiuat & non alijs. Proposita recta ratione uictus, bis in anno purgabitur, uere inquam & autumno. Modus uero purgationis erit iste.

℞. Specierum hieræ simp. 3 ij.

Cassia 3 i.

Fiat bolus, detur ante prandium hora una.

Postea utatur septem uicibus infrascripto syrupo.

℞. Syrupi de stoechade

De infusione rosarum ana 3 i.

Decoctionis fœniculi

Anisorum

Rosarum 3 iiij.

Misce. Sumat deinde infrascriptam medicinam.

℞. Pilularum cochiarum 3 iiij.

Cum melle rosato. sumat mane cum custodia. In tertium una hora ante coenam sumat tres infrascriptarum pilularum.

℞. Aloës optimæ

Agarici electi ana 3 iiij.

Myrobalanorum chebulorum 3 ij.

Nucis muscatæ 3 i.

Puluerizentur, & commisceantur, deinde aspergantur cum succo rosarum, & permittantur exiccari: postea cum melle rosato fiat magdalon, de quo fiant pilule pro 3 iiij. Mastichen masticeat mane, & expuat. Pro confortatione infrascripto remedio utatur.

℞. Tutie optimæ preparatæ

Corti-



## Corticum ouorum puluerizatorum

Aloës optimæ ana 3 i.

Inuoluantur in panno lineo & fiat pila. Infundatur in aqua foeniculi, suspensa cum filo: postea sæpe in die exprimatur ea pila in oculos. Si uerò perseveraret mala dispositio oculorum, & sentiret se non leuari cum remedijs superscriptis, fiant cauteria & fontanellæ in uno & altero brachio supra cubitum per spatium quatuor digitorum parte exteriori tenendo semper aperta cum balla de cera, sicut solet fieri. Corroboventur autem membra, hepatis, uenter, & caput, & inter reliqua maxime laudo zuccharum rosatum, quod uidetur esse proprium morbis uentriculi & hepatis: abstergit autem, corroborat caput, & prohibet ascensum uaporum. Caput etiam corroboretur calefacientibus, aspergendo ei pulueres, tum etiam decoctis factis ex maiorana, camomilla, agarico, & cum sapone confecto cum agarico, abluendo caput uespere, & postea domum non egrediatur. Caputpurgia hæc quoque conueniunt, quibus etiam Galenus in morbis oculorum utitur. Quod si aliquis dicat hoc esse male factum, quod diuertamus materiam ex cerebro per locum affectum, is aduertere debet, quod tunc hoc licet facere quando exquisitissime corpus est purgatum: quam exquisitissimam purgationem nisi præsupposuerim futuram ab eo, nunquam ei masticatoria proposuissem: gingiuas enim etiam habet paratas ad fluxus, neque tuta essent caputpurgia, diuersiones potius fierent ad partes posteriores, cum frictionibus, cucurbitulis siccis in dorso. Sed his non iuuantibus postremo (ut iam monuimus) ad cauteria erit confugiendum.

Consult.



Consult. XLIIII. De visione diminuta continua, & corrupta sed intermittente, pro monacho sanctæ Iustinæ.

C V M duobus Reuerendus hic pater accidētibus molestetur, id proculdubio à nobis proponendum quod magis notum est, & ad minus notum deueniendum. Accidens ergo confessum & notum est debilitas uisus, adeò ut nō possit à remotis conspiciere, sed tantum de proximo uideat: & hoc sibi essentiale, & perpetuum est, cum iam duodecimus agatur annus, ex quo huiusmodi accidente afficitur. Aliud uerò accidens non sibi perpetuum, nec essentialiale est, quòd dum intensius aliquid legit, & aliquid fixè aspicit, percipit falsas imagines in aëre apparentes, ut muscæ, uel fila quæ ascendant, & descendant per aërem. Primum est proprium, ut dixi, & est uisus operatio diminuta: secundum uerò non est proprium, sed consequens ad primum, & est imaginatio corrupta, & operatio corrupta. Et sic sunt duo symptomata, seu accidentia, quæ non dant nobis indicationem curandi de se, nisi prius cognoscatur ægritudo, & causa ipsius. Ideo ægritudo, & causa ægritudinis quærenda est. Ipse enim narrat, quòd dum esset puer sex annorum, ichores quosdam in capite, & crustas habuit, quæ cum medicamentis, & inunctionibus repressæ fuerunt: in XIIII. anno post clausuram illarum cœpisse debilius uidere, & hucusq; perseuerare, & hæc existimat facere ad inueniendā causam istius ægritudinis. Ideo à nobis uidendum erit, an ista fuerit causa. Sed prius tamen notanda sunt quedam, & primò consideranda



sideranda est complexio eius, quia ex complexione elicetur aliquid, quod ad cognitionem causae istius ægritudinis faciet. Iste enim habet habitum corporis satis bonum, robustum, & optimi est coloris, & habet operationes vitales, & animales optimas, quia iste optimè conficit alimenta: quæ omnia indicant supra caliditatem eius, quia omnia ista procedunt à calido. Ideo nulli dubium est, quin iste sit calidæ temperaturæ. Vtrum uerò ista caliditas sit æqualis per omnia membra principalia, an uerò sit cum siccitate, uel humiditate, ego quia non uideo multum excessum in humiditate, & siccitate; ideo in istis non multum laboro, quia non multum etiam faciunt ad rem nostram. Quod autem iste habeat humidum cerebrum, ex naribus, & oculis licet uidere, ex forma, & figura totius oculi, quia sunt magni, & prominentes. Ideo cerebrum eius & oculi labuntur à temperamento per calidum, & humidum. quod patet ex uenis in eis existētibus, quæ magnæ apparent. Quod uerò magis refert, est uidere de loco, in quo sunt symptomata, scilicet in quo subiecto sit iste malus affectus: & de causa materiali faciente istum malum affectum. De subiecto ergo uidendū est, sicut præcipit Galenus IIII. de causis symptomatum, an ista læsio, uel ægritudo sit in substantia cerebri, uel in membranis eius, uel in spiritibus, uel in neruis opticis, uel in instrumento: & si in instrumento, an in tunicis, an in humoribus. Ideo difficile est uidere, ubi nam possit esse ægritudo ista, quia hæc est tota rei summa, ad hoc ut inueniatur modus curandi. Quod autem non sit in cerebro, patet, quia nulla est de hoc coniectura, quia (ut audio) omnes cerebri operationes rectè se habent, & secundum naturam: quia non conqueritur nec de grauitate capitis,



capitis, nec de odoratu, nec de gustu, nec de auditu, nec de alijs, sed solum de uisu, non autem de aliqua lésione, quæ in cerebro fiat: propterea illud membrum sanum est, cuius operationes sunt sanæ. Igitur cum operationes cerebri sanæ sint, sequitur ipsum sanum esse: neq; lésio ista est in membranis, quia si sic, ipse in radicibus oculorum haberet dolorem uel grauitatem: sed nullum istorum habet, ergo non est in membranis. Sed fortè dicet quis, quòd ista est in neruis opticis. hoc autem esse non potest, quia si sic esset, uel esset constipatio aliqua ibi existens, uel aliqua mala complexio, ut nimia humiditas, uel nimia siccitas: & ubi sunt ista, ibi ut plurimum est constipatio. præterea si esset siccitas, faceret alia longè sauiora accidentia. Non est etiam humiditas, quia non est constipatio perfecta. Quòd autem non sit constipatio, apparet ex eo quia nihil uideret, ergo non diminutè. Nec potest esse ægritudo in compositione, quia si sic, contorquerentur illi nerui: sed non contorquentur, ergo. Quòd autem non contorqueantur patet, quia ipse non habet uisum obliquum, sed rectum: sed si esset contorsio obliquè uideret, etiam si esset constipatio aliqualis, spiritus essent æquali modo, nec esset causa quare debilitaretur uisus, cum per longum tempus uideret: quia ubi est constrictio neruorum opticorū, uel astrictoria oppilatio in neruis illis, uisus suus semper in illa paruitate perseueraret, & non debilitaretur. Ideo non possumus dicere, quòd in neruo illo sit aliquid quod impediat, præterquàm si claudat oculum alium, uidebitis spiritum confestim irruentem in plurima copia. Ideo cum sit liber transitus totius spiritus ad pupillam, non est dicendum impedimentum esse in optico neruo: ergo erit uel in spiritibus, uel in



in humoribus, uel in tunicis oculi. An in spiritibus, nec ne cum scimus uisum principaliter fieri per spiritus, secundario per humores, ut crystallinum, & alios duos, & precipue per aqueum; ideo sum in hac re multum cogitabundus. Quod non sit in tunicis, certum est, quia ego uideo, quod non sit in cornea, quia non apparet nocumentum: nec etiam in uuea, nec in parte, in qua est humor albugineus, quia si sic esset suffusio, non durasset tandiu, quia secundum Galenum suffusio ad summum durat per sex menses, deinde fit turbulentia: sed iste habet oculos claros, & spiritus prodeuntes. Et ideo in tunicis non est lætio. Ideo crediderim & in spiritibus, & in humoribus participare ægritudinem istam. Quod autem sit in spiritibus, conijcio quia cum iste Reuerendus pater incipit uidere, non diminute uidet, sed bene uidet: cum uero diu uidit, iam incipit diminute uidere. Ideo credo ego quod sint pauci spiritus, & etiam crassi, qui non possunt ad longam distantiam diffundi, & dilatari. Et maius signum est, quod postquam uidit per multum spatium, & facta est multa spirituum resolutio, quod tunc sequitur secundum illud accidens, & apparent ei muscæ, & fila ascendentia, & descendentia. Ideo credo quod simile nocumentum sit in spiritibus, & etiam in humore aqueo, quia nocet ei lux multa & subita: & hoc est accidens ipsius aqueæ humiditatis, quæ facta est propter defensionem humoris crystallini: quæ cum pauca sit & tenuis, ideo facile læditur à multo lumine. Et sic uitium est etiam in humore aqueo ex paruitate, & subtilitate eius. Et sic ægritudo est precipue in spiritibus, & in humore aqueo. Vtrum uero ista sit materialis uel non, & à qua materia, & si peccent spiritus,



ritus, qua qualitate, an propter malam complexionem, uel quia magis crassi, uel magis subtiles, uel magis humidi, uel magis sicci: certè est dubium non paruum, quia iste dominus dicit se lædi & ab aëre lucido, & æstiuo, & à turbulento. Quamobrem spiritus essent si quidem subtiles, non iuuarentur à contrario: si autem nimis crassi, non læderentur ab aëre perlucido. Et ideo dico, quia omnis excessus nocet suæ uisioni, quòd est imbecillitas in spiritibus, quæ non sequitur malam temperaturam simplicem, sed solum paucitatem, adeò ut sunt pauci spiritus, qui si etiam transirent, immutarentur à subiecto & instrumento non bene affecto, quia figura istius oculi, ut uidetis, non est naturalis: ideo non est commodum instrumentum, & si potentia materiæ sit eadem, non potest commodè uidere. Et sic quia sunt pauci spiritus, & etiam alterantur ab instrumento non proportionato, & idoneo, ideo à quacunque causa extrinseca de facili læduntur. Vnde autem prouenit ista paucitas spirituum: à debilitate caloris innati dixerim ego: & sic credo quòd ista paucitas spirituum cum aliqua mala dispositione, & affectu in humore aqueo sit: utrum uerò sit aliqua materia, quæ concurrat ad hoc faciendum, ita ut ægritudo nedum immaterialis, sed materialis dici possit: certè iste non conqueritur de aliqua mala stomachi temperatura, & habet optimam temperaturam, cum humiditas, & caliditas non multum excedant in cerebro, & sic per totum. Et sic credo quòd imbecillitas oculi sit causa materialis istius, quia stante imbecillitate oculi stat imbecillitas instrumenti, & alimentum, quod ad oculos defertur, non ita rectè conficitur, sicut si essent secundum naturam. Et non uideo, quòd sit aliquis

P humor,



humor, quia non habeo aliquod indicium, quo deducar ad hoc coniectandum. Dices, quare apparent imagines post fixationem uisus? dico quod resoluuntur partes subtiliores spirituum, & remanent crassiores: ideo apparent imagines post fixationem uisus, cum spiritus non possint recipere obiectum, sicut est, quia quod est intus apparet etiam exterius. Ideo quando diu laborauit, quia partes subtiliores resolutae sunt, & restant crassae, apparent istae imagines. Cum igitur nullam aliam causam istius effectus possimus asserere, nisi hanc, dicendum est, quod sunt paucae materiae facientes huiusmodi accidens, uel quod nullae sunt, quae de directo hoc faciunt. Cum igitur iam sint duodecim anni, ex quo perseuerat iste affectus, & quia spiritus tales, & oculus qui est magnus, & ualde dispositus ad recipiendas istas dispositiones, & sic aegritudo talis, & causae symptomatum tales; ideo quid circa curationem dicendum est? Certè credo quod iste non possit sanari, neque hoc sperandum, neque tentandum, sicut unusquisque potest iudicare. Sed quid faciendum? dico quod prouidendum est, ne isti spiritus pauciores, & debiliores fiant. Ideo alendum est corpus optimis alimentis, & cauendum ab extrinsecis alterantibus, neque se exponere debet aëri, neque soli, neque uentis, quae excedant, & sic ab omni aëris recessu semper cauere, & ab animi accidentibus cauere debet: quia quantum animi accidentia faciunt ad resolutionem spirituum, quisque nouit: & à nimio somno, quia replet caput, & cum oculi sint debiles, omnes superfluitates tenderent ad oculos. A nimia etiam uigilia, quia resoluit spiritus: & à somno meridiano, quia ille maxime replet caput, & maxime ad rheumata facit. Ideo



deo in cibo, & potu debet esse diligens: debet enim cauere à crassis, & euaporantibus cibis, sicut sunt legumina, pastilia, fricta omnia, pisces ferè omnes, & præcipuè ab ijs quæ proprietatem habent contra oculos, sicut sunt berberi, & alij huiusmodi, & à lactucis, quoniam crassesciunt spiritus. Et sic eligat uinum album, pauciferum: & post prandium utatur chebulis myrobalanis, sicut deferuntur ex Damasco, quia assiduus coriandrorum usus noceret: citonia cum zuccharo conueniunt: & acoris communibus utatur, qui habent stipticitatem, & repressionem, quia reprimunt summè uapores. Deinde haberet aliquod familiare, quo uteretur ter in mense ad expurgationem stomachi, & ad expurgandum loca communia, ita ut semper essent uacua, sicut essent pilulæ ex tribus, ex hiera simplici, agarico, & rhabarbaro cum succo saxifragiæ, & euphragiæ, & succus euphragiæ esset optimus cum sceniculis, aniso, & zuccharo. Præterea conferrent syrupi ex decocto anisorum, sceniculi, euphragiæ, & uerbenæ, & uteretur per xxv. dies: & si uellet euacuari, mihi placeret, his ita stantibus, quia excrementa semper ad debiliores partes tendunt. Quantum sit de balneis non uideo iuuamentum aliquod, fortè posset sequi aliquod nocumentum, posset tamen tentari. In potu uerò cum sit calidi hepatis, quod ex colore, & ex uenarum latitudine, patet, cauere oportet, ne incendatur. De cauterijs in capite, & setaceis non approbo, quia faceret spiritus pauciores, quia nimis exiccarentur spiritus. In cruribus autem possent fieri, quia nullum inde sequetur nocumentum, & si aliquæ materiæ deberent ascendere, ista esset diuersio. Et quia uidet quòd peius se habet, postquam ingressus est religionem;

P 2



nem; ideo cauendum à suo modo uiuendi. Sed comedat spiritus corroborantia, & à resoluentibus abstineat: oua enim recentia dicuntur spiritus corroborare, auellanae, pini grana, & huiusmodi. De extrinsecis uero apponendis oculis, non inuenio nisi quod lauetur cum rebus astringentibus, & confortantibus, sicut esset aqua rosacea cum modico aloës puluerizato, & ebulliant, deinde elambicentur. & ex hoc potest lauare oculos, uel cum aqua sceniculi, & similibus.

Consult. XLV. De debilitate oculorum, & periculo suffusionis ex consensu ventriculi, pro D. Gasparo Vngaro.

ABSTINEAT à nimia lectione & studio, praecipue post prandium & coenam, & alijs etiam horis, nimis diuturna. Duo ocularia paret, unum primò ex crystallo, quo in legendo utetur, & alterum ex uitro uiridi, quo non utetur in legendo continuè, sed per certa interualla, quo spiritus recrearet. Tertiò faceret pyramidem rotundam in acumine non perforatam ex uitro densiori uiridi, cuius basis tam longa esset, ut utrunq; oculum reciperet, intus uero concuam, in quam intuens colligeret spiritus, & radios ad inuicem adiuuaret. Quartò dieta uteretur debita, abstineret à uino nigro crassiore & omnibus fumosis cibarijs & crassis, qualia lacticia, pisces, fructus, & fricta. Quintò uteretur singulis septimanis semel 3 i. hierae simplicis, quam in hoc casu mirifice laudat Galenus, ita ut ea sola multos in Asia per literas Roma missas se curasse iactitet: uel tantundem aloës accipiat, quam felicissime  
in



in hoc casu probauimus, & nunc magis in usu habemus, quod ex ijs quæ hieram ingrediuntur, tria nunc non possunt haberi, & malè plerunq; conficiantur. Sextò collyrio usitato uteretur, quando extrinsecam aliquam in oculis humiditatem sentiret, aut quando in ipsis oculis uideri possit, abstergit enim illud & exiccat. sed dum nihil in oculo apparet, nec ab extrinseca inconuenienti humiditate infestatur, ab eo desisteret. Esse autem malum illud non essentialiter in capite, sed ex uentriculo affecto colligitur, primò quia ex uomitu coeperat: secundò quia intermittebat quandoq; non erat continuum: tertio cum admouebatur, præcipuè sentiebat, dum enim calefactus, uentriculus eleuabat uapores. Collyrium commune, quo utetur.

℞. Fœni græci

℥ i. s.

Radici althææ

℥ ij.

Mundentur diligentissimè, & decoquantur in aqua cōmuni purissima sine puluere & fumo ad consumptionem duarum partium. Facta diligenti expressione, & colatura

℞. Aloës optimæ puluerizatæ

℥ iij.

Bulliant omnia simul ad spissitudinem mellis liquidi, & reseruetur in uase uitreo bene obturato ad usum.

Consult. XLVI. De ophthalmia, pro Corricio iuvene doctissimo.

Vix persuaderi possum, Corrici doctissime, me quicquam de re medica excogitare, aut præstare posse, quod non abs te perceptum prius ac probè deprehensum fuerit. noui enim ingenium, noui diligentiam ac doctrinam, qua

P 3

plu=



plurimum polles. Tu tamen enixè rogas atque obtestaris aliquid de ophthalmia conscribam, habiturum te illud tanquam sacrum & ab Hippocrate missum. utinam tantæ spei de me conceptæ satisfacerem. Sed quoniam amor te decipit, facile fero: amari enim abs te mirum in modum gaudeo. Ergo onus adeò efflagitatum subire non recusabo, haud quidem quod aliquid noui sperem in medium asferre, sed tantum ne optimo amico defuisse uidear. Habebis autem quicquid hoc est, raptissimè scriptum, quum nuncius festinans & ad iter paratus incunctanter exigat, & de quacunque morula conqueratur. Cum uerò tres similes morbi, ob naturæ propinquitatem, & ab imperitioribus medicis plerunque confundi solent  $\chi\eta\mu\omega\sigma\iota\varsigma$ ,  $\tau\acute{\alpha}\rho\alpha\xi\iota\varsigma$ , &  $\acute{o}\phi\theta\alpha\lambda\mu\acute{\iota}\alpha$  (Græcis enim nominibus agendum ob Latinorum usitatorum inopiam) primò singula distinguemus, postea ad ueram ophthalmiam accedemus. Est igitur  $\tau\acute{\alpha}\rho\alpha\xi\iota\varsigma$  leuis quædam inflāmatio, quæ sine ullo discrimine palpebras, tunicam coniunctiuam, & reliquas oculi partes inuadit, ut nullus tamen, uel minutissimus certè dolor consequatur. Sed nec rubedo aut tumor insignis apparet, ut meritò inflammationis potius exordium, quàm inflammatio appellari possit; raroq; à causa intrinsecâ generatur, & si quandoque contingit, leuissima est, & quæ paucò curamine indigeat: sed ferè semper ab extrinsecò originem ducit, sole, puluere, fumo, ac reliquis similibus. Ophthalmia autem est inflammatio tunicæ coniunctivæ, quæ sæpe præ magnitudine totum oculum inuadit. Differt  $\tau\acute{\alpha}\rho\alpha\xi\iota\varsigma$  à chemosi, & ophthalmia, tum quia semper mitis, tum quia nullius partis oculi proprius affectus est.  $\chi\eta\mu\omega\sigma\iota\varsigma$  item ab ophthalmia differt, quoniam



quoniam chemosis propriè palpebrarum inflāmatio est; licet nonnunquam alias partes in consensum affectus trahat: ophthalmia ad coniunctiuam tantum tunicam attinet. Facile autem taraxis in primo intuitu dignoscitur, quæ tamen si negligatur, corpusq; malis succis refertum inuenerit, in grauissimos morbos incidit. Chemosis, et ophthalmia cum simplices fuerint, facillimè discernuntur: chemosis enim tantum palpebras inflamat: ophthalmia coniunctiuam, sed utraque sæpe uno & aliquando quàm plures oculorum morbo complicantur, quorum singuli ex proprijs accidentibus à prudenti medico distinguuntur. Nos uerò hîc de simplici ophthalmia differere proposuimus: iustum enim uolumen non epistolam conficere mus, si uarias morborum, quæ oculis euenire solent, complicationes, curationesq; in singulis correspondentes prosequi tentaremus. Est igitur ophthalmia (ut diximus) cōiunctiue inflammatio, & quatenus inflammatio est, tot habet causas, quot reliquæ omnes inflammationes, & ijsdem curationibus tollitur: sed indicatione sumpta à natura loci multam habet diuersitatem, ut postea ostendemus. Nunc uidendum quomodo simplices ophthalmiæ distinguantur. Meminisse autem oportet me simplices appellare, quæ neque ulceri, neque alicui morbo coniunctæ sunt: uel enim à materiæ inhaerentiâ, uel à forma distinctiones habent. A materiâ, nam fieri potest à sanguine, à bile, à pituita, à succo melancholico, à flatu, sicuti & reliqui tumores præter naturam. A modo inhaerentiæ, nam quædam per essentiam inest, quædam per defluxum, quædam utroque modo. Per essentiam, ut si coniunctiue aliqua mala temperatura contigerit siue ab extrinseco, siue



ab intrinseco aëre, uel cibis, uel coitu, cum coctiones propriæ alimenti deteriores redduntur, & inde excrementa plura colliguntur in loco; unde postea inflammatio per defluxum. Et quia à capite, uel alijs membris materia ad locum imbecilliores pellatur eo modo, quem Galenus secundo de differe. feb. descripsit, utroque modo: unde simul ex mala temperie seu laxitas coniunctiua fuerit, & defluxus ab alio membro. A forma distinguitur, nam quædam earum humidæ, quædam siccæ sunt, quas Græci ξηγας ὀφθαλμίας uocant. Si ergo fierent à sanguine, maximus tumor in loco apparebit, maximus etiam rubor, tensio præterea, pulsatio, & dolor, calidæ lacrymæ exprimentur ad crassitudinem declinantes, quæ ubi morâ fecerint, facile exiccantur: sordes insuper molles circa angulos oculi frequenter apparent. Et si à causa intrinseca euenerint, plerumque corpus ægri sanguine refertum uidebis, prominentibus uenis, colore rubro, qui fortasse in otio pridem uictitauerit, lautosque cibos, atque potus ingesserit. Si à bile, tumor modicus, magisque in superficie eminens, color ad pallidum uergens, dolor acris, & mordicans, lacryma uel nulla, uel parua, salsa, aut amara, statim excrescens: sordes in angulis siccæ, & asperæ, plerumque etiam uigiliæ, præsertim si à capite materia defluerit. Si materia fuerit in stomacho, sæpe & febris tertio die accessiones habens. Et si materia fuerit in toto, urinæ, & fortasse etiam excrementa biliosa egerentur: sed & corpus ægri gracile, quod cibo & potu calido, ualidis exercitijs pridem abusus fuerit. Si à pituita, tumor quidam maior, sed laxus, color quidam albus lacrymæ plurimæ, tennes, insipidæ, quæ non excrescant, sordes uel nullæ, uel molles



mollissimæ, & penè liquores: & totum corpus egri pituitosum, segne, quod multo otio marcuerit, & cibos, potusq; frigidos & humidos ingesserit. Si à flatu, quod rarissimè eueniet ob loci raritatem, tensio tantum sine grauitate percipietur, tumorq; facillimè, & tota inflammatio discutietur. Quòd si per essentiam non per affluxum ophthalmia cõtigerit, paulatim & non subito inuadet, & ante inflammationem lacrymæ, & sordes oculorũ præcesserunt, & mordicatio à quolibet aëris leui excessu percepta etiam læditur, maximeq; à quacunque re astringente, quæ fortè inflammationi applicatur, cibiq; & potus abstinentia iuuantur. Si per defluxum dolor plerunq; & tumoris augmentum certas habent periodos, membriq; unde excrementa illa expelluntur, affectus per sua signa non aegrè deprehenduntur, estq; plurimum caput in causa. Si utroque modo, tunc & utriusque notæ apparebūt. Distinctio ophthalmiæ quæ sumitur à forma est (ut prædiximus) ut quædam ophthalmia humida sit scilicet, quædam sicca. Humida contingit ob materiæ multitudinem, tenuitatem, aut acrimoniam, & loci affecti tenuitatem, raritatemq; & aëris caliditatem relaxantem, & uirtutis expultricis robur, aut contentricis imbecillitatem. Sicca ob causas euenit oppositas, & propterea Hippoc. primo Epid. sectione secunda, cum in Thaso austri & imbres præcessissent, successisse ait ophthalmias manantes, & humidas. Et tertio Apho. flante aquilone siccas ophthalmias generari; siccas autem ophthalmias uereri oportet, nam si cum siccitate materia adfuerit acris, & erodens, non euadet æger ab ulcere maligno. Pessimæ uerò omnium ophthalmiæ sunt, quæ & siccæ fuerint, & à materia acris,



cri, & cum his imbecillitas magna oculi, & ingens à capite defluxus conuenerit. Atque hæc quidem de singulis ophthalmiæ distinctionibus dicta sufficiant. Quæ postea multifariam commisceri, conuenireq; possunt, ut sanguis simul pituitæ, aut bili, aut utrique iungatur. Oportet igitur prius exerceri in particularibus, singulorumq; signa exquisitissimè obseruare, & memoriæ commendare; & inde non adeò difficulter composita quæq; ex signis compositis discernemus. Vbi ergo ophthalmia curanda nobis occurrerit, antequàm quippiam facere moliamur, oportet primò si ueri medici esse studemus, totam eius naturam exquisitissimè considerare. Huius enim cognitionem curandi indicationes sequuntur, perpetuoq; ex distincta cognitione distinctæ redduntur indicationes, & qua parte deficiet, eadem deficere indicationes necesse est. Natura autem exquisitissimè cognoscetur, si quæcunque suprâ retulimus, diligenter rememorabuntur, quænam materia peccet, sit'ne per essentiam, an per defluxum, sit'ne humida, an sicca: eruntq; singula ex proprijs notis, quas diximus, perpendenda. Supponatur primùm à sanguine bilioso ophthalmiam generatam propter defluxum à capite, cum raritate texturæ in tunica coniunctiua, quæ redditur ad excrementa suscipienda paratior, sitq; ex genere manantium humidorum: talis enim plerunque contingit. Hæc ut manifestò apparet, plurimæ commixtionis est: nam ex diuersa materia constat, bile inquam & sanguine, & partim per defluxum, partim per essentiam loci affectio exoritur. Quòd si epidemiarum quoque posueris à consuetudine ueris calida & sicca, cui præceßerit australis calida & humida, adhuc eam magis multiplicem efficies.



cies. Qua igitur uia & ratione hoc loco procedendum? Diximus ubi naturam rei recte conceperis, primo istiusmodi distinctione uteris. Habemus materiam talem, sanguinem inquam cum bile iugiter defluentem à capite: habemus membrum recipiens, tunicam scilicet coniunctiuam relaxantem, nec resistantem alienæ expulsionis. ex quibus relinquitur aliquid iam fluxisse, & aliquid iam esse fluxurum. Hinc oriuntur indicationes quatuor, prima ut fluxum prohibeamus: secunda ut quod fluxit, euacuemus: tertia ut causam remoueamus, quæ talem defluxum fouet: quarta ut membrum recipiens corroboremus, & laxitatem emendemus. Fluxum prohibebimus auertendo & euacuando: id quoque quo modo, à natura rei colligitur. Cum ergo quod defluit, sit sanguis & bilis, constat utrumque in hepate generari. à fonte igitur commodissime haurietur et auertetur. Vtrum à sanguinis missione prius incipiendum? Si sanguis exuperauerit, copiose educendus: si bilis parcius, & postea purgatio à medicamento bilem ducente partem sanguinis emissionem emendet. Basilica ergo incidenda, postridie purgandum. Si humorum fluxum euacuabimus tum repellendo, quod inter initia conuenit, tum digerendo seu per halitum euoluendo, quod circa statum efficiemus; tum utroque, quod à principio augmenti usque ad statum fieri conuenit. Causam defluxus remouebimus, si recto calle uenabimur, quidnam efficiat ut tanta uis sanguinis, & bilis multiplicetur in capite. Et si fuerit caliditas excedens refrigerabitur: si fuerit uiarum amplitudo, moderabitur: si succorum feruor, & tenuitas, in contrarium habitum ducentur membri: sed coniunctiue raritatem stringentibus roborabimus. Quantū ue-

rò



rò ad aëris constitutionem attinet, studebimus uel contradi-  
 rijs qualitibus emendare, uel egrum in regionē aegritu-  
 dini oppositum ducere. Et hæ sunt communes indicatio-  
 nes, quæ à natura rei sumuntur. Sed quoniam hunc, sicut  
 reliquos morbos, in certis corporibus, regionibus, tempo-  
 ribus, multisq; intercurrentibus occasionibus necessario  
 curabimus; ideo bonum artificem singula quæque istorum  
 spectare oportet, & subiecta uia, rationeq; colligere, qua  
 postea munitus tutò, & facilè possit ad particulares acce-  
 dere. Vbi ergo communes omnes indicationes quæ sumū-  
 tur à morbo, diligenter distinxeris, primò totam aegri na-  
 turam recēsebis, cuius temperaturæ sit in uniuerso, quam  
 in membris particularibus, & præcipuè in membro affe-  
 cto, & an ibi aegritudo temperaturæ correspondeat, an sit  
 diuersa uel opposita, quam habeat compositionem, an ra-  
 ri densiue habitus, an gracilis aut obesi, quæ sit figura mē-  
 brorum, præcipuè capitis: sed potissimùm oculorum, u-  
 trum prominentes, concaui, aridi uel humentes, nigri uel  
 cæsi, aut alterius coloris, perspicaces an hebetes, uenis  
 apparentibus an occultis, affectibus obnoxij uel perpe-  
 tuò sani. Deinde de illius consuetudine in uictu diligenter  
 percunctaberis, quo cibo, potuue utatur, quantum &  
 quoties comedat. De exercitijs, item uigilijs, & de som-  
 no, de animi occurrentibus, de coitu, de egestionibus, &  
 reliquis huiusmodi. Interrogabis quam artem exerceat,  
 quo genere exercitij, & in hoc potissimè ophthalmiæ af-  
 fectum intelliges: legerène, an scribere consueuerit, &  
 quod literarum genus, minutāsne an ampliores, & si non  
 ita multum à cibo. Regiones præterea, & anni tēpora ob-  
 seruabis, calidiorāne an frigidiora, sicciorāne an humidio-  
 ra,



ra, & nunquid ægritudini conueniant, uel opponantur. Insuper duo alia, quæ morbi annexa uocare possumus, summopere sunt attendenda, primum unusne sit morbus, an plures complicati: secundum quodnam sit istius morbi tempus. In primo uix credi potest quàm multi medici cum summo suo dedecore, & ægri detrimento fallantur. Quoties enim oculum tumescentem aspiciunt, sine alia distinctione ophthalmiam appellant, & quod longè deterius est, statim curant, quemadmodum simplices ophthalmiæ curari solent, non perspicientes, num quis humor corneam quoq; inuasit, & palpebras, & nunquid in ipsis palpebris asperitas, quæ frequentissimè acerrimos dolores, & novos defluxus excitat, & nunquid aliquod tuberculum, aut ulcus, aut pustula parua è diuerso, seu directo pupillæ appareat. Hæc & alia cū plurima cum ophthalmia sæpissimè complicari solent, quibus nisi diligentissimè occurratur, non est mirum si postea cæcitas & multa alia incommoda sequantur. Ego enim miserum quendam ophthalmicum noui, cui in ea parte, quæ pupillæ opponitur, pustula inerat admodū exigua, ut uix sensu perciperetur. Huic imprudens medicus occurrens tanquam solam ophthalmiam curaturus, pomum feruenti cinere maceratum zuccharoq; conditum, temerè applicauit, eaq; nocte tamen dolor omnino sedatus est, probeq; obdormiuit, mane letus surgens medicum accersit de sanitate gratulaturus, nec minori letitia gestiens delirus medicus, soluto oculo propereq; abluto cataplasmate, subsequutus est humor aquæ, qui crystallinum præcedit, ut miserabili motu æger altero oculo priuaretur: illo enim cataplasmate disrupta pustula profundiori quàm sensu apparuerat, ulcus



ulcus subortum est. Dies nō sufficeret, si errores omnium recensere uoluerimus, qui quotidie oculis curandis committuntur. Nec mirum cū nullum aliud membrum sit, in quo tot partes insint tam exiguae, tā coniunctae, tam molles, tam affectibus obnoxiae, tam simul consentientes, tam parum medicamenta tolerantes, ut omnino sagacissimum medicum esse oporteat, qui talium particularum morbos exquisitè distinguat, & ubi distinxerit commodis remedijs occurrat, ut optimè de hoc, sicut & de reliquis, ueteres consuluerunt medicos nonnullos, cæteris morbis omiſſis solum esse oculares. Tantum enim negotij in solo hoc membro fore deprehenderunt, ut uix, integro officio rectè obeundo, totus homo sufficeret. Ergo siquid aliud, hoc maxime intueri oportet ophthalmiam curaturos, sitne alius aliquis in oculo morbus, uel alia pars læsa præter coniunctiuam: & præcipuè aduertendum an in cornea, & circa pupillam sit nocumentum, in hoc uerò totus discriminis cardo uersatur: partis enim nobilitas, & imbecillitas, & erroris nocumentum nunquam nos satis cautos reddit. Si ergo affectus aliquis in ea parte consistet, uidendum an ulcus, uel pustula, an nubecula appareat: & singulis commodè occurrere, rei natura considerata: de his enim non est sermo à nobis propositus. Sed ad hoc tantum ut ophthalmiae ita suas medicinas applicemus, ut separètur à reliquis. Quod si quemadmodū iam saepe contingit, in ipso met loco ophthalmiae præter inflammationem ulcera quoque adfuerint, curatio reddetur procul dubio difficilior: quod & nos protestari debemus, ne fortè quod est in morbo, nobis id uitio uertatur. Deinde ita remedia moderari, ut simul & inflammationis, & ulceris ratio habeatur, ad  
id



id cautè declinantes, quod magis infestare uidebitur. Et hæc satis sint quantum ad morborum complicationes. De temporibus uerò ophthalmiæ dicendū superest, quæ sunt, sicut reliqua omnium ægritudinum, ad curationem admodum necessaria: longè enim diuersa in principio, quàm in augmento, aut statu, & facienda, & iudicanda sunt. Ergo tempora in ophthalmia ante curationem distinguere oportet, quod non admodum difficile fuerit. In principio in humida quidem lacrymæ et sordes nulla coctionis signa præ se ferentes, seruabuntq; uel nimiam caliditatem, tenuitatem, pallorem, acrimoniam, uel frigiditatem, crassitudinem, lentorem, pro humoris peccantis uarietate. In sicca uerò nullæ prorsus aderunt lacrymæ, sordes, neq; adhuc erit humor insignis, dolor tamen infestabit ob continuum defluxum. In augmento & humor, & dolor augmentabuntur, lacrymæ tamen & sordes quædam tenues meliorem consistentiam acquirent. In statu maximus dolor, rubor, & tumor: lacrymæ uerò, & sordes in salubri ophthalmia æquales, albæ, concoctæ: in perniciofa uerò aut liuentes, aut uirides, aut nigræ, & fœtidæ, ac in substantia ab omni mediocritate recedentes. Erit præterea motus morbi attendendus, utrum uelox an tardus, utrum paribus an disparibus diebus affliget, quænam habeat accidentia. Ex quibus diligenter collectis & comparatis, diligenter prognosticemus quoq; quid de morbo futurum sit, & quo tempore feliciter uel infelicitè terminabitur. Quæ omnia assistentibus prædicentes simul & culpa absolue-  
mur: ac præterea exquisitè noscemus quo modo & circa uictum & circa remedia regendus sit æger. Accidentibus etiam, si quæ erunt sæua, quæ rationem causæ habere uidebuntur,



debuntur, opportunè occurremus, inter quæ præcipuè dolor est, cui frequenter cum stupefacientibus remedijs resistemus, ne fortè tantæ materiæ uis ad locum trahatur, ut suffocato innato calore loci gangræna aut sphacelos occupet. Cum ergo hæc omnia, quæ diximus, prudenter, & maturè collegerimus, à quânam materia ophthalmia generetur, sitne ad fluxum, uel per essentiam, sitne humida an sicca, demum quânam ægri temperatura, quæ compositio, quæ uictus ratio, quæ ars, quibus assueuerit, quod tēpus anni, qui motus, qui periodi. Cum hæc inquam omnia rectè collegerimus, tum cum optimis remedijs, singula repellentes, & illud aureum præceptum semper intuentes, Contraria contrarijs mederi, ut plenitudinem, euacuare, asperitatem lenire, caliditatem refrigerare, quartò humiditatem exiccare, & sic de singulis. Vbi igitur materiam præparatam & probè notam habuerimus, quid restabit, ut hanc artem rectissimè exequamur, ac sanitatem iudicemus. Occurrat igitur nobis Socrates xxx. annos natus, temperaturæ calidæ & humidæ, qui præter consuetudinem suam ante aliquot dies biberit uina potentissima, aromataq; & mellita cibaria ingesserit, plurimoq; coitu exhaustus fuerit, & nocturno aëri plus æquo se exposuerit, habeatq; in coniunctiua oculi tunica maximum tumorem rubrum, durum, pulsantem, cum dolore extensiuè, ac mordicatiuè, ut ferè sensum acuum pungentium perciperet: emanantes lacrymæ ex angulis oculorum, acres, substantia mediocres, cum colore quadamtenus ad citrinum tendente, sintq; in iisdem angulis sordes mediæ consistentiæ erodentes, sitq; grauitas, ac rubedo totius capitis, cum plenitudine uenarum apparentium: urinae rufæ & crassæ, pulsus



pulsus ingens, uehemens, frequens, & uelox. Talem cum aspexerimus, facile est iudicare ophthalmicum, quoniam in tunica coniunctiua habet inflammationem. Materiam autem inflammationis esse sanguinem bili admixtum ex notis partim bilem, partim sanguinem indicantibus: & per defluxum capitis, ut eius grauitas, rubedo, & uenarum amplitudo attestantur, concurrente etiam oculorum imbecillitate, quæ præcipue ex intemperato coitu uendicauit: atque inter ophthalmias humidæ connumerari debet, ut lacrymæ, & sordes ostendunt: demum totius corporis plenitudinem, uel defluxum conspirare, adiuuante regionis & constitutionis intemperie, & nocturno aëre, in quo moram contraxerit, & reliqua uictus ratione. Esse uero simplicem ophthalmiam, nulli morbo præterea commixtum, nam aliæ partes oculi sunt immunes. tempus autem morbi augmentum. Ergo seruatis indicationibus, quas sepius diximus à morbi natura sumendas, non repugnantibus alijs quæ ab ægri natura, & à reliquis annexis mutuantur, sicut hic repugnant, primò reuulsio, euacuatioq; materiæ fluentis quærenda est, quæ cum sanguis ac bilis sit, ad uenæ sectionem, & purgationem præparabimus. Et stante totius corporis plenitudine, quæ supponimus (quicquid alij iudicent uel faciant) ego ita pariter missionem sanguinis, ut mane, exempli gratia, basilica secaretur, uespere cephalica eiusdem lateris, cum loco affecto in singulis sectionibus, tali ætate, temperatura, regione, & statu cæli, ac plenitudine corporis existente, qualia omnia supposuimus, non minus, quam uncias decem extraheret. Deinde ubi altero die corpus congruè alimento recreassem, postridie mane exhiberem infusionē

Q drach.



drach. ij. rhabarbari, adiectis uncijs iij. syrupi rosati solutiui, uel si corpus robustissimum, pro syrupo rosato, electuarij rosati Mesue drach. v. uel electuarij de psyllio drach. iij. & hæc quantum ad euacuationem. Loco uerò nactus tale augmenti tempus, in quo simul & multa iam materia defluxerit, & multa adhuc defluxura est, applicarem quæ partim reperiuntur, partim per halitum digerunt. Vbi modò maximæ indicationes in loco affecto sumuntur, illius enim partis laxitas, sensibilitas, patiendi aptitudo, consensus, & uicinitas maximè pupillæ, & humorum oculi. Hæc omnia non sinunt nos applicare aliqua, quæ sunt uel reperiendo, uel resoluendo efficacia. Quæ enim nimis acerbæ, astringentiæq; sunt, licet ualidissimè reperiuntur, has tamen oculi partes irritant, exasperant, maioresq; dolores excitant. Quæ uerò nimis calidæ & acriæ, potenter quidem resoluunt, sed inflammationem augent, & à propria oculorum temperatura partes exterminant. In utraque igitur facultate tū reperiendi, tum resoluendi applicari debent moderata, reperiencia quidem, qualis rosa, albumen oui confectum, myrtus, rubus, radices mori, hypocistis, lentiscus. Resoluentia uerò chamæmelum, lilia, eorumq; radices, scænum græcum, parthenium, malua, althæa, & eiusdem radices, atque huius generis alia. Consulo autem, ut nihil oculo ophthalmico adhibeatur, nisi molle, lene, nullius uisciditatis, lentorisue particeps, aut nimis corpulentum. Talia enim frequenter adherent affecto loco, & ea impinguntur, dum exiccantur, ut remoueri non possint, nisi locus exacerbetur, dolor excitetur, & inflammatio augeatur. Si uerò ita impacta omittantur, ut multum



ti imperiti, & sordidi medici faciunt, computrescunt, & alia fortè ratione etiam deteriore morbum exasperant & adaugent. Ab his igitur quàm maxime fieri potest, abstinere oportet. Neq; hic ego reticebo, quod mihi familiarissimum est, & quo frequentissime magna felicitate uti soleo. Rosas, myrtos, rubos, aut reliqua huiusmodi cū foenus græco, chamæmelo, seminibus lini, & similibus, in aqua simplici uel aqua etiam destillata plantaginis cōcoquo, atque in eo decocto pannos lineos tenuissimos, ac mollissimos, multiplices ad oculi magnitudinem, & complicatos, dudum maceratos, oculis admoueo, æstate quidem frigidos, hyeme calidos: obseruentq; diligenter, ut prius quàm arescant, remoueantur, nouiq; iugiter applicentur, ita sæpe repetendo, donec eorum usus commodo esse uideatur. Ex his enim sine aliqua molestia, aut grauitate corpulenti, & uiscidi cataplasmatibus repercutio simul, et per halitum digero, meq; à multis periculis tutum reddo. Quale est, quod de pomo cocto, zuccharo admixto retulimus supra, quando etiam albumen oui cum lacte mulieris ex optimis cibis nutritæ confractum exquisitissime, ut nihil uiscidi, aut crassi remaneat, & in locum eodem prorsus modo applicetur, quoniam diximus de decocto. His ita rite peractis, si adhuc fluxus perseueraret, uel inflammatio intenderetur, quærerem deriuationem, tum scarificatione in uenis post aures apparentibus, aut hirudinibus applicatis, tum etiam si res urgeret, uena frontis dissecta. Postea ad interceptientia medicamenta accederem, quæ ualide repercutiunt fronti applicantur, sicut cataplasmata ex albumine oui cum aceto, admixto bolo Armeno, terra sigillata, & eo quem uulgo sanguinem draconis uocant. Quod

Q 2 si



si dolor maximus adest, qui tolerari non possit, cum deco-  
 cto paulò suprà memorato admiscerem hyoscyamum, &  
 papaueris nigri semina, & nonnihil ex pomo mandrago-  
 ræ, uel in eodem diluerem aliquid ex opiatīs collyrijs, quæ  
 in Paulo & Galeno ab omnibus recentioribus describun-  
 tur, qualia sunt ab Arabibus Sief appellata. Vbi uerò iam  
 defluxus cessauerit, & corpus caputq; satis euacuatum  
 uidebitur, tantum fomenta ex solo scœnugræco, & semi-  
 ne lini, & huiusmodi reliquis per halitum digerentibus  
 commodè poterunt applicari. Quo etiam tempore bal-  
 nea aquæ dulcis calida maximè competent, quoniam eo-  
 dem tempore uini potus utilissimus erit, nam antea pror-  
 sus est abnegandus. Quantum uerò ad uictus rationem  
 attinet contineri debet ager summa quiete in cubiculo si  
 fieri poterit, uel ad aquilonē, uel septentrionem uerso, iu-  
 bendo ne oculos fricet, aut aliquo modo exasperet, nec  
 quidpiam intueri conetur. Capite elato dormiet super  
 puluinari molli quidem, sed ex rosis siccis, aut minutissi-  
 ma palea, aut alga confecto. A carnibus, uino, ouis pe-  
 nitus abstineat, & nisi secus uires suæ ferant, sola ptisana  
 & mulso contentus sit, aut eo saltem ferculo, quod pana-  
 tellam uocant. Quotidie uel naturā uel clystere aluus du-  
 catur, mane autem in aurora bibat uncias vi. decocti bor-  
 raginis, endiuie, euphragie cum uncia iulep rosati. Et  
 hac arte ophthalmia simplex curabitur, quæ per deflu-  
 xum à materia sanguinea, & biliosa generatur. Hic re-  
 liquæ quoque ophthalmie species curaturus eram, quæ  
 ab alijs humoribus oriuntur, & quæ per essentiam fiunt,  
 & quæ siccæ appellantur, ac præterea quæ cum alijs di-  
 uersis oculorum morbis complicatæ, cum ulceribus, cum  
 chemosi



chemosi, cum trachomate, cum hypophagmate, cum ruptura corneæ, cum procidentia uueæ, cum suffusione, ac cæteris huiusmodi, quæ singulæ propriam diligentiam, et admirandam quandam naturam requirunt, & pace agentium dixerim, ab omnibus ferè medicis nostræ ætatis neglectam, ac penitus ignoratam. Sed nuntius interpellare me non desinit, ut me pudeat adolescentem optimum tandiu concepto itinere defraudare. Hæc igitur omnia in aliud tempus omittam, quæ si exquisitè, & diligenter (ut spero) explicabūtur, in iustum uolumen excrescent: quod fortasse aliquando perfectum tuo nomini dicabitur, cum tu solus author fueris, ut hoc magnum pelagus ingrediar. Interim me ama, ut facis. Vale. Patauij, XVI. calen. Augusti. M. D. XL I.

Consult. XLVII. De ophthalmia, cum principio suffusionis & ulcere in cornea.

HIC Magnificus uir patitur quasdam dispositiones præter naturam circa oculos, quæ quidem diligenter considerandæ sunt: quoniam partim curatu faciles sunt, partim difficiles, & nunquam curabiles uidentur. Primò est materia quædam existens intra corneam & pupillam, ratione cuius uidet quasi per nebulam interpositam. Secundo in cornea dextri oculi est album quoddam tendens uersus pupillam, non attingens tamen, quod etiam in sinistro oculo uidetur exoriri. Tertio in coniunctiua manifestam habet inflammationem, ut ex rubedine apparet. Horum trium ratione consilium petit. Sed cum ijs alia quædam habet coniuncta, quod per interualla quædam patitur, non

Q 3 quidem



quidem dolorem capitis, sed stricturam cum grauitate circa frontem. præterea sibilum perpetuum circa aurem sinistram. De his secundario conqueritur, & præcipue circa oculos. de his principaliter uidendū, quia partim morbi sunt, partim symptomata, de quibus quæritur. Nebula interposita est morbus in compositione, inflammatio est etiam morbus. Album uerò in cornea, an morbus uel symptoma sit, uidebimus inferius. Constrictio capitis, & tintus aurium symptomata sunt. Sed quia neutrum curari potest sine suarum causarum cognitione, cum natura cuiusq; rei per causas suas intrinsecas & extrinsecas cognoscatur, prius ergo causæ inquirendæ sunt. Cum itaq; primo caput calefactum sit, deinde dolor frontis subsequutus sit, & ultimo morbi oculorum, non dubitandum uidetur, an oculi prius affecti fuerint, an uerò caput occasionem dederit. Quia manifestè apparet caput occasionem dedisse: ideo eius dispositio inquirenda, & uidendum quænam causæ fuerint. Id uerò ex dispositione naturali, & extrinsecus occurrentibus cognoscemus. De dispositionibus intrinsecis audio quoad caput, semper habuisse operationes capitis secundum naturam, unde non scio, quomodo possit esse dispositio in capite, quæ dederit occasionem morbo. Consuevit quandoq; expuere, & per nares emittere excrementa, unde in capite humiditas conijcitur à quibusdā. In hoc unum dixerim uerum perpetuò esse, quòd caput humidum semper est excrementosum, & redundat per nares ac os. Sed ex hoc non sequitur oppositum, ut sit caput humidum necessario, ubi plurima excrementa. Est fallacia consequentis, quia hæc ab alijs causis fieri possunt, à uaporibus scilicet, ascendentibus & replentibus caput, ut fiat seipso



seipso humidius, unde plurimum excernitur. Idem de sona  
no, quod qui humidi cerebri sunt, multum dormiunt, non  
tamen ualet oppositum, quod etiam sicci cerebri naturali-  
ter plurimum dormiunt, interdum propter plurimos ua-  
pores humidos ascendentes, ex quibus interdum etiam su-  
beth contingit. Idem de colore circa faciem, frequenter  
rubicundus color, barba & capilli rubri, & tamen non  
est calidum caput: quia signa communia sunt hepatis cali-  
di generantis sanguinem calidum, qui diffunditur per om-  
nes partes & nutrit eas, et præstat eundem usum cuti, ca-  
piti, & fronti, quem reliquis partibus. Vnde signa hæc  
communia sunt, nec fidem faciunt, nisi reliqua adiuuent,  
quæ propriæ sunt operationes, uidelicet intrinsecæ, quæ  
nunquam fallunt. Qui ergo recte imaginatur & memoratur,  
habet tenuitatem & siccitatem substantiæ cerebri: quo-  
niam humiditas obtundit, siccitas acuit. Qui caput humi-  
dum habent, nunquam sunt ingenio perspicaci, nec memo-  
ria bona pollent. Ideo dicebat Democritus, Spiritus siccus  
anima prudentissima. Is magnificus uir, quia est ingenij  
perspicacis, ideo est operationum intrinsecarum cerebri  
optimarum: nam optimè de omni re discurret, quamuis li-  
teras non habeat. In extrinsecis etiam quoad motum, agi-  
lis est. Præterea quia oculi à membranis cerebri oriun-  
tur, & sunt signum complexionis, uideo oculos paruos,  
& non magnos secundum proportionem capitis, prorsus  
introrsum recedentes: unde crediderim cerebrum in pro-  
pria natura siccius esse. Quoad caliditatem, an calidum  
uel frigidum cum siccitate? Ex quo cor & hepar poni-  
mus calidissima, sanguis feruidus & spiritus calidi generā-  
tur, propter quos præcipue cerebrum frigidum generatiō

Q 4 esse



esse ait Aristoteles, ut temperet & refrænet caliditatem spirituum, quo faciant officium suum. Necesse est igitur, ut si quando cerebrum calidum cum hepate & corde concurrat, mores feros fiant, & ut ij homines habeant mores tyrannicos ob caliditatem membrorum & spirituum. Hic uir est mitissimi ingenij, nec mores tyrannicos habet, ideo magis iudico quod cerebrum cum colore faciei & barba rubra, quæ ab hepate habet, sit temperaturæ siccae & frigidae, & ideo magis passibile à quacumq; causa extrinseca: quia frigidum diminuit omnes actiones. Video igitur tali capite existente, quomodo facile catarrhum sit passus per os & nares. quia quicumq; uapores ascendentes non possunt diffuari & concoqui, facile uertuntur in catarrhum: & proinde facile passus est catarrhum, quia facile recipiunt tales temperaturæ, nec possunt concoquere: sicut & senes frigidi & sicci ratione ætatis redundant catarrho propter uapores. Quod autem plurimi uapores ascendant in hoc magnifico uiro, clarum est, quoniam cor & hepar calidum habet, sanguis & spiritus calidi generantur: unde plurimi uapores ascendunt, & caput facile repletur, ex qua repletionem uaria oriuntur symptomata. Sed aliud est non præter rationem, quod scilicet ubi hepar calidum, uentriculus sit frigidior se ipso, & non ita concoquit, propter deperditionem pinguedinis: unde ratione uentriculi uapores pituitosi ascendunt. Et quod hoc sit uerum, inde patet, quod aqua aliquando descendebat ad oculos, quæ humida erat & frigida, quæ procul dubio ex uaporibus pituitosis ortum habuit. Ex hoc ergo ascensu uaporum, existente ipsa dispositione cerebri apta, factum est, ut pateretur descensum catarrhi sine aliquo grauiori affectu.



Atu. Succesit postea ætas, exercitium, ambulatio in Sole,  
& sicut gutta cauat lapidem non ui, sed sæpe cadendo, nec  
dici potest, quod prima, uel secunda, uel ultima, uel penul-  
tima, sed ipsa continuatio id facit: ita symptomata paula-  
tim succedente tempore, & redduntur grauiora, & ape-  
riuntur. Præterea delectatus est equitatione, uenatione,  
liberrimè uixit, sine delectu ciborum, unde aggregata ma-  
teria in corpore, & attracti humores ad caput, & reple-  
to capite, principio leuius infestari cœpit: quoniam prin-  
cipio calefieri tantum cœpit caput, quem calorem negle-  
xit. Succesit grauitas circa frontem, & uidebatur illi ac-  
si quis stringeret, quia humores decumbebant circa radi-  
ces oculorum & membranas ad basim cerebri, quæ cor-  
rugabantur, & faciebant constrictionem apertam ad ra-  
dices oculorum. Cum hæc quoq; non curaret, & in ea-  
dem ratione uictus perseueraret, succesit inflammatio, et  
reliqua tandem. Primò inflammatio, quæ ophthalmia di-  
citur: quia dominium est uaporum calidorum ascenden-  
tium, & ideo incepit cum lacryma, quæ salsa erat. Cum  
deinde ingrauesceret morbus, consuluit medicum, nam ad-  
iungebatur aliud malum in utroq; oculo: apparebat nebu-  
la, ut omnino quasi per telam intermediam uideret: quia  
paulatim ingrauescebat morbus, ortus ex causa sanguinea.  
Sed cum sanguis quotidie magis magisq; adureretur, uapo-  
res etiam magis biliosi ascendebant, causa etiā biliosa red-  
dita est ipsius morbi, ideo sordes cœperunt apparere in  
oculis. Succesit ergo nebula quæ suffusio est, seu descen-  
sus aquæ, ut uocat Auicenna: quia aqua descendit inter  
pupillam & corneam, & ita occupat, ut radij uisoriū  
uel uisibiles non possint exire, uel saltem spiritus uisibiles  
ad



ad eum penetrare. Hæc aqua aliquando crassior, aliquando subtilior est, & diuersorum colorum, prout purior est uel impurior. mihi uisa est non esse alba nec cœrulea, sed ad cineritium subobscurum colorem accedere, quæ omnium deterrima uix unquam curam recipit, imò ne per manualetem quidem operam remoueri potest: uidetur omnium maxime detestabilis. Quod mirandum est, licet adhuc esset in principio: quia dum sex menses præterierint suffusio incurabilis est, ut dicit Galenus, & Auicenna confirmat. Hic nunc annum integrum patitur, & eò minus curabilis est: imò Auicenna aliud dicit, quod cum muscæ tantum per sex menses apparent, in curabilis est. Est præter hoc aliud, materia scilicet alba in oculo dextro, quæ ut plurimum subsequitur ophthalmiam, & incusit multis difficultatem in perquirendo, quid esse possit. quia ipsæ tunicæ ita ambiunt oculum, ut sint continuæ, & nihil possit penetrare sine solutione continui. Hic facta penetratio est, ergo solutio continui, & fortè ulcus: perseuerante enim ophthalmia, fit arrosio. Et ita in oculo tres morbi sunt in hoc Magnifico uiro, suffusio, ophthalmia, et ulcus, & sunt morbi in compositione & solutione continui. Hæc ergo sufficiant de his tribus morbis, & qui sint curabiles, & qui non. Nam ophthalmia & album in cornea facile curabitur, siue ex uulnere, siue ex resudatione sit: suffusionem incurabilem credo. Si quis tamen etiam eam possibilem curatu contendat, tunc non litigare uolo, dummodo constet non uenire eum affectum essentialiter à cerebro. Quibus ita se habentibus, satis constat iam quid de prognostico sentiam. Nebulam credo difficilem curatu, præseruari tamen poterit ad plurimos annos, sicut multos



multos noui, curatum aut scio neminem. Quibus autem remedijs curandus? Dicit Hippoc. & affirmat Galenus sæpe ex curatione facta indicari nobis curationem ueram, et naturam morbi. Medicus quidam euacuauit illum, & felicissime successit, ita ut remota ophthalmia melius uideat. Ideo præterquam quod secundum rationem euacuandum esse uidemus, fiunt enim hi morbi propter uapores ab ambitu corporis, & caput ascendentes, sumpta occasione ab ipso cerebro. Vnde per essentiam ibi esse dicere possumus, non quod ibi sit primogenio affectu, sed quia successu temporis facta sit aliqua impressio in ipsa substantia membri. In curatione igitur credo euacuationem necessariam, & erit necessarium etiam ut continua euacuatione præseruetur ne repleatur. Primo ergo euacuandum est, quod repletum est. id fieri debet cum purgatione, quæ multiplices sunt, ut dicit Galenus de phlebotomia contra Erasistratum, qui disputabat non esse necessariam euacuationem, quia sola inedia euacuare possumus ad quem uelimus gradum. Respondet Galenus uerum esse, sed quia sæpe contingunt morbi, in quibus statim euacuandum, ut dum tu expectares euacuationem per inediam, moreretur æger; ideo concludit necessariam phlebotomiam & purgationem. Hic morbus dat inducias maximas. Si igitur utatur inedia, id est, parsimonia ciborum & delectu, iuuabitur, maxime autem in tempore purgationum: quia si ita uti continuo uellet, extenuaretur. Purgetur item, & mittatur sanguis, id enim refrigerabit hepar & euacuabit: poterit autem fieri missio sanguinis à mediana uel basilica. Si hæmorrhoides prouocentur, fiet diuersio cum euacuatione quæ futura est usui. Euacuetur autem cum educantibus

bilem



bilem & pituitam: & inde conueniunt pilulæ cochiae, aggregatiuæ, & confectio hamech. Tandem utatur electuario facto ex succo euphragiæ, rosarum, & fœniculi, et cū saccharo fiat electuariū, quo utatur quotidie. Vtatur etiam aliquando myrobalanis chebulis, nam inibent ascensum uaporum. Circa oculos utatur collyrijs nostris, quæ conseruant oculos, absterunt sine exiccatione. Credo cauteria in cruribus quoad causam antecedentem, conferre plurimum: sed quoad morbum factum, non curabitur ex ijs. Erit operæpretium localibus eum remouere, inde poterunt applicari sanguisugæ, & lauari caput cum decocto camomillæ, maluæ, & rosarum. Temporibus intermedijs laudo usum cassiæ frequentem, adiuncta hiera. Auribus uerò instillet oleum amygdalarū amararum, quod quidem non mediocriter profuturū credo. Modus autem euacuationis in periculo suffusionis, talis erit. Principio

℞. Floris cassiæ 3 x.

Specierum hieræ simp. 3 ij.

Cum saccharo fiat bolus. Postea

℞. Succii rosarum puri & recentis

Verbenæ

Fœniculi

Chelidoniæ

Maioranæ ana 3 v.

Purificentur succi, deinde syrupizentur cum saccharo. Deinde

℞. Huius syrupi 3 iiij.

Aquæ euphragiæ

Fœniculi ana 3 ij.

Misce



Misce pro uno, & sic pro alijs, donec consumpserit totam descriptionem suprascripti syrupi. Interim toto illo tempore dum accipit syrupos, consulo, ut habeat beneficium alui, & si deficiet, utatur clysteribus communibus. Sumptis syrupis, sumat infrascriptum pharmacum cum custodia.

Rx. Floris cassie

℥ i.

Trochiscorum alhandal

gr. viij.

Agarici præparati

3 ij.

Cum saccharo fiat bolus. Laudo etiam quod dum accipit syrupos, habeat puerum uel puellam septem uel octo annorum, quæ uel qui mane ieiuno stomacho masticeet rosam unam recentem, & subito post masticationem similiter lambat oculos. Post hæc ad purgationem capitis ac ad localia deueniet. Habeat optimam rationem uictus. Caueat lactinia, pastilia, pisces. Vinum clarum paucissimum album, dilutum cum aqua, in qua decoctum sit fœniculum, bibat. Sumat præterea interdum de hoc electuario.

Rx. Nucis muscatæ

Macis

Cinnamomi

ana 3 i.

Garyophyllorum

3 ij.

Sem. anisi

3 iiij.

Thymi

3 i.

Sacchari rosati optimi ex rosis rubris

℥ vi.

Musci

Ambræ

ana gr. ij.

Cum modico iuleb fiat mixtura.

Consult.



Consult. XLVIII. De apostematibus can-  
crosis in naribus, pro Germano.

UT POSSIT conseruari atq; etiam præseruari  
sua dominatio, oportet ut habeat rationem diligentissimam  
circa omnes res nō naturales, & primò circa aërem, cum  
ferè tota causa suæ egritudinis sit uitio cerebri. Quantū  
fieri potest, euitabit omnes excessus aëris tã calidos quàm  
frigidos: unde uentos tam australes, quàm boreales effu-  
giet, & morã sub sole. Quòd si cogatur equitare uel flan-  
tibus uentis uel sub sole, curabit omni artificio, ut muniat  
caput ab omni offensa. Cauebit à pluuijs, & ne aliquid ha-  
beat in capite humidum, neq; capillos madidos, sed confe-  
stim si pluuijs se casu obiecerit, exiccabit caput calidis lin-  
teis. Et eadem ratione uitabit loca humida & terrena, &  
nocturnum aërem, uel noctu apertis fenestris dormire.  
Cauebit à meridiano somno. Surget diluculo, atq; excretis  
superfluitatibus cōsuetis exercebit corpus, & negotia sua  
peraget. Post prandium studebit quiescere, neq; scriben-  
do, aut aliquid ubi mentis labor accesserit agendo se defa-  
tigabit. Conabitur iucundè uiuere, atq; omnes animi mo-  
lestias euitabit. Bis tantum in die comedet, neq; bibet intra  
prandium & cœnam. Dum equitat, parcè prandeat, ube-  
rius cœnabit, & hoc erit cōmune quotiescunq; post pran-  
dium aliquod magnum exercitium sit factururus, in reliquis  
temporibus par erit prandium & cœna, & neutrum ad  
satietatem. Ciborum electio talis erit. Carnes iuuenes o-  
mnes edat, præter agnorum paruorum & porcellorum;  
à porcis tamen siue iuuenes, siue senes fuerint (meo consi-  
lio)



lio) omnino abstinebit. Vitulinæ, castratorum iuuenum, leporum, hædorum, auium omnium campestrium quæ nõ degunt in aquis, pullorum omnium conueniunt. A piscibus cuiuscunq; generis quantum fieri potest, abstinebit: ab omnibus rebus frixis in sartagine, à lacticijs præcipue caseo antiquo, ab omnibus oleribus præsertim syluestribus, ab ouis duris, recentia uerò mollia si in cinere calido uel in aqua decoquantur utiliter sumi possunt. Hæc ferè ratio uictus erit illi præscripta. Quantum uerò ad medicinas attinet, bis singulis annis ipsum purgandum consulo, autumno inquam & uere, neq; omnino prætermittendum, donec omnino morbus extinctus fuerit. Purgatio erit huiusmodi.

℞. Floris cassiæ

℥ i.

Specierum hieræ simpl.

℥ ij.

Cum zuccharo fiat bolus.

Item.

℞. Syrupi de fumoterræ simpl.

Acetosæ simpl.

ana ℥ i.

Aquæ endiuæ

℥ iiij.

Misce pro uno, & sic pro quinque. Deinde uerò

℞. Confectionis hamech

℥ iiij.

Syrupi rosati solutiui

℥ iiij.

Misce, & fiat potio dāda in aurora cum custodia. Post hanc medicinam laudo, ut autumno quidem sumat meos syru-  
rupos de helleboro, quorum descriptio in tractatu nostro de morbo Gallico habetur. Vere autem post cassiam assum-  
ptam & unum aut alterum syrupum, mittet sanguinem è ue-  
na communi dextri brachij extrahendo circa uncias qua-  
tuor sanguinis: sed postea non sumat syru-  
rupos de hellebo-  
ro. Hæc erit purgatio. In temporibus uerò intermedijs,  
ut



ut continuo diuertatur materia laudo, ut semel in septimana saltem sumat unam pilulã ex descriptione infra scripta.

R. Agarici electi 3 ij.

Aloës optimæ 3 iiij.

Rheubarbari electi 3 iiij.

Cinnamomi

Garyophyllorum

Spicæ ana 3 i.

Puluerizentur omnia per se, deinde misceantur, postea cum succo rosarũ puro aspergantur, & dimittantur exiccari, atq; ita iteretur septies. Postea cum melle rosato fiat magdaleon, de quo fiant pilulæ singulis uicibus numero tres pro drachma una: ex quibus sumat unam per horã ante coenam sine custodia semel in septimana. Deinde permittet sua cauteria in brachijs, sicut sunt aperta: imò si adhuc his omnibus peractis materia descenderet, laudo, ut cauteria etiam multiplicentur, & duo fiant circa pulpam & partem carnosam utriusq; spatulæ. Circa uerò locum nasi, ego nollem transire unguentũ infra scriptum, si quandoq; ulcus aliquod emergeret, uel perseverarent reliquie antiquorum. Descriptio unguenti talis est.

R. Tutie optimæ præparatæ 3 i.

Succi solatri

Succi plantag.

Olei rosati completi

} depuratorum ana 3 ij.

3 iiij.

Atteratur tutia diligentissimè in mortario plumbeo cũ pistello plumbeo: postea paulatim addantur succi & oleũ rosatum, semper magis ac magis confricando cum dicto pistillo per totum diem: ultimò addatur modicum ceræ liquæfactæ, & fiat linimentum pro loco. In singulis septimanis



manis fiat ablutio talis.

℞. Lixiuij dulcis quantum sufficit pro una uice, atq;  
in eo decoquatur agarici 3 i.

Rosarum

Maioranæ

Betonicæ

ana man. i.

Et cum hoc lixiuiio, & aliquo sapone aromatico abluat caput.

Consult. XLIX. Depolypo narium ad  
cancrum accedente.

VICTVS ratione, dum purgabitur, exquisitiore utatur. Abstineat à carnibus antiquis & salitis, bubulis etiam ac porcinis, ab omni genere piscium, à caseo & lacticiuijs omnibus, à frixis in sartagine, leguminibus, & omnibus herbis. Sed comedat carnes uitulinas, hœdinas, pulli iuuenis, far quoq; bene coctum in iure pulli & gallinarum, oua recentia sorbilia, non dura, nec frixa. Vinum bibat tenue, album, pauciferum. Euacuabitur uerò ita.

℞. Electuarij lenitiui 3 xij. Fiant boli cum zuecharo. Deinde.

℞. Syrupi de fumo terræ

De pomis simpl.

ana 3 s.

Syrupi Sabor regis

3 i.

Aquæ borraginis

3 iij.

Misce pro uno, & sic pro alijs. Post tertium syrupum extrahatur sanguis à basilica lateris dextri ad uncias septem, quoniam est sanguis niger melancholicus & pituitosus ualde. Absolutis quinque syrupis hanc purgationem sumat.

R.

℞. Cassiæ



R. Cassie nouiter extractæ ʒ i.

Agarici preparati ʒ ij.

Misce, cum zuccharo fiat bolus. Facta missione sanguinis, nares & locum apostematis inungat ter in die tali linimento.

R. Succi solatri purificati ʒ iij.

Olei rosati puri completi ʒ iiij.

Malaxentur omnia simul in mortario plumbeo cum pistillo plumbeo, donec incrassescant, idq; plurimo tempore fiat, ut per quatuor horas, donec linimenti spissitudinem assequatur. Quo (ut dixi) inungat alas narium intra & extra, & ipsum apostema cum penna ter in die. A purgatione accipiat ante prandium & coenam unciā mediā zucchari rosati. Sequenti die decoctionem nostram ex helleboro cum zucchari sufficienti quantitate syrupizatam. Accipiat cum sero lactis caprini, ad refringendā eius caliditatem, quam sumat octo uicibus, & educet septies in die sine molestia materias nigras. Post horum assumptionem alumen adustum experiatur in loco affecto, ut cognoscat si fortiora remedia perferre possit. His non succedentibus ad manualementem operationem ueniendum iudico.

#### ADNOTATIO.

Per decoctionem ex helleboro, intelligas uelim syrupū magistralem Montani, cuius descriptionem uide in tractatu de morbo Gallico, & in consilio primo pro Serenissima Regina Poloniæ Sfortia Bona.

Consult.



Consult. I. De difficultate aperiendi mandibulam ex debilitate musculorum, pro domino Andrea Ponticello.

SYMPTOMA frequenter afficiens, hunc nobilem uirum, quod est clausio oris uiolenta, & mutua dentium insertio cum aperiendi impotentia siue sit per contractionem musculorum temporalium, siue ob momentaneam resolutionem inferiorum, qui ad os mandibulae ascendunt; certum est fieri à materia frigida, uel tenui admodum, uel sub forma uaporum, quae ad eas partes tanquam debiliores à capite uiolenter exprimitur. Quod materia frigida sit, indicat perseuerantia morbi, perceptio frigiditatis, color extrinsecus, iuuari mirum in modum à calidis. Quod tenuis, uel uaporosa, quoniam (ut audio) eger manifestè percipit descensum. Quod etiam catarrho laborauerit, quod muscoli recipientes debiles sint, ostendit, quod prius in iisdem partibus conuulsionem pateretur: & quod tamdiu perseuerauerit in hunc ipsum locum expulsio. Sed & hæc eadem perseuerantia demonstrat nocumentum iam esse per essentiam in capite, licet fortè inter initia potuit aliunde habere communem. Optimum pro salute consulo, ut uir nobilissimus primò non prætermittat annuas purgationes ita ut bis eodem anno repetantur, autumnò inquam, & uere: sintq; uel pilulae, uel potiones, uel solidiora antidota, dummodo admittat talia, qualis est agaricus, colocynthis, helleborus niger, pityusa, & reliqua huiusmodi. Propterea laudauerim hieram Galeni ex colocynthide, hieram Logodij, Rusi, Archigenis: cōfectionem hamech,

R 2 pilulas



*pilulas aggregatiuas, & quas cochias appellant: decoctum, uel infusum agarici, rhabarbari cum syrupo rosato: bolum ex cassia, & agarico, & plurima huius ordinis. Ut tamen materia prius attenuetur, concoquaturq; cum oxymelite, syrupo de betonica, de stœchade simplici cum decoctis ex aniso, sceniculo, ammi, cymino, betonica, & huiusmodi. Et post purgationes utatur caputpurgijs ex succo betæ, & tandem etiam cyclamini, & elaterij. Pro musculorum corroboratione illiniatur, mundo existente corpore, ex oleo hoc modo confecto.*

*Rx. Foliorum saluæ*

*Menthæ*

*Betonicæ ana man. s.*

*Radicum consolidæ maioris*

*Calami aromatici*

*Enulæ ana ꝓ s.*

*Garyophyllorum*

*Piperis*

*Cardamomi maioris*

*Nigellæ ana ꝓ ij.*

*Rosarum rubearum man. i.*

*Contundantur radices & semina suauiter, deinde bulliant omnia secundum artem in sufficiente quantitate uini albi odoriferi ad consumptionem duarum partium. Inde facta diligenti expressione & colatura, adde olei anethini libram unam. Bulliant omnia simul ad consumptionem uini, & in fine decoctionis adde euphorbij optimi puluerizati ꝓ ij. croci ꝓ ij. & utere. Item singulis quibusq; decem diebus laudo, ut deuoret duabus horis ante cœnam, pilulas ex tribus rebus confectas, uidelicet rhabarbaro,*



barbaro, aloë, & agarico æquis portionibus cum melle rosato simul confectis. Sit autem pondus pilularum pro qualibet uice  $\mathfrak{D}$  ij. Ratio uictus præterquam quod boni & facilis succi sit, declinet etiam ad genus attenuantium: utaturq; assidue aniso, fœniculo, cinnamomo confectis cum saccharo. Quæ ita peracta si non suffecerint, laudarem, non tamen ab ijs desistendo, ut accederet ad fortiora auertentia, & deriuantia, quale esset cauterium aut perforatio occipitijs, in parte tamen inferiori circa tertiam colli uertebam, & in cuti tantum, uel in utroq; brachio supra cubitum ad quatuor digitos in parte exteriori carnosâ.

Consult. LI. De catarrho descendente ad vertebrae colli, & impediende circumgirationem capitis, item de immunda matrice coniugis, pro nobili Germano.

Dv o quærentur à nobis principalia. Primò quomodo curandus sit à nobis quidam dominus in Germania, qui laborat hoc symptomate, habet circa scapulas & uertebrae colli dolorem remissum sed perseverantē, qui exacerbatur sub coniunctione lunæ, cui est annexum impedimentum in motu ad circulum, non in inflexione sed circumquaq; mouendo. De hoc doctissime conqueritur suis literis, & petit consilium distinctum, utrum competat curatio cum balneis aut thermis seu fontibus calidis, an cum pharmacis: quod fortasse sit discrepantia aliqua inter medicos illius loci, utra magis conueniat ratio, uel ipse etiam nobilissimus uir ab alterutra abhorreat. Secundò inter-

R 3      rogat



rogat circa honestissimam uxorem suam, quæ conqueritur de immunditie uteri, quomodo ea sit curanda. Vt igitur suæ dominationi satisfaciam, incipiam à primo. Ex quo patet illud symptoma qualitate, quantitate, & in quo loco sit etiam, uidelicet circa uertebras colli, apparet iam natura symptomatis. Dolet dolore remisso, qui exacerbatur circa coniunctiones lunæ, & impedit motum circularem. Hæc symptomata nota sunt ex ipsa relatione, sed causæ facientes ea latent, & tantum patent medico experto in discursu & curationibus. Quæ igitur sunt causæ: est hic dolor & impedimentum motus. Duo igitur læsa circa facultates sentiendi & mouendi, quæ ambo ad animalem uirtutem pertinent, quæ læsa est dupliciter in sensu & motu. Quærendæ ergo causæ sunt, & primò intrinsecæ. Quia actio animalis impeditur, & omnis actio animalis immediatè procedit à cerebro, ergo nocumētum erit, uel in cerebro, uel in instrumentis à cerebro immediatè procedentibus, qui sunt nerui. Ergo hic est impedimentum uel in cerebro, uel in neruis, uel in utroque. In quo igitur sit causa efficiens hoc symptoma: Primò credendum, quòd sit in cerebro, apparent coniecturæ. audio circa coniunctionē lunæ maximè eum pati. Et nos scimus ex Auicenna cum loquitur de actionibus lunæ, quòd uim habeat in nostris corporibus, & præcipuè de cerebro loquitur, ita ut id dicat crescere & decrescere ad motum lunæ, & omnes ægritudines cerebri exacerbantur secundum lunam, ut epilepsia, & omnes defluxus à capite maximè exacerbantur circa coniunctionē lunæ, quæ ut Galenus III. de diebus criticis, maximam facit motionem sed intensiue tantum non extensiue, quia sit in puncto tantum.

Quo=



Quoniam ergo in coniunctione exacerbantur morbi cerebri, non leue argumentum est inde dependere defluxū eiusmodi. Deinde ille dominus est optimi habitus, uiuidi coloris, bonæ carnis. Ergo bene concoquit, et bene distribuit, & primam & secundam digestionem habet ut oportet. Nec consuevit laborare multis morbis, semel tantum quartanam habuit ex esu fungorum, & fortasse alia accidentia, & in renibus destillationem arenularum. Ita ut si colligamus totam historiam, corpus hoc non est subiectū morbis, quia membra naturalia bene disposita habet. Quod cum ita sit, & hic morbus perseueret, non possumus habere aliam causam nisi cerebrum. Est ergo in cerebro primarius affectus tanquam in membro mandante, & ex eo est origo & fomes huius fluxus. Est igitur in cerebro in temperies frigida & humida, uel natura: quoniam sepe hoc contingit, ut hepar & cor sint bene disposita, & tamen cerebrum sit humidius: uel etiam propter causas extrinsecas, ut quia degit in aëre humidior, & in studio legum difficili uersatur, ac negotijs publicis, unde plurimum laborat etiam tempore coctionis, propter quod impedimentum concoctionis uapores ascendunt, & ita cerebrum laborat: & propter malam hanc uictus rationem non leuis est causa huius morbi. Ex his concluderim temperaturam frigidiorē & humidiorē in cerebro quā oporteat, ratione cuius abundant excrementa, quæ collecta tandem, ut Galenus refert de ophthalmia, à uirtute expulsiua depelluntur ad locum magis debilem & imbecillū. Iam de membro suscipiente dicendum. Sunt autem nerui, hi siquidem sunt qui suscipiunt nocumentum, ex quo causantur prædicta symptomata. An uerò illi etiam consentiant hoc

R 4 est



est necessarium: nam ad hoc ut fiat defluxio non tantum requiritur, ut peccet membrum mandans in generatione, sed requiritur etiam imbecillitas membri suscipientis. Ut enim membrum suscipiat, fit uel quia alteratur ad calidum & attrahit uiolenter, idque duplici ratione, ob dolorem aut inflammationem: uel ex debilitate membri ob aliquam malam intemperiem. In hoc casu nostro fit decursus à cerebro ad neruos. An modò sit uiolenta attractio, an imbecillitas? Credo utrunque concurrere, adest enim dolor qui attrahit, & est imbecillitas. Sed ea an calida, an frigida? Nemini dubium est esse potius frigidam, quoniam omnia attestantur super frigiditate tali, perseuerantia per longum tempus, si enim materia calida foret, diffilaretur, nec tantum diu perseueraret. Et est dolor remissus, & omnes acuti morbi, ut primo Aphorismorum docetur, sunt uel à materia calida, uel propter nobilitatem loci. Cum igitur hic morbus chronicus sit, necessario eius causa est intemperies frigida. Est igitur etiam intemperies loci propter intemperiem frigidam, propter quam nec expellit excrementa, nec concoquit proprium alimentum, hæc facit ut facile recipiat, & dolor postea etiam facile attrahit: & ita accipiens dupliciter recipit. Nec est mirum, quia subinde generatur in intemperie frigida & humida, ideo perseuerat & exacuitur in coniunctione lune, propterea quod in cerebro præcipue est talis passio. Dolet autem propter materiam præsentem, quæ facit intemperiem, compressionem, & solutionem continui. Præterea impeditur in motu, quia ad hoc ut fiat motus, requiritur uirtus illustrans neruos, et obedientia instrumenti ut sit aptum ad recipiendam impressionem. Hic neutrum est ut oportet: nam uirtus



tus non potest illustrare, nam non potest transire ad membrum, quod malam habet temperaturam, uel obstructiones, sicut radius solaris non potest transire per aërem nimis nebulosum. Hic est materia: ergo uirtus non potest illustrare, & inde spiritus impediuntur & refrigerantur. Deinde instrumentum etiam non potest extendi, dilatari, & contrahi, quod fieri debet in motu. Hic musculus & chorda repleti sunt uiscidis & crassis humoribus, ut non possint contrahi & dilatari. Apparet iam catalogus causarum istorum symptomatum, quorum curatio queritur. Prima causa symptomatis quoad considerationem membrum mandans cerebrum, quod habet inemperiem frigidam & humidam aggregans humores & excrementa. Secunda recipiens locus, propter intemperiem frigidam & in cerebro, & in his membris. Audimus primò de studio, exercet artem quæ sola potest resolueret caliditatem cerebri propter cogitationes, & actiones causarum non ordinatas quæ augent cruditates. Regio frigida, & ætas est in 55. anno, primum autem senium terminatur in septima septimana, hoc est, 49. anno, ut in III. Aphor. sub finem, & inde incipit secundum senium usque ad 63. qui est climactericus maior; sunt enim nouies septem, ex quo paucissimi euadunt, ita ut merito sacrificaret Dijs maximo sacrificio Augustus Cæsar, cum eum annum euasisset, ut scribitur apud Aulum Gellium. Ita ratione ætatis frigidus est, et abundat excrementis: senectus enim per se morbus est, & ubi senes, qui natura sunt frigidiores, nanciscuntur aërem frigidissimum, nihil est perniciosius, indigent enim calore, & inde æstate melius degunt, sicut iuuenes hyeme, ut bene docet Galenus in Aphor. illo, Ventres hyeme &c.

Eorum



Eorum scilicet qui iuuenes & robusti sunt, nō senum, qui leduntur à frigiditate. Si ergo iam uerum est intemperiem esse in cerebro, & in neruis, esse in senectute constitutum, in regione frigida, morbum longum & antiquum, non est facilis curatio. Et ratio est, quia non habemus uirtutem & calorem, cuius nos medici ministri sumus, ita ualida ut nobis sit amica. Nam ad curationem, ut dicunt Hippocrates & Galenus, tria requiruntur, natura, ars, & fortuna. In hoc natura nobis deest, quæ sine dubio debilior est in sene. Ergo dubio procul erit difficultas in curando, non est tamen desperandum. Curatio uerò an cum phar-maco, uel an cum balneis facienda? Hoc quæsitum non erat proponendum: quia nemini dubium est, quin curari cum debeat, utrunq; futurum usui. Est enim intemperies cum materia, ergo euacuanda est materia, auertenda & remouenda intemperies in mandante & recipiente, quæ cum sit frigida, calidis remouebitur. & ita utrunq; faciendum erit, neq; erat distinctiue proponenda quæstio. Euacuationem hac hyeme non tentarem, contentus sit leui fomento, & recta uictus ratione, fugiat frigus, & maneat in uaporarijs, sed non ita calidis, ut quidā apud Germanos consueuerunt, ut excoquant & elixent carnes suas, sed uellem ut mediocriter calefierent, & minus in illis uestitus esset quàm cum exiret, ne subito obijceretur æri frigido. Abstineat à uino potenti, et si studet, leniter id faciat, & nō uentre pleno, minus laboret & cogitet. Vbi hæc in uictu omnia peracta erunt, tunc facere linimentum in ijs partibus, quod nec attraheret, nec repercuteret, sed calefaceret, ita ut iuuaret coctionē materiæ, ut posset facilius postea eradicari. Acciperem itaq; myrrham, in qua  
uis



uis est cōcoquendi materiā frigidam & crassam, & astringit leuiter, ut corroboret membrū ne recipiat nouā materiā: & gummi ammoniacum, quod utrunq; dissoluatur in aceto. Et ne timeat acetum, cum Galenus exhibeat acetum in longē profundiorum neruorum uulneribus. quibus postea addatur oleū camomillinum, quod resoluit sine attractione, & oleum rosaceum, quod penetrat, & crocum. Hæc mixta simul illiniantur. His peractis habeat aliquas pilulas leuiore, quæ nō mouerent materiā, q̄ postea nō educerēt. Ideo fugiat cochias, sed sint ex aloë ac hiera simplici. Postea accedēte tempore uerno, si uerum est quod corpus redundat sanguine, non esset alienum ut fieret sanguinis missio, cum podagra etiam et alij morbi frigidi curati sunt à Galeno missione sanguinis. Deinde erit euacuanda materia: proinde dabitur minoratiuum ex cassia & hiera. Syrupus de cichorio laudatur à Nicolo inuētore eius in ægri tudinibus capitis, & epilepsia. Conuenit etiam syrupus de lina, de stœchade simplex & compositus. Facta cōcoctione, euacuare cum omnibus, in quibus agaricus & colocynthis ingreditur, siue pilulis, siue electuarijs. Inde confectio hamech, electuarium Indum, pilule cochiae, aggregatiuæ, confectio hieræ compositæ, conueniunt. Post euacuationem ad corroborationem membrorum, laudo theriacam & Mithridatum: quia mirum in modum consuluunt. Ad quæsitum an conueniant thermæ Italicæ, an uerò Germanicæ? non possum respondere. Quia Germanicarum naturam nondum perspectam habeo, hoc unum dixerim, balnea conuenirent sed calida, & maxime sulphurea, & si quid haberent aluminis admixtum, non refuto, quia corroborarent membra. Si talia habet in Ger=



Germania utatur illis, sed bene provideat. Factitia pro-  
sunt quidem, meo tamen iudicio non possunt conferri cum  
natiuis. Nam artis confectiones & mixturae, non sunt ita  
perfectae, ut illae quae à natura fiunt. Nostrae thermæ bo-  
nae essent. quare si non reperiret idoneas in Germania,  
poterit in Italiam accedere. Modus administrationis fie-  
ret, ut biberet, lauaret se, & uteretur stillicidio in capite  
& parte laesa. Ad secundum, cum proponatur mulie-  
rem matricem habere immundam, quae quia confusa est,  
non possum etiam nisi confuse respondere, & curatio ne-  
cessario confusa erit cum indicatio sit confusa. Est im-  
mundities: ergo abstergenda. Sed cum quibus? Non pa-  
tet, quia à uarijs causis pendere poterit. Mundificetur  
ergo, sed cum quibus? sit aut siue à calidis siue à frigidis  
humoribus, utatur hiera simplici: quod est praestantissimū  
in istis defluxibus menstruorum alborum, Galeno etiam te-  
stificante: quia diuertit, & euacuat, & corrigit membra  
mandantia. Utatur ergo illa.

### Consult. LII. De sputo sanguinis.

PRIMO dicimus cauendum esse ab omni esu legumi-  
num, & ab ijs quae pastilia uocantur, à lacticinijs, à re-  
bus frictis in sartagine, ab uuis, & pomis, & omnibus quae  
sunt flatuosa: praeterea à rebus acribus, ut sunt omnia  
aromata, allia, cepae, & huiusmodi: item à uino dulci &  
à turbido, musto & crasso, ab aceto & rebus salis, à car-  
nibus antiquis, & ab auibus palustribus, & piscibus, pra-  
sertim qui capiuntur in paludibus & aquis coenosis. Non  
comedat diuersa cibaria, neque ubi habet in stomacho cru-  
dita=



ditatem, supercœnet aut prandeat, sed abstineat, donec se concoxisse percipiat. Habeat quotidie uentris beneficium, quod si natura defecerit, adiuuet eam modo clysteri, modo uncia floris cassiæ, modo decocto maluæ, betæ, & mercurialis cum oleo & sale. Cuius amplum cyathum bibat duabus horis ante prandium calidum, & si illi adijciat unciam sacchari, adhuc erit præstantius. His igitur procurabit, ut aluus mollescat modo hoc, modo illud eligendo, ne natura uni remedio assuescat. Si etiam utatur passulis dulcibus ante cibum lenietur uenter & cõferent pectori. Caueat ab exercitijs uehementibus, ab equitationibus uiolentis, præsertim sub frigidissimo, aut calidissimo aëre, aut uentis exposito. Caueat ab ira, rixâ, clamore, & denique uitet omnes motus corporis & animi etiam. Coitu utatur moderatissimè. Quantum uerò ad medicamenta attinet, purgetur bis in anno, uere inquam & autumno, poteritq; purgationis modus esse talis.

℞. Floris cassiæ ʒ i s.

Cum saccharo fiat bolus, sumat hora una ante prandium. Sequenti die bibat syrupum hunc.

℞. Syrupi de betonica

De lupulis ana ʒ i.

Decocti betonice

Lupulorum ʒ iiij.

Misce pro uno haustu, & ita pro alijs usque ad ix. Bibitis syrupis proximo die sequenti tale pharmacum accipiat.

℞. Rheubarbari electi ʒ ij.

Spicæ gr. viij.

Irrorentur cum uino aromatico, & infundantur in aqua



aqua lactis per horas decem. Deinde, facta diligenti expressione colaturæ,

℞. Confectionis hamech 3 iij. Misce, fiat potio danda in aurora cum custodia. Hunc modum purgandi debet seruare tam in uere quàm in autumnno, nisi quod laudarem, ut in uere uenam secaret basilicam dextri lateris. Ante omnia uerò pro conseruatione sanitatis laudo, ut omni mense accipiat tribus horis ante prandium tale lenituum alui.

℞. Rheubarbari electi 3 i.

Floris cassiæ 3 i.

Misce, fiat bolus cum zuccharo. Singulis uerò diebus ante prandium & coenam dimidium unciae zucchari rosati sumatur: & hoc consulo toto anno non esse omitendum. Sumat præterea semel in septimana frustulum boli Armeni ad quantitatem parue fabæ dum ingreditur lectum. Et hoc seruando euitabit, nutu Dei, discrimina quæ negligenti possunt accidere.

Consult. LIII. De sputo sanguinis cum febre hectica, pro puero Hebræo.

PRIMO sputa diligenter extinguantur pedibus in terra, nec expuat in muros aut lectum: quia periculum est à tabe alijs odorem haurientibus, præcipue consanguineis & iuuenibus. Comedat carnes uitulinas, hædinas, pullinas, oua recentia cocta in aqua aut cinere. Vinum pauciferum sit albumq; . Caput sæpe lauetur, idq; uespere, quando amplius non exibat ades, ex lixurio dulci, in quo decoquantur, camomilla, maiorana, & agarici drachma una



una in petia ligata, & postea exprimantur. Aliquan-  
do terebinthinæ uidelicet lacrymæ, aut pinguedinis abie-  
tis accipiat quantitatem nucis, corroborabit caput, mun-  
dificabit pectus, & aluum molliet. Capilli incidantur, &  
in uertice ponantur huiusmodi pulueres capite prius muni-  
dato pectine.

Rx. Laudani electi 3 ij.

Rosarum rubearum

Sandaracæ ana 3 iij.

Garyophyllorum 3 i.

Maioranæ 3 i s.

Puluerizentur omnia per se, deinde misceantur, &  
imposita capiti permittantur per diem & noctem. Quo-  
uis mane loco syrupi bibat brodium, in quo decoquantur  
enulæ, marrubij singulorum quantum sufficit, & hyssopi  
parum. Enula pistetur antè, & post decoctionem fiat for-  
tis expressio, quod si gustui ingratum esset, addatur mel-  
lis aut zucchari parum. Hoc per decem dies continuabit,  
postea quiescet per quatuor uel sex dies, & iterum in-  
choabit. Interdum clysteres fiant usitati ex rebus solitis  
cum melle rosato, uel etiam simplici, cum rosatum raro  
bene præparetur. Susini non conueniunt illi, sed passulæ  
sunt conuenientissimæ. Istæ etiam puluis erit optimus  
pro exiccatione catarrhi defluentis, post omnimodas pur-  
gationes.

Rx. Sandaracæ

Masticis ana 3 ij.

Maioranæ

Stœchados

Florum maioranæ

Sem.



Sem. basiliconis ana 3 i s.

Garyophyllorum

Nucis muscatæ

Macis ana 3 iij.

Sandalorum omnium ana 3 i.

Puluerizentur omnia, deinde misceantur, & fiat puluis subtilis pro commissuris capitis, & imponatur uespere capiti post pectinationem in introitu lecti, & mane etiam si uolet. Pro diuersione aliqua per nares, ungat nares pinguedine anseris: attrahat item per nares succum maioranæ.

Consult. LIIII. De empyemate cum suppressione menstruum, pro puella.

PROBABILE est in adolescentula in flore ætatis constituta, temperatura calida, ex omnimoda suppressione menstruum, sanguinem regurgitasse ad partes thoracis, ut frequenter contingit etiam usque ad uenarum fracturas, & ibi collectum siue fecerit inflammationem, & pleuritim, siue aliquam aliam abscessus speciem, tandem suppurrasse, & erupisse ad pectoris cavitatem, ut inde successerit ægritudo, quam Græci ἐμπύημα uocant. Quæ cum soleat terminari uel erumpendo extrinsecus ad cutis superficiem, uel suffocando, uel exeundo per sputum, uel deriuando ad uentrem uel urinam (quemadmodum optime declarauit Auicenna) duas ex quatuor uias inuenisse sibi hoc morbi genus audio in hac honestissima adolescentula. Nam & sputum purulentum excernit, & præterea in dextro latere ad uacuitates uentris decumbit materia, quæ



etiam uidetur ibi colligi, neque ad naturales exitus siue per aluum, siue per urinam excerni: sed colligi tantum extra illos meatus, & per flatum discuti, quemadmodum ex instructione colligere potui. Et cum ægritudo sit iam per quatuor annos confirmata, & partes, quæ fluxionem recipiunt, imbecilliores redditæ sint, & ita totum corpus magna ex parte contabuerit, foetereq; iam incipiant quæ spuito excernuntur, uereor ne ægritudo tendat ad perniciem, nisi & inter deploratas sit referenda: imò non leuis quoque suspicio est, ne deueniat ad contagium, ita ut assistentes quoque non debeant conuersari circa ægotam, præsertim pueri, & affines. Hæc de tota natura morbi satis. Nunc de curatione, quæ fieri potest dicendū est. Ratio uictus præcipue instituenda est, ut caueat à quocunque aëris excessu, magis tamen à frigido, & ab humido: uenti omnes sunt illi aduersi tam boreales, quàm etiam australes. Caueat ne in loco terreno, & humido dormiat, aut habitet: nocturnum aërem non accipiat. Ab omnibus animi molestijs, quàm procul recedat. Corpus moderate exerceat, citra lassitudinem tamen. Alui beneficiū singulis diebus quærat, ad quam rem commodissimæ sunt passulæ dulces singulis diebus ante cibum assumptæ unciarum duarum quantitate. Vino utatur tenui, claro, bene maturo, minimè austero, aut acerbo, aut acido, neque à cibo bibat præcipue post coenam. parcior sit coena quàm prandium, utrunque tamen moderatum. Caueat à leguminibus, pastilibus, lacticinijs, piscibus, fructibus, herbis, præcipue crudis, à rebus frigidis. A carne ueteri caueat, item suilla & recenti & salita: etiam ab auibus, quæ in aquis degunt, sicut anseres, & reliqua huiusmodi. Utatur

S tur



tur bono pane bene fermentato, bene cocto, ouis recentibus, carne uituli, uel pulli, uel auium paruarum, oryza, farre, spelta, & hordeo, nonnunquam etiam panico, & milio: milliaceum tamen panem cuitet. Capiti quoque maxime consulet, nam destillatio à capite uerus est fons incepti empyematis, quod aliter quatuor annis non perseuerasset. Laudauerim igitur, ut singulis septimanis lauaretur caput, & optime exiccaretur cum lixiuio, in quo decocta fuerit maiorana, abrotonum, calamentum, folia lauri, & pulegij: sed die quo lauatur, maxime effugiat aërem, quantum fieri poterit. Item inspergatur toto uertici capitis puluis infrascriptus.

Rx. Sandarachæ

Masticis

Gummi helemi

Picis colophonie

ana 3 ij.

Storacis calamitæ

Belzoin

Myrrhæ

ana 3 ij.

Laudani electi

3 iiij.

Rosarum rubearum

3 i.

Puluerizentur omnia per se, deinde misceantur, & ex hoc puluere inspergat caput singulis diebus, mane, & uespere. Item etiam illi alternis diebus, uel saltem bis in septimana accipiendum tantum lagrymi pinguis abietis, uel terebinthi, quantum est nux parua, & deglutiat cum hostia, uel aliquid tale, ut libitum fuerit. Præterea ter in mense circa mediam noctem optime sumet infrascriptum bolum, & uespere parcissime coenabit.

Rx. Floris cassiæ

3 i.

Agarici



Agarici trociscati      ℥ iij. uel iiij.

Misce, & cum zuccharo fiat bolus. Item liniatur totum pectus antè, & retrò linimento infrascripto.

℞. Adipis anseris

Olei amygdalarum amararum      ana ℥ i.

Myrrhæ      ʒ iij.

Et cum modico ceræ fiat linimentū molle. Nihil tamē præstātius in hac curatione existimauerim, quàm ut menstrua prouocarentur: si qua enim res profutura esset, hanc maximè fore existimo. Pro ratione ergo uirtutis, quam ego metiri nequeo, laudarem, ut singulis mensibus circa lunæ coniunctionem tribus diebus antè, & post bis in die ante cibum abluerentur sua crura, & fouerentur, spargendo aquam usque ad pecten, & semper trahendo inferius cum infrascripta lotionē.

℞. Pulegij

Calamenti

Maioranæ

Artemisie      ana man. iij.

Cyclamini

Aristolochiæ rotundæ      ana ℥ i.

Centaureæ minoris      man. ij.

Decoquantur omnia in situlis duabus aquæ ad consumptionem tertiæ partis. Post lotionem uerò applicandæ essent cucurbitulæ ab aliqua muliere: duas quidem sub poplitibus, duas uerò alias infra coxas. Tandem ijs nihil proficientibus mitterem sanguinem, si uirtus toleraret ab utraq; saphæna, & sæpius iterarem semel in mense.



Consult. LV. De tussi ex catarrho cum sputo sanguinis, pro adolescente Bononiensi.

DISPOSITIONEM præter naturam huius adolescentis nobilissimi in membris esse spiritualibus nemo dubitare potest: tussi enim affligitur, quæ earum partium proprium symptoma est, & quod per tussim excernit, catarrhus est crassus, uirulentus, subniger ad citrinitatem quoque declinans, quandoque falsus: & præter huiusmodi catarrhum sanguinem etiam nonnunquam expuit quantitate paucum, colore (ut audio) uarium: quandoque enim atrum, quandoque rubentem. Hactenus in promptu est symptomata conetimplanti, quæ pars corporis affecta sit. Iam uerò duo supersunt cognitu difficilia, sine quorum cognitione uera curatio non potest inueniri. Primum utrum uitio spiritualium utrunque symptoma contingat, catarrhus inquam, & sputum sanguinis, an alterum tantum, uel neutrum, an uerò nihil ijs patientibus, quântum in se est, aliunde deferatur materia atque oriatur. Cui alia quoque annectitur difficultas: nã ubi etiam constaret aliunde fluere istas materias, ad hæc superesset inquirendum, cuius membri uitio id fiat principaliter, an cerebri, an uentriculi, an hepatis, an omnium uel plurimum ex istis. Altera principalis difficultas est cogitare, quæ pars spiritualium potissimum afficiatur, utrum musculi, an cavitates pectoris, an caro pulmonis, an branchi, & lenes arteriæ, & uenæ, uel plura ex istis. Hæ sunt difficultates, sine quarum exquisitissima cognitione, & distinctione necessarium est curationem etiam cæcam, & fortunæ destinam



tam esse, non electioni, aut arti. Ad primam igitur difficultatem, audiuius nobilissimum iuuenem à primis statim annis semper subiectum fuisse destillationibus catarrhi, ex quo arguitur uitium, & affectum fuisse semper in cerebro eius, cuius ratione plurimis excrementis redundauit. Vel igitur humiditas cerebri naturalis, teste enim Galeno secundo artis medicinalis, cerebrum humidum, excrementosum, et destillationibus subiectum est) uel hoc fuit non naturalis humiditatis ratione, sed frigiditatis potius, quæ etiam siccitati coniuncta fuit: talis enim temperies cerebri frigida, & sicca, fortè etiam magis, quàm humida destillationi subijcitur, non quidem ipsius temperaturæ ratione (à sicco enim quatenus siccum est, nullum prouenit excrementum humidum) sed quoniam in frigido, & sicco cerebro necessario plurima excrementa colliguntur, tum quia proprium alimentum non bene conficit caliditatis defectu, tum quia non bene diffilat, & discutit excrementa: tum etiam quia superfluitates reliqui corporis ad tale cerebrum propter imbecillitatem facile ascendunt, neque diffilantur. Neceße est igitur, ut colligantur, condensentur, & multiplicentur, unde oritur destillatio. Cerebrum igitur huius nobilis iuuenis est frigidum potius, & siccum in suapte natura, quàm humidum. Argumento est tum ipsius capitis forma, tum animales operationes intrinsecæ, ex quibus frigiditas, & siccitas cerebri arguitur: hæ enim duæ qualitates in cerebro maxime faciunt ad prudentiam, quemadmodum erat Arist. & Galeni sententia, & non, ut uulgus medicorum opinatur. Stante tali dispositione, accedit postea naturalis hepatis caliditas, quæ arguitur ex amplitudine uenarum, & colore cutis subnigro, & pilis. Ac-



cedit præterea cordis caliditas, quod quidem indicatur ex promptitudine ad iram, & ex motu arteriarum. Vbi autem huiusmodi temperatura calida hepatis fuerit cum frigiditate, & siccitate cerebri coniuncta, maxima occasio exoritur ad destillationes, & catarrhos generandos: caliditas enim hepatis sanguinem feruentem, biliosumq; generat, à quo continui uapores ad cerebrum eleuantur. Ideo tertio de locis affectis Galenus dicebat, eos maximè plenitudini capitis esse subiectos, qui calidi hepatis sunt. His postea uentriculi imbecillitas accedit, & fit integer circulus, & perfectus omnino, ut nihil etiam desit iam ad omnè numerum catarrhi explendum. Imbecillitatem autè simul uentriculi esse, & insignem in hoc nobili iuvene, multa declarant, siue ista imbecillitas sit naturalis, siue acquisita: hoc enim mihi non constat, nisi quòd prius crediderim fuisse acquisitam: habuit enim causas extrinsecas ad uentriculi robur debilitandum ualidissimas, sed præcipua fuit illud assiduum studendi munus horis etiam importunissimis, quod cuilibet etiam mediocri patet, quantum possit in corrumpenda concoctione, & omnibus uentriculi uiribus relaxandis. Accesserunt & aliæ causæ extrinsecæ ualidissimæ, uidelicet molesta animi accidentia, & mala uictus ratio in omnibus sex rebus non naturalibus, quæ potuerunt simul, & cerebri, & uentriculi uires debilitare. Sed tarditas etiam concoquendi cibum manifestissimum signum est imbecillitatis uentriculi. His ergo omnibus ita se habentibus non est difficile iudicare, catarrhum in pectus descendere, per consensum scilicet aliorum membrorum: primò propter imbecillitatem cerebri aggregantis plurima excrementa ratione sui temperamenti frigidi, & sicci: secundo



dò propter intemperiem calidam, & siccam hepatis, ratione cuius plurimi, & assidui uapores ascendunt ad caput: tertio ratione uentriculi tardè, & diminutè concoquentis, & plurimam pituitam generantis, cuius uapores perpetuò ad caput ascendunt per uias latas. Tot igitur sunt causæ distillationis. At cum potius ad pectus descendat, quàm ad alias partes, necesse est aliquà quoq; occasionem esse in ipso pectore, cuius ratione ad illud potius, quàm ad alias partes materia destillat, inter quas potissimam iudicauerim præparationem loci: ad nullas enim partes commodius descendit materia fluens à capite, quàm ad bronchium, seu caput laryngis, quod semper apertum, & præparatum est propter necessitatem respirationis.

De causa autem salsedinis catarrhi, quam interdum percipit, non est difficile uidere: facile enim salsus effici potest propter uapores calidos à cerebro descendentes. Quòd uerò non perpetuò salsus percipiatur, sed raro admodum, signum est maximum insignem esse intemperiem in uentriculo, cuius ratione plurima pituita generatur, quæ possit omnem acrimoniam humorum retundere: signum etiam est cerebrum immodicè frigidum, & ipsum retundere salsedinis causas. & inde est quòd quoties salsedinem percipit, sicut ipse refert, prius illi incaluerat cerebrum ab aliqua causa extrinseca. Quòd etiam catarrhus per antiquam tußim à pectore eijciatur subtilis admodum, & fluens, indicat cruditatem, & frigiditatem catarrhi propter causas prius commemoratas. Quòd uerò quando à pectore excernitur crassus, quandoq; subuiridis, quandoq; etiam subniger est, indicat plurimam moram factam in pectore calido, ubi partes subtiles fuerunt



resolutæ, addita etiam aliqua putredine propter nimium calorem. De sputo autem sanguinis, quæ sit eius natura, & quæ causa in secunda difficultate dicetur. Et hæc satis de prima difficultate à nobis proposita. Nunc accedamus ad secundam, quæ talis erat, utrum sanguis iste per tuſim reieſtus, uel à cavitae pectoris, uel à carne pulmonis, uel à bronchijs, uel lenibus arterijs, uel à uenis in pulmone existentibus excernatur? Plurimum enim refert, & ad prognosticum, quod futurum est, & ad cognitionem præcipuè curationis, utrum sit hoc, uel illo modo. Circa hanc partem coniecturis procedere oportet, res enim cognitu difficillima est: primo tamen remouebimus ea, quæ mihi nullam difficultatē faciunt. Neq; à carne pulmonis sanguinem illum excerni uerisimile est: nam neq; hoc esset sine febrī in habitu, neq; sine pure, neq; sine foetore anhelitus: tum enim maximū ulcus adesset, cum nulla corporis pars facilius putrescat, quàm caro pulmonis: præterea sanguis à pulmone eieſtus spumæ ita est admixtus, ut minima pars spumæ parti minimæ sanguinis admixta sit. Non etiam prodire ab arterijs satis indicat ipsa primum crassior sanguinis substantia, deinde quoniam perpetuò sanguis exiret: non enim posset consolidari arteria pulmonis. Si etiam à bronchijs, uel asperis arterijs eijceretur, propter ipsorum solutam continuitatem, aliquid ex ipsorum substantia prodiret simul, quod nunquam uisum est. Quod etiam non prodierit ex ruptura, uel corrosione aliquius uenæ in pulmone existentis, facile inde conijciatur, quod & maior copia sanguinis exiret à uena uel corrosa, uel disrupta. Neque possumus dicere fuisse consolidatam, quia corrosa nunquam consolidari potest, disrupta uerò  
intra



intra triduum potest consolidari, postmodum autem nunquam, ut Galenus v. Methodi docet. Videmus enim in nobili iuvene sputum sanguinis, etiam per aliquot menses perseuerasse. Relinquitur igitur uel quod hic sanguis residet per poros, uel meatus ipsarum uenarum, uel quod certis quibusdam temporibus aperiantur orificia, uel capita capillarium uenarum in pulmone existentium, unde excernatur sanguis plus, uel minus, secundum quod magis, uel minus illa orificia aperiuntur. quemadmodum uidemus fieri exterius apertis iisdem uenarum capitibus, uel in naribus, uel circa hæmorrhoidas: quandoque enim multus sanguis inde exit, quandoque pauca guttulae, prout orificia illa magis, uel minus aperiuntur. Inde est, quod nobilis etiam iuuenis quadam die excreuit tantum sanguinis, quantum est hemina, uel scutella. Hactenus uidetur hoc esse satis probabile, et in hac parte potius hæret. Posset tamen etiam fluere per colatorium simul cum catarrho, sicut etiam frequenter contingit, ut inde postea simul cum eodem catarrho ex pulmone per tussim exiret. et huius rei augetur suspicatio ex eo, quod audimus, uidelicet quod cum eijceret illam quantitatem sanguinis magnam, quam paulò suprà diximus, non excernebat per profundā tussim, sed per leuem quendam screatum: indicabat enim à capite hunc fluxum deuenire, qui cum maiores asperæ arterie bronchos occuparet, et mordicaret, leuem illam tussim, et screatum excitauit. Sed aliud est etiam, quod non temerè præterire oportet, sed diligentissimè considerare, et examinare. Refert nobilis iuuenis se abhinc sex annis minus, et magis quidem, perpetuò tamen fuisse detentum dolore quodam circa sinistram mamillam, qui dolor sepius



piissime tactu extremus percipitur, dumq; in eam sinistram partem decumbit magis dolet, & premitur: at si in dextris decumberet, sedato dolore quiescit: denique in quancunque partem decumbit semper minus dolet, quam si in sinistram sese flexerit. Ait præterea dolorem illum semper ascendere usque ad humerum sinistrum. Ex his ergo omnibus secundum rationem colligimus materiam aliquam quotidie colligi, & descendere ad illas partes, tanquam ad debiliores, & qui locus huius collectionis sit, uel in musculis extrinsecis illius partis sinistræ, uel in concavitate, quæ est inter illos partis sinistræ, uel in concavitate, quæ est inter illos musculos, & membranas, quæ costas ambiunt. Cur autem locus ille fuerit debilitatus, multæ potuerunt esse causæ: duas tamen non parui momenti uidimus, primam percussione in ea parte, secundam armorum gestationem. Quibus ita se habentibus, non est longinquum, quod ex illis partibus ita debilitatis materia ibi collecta residet ad partes interiores pectoris, & à pulmone mediante tussi excernatur. Vbi etiam considerandum est, nunquid etiam ulcus aliquid ex longa humoris corruptione subiectum fuerit, unde etiam sanguis cum materia simul excernatur. Hæc ergo habeo, quæ de causis huius sputi sanguinis possum afferre, si ex principijs artis secundum rationem, & non casu, uel ad placitum loqui uolo. Reliquum modo est, ut prædicti omnes affectus remoueantur. Circa quod duo principaliter erunt agenda: alterum quod circa præsentium symptomatum curationem uersatur: alterum circa imminentium præseruationem. Quantum ad præsentium curationem triplici curabimus instrumento, primum erit ratio uictus, secundum medicatio uel pharmacum, tertium auxilia



auxilia per opus chirurgicum. Per rationem uictus, aer primò occurrit, circa quem diligentissimè erit enitendum, ut omnes excessus deuictet: pariter enim & à frigiditate, & caliditate aeris, sicut & à nimia humiditate, & à siccitate lædetur. Quærat igitur maximè temperatum: nam alteratio facillè contingit, uel propter uentos, uel propter pluuias, uel propter uicissitudines, æstatis inquã, & hyemis. Itaq; neq; se uentis, neq; pluuijs, neq; feruori æstatis, neq; algori hyemis exponat, sed se in optima domo contineat, uel si necessarium fuerit exire, muniat se ab aeris iniuria, caput præcipuè: uitet etiam nocturnum ærem, & loca subterranea, & humida. Rarò abluat caput, quando autem lauandi tempus erit, eligantur horæ uespertinæ, ita ut postea non exeat domo, neq; aëri se exponat. Lixiuum erit ex cinere salicum, uel uitium, in quo decocta sint chamæmelum, anethum, rosæ, & maiorana, ponatq; in ea parte lixiuij, ita præparata, & excolata, in qua uult lauari, tantam quantitatem agarici boni electi puri, quantum est pondus drach. duarum: dimittaturq; infundi in eo lixiuio dictus agaricus per totam noctem in petia linea, postea mane ebulliat ebullitione una, & cum hoc lixiuio lauetur caput: erit enim utile, & tanquam medicina, non tantum curans, sed etiam præseruans. Exercebit corpus moderatè, non fortiter, & in primis exercebit partes inferiores, ad quod deambulatio optima est. Hora exercitij sit matutina reiectis excrementis consuetis, sitq; tribus horis ante prandium, ita ut perfectè quiescat ab exercitio ante cibi assumptionem. Optimum etiam erit illi, si frictiones mane fiant in partibus inferioribus, & in brachijs etiam, antequàm surgat è lecto, & quanto erunt longiores, & crebrius



crebrius repetitæ, tantò melius: erit enim efficacissimum ad roborandum corpus, & ad diuertendam materiam. Exercitium autem crurum paucum admodum debet esse. Sed inter reliqua, duos maximè affectus uitet, iracundiam, & mœstitiam. Cauebit ab assidua scriptione, uel lectione, præcipuè post cibum, maximè pronè incumbendo scripto libro. Procuret, ut quotidie beneficium alui habeat, quod si quandoque deficiat, non negligat: est enim illi admodum opus, ut utatur aliquo modo clysterum lenientium cum aliquo ex his tribus, quæ subscribentur. Primum est, accipere ius pulli tribus horis ante prandiū, in quo iure decoquatur malua, mercurialis: & facta expressione, & colatura addatur semidrachma sacchari cū modico olei dulcissimi, & bene maturi, uel olei amygdalarum dulcium. Secundum remedium est, ut accipiat terebinthinam pinguem, & puram quantitate drach. duarum, uel trium, & deglutiatur: una uerò hora post ius dictū sumat terebinthinam in formam pilularum, aut in bolum, ut melius placuerit. Tertium est, ut accipiat quinque, aut septem ficus aridas pingues admodum, & optimas, à quibus totam cutim detrahat, & accipiat tantum carnem mollem intrinsecā, & cum hac carne admisceat drachmas duas medullæ cartami, & fiat bolus, quem deglutiatur eodem modo, & horis, sicut de duobus superioribus dictum est. Ista tria sunt optima, & familiarissima remedia ad aluum emolliendam in sanis etiam sine aliqua molestia. In nocte quærat, ut septem horis tantum dormiat, octo quidem etiam, at non imperamus: sed caueat postea tanquam à peste à somno meridiano. Bis tantum in die comedat, atque hora comedendi sit hora quinta, postquam lecto surrexerit: spatium  
inter



inter prandium, & cœnam sint horæ ix. si prandium iustum, & integrum fuerit. Post cœnam non ingrediatur lectum, nisi post duas horas post cibum, & interim non se deat, non dormiat, neq; apud ignem moretur, nec frigeat, præsertim caput, caueat à calore, calefiat autem sensim, non subito ad ignem, deambulet, uel stet. duo enim optima inde acquireret: suauius noctu dormiet, secundò melius concoquet, & minus lædetur à catarrho. Vbicunque autem igni approximabit ad frigoris iniurias propellendas, sit ignis mediocris, scilicet ex lignis dulcibus, & caueat, ne caput incalescat. Inter prandium, & cœnam neq; aliquid comedat, neq; bibat præcipue post cœnam, nihil enim catarrho deterius quàm dormituris bibere. Potus sit uinum colore rufum, clarum, limpidum, benè maturum, potentia mediocre, quod nullo modo sit acidum, uel acerbum, tale enim uinum aduersissimum est, tußimq; præcipue excitat. Cibaria sint unius tantum generis: nihil enim deterius, quàm ciborum inter se differentium uarietas. Abstinebit ab omni lacticiniorum genere, ab omnibus pastilibus, ab acris esculentis, sicut sunt allia, cepæ, & huius generis: ab aceto, præcipue acri, & potenti: ab omnibus oleribus præter betonicam, saluiam, borraginem, & lactucam, quæ etiam non tantum ratione cibi, sed ratione medicamenti cuiusdam conceduntur. Cauebit ab omni piscium genere, qui capiuntur in paludibus, raro etiam, & parca alios comedat, qui in optimis aquis degunt, & non omnis generis, sed quales sunt lucij, marchiones, themali, & huiusmodi. Cauebit tamen à frixis in sartagine non tantum piscibus, sed omnibus, quæ hoc modo friguntur: ideo & oua detestabilia sunt decocta in sartagine. Abstinebit à  
car-



carnibus salitis cuiuscunque generis : à carne antiqua, sicut bubula , & castratorum antiquorum : abstinebit à carne porcina tanquam à peste : ab omni auium genere, quæ degunt in palustribus , sicut anates , & anseres .

Fercula eligat , sicut far , & oryza , hordeum spelta , panicum : omnia ista grana sint optimè decocta in iure optimo , admisceatur aliquid lactis amygdalarum dulcium , uel seminum melonum . In æstate conuenient etiam cucurbitæ factæ cum modico cinnamomo .

Ab acetarijs consulo , ut abstineat . Fructus parcissimè comedat , non omnium tamen generum , sed aliquid peponis optimi , uel pruni genus , quod uulgò uerdaceum appellatur : ficus etiam optimè maturas , ut in tempore autumnii : pyra decocta cum saccharo : si quandoq; etiam comederit pineas post cibum , aut auellanas , dum modo parcè id fiat , & bene dentibus conterat , non erit omnino aspernandum . Carnes conueniunt uitulinæ , hædinæ , pullorum , nonnunquam etiam columborum iuuenum , & pinguium , omnium auium campestrium pinguium præter coturnices : nec uitupero carnem leporis iunioris , uel cuniculi , oua forbilia , uel in aqua decocta , non indurata , si fuerint recentia , & ante cibum exhibita , sunt optimi nutrimenti . Et hæc de tota diætâ , siue uictus ratione sufficiant . Quantum attinet ad medicamenta , quanquam Galenus in v. therapeutices curet catarrhum cum sputo sanguinis ualidissimis purgationibus , nihilo minus spectata habitudine nobilissimi iuuenis , corporis gracilitate , hepatis caliditate , & uirium omnium imbecillitate unum propono , quod illi perpetuò obseruandum erit , si me iudicem sequatur , ut nunquam inclinet animum ad sumenda aliqua medica=



medicamenta fortia, aut solutiua, in quibus ingreditur aut scammonium, uel colocynthis, uel turbith, uixq; assentiat agarico, qui quidem erit summa, & ueluti apex omnium suarum medicinarum, ultra quem excedere perniciosum habebit: inò nec agaricus temerè sumendus, neq; solus nò preparatus, ut infrà patebit. Laudo igitur, quòd corpus quidem suum sepe expurgetur: est enim hoc necessarium, cum sit admodum excrementosum. Purgationes uerò sint in omnibus qualitatibus moderatæ. Simplicia quidē sint, sicut cassia, rhabarbarum, manna, medulla cnici, terebinthina, & ultimò agaricus. Composita sint, sicut syrupus rosaceus, uel uiolaceus solutiuis, electuarium de sebesten simplex, electuarium lenituum, quandoq; etiam hiera simplex de sex rebus, rarò tamen propter nimiam exiccationem. Purgabitur autem purgatione magis exquisita bis in anno, uere inquā, & autumnò. Forma autem purgandi talis erit.

℞. Floris cassiæ

3 x.

Pulueris glycyrrhizæ

Hyssopi

ana ʒ ij.

Misce, & cum saccharo fiat bolus, sumendus hora ante prandium. Sequenti die incipiat sumere infrascriptos syropos.

℞. Syrupi uiolacei compositi Mesue

Mellis rosacei colati

ana ʒ i.

Aquæ tußilaginis

ʒ iiij.

Misce pro uno syrupo, & sic pro alijs. Post syroposumat alterum duorum medicamentorum, prout illi felicius succedet. Alterum tale erit.

℞. Flo=



Rx. Floris cassiæ 3 x.

Agarici præparati 3 ij.

Misce, & cum saccharo fiat bolus. Alterum

Rx. Rhabarbari electi 3 ij.

Spiciæ gr. v.

Irrorentur uino albo aromatico, & infundantur in aqua tusilaginis per horas decem. deinde facta diligenti expressione, & colatura, adde agarici optimi præparati scrup. quatuor, syrupi rosacei solutiui unc. duas. Misce, & fiat potio breuis danda in aurora cum custodia. Istæ erunt annuæ purgationes. In medijs autem temporibus, laudo etiam, quod frequenter aliquid sumat quod leuius purget, ne scilicet excrementa aggregentur. Purgationes autem erunt, uel quales dictæ fuerunt in capite de dicta, uel quod assumat cassiam simplicem hora una ante prædium uncia pondere: erit enim medicina facilis, pectori & hepati ualde conueniens, quæ euacuabit sine extractione, à qua tanquam à pestifero ueneno abhorreat oportet. Laudarem ego præcipue, si suus uenter toleraret, & nihil aliud impediat, sicut febris, uel inflatio hypochondriorum, uel dolor capitis, à quibus Deus ipsum custodiat, laudo inquam, istis non impediens, ut post autumnalē purgationem mane bibat lac asininum, asinæ quàm fieri potest sanissimæ, & iuuentis, neq; multum distantis à partu. Bibat autem mane, non hora syrupi, ut malè consueuerūt alij, sed hora tertia diei, postquam reddiderit sua omnia excrementa consueta, & bibat cyathum, uel duos, etiam tres, quantum scilicet suus uenter bene tolerare potest. Postea caueat cibum, quandiu bene cognouerit lac esse perfectè concoctum, & fame prouocetur ad cibum, tunc



tunc modicè prandebit: erit enim hora tarda, hortorq; ,  
ut sit contentus pro prandio iusculo hordeaceo cum sac-  
charo, & postea cœnet uberiùs, seruando quæ dicta sunt  
in capite de dieta. Perseueret in hac lactis potione usq;  
ad. xv. dies, magis tamen, aut minus, prout melius, uel de-  
terius tolerabit. Istud erit remedium efficacissimum ad hu-  
mectandum corpus, & nutriendum, & reuocandam fa-  
mem, quod etiam uere poterit iterari, imò & æstate, &  
quotiescunq; libuerit, si modò prosperè illi successerit, ut  
spero. Hæc de purgantibus, quæ per os sumi debent. De  
linimentis autem, uel cerotis exterius applicandis nihil  
scribo, in illis enim parum confido. Quantum uerò atti-  
net ad opus chirurgi, cum prius mihi placeat, si catarrhus  
perseueret, ut facta purgatione autumnali applicarentur  
uesicatoria capiti, & excitarentur uesicæ et crustæ: quæ  
postea omni diligentia conseruariëtur. Idemq; omnino fie-  
ret circa partem sinistram pectoris, ubi percipit dolorem.  
uel si nollet uesicatoria propter molestiã (essent enim mo-  
lesta in ea parte) saltem foueat, & illinat locum modo  
præscripto.

℞. Hyssopi

Betonicæ

Saluiæ

Scabiosæ

Centaurij minoris

Pulegij

man. s.

Decoquantur in sufficienti quantitate aquæ, & uini  
albi æqualiter commixtis, & cum ea decoctione calida fo-  
ueatur locus cum spongijs. Facta fomentatione locus con-  
tineretur exiccatetur, postea inungatur hoc linimento.

T

℞. Adi-



Rx. Adipis anseris

Gallina

Butyri recentis

ana ʒ v.

Myrrhæ

ʒ iij.

Euphorbij

ʒ i.

Misce; & cum modico ceræ fiat linimentum. Laudo etiam, quod pro auersione materierum ascendentium ad caput post purgationem ordinariā fiant cauteria, uel fontanellæ in utroq; crure in loco consueto, & dimittantur apertæ usq; ad perfectam sanitatem. Si etiam quandoque hæmorrhoides sponte accederent, optimum esse. at non accedentibus, si cōtingeret (quod Deus auertat) sputum ali- quod sanguinis, laudarem, ut prouocarentur, & teneren- tur apertæ: esset enim optima & recta diuersio. Et hæc de chirurgia satis. Quantum uerò attinet ad præserua- tionem, ne scilicet incidat in sputum sanguinis, & mem- bra omnia corroborentur, nihil unquam poterit præstan- tius habere, quàm frequentissimum usum sacchari rosacei, quo utetur mane, uesperis, & quacunq; hora uoluerit, dū- modo non impediat horas coctionis. Magnum est etiam arcanum ad exiccandum catarrhum pectoris, & ipsum pectus corroborandum, tum ad prohibendum sputum san- guinis, si in introitu lecti deglutiat boli armeni orientalis optimi quantum est granum ciceris rubei: est enim effica- cissimum in præseruatione, sicut periculosum in curatio- ne. Vesicatoria ex his confici solent, ex folio apij nascentis in pratis flore luteo, folijs aculeatis, cortice interiore bryoniæ, flammula Iouis, synapi, euphorbio, pyrethro, thapsia, nasturtij semine, herba quam uulgò appellant sal- sariam, quæ nascitur in hortis, folio oblongo, & pingui, gustu



gustu erodente linguam, longo pipere, & similibus. Inter reliqua tamen efficacissimum, & perpetuæ ueritatis in omni temperatura, quod nunquã fallit, sunt cantharides.

Consult. LV I. De angustia pectoris ex catarrho & imbecillitate uentriculi, pro Gallo.

PURGETVR principio hunc in modum.

R. Cassiæ 3 xij. Postea

R. Succi Farfaræ

Betonicæ

Saluiæ

Violarum

Calendule ana 3 vi.

Purificentur succi, deinde cum saccharo fiat syrupus.

Postea

R. Huius syrupi 3 ij.

Decocti betonicæ

Violarum

Farfaræ ana 3 iij.

Misce pro uno, & sic pro alijs.

Post secundum syrupum mittatur sanguis ex uena cõmuni brachij dextri: id enim & tempus, & morbus, & complexio exigere uidetur. Post exhaustos septem syruos.

R. Floris cassiæ 3 x.

Agarici præparati 3 ij. Misce cum zuccharo fiat bolus. Post hanc purgationem uniuersalem habeat pilulas, quibus sepe utatur, quarum descriptio talis erit.

T 2 R. Agarici



℞. Agarici præparati 3 iij.  
 Aloës succo citrini 3 iij.  
 Rhabarbari electi 3 ij.  
 Spicæ  
 Garyophyllorum  
 Nucis muscatæ ana 3 i.

Puluerizentur, & misceantur, & cum syrupo de stœchade fiat magdaleon. De quo singulis uicibus fiant pilule tres pondere unius drachmæ. De quibus unam accipiat semel in septimana tribus horis ante cœnam. Item

℞. Lacrymæ abietis pinguis 3 ij. Inuoluantur in nebula, & deglutiat cum uino semel in septimana tribus horis ante prandium. Item

℞. Boli Armeni orientalis 3 i.  
 Deglutiat bis uel ter in septimana in introitu lecti. Item

℞. Dictamni Cretenfis  
 Pyrethri  
 Piperis ana 3 i.  
 Staphisagriæ 3 ij.  
 Masticis 3 ij.

Puluerizentur omnia, & cum cœra pauca fiant trochisci masticandi mane tribus horis ante prandium, masticando eos continuè per horam, & expuendo, bis aut ter in septimana. Præterea fiat inunctio narium tali linimento.

℞. Adipis anserini  
 Olei amygdalarum amararum ana 3 i.

Vngat uespere in introitu lecti partem nasi superiorem, quæ est inter utrumque oculum. Item

℞. Decocti betæ

Maioranæ



Maioranæ

Hordei

Betonicæ quantum sufficit

Cum modico zucchari. Et hoc actu calidum attrahatur per nares mane antequam egrediatur ædes. Præterea tali brodio uti poterit.

℞. Enulæ campanæ ʒ i. dempto meditullio interiori decoquatur in scutella brodij ad consumptionē duarum partium. Deinde facta diligenti expressione, addatur zucchari semuncia, & sumatur actu calidum ter in septimana tribus horis ante prandium. His etiam pilulis utatur

℞. Succī absinthij

Liquiritiæ

ana ʒ i.

Misce fiant pilulæ sex, quarum sumat unam alternis diebus una hora ante prandium. Habeat diligentem rationem uictus, & se muniat à frigidiore aëre, & à uentis. Ad æstatis postea initium purgato corpore modo superius dicto, bibat aquas Apponitanas.

Valentinus Lublinus lectori. Non te lateat hunc Galium post usum thermarum, restitutum ualeitudini integrè, sed accedens ad suos peccauit in quantitate, qualitate, & ordine cibi, unde in febriculam incidit, ex qua postea expirauit.

Consult. LVII. De tuberculo circa thoracis regionem lateris sinistri, tam in anteriori quàm posteriori parte, pro generoso domino à Stuberberg Germano.

TUBER, uel eminentiam Illustrissimi domini circa thoracis regionem tam in posteriori quàm in anteriori

T 3

parte



parte existentem in latere sinistro, sicut esse non puto propter luxationem alicuius uertebrae uel ossis in thorace; ita credo fieri non posse sine aliquo leui motu eorundem ossium à proprio situ, quem pararthrasin Græci appellare consueuerunt. Indicio est maxima durities in parte eminente apparens, quæ à nulli scirrhi specie produci posset. Cum ex ea uerò nulla adhuc actio impediatur sensibili no-cumento, ideo præseruatione potius indiget quàm curatione. Præseruabitur igitur primò cum recta uictus ratione, deinde cum medicamentis commodè applicatis. Quantum ad uictus rationem attinet, non erit in primis contemnenda aëris dispositio: nam & maximum frigus, & ingens calor æqualiter contrarijs rationibus nocere possunt. Vitabit etiam usum balneorum aquarum calidarum, & diuinam moram in uaporarijs nimium calefactis. Utetur moderato exercitio, præcipuè inferiorum partium deambulando commodè, etiam brachium dextrum exercebit cū ense, aut aliquo tali instrumento. Luctam fugiet, & omnia exercitia, in quibus uiolenter brachia utraq; & thorax concutitur, saltus etiam ab alto, & equitationes equorum robustorum, qui totum corpus ualde concutiant: abseni etiam clariores & cantus non modicè nocebunt: lectio tū etiam locutio temperata proderit. Nocte dormiet sublimi capite in dextrum potius latus quàm sinistrum. Cauebit à ualida tussi & sternutationibus, quæ si illi occurrerint, omni studio sedabit. Circa cibum, & potum, primum cauebit ab omni uino dulci et crasso, uel turbido: propterea & mustum maxime euitabit. Abstinebit à fructibus, præcipuè uuis, & pomis, & castaneis, ab omnibus palustribus, à radicibus, sicut daucis, rapis, capis, allijs, & deniq;



deniq; ab omnibus quæ flatum plurimum pituitamq; cras-  
sam generant. Ideo & fungos effugiet, & omnium legu-  
minum genera. Vnico obsonio contentus erit. Bis tantum  
in die comedat, neq; inter cœnam, & prandium potabit:  
computationes tanquam pestem effugiet. Quantum ue-  
rò ad medicinas attinet, laudo, ut bis in anno corpus pur-  
get, poteritq; huiusmodi esse purgatio.

℞. Specierum hieræ simpl. 3 ij.

Floris castiæ 3 x.

Cum zuccharo fiat bolus, sumendus in aurora, uel tri-  
bus horis ante prandium.

℞. Oxymellis squillitici

Syrupi de cichorea Nicoli ana 3 i.

Aquæ marrubij 3 iiij.

Misce pro uno, & sic pro septem. Quibus ebibitis su-  
mat pharmacum, quod habet.

℞. Confectionis hamech 3 iiij.

Syrupi rosati solutiui 3 iiij.

Cum aqua betonica fiat potus brevis, sumendus in au-  
rora cum custodia. Hæc purgatio, & in mense Martio,  
& autumnio post medium Septembrem singulis annis re-  
petenda erit. Temporibus uerò intermedijs uteretur zuc-  
charo rosaceo quàm frequenter poterit, ante prandiū ad  
semunciam. Quòd si interim alius astricta fuerit, lenietur  
commodissimè cum terebinthina Cypria, de qua sumat tri-  
bus horis ante prandium pondus duarum drachmarū. Lo-  
co uerò eminenti tam antèrius quàm posteriùs applicabit  
cerotum de betonica uel de gumma Helemi, uel utrunque  
simul æquis portionibus confectum, sine quo neq; interdū  
manebit. Optimum præterea erit, si supra applicatum ce-

T 4 rotum



rotum fascia ligetur, quæ ita locum dolentem astringat, ut non inde tamen impediatur motus thoracis, uel augmentum, aut alimenti transitus prohibeatur. Hæc si diligenter obseruauerit, spero illam suam D. præseruandam esse à maiori incommodo, & illud quoque, quo nunc uexatur, esse remouendum, cum laude optimi Dei, cuius nomen sit benedictum in secula.

Consult. LVIII. De cardiaca passione, pro nobili matrona Vicentina boni habitus, 47. annorum.

QV ANVIS casus iste tractatus sit ab excellentissimis Doctoribus, qui & doctrina & experientia sunt illustres, temerariumq; uideatur absentem me uelle aliquid addere his quæ ab illis præsetibus optimè administrata fuerunt; nihilominus ut quoque officio meo satisfaciam, præsertim rogatus, & illis etiam ijsdem excellentissimis doctoribus hoc idem petentibus, dicam quid sentio. Primo igitur ut ex his, quæ relata sunt, conijcere possim, hunc affectum inter cardiacos numerandum censerem, ob calidos uapores, uel alicuius extremæ qualitatis participes ad cor ascendentes, ac deinde ob talem affectum corde imbecilliore reddito, à quo calor naturalis generatus per totum corpus diffunditur, dans actum uitæ: subsequuta fuerit imbecillitas quoque concoctionis, & præcipue eius concoctionis, quæ maiore indiget alteratione, ea scilicet quæ in uentriculo celebratur: unde postea multiplicatis humoribus crudis, flatus plurimi generantur insidentes cū circa hypochondria, tum in intestinis, tum etiam in ipso uentriculo.



triculo. Et sic duo tantum complicantur affectus, cardiacus scilicet, & tensio inflatioq; uentris inferioris, ex diuersis quidem causis procedentes, sed ab uno fonte emanantes. Cardiaci igitur affectus causas esse crediderim intrinsecas quidem uapores, sicut dixi, tum calidos, tum extreme qualitatis participes, occasione sumpta intrinsecus ipsorum generationis, naturali caliditate hepatis, forte etiam renum & matricis. Accedente postea primo retentione menstruum ante debitum tempus in tali precipue temperatura, secundo suppressione quoq; copiosissima urine, quae singulis mensibus, uicem menstruum supplebat: sed non minus fortasse quoq; adiuuante seminis retentione, quod quidem semen à propria electione propter religionem retentum fuit. Quantum enim ad affectus cardiacos generando possit retentio cum menstruum, tum precipue seminis, indicat longa serie Galenus sexto de locis affectis. His ita se habentibus, quoniam sermo mihi est cum uiris doctissimis, qui meam sententiam ex paucissimis etiam uerbis comprehendunt, curationis caput esse crederem in hac Magnifica matrona diuertere materias & extraneos uapores ad cor ascendentes ad partes oppositas, & (quod uix spero nos consequi posse) ut hac iam prouectiori aetate menstrua rursus prouocarentur. In quatuor diuertentibus maximam spem ponerem. Primum diuertens esset diligentissima & exquisitissima urine prouocatio: nam si toto eo tempore, in quo ea copia urine uice menstruum fungebatur, sana degebat hac nobilissima matrona, et post illius urine suppressionem statim cardiacus affectus incepit, consentaneum rationi est, ut urine copia reuocata sedetur affectus. Secundum diuersum praestantissimum esset,



esset, si hæmorrhoides ita prouocarentur, ut singulis mensibus uicem menstruorum supplerent. Neq; timenda est illa crebra sanguisugarum applicatio, paucis enim mensibus applicatis sanguisugis, hæmorrhoides sponte flueret. Tertium diuersium esset, ut crebro per certa interualla sumeret benedictum aliquod medicamentum, ter aut quater in mense, aut etiam sæpius, quod aliu subduceret: per hoc enim diuerteretur materia, & uacuaretur per inferiora, neq; propterea facultates læderentur. Atq; apud me tale esset præcipue medicamentum, quod ita haberet.

℞. Specierum hieræ simp. de sex rebus	3 ij.
Rheubarbari optimi & bene maturi	3 ij.
Garyophyllorum	
Cinnamomi	
Rosarum rubearum	
Sandalorum citrinorum	ana 3 ij.
Zedoariæ optimæ	3 i. s.
Seminis citri	3 i.

Puluerizentur omnia per se, deinde misceantur, postea aspergantur succo rosarum puro, & permittantur exiccari, & hoc iteretur septies, postea cum syrupo de corticibus citri fiat magdaleon. De quo singulis uicibus fiant pilule tres pondere unius drachmæ, sumendæ sine custodia horis tribus ante prandium, uel si tardioris fuerit operationis, hora ante coenam. Erit enim remedium præstantissimum, conferens flatibus uentris, remouens cordis affectus, diuertens & euacuans humores crudos corruptos, obstructions aperiens, & membra naturalia corroborans, quod quidem manifestè patere potest ex his quæ in eius descriptione reperiuntur. Quartum & ultimum diuersi-



diuersium esset, ut his omnibus curam non perficientibus, tandem quoque cruribus cauteria in loco debito & consueto applicarentur. Quantum ad ipsius cordis corroborationem attinet, extrinsecus quidem tali linimento uteretur, quod habet

℞. Vnguenti rosati Mesue recent. ʒ i.

Rosarum rubearum

Sandalorum citrinorum ana ʒ i.

Zedoariæ

Specierum cordialium temper. ʒ ij.

Misce, & si opus fuerit, addito modico oleo rosato completo fiat linimentum pro corde. Intrinsecus uero confectione uteretur, quam tum ipsi cordi, tum ipsi uentriculo corroborando mirum in modum conferre semper expectatus sum, quæ habet.

℞. Sem. citri ʒ i.

Ligni aloës optimi ʒ i s.

Rosarum rubearum

Sandalorum citrinorum

Zedoariæ ana ʒ ij.

Corallorum rub. elect. ʒ s.

Musci

Ambræ ana gr. ij.

Puluerizentur omnia per se, deinde misceantur, & cum aqua rosata & zuccharo albo fiat confectio in rotulis pondere drachm. iij. sumatq; singulis diebus hora ante prandium. Hæc ergo sermonem habens cum doctissimis uiris breuiter admonenda censui, non quidem ut Minervam instituerem, sed ut officio meo non deessem. Nam si uellem explicare pro intentione mea prima quæ sunt

urinæ



*urinæ prouocantia, item rationem uictus instituere, cum ad tales medicos sermo habeatur, omnino ineptire uiderer.*

**Consult. LIX.** De febre ex intemperie membrorum naturalium, ac obstructione à materia frigida & crassa, orta, pro Francisco Cafali medico Brixiano.

*CUM IN proprijs negotijs ita affecti sumus, iudicium quoq; proprium afficitur, ut delitescat. Sed ego propter officium fidelis amici huius Excellentis medici nō deficio, et quod in eo casu facturum essem afferō. Et primum hoc pro fundamento apud me constituo, hunc morbum non esse uno impetu aggrediendum, ac depellendum, sed paulatim remouendum. Cum enim in naturalium membrorum essentia intemperiem esse iudicem, obstructionesq; ac materiæ frigide, & crassæ collectionem, patet neq; quoad intemperiem, neq; quoad materiam, neq; quoad membrorum affectorum naturam aliquid esse uiolenter, impetuosq; agendum. Constituta igitur optima uictus ratione, quæ in hac cura primaria esse debet, ad medicationem accedendum. In uictus ratione obseruarem, ut omnia cibaria essent optimi alimenti, facilis coctionis, sed quantum fieri posset, attenuantium: ideo uinum subtilissimum, mediocris substantiæ sit. Proponerem cibus omnibus usum anisorum, aut fœniculi, aut cinnamomi ante prandium, & cœnam. Panem optimè fermentatum constituerem cum modico salis, & puluere anisorum, reliqua cibaria nouit sua excellentia. Et bibat parcè, nam desiderarem, ut plus humo-*  
*ris*



ris per urinam excerneretur, quàm biberet. Somnus sit satis prolixus, meridianus tamen euitetur. Mane satis tēpestiue surgat, & moderatē exerceat corpus: sitq; quàm maximē fieri possit læto, & iucundo animo. Aliū habeat semper mollem, & pro hac re laudarem maximē frequentem usum resinæ terebinthinæ, de qua sumat Excellentia sua mane tribus horis ante prandium drachmā unam aut duas: præterquàm enim quòd moderatē leniet aluum, etiā ad uentrem roborandum, & obstructions uiscerum aperiendas sine molestia conferet. Et hoc facto deinde purgationem exequeretur.

℞. Specierum hieræ simp. 3 ij.

Electuarij lenitiui 3 i.

Cum zuccharo fiat bolus, dādus tribus horis ante prandium. Concoctio.

℞. Syrupi de absinthio

Oxymellis scillitici ana 3 i.

Decoctionis cetrach,

id est, Asplenij

Cichoreæ

Agrimoniæ ana 3 iiij.

Camedryos

Misce pro uno syrupo, & sic pro alijs septem. Eucuatio per pharmacum.

℞. Confectionis Hamech 3 iiij.

Oxymellis scillitici 3 ij.

Cum decoctione cetrach & florum cordialium fiat portio danda in aurora cum custodia. Hic meus esset curandi modus, quem si necessitas exigeret, in autumno repeterē. In medijs uerò temporibus prætereat dictum usum naturalem.



ralem. Laudarem ut resinæ terebinthinæ singulis septimanis bis sumeret drach. unam uel duas, & rhabarbari in puluerem redacti sesquidrachmam, possetq; illud assumere uel cum resina terebinthina, uel cum saccharo rosaceo, uel cū passulis Corynthis, qui modus ei placeret magis. Quod si etiam bis in mense sumeret Mithridatici optimi drachmam uel in pilulis redactam, uel in formam boli, admiscendo sacchari rosati drach. ij. credo illud fore ad calorem naturalem corroborandum, & ad membra principalia sumopere collaturum. Iis essem nunc contentus: credoq; si omnia diligenter exequetur, ut mandantur, quod Excellentia sua sanitatem adipiscetur.

Consult. LX. De febre orta ex obstructione, pro puero Veneto.

NOBILEM hunc puerum febre affici ex obstructione non modo ratio, sed sensus etiam indicat, obstructio ne inquam membrorum naturalium. Curari ergo non poterit febris, nisi remota obstructione. Quantum igitur ad uictus rationem attinet, mihi uideretur, quod attenuans cibis, & potus esset adhibendus. Ergo uinum album pauciferum, subtile, quale hucusq; rectissime oblatum est, maxime conuenire existimo. Carnes hædorum, & pullorum, cum quibus coquatur anisum, uel fœniculum leuiter con tusum panno lineo inuolutum. A' granis omnibus abstinere, præterquam ab hordeo optimè discocto in iure, quo essem contentus addito petroselino, uel betonica, uel fœniculo. Et quoniam audio paroxysmum circa uesperas inualere, laudo parcissime cœnet, & in horis magis quietis:  
hoc



hoc enim in febre tollenda plurimum conferre arbitror. Prouiderem, ut singulis diebus beneficium alui haberet, nihil enim efficacius ad febrem ex obstructione tollendam, quàm lenire aluum, & prouocare urinam. Et cum audiui hunc puerum contineri non posse, quin se plurimum puerili more exerceat, omnino hos incongruos motus coërendos iudico, & intra aedes proprias, quantum fieri potest, puerum continendum. Quantum uerò ad medicamentum attinet, cum aperitio sit in hac curatione ferè principalis intentio, & quod uerè aperit est amarum, ideo amarorum usum in hoc puero maxime laudarem. Si ergo persuaderi potest, ut de absinthio syrupum mane sumat cum iure pulli, in quo petroselinum, sceniculum, & alia huiusmodi diuretica decocta fuerint, summopere laudo. Sed inter reliqua, quod semper certa fide à me longo experimento probatum est, laudo, ut singulis diebus sumat infusionem rhabbari in aqua endiuie: nunquam enim uidi febrem ex obstructione hoc remedio non esse sublatam, si modo perstinaciter quispiam in eius usu perseuerauerit, quandoque enim crassissimos humores impactos, et obstructions, quæ ob caloris imbecillitatem facile tolli non poterant, ex rhabbari assumptione curatas uidi. Consueui igitur accipere libram aquæ endiuie, in quam drachmam rhabbari infundo in panno lineo inuolutam. Deinde singulis diebus uncias quatuor illius infusionis facta aliqua expressione accipi iubeo circa auroram, & est huiusmodi dosis puero-  
rum, neq; desisto ab hac potione, priusquàm uideo omnino & febrem, & obstructions esse sublatas: auferuntur enim proculdubio, si reliqua omnia rectè fiant, & curationi consentiant. Quantum uerò attinet ad ea, quæ exterius appli-



applicantur, stomacho quidem oleum de absynthio confectum cum puluere masticis applicarem. Lieni uero linimentum hoc modo confectum

℞. Bdellij

Ammoniacy ana 3 ij.

Dissoluantur in aceto scillitico. Deinde

℞. Olei amygdalarum amararum

Adipis anseris ana 3 i.

Ponantur omnia simul, & fiat linimentum pro splene. Hepati recte applicari potest linimentum ab excellentiss. doctore applicatum, unguentum rosatum Mesue cum sandalino permixtum. Hæc satis esse arbitror pro hac febre tollenda, si modo puer recte pareat, & æsidentes non delinquant.

Consult. LXXI. De scirrho hepatis, & obstructionibus cum periculo hydropis, pro doctissimo iuvene Vtinenfi domino Ioanne Baptista Luuifino.

HONESTVS ille iuuenis, qui nobis sanandus in præsentia proponitur, cum uarijs præter naturam affectibus uexetur, & inter se contrarijs, nimirum diuersis etiam auxilijs inter se pugnantibus curandus est. Vitia itaque tollenda prius recenseamus, deinde propria auxilia, & ita seruabimus methodum. Laborat itaq; in primis lienis obstructionibus, atq; duritie adeo, ut ferè scirrhus uocari possit, atq; hic est præcipuus morbus, de quo conqueritur iuuenis. Etiam nonnihil obstructionum in mesaraicis patitur. Flatu præterea in uentriculo, & toto ferè abdo-



abdomine abundat cum insigni tensione, atque sonitu, si quis digitis pulset: propterea ipsi discrimen magnum hydropis imminet, nisi iam inchoata sit tympanites cum leui ascite. Nihilominus ipsum hydropicū appellari posse negamus, sed spleneticum potius, quoniam eo sanato, à quo tanquam à fonte cetera uitia emanant, totum corpus ad pristinam sanitatem reuertetur. Præterea & febre quadam laborat, quæ residuum esse uidetur quartanæ, quæ ipsum Decembri mense proximo inuasit, & pluribus mensibus infestauit. Nunc uerò quodammodo erratica esse facta uidetur, cum neq; certum diem, neq; horam in suis circuitibus seruet, huiusmodi tamen febricula non est egrotanti admodum molesta: neq; enim ipse propterea decumbit, sed domo exit, & quolibet expedite admodum, & promptè deambulat: nullum præterea in initio accessionis rigore, aut extremorum frigiditatem percipit. Hi sunt præter naturæ affectus, quibus iste infestatur, opemq; à medicis implorat, ne in peius labatur, uerum pristinam ualeitudinem recuperet. His cognitis à causarum narratione supersedebimus: hanc enim à nobis egrotus non postulat, sed illi-  
co ad remediorum explicationem accedemus. Omnibus itaq; per clarissimos medicos consideratis, ita illis satisfaciendum est. Primum quidem, quoniam omnia hæc uitia à materia pendent, ut à causa, ea prius remouenda est: id uerò duplici instrumento fieri potest, uenæ sectione, & purgante pharmaco. Antequàm ad alterum istorum ueniamus, aliud leniendum est, deinde materia aliquibus conuenientibus syrupis præparanda. Accipiat ergo per quartam horæ partem ante prandium electuarij lenitiui, ut uocant, fescunciam, idq; aut sub forma boli cum saccharo,

V

aut



aut cum sero caprino liquetur, aut cum aqua cichorij, & fumiterræ, & fiat potio. Sequenti die in aurora huiusmodi syrupum accipiat.

℞. Syrupi de fumoterræ simplicis

Acetosi simplicis

De cichoreo simplicis ana ℥ i. s.

Decoctionis infrascriptendæ ℥ iij.

Misce, & fiat syrupus.

℞. Agrimonij, idest, eupatorij

Cetrach, idest, asplenij,

Endiuie

Cichorei ana man. s.

Aquæ communis quantum sufficit.

Misce, & fiat decoctum secundum artem. Quater, aut quinquies huiusmodi syrupo accepto, mane prius aluo lenita sponte, aut clystere communi, per horam saltem ante cibum secetur uena interior cubiti sinistri, extrahaturque sanguis moderatè usque ad unc. sex, aut septem, aut pro iudicio præsentis medici: melius tamen fuerit, si hæc sanguinis quantitas duabus uicibus, non semel extrahatur, neque propterea à syruporum assumptione desistat, quoad in urina concoctionis bonæ signa uideantur. Quibus uisis pharmacum summo mane assumat.

℞. Agarici præparati ℥ iij.

Confectionis hamech sine scammonio ℥ v.

Aquæ lactis ℥ iij.

Misce, & fiat potio. Vel ita.

℞. Diasene ℥ i.

Sacchari quantum satis est.

Misce, & fiat bolus. Accepto hoc medicamento iterum



rum Syrupi accipiendi sunt, sed prioribus efficaciores,  
hoc pacto.

℞. Syrupi de endiuia

De fumoterræ compositi

De pomis compositi

ana ℥ s.

Decocti infrascripti

℥ iiij.

℞. Fumiterræ

Stœchados

Asplenij

Cichorei

Tamarisci

ana manip. s.

Aquæ communis quod satis est.

Incidantur omnia crassius, & mixta in aqua decoquantur. Tales Syrupos accipiat numero septem, uel etiam plures. Postea hanc medicinam assumere debet.

℞. Confectionis hamech compositæ

℥ iiij.

Electuarij lenitiui

℥ ij.

Misce, & cum saccharo fiat bolus. Hoc medicamento assumpto per duos dies, aut tres quiescat, iterumq; ad novos Syrupos accipiendos adiungat se: cum enim morbus à materia pendeat contumaci, ac rebeli non unica præparatione, & purgatione educi potest: sed pluribus eget. Itaque huiusmodi Syrupis sequentibus diebus etiam utetur.

℞. Syrupi acetosi de quinq; radicibus

℥ i.

De epithymo

℥ s.

Decocti infrascripti

℥ iiij.

℞. Corticum radicum capparum

Polypodij

Dulcis radicis

V

2

Passu=



Passularum enucleatarum ana ℥ s.

Asari

Fumiterræ

Filicis

Tamarisci

Asplenij

Betonicæ

Agrimoniæ

Cichorei ana manip. s.

Corticum radicum ellebori nigri

Florum cordialium ana ℥ i. s.

Seri caprini quantum sufficit.

Misce, fiat decoctio secundum artem. Cum huiusmodi syropos acceperit septem, aut octo, postea illico talem medicinam accipiat.

℞. Rhabarbari optimi ℥ i. s.

Spicæ ℥ i.

Vini aromatici parum

Decocti proximè scripti quantum sufficit.

Fiat infusio per diem naturalem: deinde facta expressione.

℞. Confectionis hamech

Electuarij indi ana ℥ ij.

Syrupi rosacei solutivi ℥ i. s.

Misce, & fiat potio, uel loco huius potionis accipiat pilularum cochiarum cum elleboro scrup. quatuor, aut pilularum Indarum, de fumoterræ, ana scrup. duos, & reformentur cum aqua fumiterræ, & fiant pilulæ quinque. Deinde cum ita exquisitè corpus euacuatum fuerit, accedendum est ad alia remedia, quæ cum iecoris, tum lienis obstru-



obstructiones ualenter expediant. Itaq; semper in iuscu-  
lis suis decocta sit radix petroselini, & foeniculi cum fo-  
lijs, & parum asplenij. Et quoniam morbus longus est,  
neq; unico remedio diutius utendum, quia ei natura assue-  
facta non patitur, ideo modo utatur hoc decocto.

℞. Radicum arnoglossi, id est, plantaginis siccae

Corticis lauri

Chamaedryos

Lapathi sylvestris

Foliorum hederæ ana man. i.

Aquæ lactis quantum sufficit.

Misce, fiat decoctio usq; ad consumptionem tertiæ par-  
tis, & in fine parum aceti, quantum sit potabile, admiscea-  
tur: & ex hoc decocto summo mane sumantur unc. quin-  
que, aut hoc.

℞. Scordij

Foliorum salicis

Radicum eryngij,

Anagallidis cæruleum habentis florem ana man. s.

Filicis

Chamaemeli

Agrimoniæ ana man. i.

Aquæ lactis quantum sufficit.

Fiat decoctio, ut supra. Postea ubi hoc usus fuerit per  
aliquot dies inde utatur quibusdam remedijs sub forma pi-  
lularum, aut pulueris, & pastillorum ad reserandas oc-  
clusiones hepatis, & lienis. Ad iecoris autem obstructio-  
nes hoc sit remedium.

℞. Radicum chamaepityos

Radicum cichorei ana 3 iij.

V 3 Contea



Conterito, & melle cocto excipito, & ad auellanae magnitudinem præbeto, & aquae calidae unc. quatuor ab eius assumptione sorbendas dato. Item lupini iecoris sicci drachmam in puluerem redacti cum uncia syrupi de cichorea propinato. Pro lienis obstructionibus.

℞. Scillae assatae

Corticum radicum capparum ana 3 i.

Contunde, & præbe ex posca drachmam. Aliud ualde laudatum. Accipe seminum uiticis. s. agni casti contusi, & cribrati per subtilissimum cribrellum drach. tres, atq; ex posca præbeto bibendum: atque ita alternatim in aurora exhibebis modo spleneticum, modo iecorarium medicamen, sed multo frequentius spleneticum, longè enim magis in hoc iuvene splen, quàm iecur ægrotat. Item ultimo possunt aliqui pastilli ad patefaciendas uiscerum occlusiones exhiberi, ut exemplum sit. Accipe pastillorum de rhabarbaro, aut de rosis, aut de eupatorio drachmam, redigatur in puluerem, & cum uncia decocti cichorei, & asplenij in aurora exhibeantur ista eodem modo. Post pastillos autem exhiberi potest, aut drachma confectionis dialachae, aut diacurcumae, aut mithridatici, aut theriacae, si bona haberetur. Atq; ita semper uariando modo unum, modo aliud ex antedictis remedijs dandum est, neq; diutius in uno insistendum. Quod si caliditas febrilis interdum cogat, aliquantulum de speciebus diarrhodi admiscendum est. Præterea exterius fomenta spleni adhibenda sunt, ut ex decocto genistae, filicis, asplenij, chamæmeli, seminum lini, anisorum, dauci, cumini, & spongia ex hoc decocto madens applicanda, uel uesicula bubula huius decocti plena superponenda: deinde cum oleo de capparibus, & amygdalino,



no, & nardino inungendum est. Sed hæc olea debilia sunt: ideo ad cerota, & unguenta magis mollientia, & digerentia ueniendum est, quale est cerotum de meliloto, aut Aesippi cerotum: oportet enim simul mollire, & digerere: ideo cerotum diachilon mollitum cum oleo irino optimum est, aut cataplasma ex radice cyclamini hoc modo.

℞. Radicum cyclamini lib. i. s.

Caricarum pinguium lib. s.

Aceti quantum sufficit.

Coquantur, & fiat cataplasma optimum. Item stercus gallinarum siccum contusum cribratum in oxymelite conquito, & confidenter imposito. Item optimè facit farina hordei, lupinorum, fabarumq; ex oxycrato imposita: præterea pyrites, aut molaris, aut gagates longitudine octo digitorum, latitudine sex digitorum, non multæ cresitudinis, ignescat, acetoq; aspergatur, panniculoq; in acito calido madefacto inuoluatur, & loco imponatur affectio, ibiq; quandiu calidus est, permittatur. Emplastrum quoq; ex hoc lapide à Galeno fit diapyrites uocatum, quod mirum est in scirrho discutiendo. Veruntamen totum ferre in ratione uictus situm esse existimandum est, siquidem omnis diuturnus morbus maximam ex conuenienti uictus ratione opem sentit. Quapropter aer in primis eligatur, qui neq; in calore excellat, neq; in frigore, & ad siccum declinet. Caueat itaq; à pluuijs, nebulis, & uentis austrabilibus, neque incolat, si fieri posset, loca palustria, lacustria, aut aquis ullis tum currentibus, tum stagnantibus irrigua, sed stagnantes longè sunt pessimæ: præterea loca olidis, putridisq; uaporibus referta euitentur: sed aer sit purus, apertus, & leui aura boreali perflatus. Exer-



citium corporis, cum febre caret, sit ante cibum, exonerata prius aluo, & id quidem moderatum ingrediendo, aut requirendo aliquid, & alijs gestationibus utendo. Quod si non possit, fricetur eius dorsum, crura, & brachia deorsum uersus cum panno lineo tepido, non ualde molli, neq; aspero usq; ad cutis ruborē. A cibo quiescat omnino per tres, aut quatuor horas. Loquatur ante cibum alta uoce, & uociferetur. Noctu dormiat, quantum ad concoctionem satis est: meridianum somnū, nisi assuetus sit, caueat. Quotidie ante cibum aluum exoneret aut sponte, aut glandula simplici ex melle cocto, aut addita drachma specierū hieræ, aut per clystere ex decocti chamæmeli, betæ, furfurum, mercurialis, maluæ libra, olei anethini unc. tribus, sacchari rubei unc. duabus. Animo sit semper læto, nihil triste cogitet, semper se conualiturum esse confidat, solitudinem fugiat, musicis delectetur, semper amicorum, & hominum iucundissimorum consuetudine utatur. Cibi uerò, & potiones, in quibus maxime uictus ratio consistit, sint attenuatorij, incisoriij, absterforij, & acrium rerum. Comestiones per interualla interdum proderunt, ut synapis, piperis, sacchari, & huiusmodi, præcipue cum febris sedata fuerit: modus autem cibi est ne satietur. Potus uini sit paucissimus, quantum satis erit ad sedandam sitim. Panis itaq; ut ab eo incipiamus ex polline triticeæ farine conficiatur cum mediocri sale, & bene fermentetur: præterea, ut flatus, quibus hic ægrotus abundat, discutiatur, conficiendo pani cōmisceatur semen anisorum, foeniculi, seseleos, cumini, & optimè coquatur. Carnes sint hædi aut ueruecis iuuenis, aut uituli lactantis, pullorum gallinaceorum, aut columbinorum in turribus degentium,

auicu=



auicularum, quæ ex arboribus, montibus, aut campis uic-  
tum queritant. Vitentur aues in aquis degentes, & ca-  
riuocæ: oua etiam sorbilia prosunt. Etiam omnino hæ  
carnes elixentur, & in iusculis coquantur radices scæni-  
culi, aut petroselini cum folijs, aut utraq; & condiantur  
cum cinnamomo omnia cibaria, & aceto. Pisces nō sunt  
boni, nisi saxatiles. Oleribus interdum elixis uesci pote-  
rit, ut beta, malua, aut quod cerfolium uocant, mentha,  
petroselinum, & reliqua huiusmodi. Abstineat ab omni-  
bus leguminibus, à brassica, rapis, cucurbitis, cucumeri-  
bus cum lacte, & omnibus lacte confectis, & lacticinijs,  
in acetarijs frequenter utatur capparibus ex oxymelite,  
aut folijs buglossæ, & borraginis coctis, & endiuie, in-  
tubi, aut cichorei. Fructibus uti potest, uuis passis ante ci-  
bum, & post interdum amygdalis, nuclei pinei stomachum  
lædunt. A pomis, nucibus, castaneis, uuis, persicis, melo-  
nibus, & breuiter ab alijs omnibus fructibus præter ficus,  
& eis consimiles abstinere melius fuerit, donec huiusmodi  
febris, et obstructions penitus sublatae fuerint. Potu ut-  
tur uino albo, tenui, non acerbo, cum quo permisceatur  
aqua, in qua ferrum candens igne sæpe sit extinctū. Opti-  
mum erit si omnia ipsius cibaria in tali aqua decoquantur.  
Præterea fiant uascula ex ligno tamarisci, in quibus uinū,  
quo uti debet, contineatur. His omnibus ita congruenter  
institutis, & corpore diligentissime, ut superius compre-  
hensum est, purgato, si febris abolita fuerit, tūc credimus  
ultimum, & præsentissimum remedium fore, si aquas Ap-  
ponenses potauerit, quarum experimenta multa uisa sunt  
in aperiendis uiscerum obstructionibus, & omnibus natu-  
ralibus membris roborandis. Atq; ita Deo annuente huic  
nobi-



nobilissimo iuueni pristinum corporis robur, & ualitudinem restitutū iri speramus, atq; indubitanter confidimus.

Consult. LXII. De morbo Gallico, pro quodam nobili Germano.

SI IN tam ampla materia, & congerie symptomatum uellem inuenire rationem, essem ualde molestus. Sed uia hæc erit commoda ut explicem naturalem temperiem eius, & præter naturalem acquisitam, quia ex ijs rectè explicatis reliqua clara erunt. Quoad naturalem temperaturam pertinet, illud ponendum est, quòd nisi constaret ex ægritudinibus, quibus antea affectus fuit, cholericis quidē, & nisi corporis habitudo esset, nullam prorsus suæ temperaturæ naturalis haberemus cognitionem: quoniam ex signis à Galeno traditis, in ipsius cognitionem non possumus adduci, maxime cū animi mores nobis non sunt noti. Sed quòd sit calidæ, & siccæ temperaturæ, omnes illæ ægritudines, quibus solitus est affligi, & infestari, antequàm incideret in morbum Gallicum, possunt attestari. Et primò, ut ex scripto eius apparet, circa XI. annum capitis dolorem habuit, primò acutissimum, deinde crisi factò per fluxum ab auribus utrisque cum sanguine in tertia uel in quarta die liberatus est. Indicium manifestum tum ex acrimonia doloris, tum ex uelocitate motus calidam fuisse dispositionem. Laborauit etiam scabie, quæ prouenit ab humoribus adustis, & à pituita salsa, quæ attestatur caliditatem hepatis. Præterea tertianas habuit, & cū uexaretur catarrho, à XV. usque ad XVIII. annum, qui tenuis fuit admodum, acutus, mordax. Ita quòd omnes ægri-  
gritu=



gritudines, quas passus est antè, attestantur super dominio humorum calidorum. Ideo hæc signa uidentur efficacia, ut credamus esse calidæ, & siccæ temperaturæ, quia illæ ægritudines non solum signa sunt naturalis temperaturæ, imò indicant habuisse omnes causas, quòd naturalis eius tēperies fuerit labefactata, quia ex longo catarrho naturalis temperatura destructa fuit, quia perseverante catarrho continuè, fieri non potuit quin labefactaretur. Quo catarrho perseverante in xxiiii. ætatis suæ anno concubuit cum muliere infecta morbo Gallico, à quo tempore cœpit conqueri de magnis, & multis symptomatibus, quæ secuta sunt, de quibus loquimur. Sed primò oportet scire quòd ille Magnificus uir incidit ex tali concubitu in morbum Gallicum, ita quòd contagium fuit complicatum cum naturali temperatura, quam inuenit calidam & siccā, ex qua complicatione fecerunt unum tertium, ex quo postea tot symptomata secuta sunt. Sed non possumus scire illud tertium, nisi extrema habeamus. Sunt autem extrema primò temperatura, quæ excedit per calidum, & siccum. Secundum extremum est contagium morbi Gallici. Hic dubitant multi quisnam morbus sit morbus Gallicus, an epidemicus dici possit, necne? Ego credo quòd non possit dici morbus epidemicus, quia epidemici habent causas uniuersales (ut inquit Galenus in primo Epid.) uel aërem, uel cibum, & potum, sicut in lib. de cibis boni, & mali succi asserit Galenus de eo qui propter qualitatem annonæ tempore suo accidit: ita quòd talis à causa uniuersali incipit, & desinit desinentibus causis uniuersalibus, siue in aëre, siue in aquis, & cibis sit constituenda causa eius. Iam multi anni præterierunt, ex quo ince-

pit



pit hæc infectio, credo quòd iam deberet desinere. Neque ualet quòd per contagium perseuerat, quia cessantibus causis cessant putredines, ut in febribus pestilentialibus, quæ per contagiũ oriuntur cessante influxu, & uniuersali causa cessat contagium, & abolentur febres illæ. Præterea maiores nostri ex historia obseruarunt, nullum eo tempore fuisse correptum, nisi per contagium, & causam habuit particularem. Scimus enim quòd eo tempore, quo bellum à rege Gallorum apud Neapolim gerebatur, plurimi erant Hispani, qui à Calicut deuenierunt, in quibus regionibus plurima erat infectio, qui concubuerunt cum meretricibus illis, & ex concubitu illo infectæ sunt meretrices, & tandem infectio ad nos deuenit, quia ibi aderant milites cuiuscunq; nationis. Et ita constat in historijs, quòd habuit originem, & tale principium per contactum particularem, qui morbus peculiaris est in illis regionibus, & non curatur nisi ligno illo, quod ad nos delatum fuit. Verum num sit morbus iste collocandus in genere morbi qui sit in mala compositione, uel solutione continui, & in quo genere sit collocandus, est maxima difficultas. Et fortasse si uellem immorari, ostenderem opinionem meam non longè à ueritate esse: nec credo posse appellari morbum, nisi occupauerit hepar, & fecerit malam temperaturam. Cuius signum est, quia antequàm contagium deueniat ad hepar, ulcuscula curantur omnia, & non redeunt: si uerò ad hepar peruenerit, non modò bubones apparent; sed caput occupat, & omnia membra inuadit, tristantur homines, decolorantur, & apparet tunc quòd causa est in membro principali, quia totum afficitur corpus. Ideo non est solutio continui, sic ut quidam existimarunt, sed hepatis in-

tem-



temperies. Certum est, quòd debemus conspiciere, & uidere, si in hepate est quis affectus, præter naturam existens in hepate. Certè licet uideamus, quòd in omni temperatūra efficiat crustas, pustulas, ulcera, tamen symptomata semper eadem uidentur siue sanguis, siue bilis, siue pituita sit quòd adustionem habet, & nunquam separari hoc symptoma ab abscessibus, à pustulis, à crustis, & ab ulceribus. Et quia hoc uniuersale uidetur, credendum est quòd sit temperatura propria causans hæc symptomata. Et contingit in hoc, quòd in alijs contagiosis, ut si quis habens lepram, uel scabiem alium inficiat scabie uel lepra, licet habeat hoc perpetuum quòd sit pituita, tamen secundum diuersas temperaturas diuersæ fiunt scabies, in uno fit pinguis, & humida, in alio sicca, & ita unum commune habebit. Quo autem ad naturam ulcerum, erunt diuersa pro ratione temperaturarum. Hoc unum obseruandum est, quòd contagium hoc à temperatura pendet, quæ nec calida, nec frigida, nec humida, nec sicca est: sed est qualitas quædam innominata, quæ dum contangit hepar, facit sanguinem talis naturæ, ut semper declinet ad adustionem, fortè quia principium suum prouenit à nigris hominibus illis, & adustis, quia proprius est morbus illorum hominum circa torridam Zonam habitantium: fortè propter naturam illius adustionis dependet ab illo principio. Siue quia talis, uel talis temperies sit, & innominata, habet hoc, quòd contagium primò inficit hepar: ideo facies decolor est, sequitur & tristitia animi propter humorem adustum generatum, & si abscessus contingunt, duri sunt in primis diebus: & ita semper adustio est in tali morbo. Ista ergo mala qualitas facit semper adustionem, & est causa, ut quæcunq;



cunq; materia sit semper habeat adustionem. Hoc fundamento posito, & quòd à principio natiuitatis habuerit tēperaturam calidam, & siccam, abundauit humorum adustione, ut ex scabie apparuit, quæ fuit propria ægritudo, ex catarrho mordicante, & erodente superuenit contagium illi temperaturæ, cum qua conuenientiam habebat. Ideo facillimè impressionem fecit, & maximam, quia agens & patiens erant disposita. Hæc fuit causa, quare secuta fuerunt tot symptomata: apparuerunt pustulæ, post pustulas apparuit humor distillans per uirgam, dolor in lumbo dextro, ut dixit ipse, sed fuit in rene dextro, quia subsequutæ fuerunt urinæ arenosæ attestantes in renibus affectionem, & calorem esse. Habuit maculas primò siccas, secundò humiditas in uola manuum, & circa cubitum. Habuit dolorem capitis intensissimum in posteriori parte capitis, & ex medela medici ex diuersis curationibus in omni parte capitis tam anteriori, quàm posteriori habuit, & semper abscessus illi duri permanent curatu difficiles. Apparuit etiam in naribus non solùm caro exerta; sed ulcera, quæ omnia fuerunt cum erosione. Ita quòd post cōtagium omnia secuta sunt, & adustiones habuit tum à temperatura, tum à contagio, & in hac re immorandum non est, quia clara est. Hoc fundamento posito, quærit à nobis iste Magnificus uir tria, primò utrum possit curari sine exhibitione ligni, & unctionibus, & suffumigijs: secundò an possit curari sine deturpatione faciei: tertio ut scribamus quid consulimus. Circa primum, oportet primò uidere utrum possit curari, secundò cum quibus. Credo multa esse considerata quoad morbum, posset quidem curari, si non haberemus alias indicationes, nisi eas, quæ à morbo sumuntur



muntur Gallico, etiam si inueteratus esset: imò uidi ego quòd quantò uetustior fuit cum abscessibus & pustulis, & ulceribus curatus cum ijs, quæ dicemus. Sed nos habemus plura considerata, quæ faciunt difficultatem. Habemus primò, & ego obseruaui experientia, postea ratione, quòd nihil deterius est istis sic affectis, quàm adhibere, siue interius, siue exterius sub forma unguenti, uel suffumigij id quod argentum uiuum habet, quia ex tali applicatione homines secundum membra principalia semper fuerunt affecti. Et testor Deum, aderatq; excellentissimus Fracastorius, ex inunctione Mercurij statim quendam incidisse in epilepsiam, & uix potuit curari ab ea, & nullam causam habuit, nisi eam occasionem. Post quidem assumptionem argenti uiui, ita decolorantur, ut nunquam possint redire ad pristinum colorem. Et ego primò quando uidi hominē in facie, interrogauī an fuerit illitus aliquo unguento, in quo esset argentum uiuum, quia tot uidi, ut experientia doctus sim. Sed præter experientiam habemus rationem, & prætermittamus considerationem Auic. quia fuit primus qui uoluit rem distinctè intueri, reprobauit ipsum, Græci omnes id ipsum non cognouerunt, nisi quòd uenenum est, & nihil aliud de eo dixit Galenus, sed refugit ipsum tãquam uenenum. Et quia Auic. uoluit experiri argentum uiuum; & similiter Arabes alij, quia fuerunt maximi Alchimistæ, dixit omnia apertè eius incommoda, & quomodo in paralytim, in stuporem, & in frigiditas incidere facit ægritudines. Et primò uidemus pati hepar, & incidere in frigidam dispositionem, ex qua sequitur decoloratio totius cerebri: præterea ægritudines ex consensu neruorum sequuntur, paralytis, tremor cordis, stupores, & totius corporis



corporis refrigerationem facit, quia calorem naturalem, & spiritus refrigerat. Ideo abstinendum ab eo est tanquā apertē lādente. Et prāter frigiditatem, & humiditatem maximam, quam habet ( licet aliqui dixerunt esse calidum in quarto, quia de calcinato loquuti sunt ) & prāter malas conditiones omnes, quas habet, unum habet deterrendum, quia facit operationem suam contra methodum, & contra rationem: est enim apud medicos unum axioma, ut ciam euacuamus, ne trahamus humores ad locum nobilem. At argentum uiuum quicquid in iuncturis est, ad pulmonē trahit, & expuitur: & sequitur foetor, corruptiones dentium, gingiuarum, ulcera maligna in ore. Et ideo uir iste non est mirum, si habuit ulcus in palato post suffumigium, & post argentum uiuum exterius sumptum. Credo ego quod ex hoc, & non ex alio secuta fuerit decoloratio, haec mœstitia, & ulcera in palato. Et mirum est, cur non omnes ex plurima materia, quæ defluit ad pulmones, non incidant in ulcera pulmonis. Et si euadunt multi, hoc est ratione fortis naturæ, & quia duri pulmonis sunt, nullus tamen euasit, quin habuerit uel gingiuas corrosas, uel dentes, uel aliquod deterrimum. Et credo quod sequatur sanitas ex tali illitione, sicut in pestilentialibus accidit, qui in nauī curantur à calido uino epoto, qui postquā cooperiti sunt pannis, sudant copiose, & ex tali uiolentia naturæ facta, quæ fortis, & ualida est, ab errore ducti sanitati restituantur. Concludendo ergo quod saluo semper meliori iudicio argentum uiuum siue per linimentum, siue per suffumigium non probo siue minerale, siue artificiale fuerit, quia omnes, qui de eo scripserunt, cognouerunt tam minerale, quā artificiale uenenum esse. Ideo crederem ab eius

iūs



ius usu abstinendum esse. Si diceretis, fuit curatus ab eo, à decocto autem ligni deterius se habuit: imò ex decocto tali dolor auctus fuit, ex suffumigio autē melius habuit. Istud non est mirum, quia si uerum est suppositum à me factum, quod uir iste temperaturam habuit à principio natiuitatis calidam, & siccam adustam, & contagium habere adustionem sibi perpetuò annexam, & ideo habere symbolum cū temperatura, quæ refrigerant, humectant, & reperiunt per aliquod tempus possunt conferre, quia alterant naturam & stupefaciunt, ut non sentiat dolorem, & euacuant trahendo ad partes interiores, & per sputum excernunt. Ideo uidentur bene se habere in principio: sed postea in deterius labuntur non solum quia remansit temperatura mala, sed quia ultra ea habuit uenenositatem in membris. Et si à decocto non bene habuit, potuit esse uel quia non fuit usus recta ratione uictus, nec bono ligno, nec bene purgatus: quia qui non fuerunt exquisitissime purgati per phlebotomiā, & pharmaciā, non fuerunt sanati. Ideo debuit primò optimè expurgari. Præterea multa sunt obseruanda, quæ sciūt peritissimi medici: quæ si fuerunt obseruata, à caliditate suæ temperaturæ, & siccitate potuit ladi, quæ ualida est. Et licet in ore positum non percipiatur acrimonia, sicut percipitur ea, quæ in pipere est, hoc est quia fundatur in substantia terrestri, ut uix deueniat ad actum: ideo in tertio crediderunt esse calidum & siccum. Idq; possumus experiri si decoctum faciamus ex maiorana, calamēto, cinnamomo, & ex ligno, maiorem percipietis caliditatem ex decocto ligni, quàm ex his quæ sunt calida & sicca in tertio, interius dico sumptum, quia ex elixatione permiscetur cum multa aqua, ideo non sentitur exterius:

X

sed



sed interius sumptum mirum in modum calefacit. Ideo siue hoc, siue illud, siue omnia, siue plura fuerint, non est mirum si non fuit adiutus, cui tamen incommodo possumus occurrere. Cum ergo duo sint, quæ possunt morbum Gallicum confirmatum curare, decoctum ligni, & illitio ex Mercurio, huic autem affectioni, quam facit argentum uiuum, non possumus occurrere, necessarium est igitur, ut accedat nobilissimus iste uir ad assumptionem potus aquæ ligni. Sed duo in primis facere debet: primò remouere malam impressionem factam ex argento uiuo, siue fuerit argentum uiuum, siue suffumigium ex cinaprio in ambitu totius corporis impressam: secundò uellem, ut malus habitus tolleretur, & rediret ad propriam temperaturam. Cum quibus modò? Ego sine dubio in tanta materia aggregata tum à contagio, tum à mala temperatura, tum à medicinis resoluentibus totam struem corporis, uellem ut corrigeretur, & tot, ac tanti humores euacuarentur cum medicinis. Et cum habeat habitum pallidum declinantem ad frigiditatem, & tumorem corporis, cacexiam indicantem, hoc fuit ab aliqua re ualide imprimente: quia mirum fuit quòd in tali corpore impressa sit intemperies frigida. Ideo biliosi, pituitosi, & adusti humores sunt euacuandi. Et quia pituita mixta est cum adustis humoribus, habeat primò syrnpos, in quibus ingrediatur epithymum, fumus terræ, polypodium, arte confectos, habeantq; senam, quæ euacuat humores melancholicos, & digerit, & incidit humores pituitosos adustos. Syrnpus acetosus etiam optimus est, & multi alij, quos non referam, quia qui scribebunt, magis erunt uniuersales. Ego sic procederem cum digerentibus pituitosos, & adustos humores. Postea euacuarem  
cum



cum medicinis euacuantibus adustos & pituitosos humores, & inter omnia medicamenta confectionem hamech eligerem, ut patet ex ingredientibus: pilula aggregatiua summopere conuenirent, in quibus ingrediuntur ea quae possunt id facere: electuarium etiam Indum, diasene, diacatholicon, & haberet aliquod in se, quod stimularet ipsum, quia leue est. Conuenienter ergo possent addi trochisci Alhandal, agaricum, rhabarbarum: & si non sufficeret una euacuatio, plures fierent. Corroborarem caput, aperirem uenas, & disponderem in alium habitum. Et si esset in regione calida, dimitterem beneficio aeris, quia forte ex aeris beneficio corrigeretur: & si non esset in aere tali, darem ei decoctum corroborans naturalem calorem. Et decoctum esset tale ex garyophyllis, & cinnamomo, & propter caliditatem hepatis, uellem ut decoquerentur in aquis endiuiae, cichoreae ad refrigerandum hepatis caliditatem, quae induceretur ex aromatibus. Et si forte essent obstructions in uenis aggregatae per accidens, discuterentur, inciderentur, & diffilarentur. His factis, deuenirem ad principalem intentionem, & esset tunc tempus autumnus, & purgarem rursus exquisitè, & si uiderem quod in alium habitum tenderet, secarem uenam, & cum iisdem purgantibus, & euacuantibus pituitosos, & adustos humores procederem. Postea sex, uel octo syrupos exhiberem, sic compositos. Vellem accipere, exempli gratia, myrobalanorum citrinorum, chebulorum, Indorum sing. semunciam. Contundanturq; & facta leui contusione infundantur per diem, & noctem in aqua sumiterrae. Facta in infusione, imponerentur folliculorum senae, epithymi, polypodij, glycyrrhizae sing. uncia: seminum citri drach.

X 2 quatuor:



quatuor: corticum ellebori nigri drach. duæ. Infundantur simul, & decoquantur sufficienter, & totum hoc in sex uel octo uicibus assumatur, & pro refrigeratione hepatis, in hoc decocto ponatur syrupus de corticibus citri, uel si timeamus caliditatem nimiam hepatis, syrupus rosatus, quoniam malum habitum abigit hoc decoctum, moderate euacuat & nigerrimos humores. Et testor Deum, quod multi sanati sunt ex hoc decocto, maxime ubi morbus non sit inueteratus, & ratio, quæ me mouet, ut hæc assumat est, quia exquisitissime purgati in decocto feliciter euadunt. His factis, ad decoctum ligni accedemus, supposito quod malus habitus fuisset remotus, & rediret suum temperamentum. Vellem duas intentiones habere, prima ad contagium illud, quod quidem non remouebitur, nisi suo opposito. Et quia nomen non habet (non enim calidum, nec frigidum, nec humidum, nec siccum) ideo nec calida, nec frigida, nec humida, nec sicca opponemus. Vnde istud lignum semper curabit, si seruentur seruanda: nam non inueni manifestas qualitates, quæ plus noceant, quam iuuent, est qualitas innominata. In ligno enim primo est illa occulta qualitas, quæ dicitur bezoartica, quæ habet uim antidoti, & directe opponitur contagio. Habet secundo caliditatem, & siccitatem: si enim inuenerit hepar calidum, plus calefaciet qualitas manifesta, quam occulta iuuat: & tunc debemus contemperare qualitatem illam, sicut feci ego in domino Ioachino, cui cum exhiberem decoctum ligni in aqua putei, in tantam calefactionem hepatis deuenit, ut totus esset erysipelatus, & febres accesserunt pessimæ. Accessi ad aquam endiuie, & tunc tanta felicitate omnia successerunt, ut ex ea nunquam amplius egrotarit



tarit, cum tamen natura esset niger, macer, pallidus. Et hoc proueniebat à mala temperatura ligni, quæ remota fuit. Ideo plus illi nocebat caliditas, & siccitas ligni, quàm occulta bezoartica iuuabat. Illis igitur duabus rebus consulerem, & respiciens temperaturam hepatis refrigerarem hepar, & refrigerarem caliditatem, & siccitatem ligni, qua non indigemus, & occultam bezoarticam habueremus, qua indigemus. Et hæc faciet cum debito regimine uictus: & si fuerit frigus, permanebit in suis uaporarijs commodè calefactis, ut sudare possit liberè. Quomodo autem propinetur, nunc nil dicam: sed si scribam, dicam. Circa ulcera illa, credo quòd ab exhibitione ligni omnia cessabunt, & nisi infestatio morbi Gallici tollatur, non curabitur. Et si tolleretur unum ulcus, decem prorumpent, & iste morbus erit ueluti hydra. Vidi tamen ego empiricos quosdam unum habere medicamen in abscessibus simile admodum cerino antidoto, quod habet optimam terebinthinam, oleum rosaceum, & ceram, quæ omnia componunt, & applicant. Abscessus curant, sed redeunt in alia parte, & nisi occurratis, citò marcescent omnia ossa corporis. Habet etiam ulcus in ore, quod mihi non placet, & ideo iam accessit hoc contagium ad caput. Et est ille secundus gradus, de quo uolebam dicere à principio: sed è memoria excidit. Si modò accederet ad cor, tunc efficeretur incurabilis, & transiret ad tabeum. Ex tribus membris, duo occupauit: si ad tertium descendet, non curabitur. Et hæc sufficiant.



## Consult. LXIII. Pro eodem.

SUPPOSITIS his uniuersalibus euentibus, qui ab intemperie tum naturali, tum aduentitia in huius Magnifici uiri originem ducunt, necnon causis singulorum hoc tempore prætermisissis, quæ omnia alioquin in colloquio nostro exactissime fuerunt considerata, hoc unum proponam, morbo Gallico uexari hominem, & quæcunque symptomata, abscessus, ulcera, dolores ipsum infestant, uel omnino, uel maxima ex parte ab hoc eodem morbo pendere, quo sublato, sicuti arbitramur, reliqua quoque omnia facile aboleſcent. Ergo incedendum maxime, ut morbum propulsemus: propulsabitur autem malum habitum ab alijs indutum remouendo, deinde bonum, & naturalem introducendo. Nunc enim & liuens, & tumidus secundum totam corporis molem apparet, quod ab alia ratione euenire non putamus, nisi à delibutoria qualitate tum argenti uiui, tum adulterati, & falsi cinnabaris, quo utroque uarijs modis abusus est. Primum igitur nisi regio calida, aut constitutio, aut tempus hac proxima æstate obstiterit, purgandum hoc corpus putamus, ut quicquid est excrementi tum ob intemperiem deprauatam, tum ob malam rationem uictus collectum est, totum exquisitè educatur. Postea membra cor roboranda, & ad meliorem habitum ducenda: subinde ad morbi gallici curam rectè accedendum. Purgatio proxima hoc modo perficietur. Floris cassiæ quàm pinguiſsimæ drach. decem ad boli formam redactas, & saccharo insperſas non ita multò ante prandium deuorabit. Postridie positum huiusmodi accipiet. Syrupi de succo betonicæ, de cicorea



chorea Nicoli completi cum rhabarbaro, singulorum unciam. Decocti betonicæ, endiuæ, & maioranæ ex iure tenui pulli exigui unc. quatuor. Sumet in aurora tepidum, idemq; repetet VII. aut IX. continuis diebus. Tunc proxima die pharmacum tale cum custodia deglutiet in aurora.

℞. Confectionis hamech 3 iij.  
Trochiscorum Alhandal gr. x.  
Syrupi rosati solutiui 3 ij.

Cū aqua betonicæ fiat potus brevis. Deinde proximis septem diebus sumet, perpetuò ante prandium & cœnam zucchini rosati unciam. Tunc per plures dies non abscedet ab usu eiusdem zucchini rosati, uel saltem ante prandium, & bis in septimana sumat theriacæ optimæ, uel Mithridati drachmam in aurora. Vnum erat dicendum, quod est omissum. Eo tempore, quo syropos assumit, tertio scilicet, aut quarto die uenam secet basilicā dextri lateris, nec ultra sex uncias sanguinis hauriet. Atq; ut melius sibi caueat, neq; interim incidat in deterius, cōsulimus, ut semel saltem in septimana sumat rhabarbari optimi scrup. quatuor, macis grana sex, zucchini rosati semunciam. quæ omnia simul confecta, & ad boli formam redacta, tribus horis ante prandium deuorabit. Poterit etiam talem potum crebrò in aurora tepidum assumere.

℞. Epithymi optimi  
Folliculorum senæ ana 3 ij.  
Seminum citri  
Liquiritiæ ana 3 i.

Contundantur semina, & omnia simul decoquantur in duabus heminis feri lactis, ut dimidium absumatur. In  
X 4 uictus



uictus ratione cauebit maximè ab aëris excessu tam calido  
quàm frigido flatuoso, nec minus austrum, quàm boream  
euitabit. Animi molesta accidentia tanquam pestem effu-  
giet. Singulis diebus curabit aluum subducere. A ueneris  
usu penitus abstinebit, saltem toto curationis tempore.  
Carnes hœdinas, castratorum iuuenum, uitulinas, pullorū,  
perdicum comedet, montanas aues tam elixas, quàm as-  
sas. Reliquis omnibus carnibus parcat, necnon cuius-  
cunque gneris piscibus. Olera uituperamus tam cruda,  
quàm cocta. Utetur ouis recentioribus, & sorbilibus.  
Vsum lactis, & quodcunq; ex lacte confectum euitabit.  
Vinum parcissimè bibit non acidum, non austerum, non  
dulce: sed maturum, tenue, limpidissimum: ac compota-  
tiones præ reliquis omnibus fugiet. His ita procuratis, ap-  
petente autumno circa Septembris initium ita rursus in-  
choabit. Primò sumet quæcunque in pristina purgatione  
enumerauimus, cassiam inquam, & syrupos, & pharma-  
cum, nec minus uenam eandem secabit. Laudamusq; ut ni-  
si unica purgatione exquisitè purgatus fuerit, bis eodem  
autumni tempore repetat. Deinde peractis purgationibus  
sex perpetuis diebus talem potum in aurora tepidum su-  
mat, seq; interim intra domum contineat. Postremò ubi  
hæc omnia rectè peracta fuerint, ad ligni Indici decoctum  
hac ratione progredietur, sumendo ligni Indici optimi ni-  
gri, & pinguis derafi libram unam: aquæ endiuie per de-  
stillationem factæ optimæ, & recentis libras **XIIII**.  
Ponenturq; simul in olla fictili uitreata bene operta, ut in-  
tegro die simul cum sua nocte madescant: tunc decoquatur  
donec tertia pars absumatur, deinde excolabitur, & ser-  
uabitur decoctum in uase uitreo mundissimo stricti orificij  
&



et exquisitissime operto. Huius decocti uncias VI. bibet  
horis quinque ante prandium atque interim se continebit in  
cubiculo tepido, et si frigus fuerit, in uaporario, à quo fri-  
gido aëre existente nunquam etiam est recedendum, donec  
totum potionis tempus transierit. Septima uero hora post  
prandium totidem rursus uncias eiusdem decocti eodem mo-  
do potabit, et post quatuor horas coenabit: et idem sin-  
gulis diebus repetetur usque ad 40. uel ad summum 50.  
Cibus erit primo pulli parui unciae tres, uel quatuor ad  
summum, ac totidem panis optime fermentati, et saliti si-  
ne fermento. post prandium et coenam uncias tres passu-  
larum comolitarum electarum edet. Eadem enim prorsus  
ratio esse debet et cibi et potus tam in prandio, quam  
in coena. Potio autem secunda talis erit. Sumetur illud idem  
lignum, quod prius decoctum fuerat in aqua endiuiae, ac  
rursus decoquetur in libris xx. aquae fontis optimae ad con-  
sumptionem quartae partis. Et facta exquisita expressio-  
ne pro potione seruabit. Singulis tamen quibusque octo die-  
bus semper sumet una hora ante prandium floris cassiae  
drach. decem. At si interim non egeret, clysteribus ute-  
tur ex decocto eiusdem ligni cum uncijs tribus mellis rosa-  
cei. At super omnia toto hoc tempore cauebit ab aëre fri-  
gido, et uento, ac rursus semel in septimana, qua die ma-  
gis illi collibitum fuerit, sumet ante potionem suam ordina-  
riam immediate drachmam optimae theriacae, uel Mithri-  
dati, à quorum usu consulo nunquam illum penitus abstinere  
debere. Haec sunt quae scribenda occurrunt, ita ut nec  
praetermiserimus quaecumque in colloquio nostro memorati-  
digna uisa fuerint: nec dissimulauerimus, aut silentio transi-  
uerimus quaecumque inter scribendum utilia fore iudicauerimus.

Consult.



Consult. LXIII. De morbo Gallico cum febre & cōtinuis vigilijs, pro nobili iuvene.

Cv'm audirem processum & morbum doloris huius nobilissimi iuuenis, mihi uidetur ita morbum Gallicum depingi, & effigiari, ac si uisu perciperetur. Dolor primò acutissimus capitis corripit hunc iuuenem, necnon tubercula apparuerunt in capite, quæ cum essent sine colore, tactu tamen cum premerentur, dolebat, signum euident quòd ibi esset materia pituitosa adusta, modo quo potest aduri pituita. Præterea uersatus fuit cum muliere infecta, ut hoc possit esse non leuis coniectura. Præterea nemini dubium est, quòd impressio extrinseci agentis in corpore præparato magis imprimatur: & cum corpus hoc calidum sit, & siccum, & pluribus abundet adustionibus, magis præparatum est, quia corpora calida, & sicca adusta magis contabescunt. Præterea pluribus humoribus malis abundat, & bili, & pituita. Ideo non fuit mirum si dolor ualidissimus adfuit, & tubercula emanauerint. Curatus fuit omni ingenio, ut si dolor capitis à prauorum humorum multitudine prouenisset, remota causa, affectus, & dolor remoti essent. Remota enim fuit multitudo malorum humorum causans dolorem (si illa fuisset causa) non solum per euacuationes uniuersales, quæ à toto euacuant, & per reuulsionem, ut omnino deberet excuti; sed etiam ad localia uentum est, ad deriuationem per uesticatoria prope scapulas, & tamen nihil profuit. Ita quòd his exquisitè factis, licet cessauerit tantillum dolor, quatenus à capite essent educti humores, redijt tamen. Causa autem est si consideramus naturam



naturam morbi Gallici, quia occupat duo principalia mēbra, hepar scilicet, & cerebrum sua mala qualitate, quam certe nomino innominatam, quæ forma imbuitur in hepate, & malos adustos humores generat. Nec possumus dicere quod calida sit, quia generat pituitam, & alios diuersos humores: & licet ad adustionem tendant, uarij tamen generantur: & propterea iuuatur aliquando à calidis. Ita quod non est qualitas ex primis qualitatibus, sed forma quædam mala imprimitur in hepate, ut generet malum sanguinem: & sicut uaria est natura recipientis, ita uaria forma recipitur, quæ in aliquibus depilat, in alijs ulcera, in nonnullis dolores facit, in aliquibus brachia, in alijs caput, in alijs crura occupat, prout unum membrum imbecillius est altero. Cùm ergo in hepate sit illa mala forma, licet educatur materia mala, redijt tamen, quia adest infectio adhuc, & mala forma in hepate, quæ semper malos humores generat, & licet optimis cibus uescatur, generat malos humores ex illa mala forma impressa. Ideo pallescunt semper, nec unquam leti sunt, & affliguntur uarijs symptomatibus ex malis humoribus. Præterea caput etiam læditur, & ita inuadit ipsum, ut totum uenenū appareat in capite, & non nisi dolor. Credo igitur esse Gallicum tum ex signis illis, tum ex modo inuasionis doloris capitis: & quoniam ea quæ solent curare hemicraniam, nihil profecerunt, tum etiam quia se commiscuit cū muliere infecta, relinquitur quod in hoc nobilissimo iuvene sit morbus Gallicus. Et quoniam multiplicantur humores mali, & spiritus accenduntur, & dolor maximus affligit, facta fuit febris accedens, quæ remouebitur remoto dolore. Tamen cùm iste nobilissimus uir febri continua laboret sine  
typo,



typo, & carnes ardentes habeat, & duritiem aliquam in pulsu, dubitandum est, ne febris sit in habitu. De putrida non audio, saltem quod habeat typum insignem, nec percipit rigorem, nec magis affligitur in uno die, quam in alio, uel in uno tempore magis, quam in alio. Est etiam mirum, quomodo post euacuationes factas non cessauerit, si esset febris putrida. Et hæc quoad ea quæ patitur præter naturam. Habet præterea uigilias illas, quæ mihi uidentur, quod sint accidens, & habent rationem causæ, ad quam debet intentio dirigi, quia symptomata cum habent rationem causæ, ut uigiliæ, quæ prosternunt uirtutem, & augent dolorem propter magnam siccitatem, quam causant: ideo remouendæ sunt uigiliæ. Prætermittam dicere de prognostico, habet multa discrimina, si perseuerabunt dolor & uigilia, & febris quæ ex hectica est, uel in humoribus, non haberemus uirtutem ita ualidam. Quid agendum est? Purgatus est, & nunc exhibetur decoctum ligni, à quo sanatur morbus Gallicus, nec aliud genus remedij dandum est. Cum ergo iuuenis iste patiatur morbum Gallicum, quoad ipsum attinet, tali decocto curandus est. Diceret aliquis hinc est arefactio, febris, & uigiliæ: ijs tribus insistendum est, si ad febrem respiciamus, quia calidum, & siccum est decoctum, febris calida & sicca augebitur. Præterea si sit hæc febris habitualis, frigidis alimentis indigemus. præterea uigiliæ adsunt, siccitas autem est causa immediata uigiliarum, quæ si caliditati iungatur non uigilias, sed priuationem somni inducit, quod est symptoma sequens maiorem ægritudinem. Est ergo decoctum omnino aduersum dolori, & superfluis uigilijs? Verum est, quod si exhiberetis decoctum simplex, et non prouidissetis



tis decoqui ipsum in alia aqua, quàm nostra sit communis, quæ recipit impressiones omnes, nec habet propriam temperaturam: ideo si sulphur ponatur in ipsa, sit calida & sicca: si ferrum, sit frigida & sicca, non rectè egisset. Sed quia prouisum est, ut decoctum ipsum fiat in aquis, quæ agunt proprijs temperamentis, & habent rationem refrigerandi, secus est. Refrigerant enim & humectant omnes, quia aquea pars illa est quæ distillatur: terrea residet, subtilis calida exhalat. Ideo optimè factum est accipiendo aquas alteratas. Igitur si ponatur in aqua endiuie, quæ refrigerat, et humectat, optimum erit: se habet enim aqua ad endiuia, sicut se habet hordeum ad ptisanam: hæc enim frigida & humida est, hordeum frigidum & siccum: ita etiam endiuia frigida est & sicca, aqua frigida et humida. idem etiam facere potest aqua fumi terræ. Si igitur exhibeatur hoc decoctum coniunctis aquis loco syrupi, conueniens erit: imò poterit fieri frigidius ponendo parum ligni. Ideo talis syrupus conueniens erit, quia in ligno præter primas qualitates amaritudo abstergit, & mundificat. Credo ergo quòd syrupus conueniens erit ad tollendum causam ægritudinis, scilicet infectionem illam. Et si fortasse uideretur, quòd febris augetur in eo casu, tutius esset intercipere decoctum, & alterare corpus. Quoad symptomata, præcipuè ad uigilias, non desisterè, licet syrupum exhiberem, quin in singulis diebus mane, & uesperis poneremus emulsionem papaueris in ferculis, & drachmæ duæ uel tres seminum acciperentur & contunderentur, & acciperetur lac, fieret enim impressio: & facerè id pluribus uicibus potius quàm accederè ad opiata semel, & somnum inducet. Et si dolor capitis perseveraret



ret præter rubificationem, tale quid tentaremus ut sanguisugas uenis applicarē post aures, maxime post tot euacuationes factas. Tum maxime quia uidimus cum deriuatione aliqua cessare, ideo esset optimum tantisper dolorem sedari, quousq; tollamus ueram causam. Præterea circa rationem uictus, credo quod optime prouideremus, si decoctum non exhibebimus cum illa diæta tenui, si fierent lotiones crurium cum decocto camomillæ, anethi, & papaueris, quæ haberent prouocare somnum & deriuare, esset optimum. Ista sunt, quæ mihi occurrunt dicenda, etiam si fieret linimentum hepatis, quod refrigeraret ratione febris, admodum conueniret, & ipsa nõ ita inualesceret: & hoc esset optimum, & hac uia ego procederem.

Consult. LXV. De morbo Gallico, doloribus in extremis partibus digitorum, vlceribus narium ac gutturis, ex destillatione acris, pro generoso Polono.

GENEOSVS dominus ex inordinata uiuendi ratione, & in primis nimio & inordinato usu ueneris ac cõpotationis, aliarumq; rerum sex non naturalium abusu, perpeßus est morbum Gallicum, quo in hodiernum diem usq; affligitur. Olim unctus Mercurio incidit in seuiora accidentia: nam capitis dolore sæuo cruciabatur, & inflammatione faucium & narium, cum leui unius naris cõfractione. Bibit autem lignum Indum, & postea liberatus quodammodo ab his affectionibus, statim in eadem accidentia incidit. Nunc est factus debilior ex doloribus assidujs, ac iam non amplius sustinet pati tot tantosq; malos affectus



ctus ex Mercurij inunctione consecutos, proinde à nobis petit consilium. Nos itaq; præscribemus illi curam, qua si diligenter usus fuerit, dum ætas & uires iuueniles integræ consentiunt, facile pristinam sanitatem acquireret.

Primò igitur sumat lenitium uentris.

Rx. Floris cassiæ 3 x.

Cum saccharo fiat bolus, quem sumat hora ante prandium, præmisso clysteri communi cum decocto betæ, maluæ, mercurialis, & modico salis communis, addito etiam uitello oui recentis, & quod maximè necessarium est, additis uncijis tribus mellis rosati colati. Secundo digesti-uum sit tale.

Rx. Syrupi de fumo terræ

De succo buglossæ ana ʒ i.

Aquarum fumi terræ

Buglossæ ana ʒ ij.

Misce pro uno, & sic pro alijs. Et melius est si loco aquarum destillatarum accipiat decoctum eiusdem cum liquiritia. Solutium deinde accipiat.

Rx. Confectionis hamech 3 iij.

Syrupi rosati solutiui ʒ iij.

Misce, & cum eodem decocto fiat potio, danda in aurora. Die sequenti sumat zuccharum rosatum, eius autem accipiat uncias quatuor, & sumat mane & sero unciam primis duobus diebus per horam ante cibum. Deinde sumat infra scriptos syropos per septem dies continuos: sed si ultra modum euacuarent, sumat alternis diebus.

Rx. Myrobalanorum Indorum

Citrinorum

Chebulatorum

Emblia



Emblicorum

Belliricorum ana 3 iij.

Contundantur grosso modo, & fricentur manibus cum oleo amygdalarum dulcium. Postea infundantur per diem & noctem in lib. x. aquæ sumiterræ, & decoquantur ad consumptionem tertiæ partis. Deinde

Adde radicem Ellebori nigri 3 iij.

Liquiritiæ

Polypodij ana 3 ij.

Semen citri 3 i. s.

Et bulliant donec remaneant lib. v. Postea

Adde folliculorum senæ

Epithymi Cretenfis ana 3 i. s.

Et bulliant donec remaneant lib. iij. ac coletur, & exprimatur decoctum atq; seruetur.

℞. Huius decocti 3 vi.

Syrupi ex infusione rosarum 3 i. s.

Et detur mane alternis diebus. Exhibitis his syrupis requiescat per duos dies, sumendo zuccharum rosatum, hora & quantitate ut dictum est. Laudo tamen post assumptionem cassiæ & primum syrupum, statim missionem sanguinis ex uena hepatis media dextri lateris ad uncias sex. Deinde ad purgantes potiones suprascriptas deueniendum. His peractis incipiat aquam ligni bibere iuxta modum infrascriptum. Primò accipiat lib. una ligni Indi, ex trunco non ualde antiquo, sed uiridi quantum haberi potest de robusto, grauiq; ligno, quod ex magna parte sit nigrum, & de circumferentia parū album. Dissecetur in minutas partes, ac superinfundantur lib. xiiij. aquæ de endiuia, & ponantur in olla noua satis capaci cum tegumen-



tegumento, ac infundantur per horas uigintiquatuor. Postea admoueantur igni, & bulliant tandiu, quousque ex quatuordecim libris remaneant octo circiter. Spuma autem diligenter auferenda est, & ad partem seruanda. Postea fiat diligens expressio, & coletur ac reseruetur decoctio illa in uase uitreo optimè tecto ac diuidatur in octo syruos. Quorum unum mane hora nona sumat, postea prandeat inter duodecimam, & decimamtertiam. Deinde hora uigesima hauriat alterum, ac cœnet postea inter uigesimamtertiam & uigesimamquartam. Sumpta hac decoctio ne ligni, si aliqua sudorum apparuerint signa, tegatur calidus in lecto adiuuando sudorem. Si autem non adfuerit sudor, non prouocandus est, sed omnia permittantur naturæ. Sed quoniam illi syruus suprà dicti ex decoctione ligni per octo duntaxat dies durabunt, oportebit antequàm priores ebiberit, alios parare, ut infusio etiam fieri possit per 24. horas, ne detur dies uacuuus potioni sumendæ. Sumat autem per 40. dies hos syruos. Laudo quoq; ut quinquagesimum diem attingat, ita tamen ut exactis 40. diebus, unum saltem sumat mane syrupum per reliquos decem dies sequentes. In hoc autem tempore fugiat uentos, & omnes alterationes animi. Corpus quidem poterit exerceri ad arbitrium suum, prout uires ei melius suppeditauerint. Ordo autem in sumendis his, & regimen eius tale erit. Primis decem diebus carnibus pullinis uescatur ad uncias duas pro una uice: pane autem albo & optimo ad uncias tres: uino quidem utatur albo & temperatè, subest antiæ tenuioris, claro, lucido, maturo, optimiq; saporis. Et hoc quidem sit illi in prandio & cœna. Ceruisiâ etiam optimam loco uini poterit bibere. Transactis illis

Y      decem



decem diebus, uiuendi rationem permutabit, in hunc modum. A uino abstinebit, & à carnibus pullinis, sed suus cibus erit uncie quatuor aut tres panis albi puri optimè cocti & fermentati. Sumat etiā uuas passas nigras ad uncias duas, sint autem uuae hæ dulcissimæ, & bene mandatæ.

Et hic sit prandij & cœnæ modus pro alimēto. Potus autem sit secundæ aquæ decoctio eiusdem ligni in hunc modum facta. Sumat idem lignum, quod in prima decoctione sumpsit, & in lib. xx. aquæ purissimæ putealis infundatur. Deinde coquatur usq; ad remanentiam quindecim librarum. Hac aqua utatur in potu in prandio & cœna, quæ si defecerit, poterit renouari cum dimidia libra eiusdem ligni. Et hæc sit cibi ratio per 30. intermedios dies. Vltimi uerò decem dies sint similes in uictu & potu illis diebus decem primis. In toto autem tempore, quo de ligno bibit, intra quoslibet octo dies assumat drach. x. floris cassiæ una hora ante prandium. Poterit autem eo die quo sumit cassiam, syrupum ex ligno intermittere. Cum uerò potum syruporum ex ligno præscripta ratione sumpserit, tunc per multos dies & menses, optima uiuendi ratione utatur. Vescatur carnibus iuuenum animalium, & optimis cibarijs, ouis recentibus, auiculis, pullis, piscibus saxatilibus, uino albo mediocri & boni saporis. Corpus autem ualde exerceat. Ab alijs piscibus & carnibus salis, anseribus, oleribus abstineat, sed à coitu maximè: omnes animi molestias fugiat. Si uerò aliquam grauitatem sui corporis senserit, his pilulis utatur ter in mense una hora ante cœnam.

Rx. Aloës optimæ

Agarici electi

Rhabar=



<u>Rhabarbari optimi</u>	ana	3 ij.
<u>Salis gemmæ</u>	gr. iij.	* 3.
<u>Spicæ</u>	3 s.	
<u>Masticis</u>	3 i.	

Puluerizētur omnia per se, deinde commisceantur, po-  
stea aspergantur succo rosarum puro, & tandem permit-  
tantur exiccari, & postea cum melle rosato fiat magda-  
leon, siue massa, de qua suo tempore accipiat ℞ ij. &  
formentur pilulæ tres dandæ, ut suprâ. Spumam autē,  
 quam superius dixi debere reseruari in eo toto tempore  
 quo aquam bibit, admouebit locis, in quibus fiunt tumores  
 & dolores. Vbi uerò biberit hoc decoctum ea lege quam  
 descripsimus, neq; interim à doloribus perfectè liberetur,  
 perseuerabit in eadem uictus ratione, quam suprâ scripsi-  
 mus. Pilularum suprâ scriptarum ℞ ij. uel iij. ter,  
 uel quater etiam in mense sumet hora ante cœnam. Et ex-  
 pectet opportunum tempus rursus sumendi decoctum ijs  
 modis, ut suprâ declarauī. Erit autem opportunitas talis,  
 ut si biberit uere decoctum, alia opportunitas erit in me-  
 dio autumnī: si in autumnō biberit, erit opportunitas spe-  
 ctanda ad finem ueris. Et si hæc omnia diligenter perege-  
 rit, & si prima & altera uice non successerit, non despō-  
 deat animum ut pleriq; faciunt, sed constāter in ea re per-  
 sistat iuxta Hipp. sententiam. Omnia secundum rationem  
 facienti, si non successerit secundum rationē, non est tran-  
 seundum ad alia. Persistat ergo in hac cura, neq; uoces im-  
 postorum audiat, quod uel suffumigijs uel linimentis pri-  
 mō sanitatem pollicentur, sed tandem in ultimam perni-  
 ciem adducunt. Ad dolorem qui est quasi initium con-  
 tractionis in extremis partibus digitorum manus, hoc in-  
 fra scri-



frascripto decocto sepe lauet mahus.

Rx. Maioranæ

Pulegij

Calamenti

Foliorum senæ ana man. i.

Decoquantur in aqua simplici. Ad ulcera narium  
& gutturis facta ex defluxu salso & acuto.

Rx. Tutie præparatæ ʒ ij.

Olei rosati

Succi solatri ana ʒ ij.

Ponantur simul in mortario plumbeo, et ducantur donec habeant bonam consistentiam, postea cum modico ceræ liquefactæ fiat unguentum molle, & reseruetur usui.  
Ad eadem ulcera lauanda.

Rx. Aquæ plantaginis

Solatri

Endiuie ana ʒ vi.

Syrupi rosati ex infus. ros. ʒ ij.

Violati ʒ i. Misce.

Pro resolutione, & ulcere naris.

Rx. Bdellij

Ammoniacy ana ʒ iij.

Croci ʒ i.

Saluie

Betonicæ

Hyperici ana man. ij.

Pinearum

Amygdalarum dulcium ana lib. s.

Contundantur omnia per se, deinde misceantur, sed prius addatur aceti squillitici lib. i. s. Et omnia ponantur



nantur simul in olla noua uitreata, obtureturq; ne transpi-  
ret. Deinde ponantur in fimo equino, & bene sepelian-  
tur ad putrefaciendum per 40. dies: deinde ponantur in  
botia uitrea lutata luto sapientie, & destillentur secundū  
artem phisici practici, & seruetur liquor ad usum. Hæc  
ergo omnia sua dominatio interim diligenter exequetur,  
& de successu horum, nos uel ipsa literis monebit, uel sal-  
tem Valentinus Lublinus discipulus noster, cum rem hanc  
cognouerit, certiores reddet.

Consult. LXVI. All' Illustriss. & Eccellentiss.

Signor il Sig. Galeotto Pico, dignissimo  
Conte della Mirandola.

IL CORPO di uostra Illustrissima Signoria non hà  
eguali dispositioni così secondo le parti, come secondo i tē-  
pi. Secondo le parti, si come al presente si ritroua, ch'ha-  
uendo in tuto il resto le sue operationi integre, & sane,  
nelle parti da basso, cerca l'orificio dell'intestino retto, è  
molestato da malattia molto composta, si come poi si dirà.  
Secondo i tempi, perche sin qui hà hauto in diuersi tempi  
diuerse infirmità, & è stato soggetto molto mutabile, &  
alterabile. Però uolendo hauer cura della salute uostra,  
mi pare necessario à distinguere secondo le uarie disposi-  
tioni, nelle quali ò si troua, ò si puo trouare, secondo ch'è  
stato per inanti consueto procedere con uarij consegli. Cō-  
minciaremo adunque dalla presente, la quale secondo cō-  
fessa V. Illustrissima Signoria è la migliore, ò la manco ma-  
le, che gia gran tempo habbi sentito. Et perche qui (co-  
me habbiamo detto) tutte le altre operationi sanè, eccetto

Y 3 d'una



d'una sol parte, però lassando quella inferma, cominciammo, come s'habbino da conseruare le sane. La sanità delle quali, per mio giudicio, non si può conseruare senza la preservatione de membri, che sono in questo corpo molto inequali & atti à buttinarsi. Fermandomi adunque nella natura di ciaschaduno, dico che'l cuore, & il fegato sono assai ben caldi naturalmete, come appare dalle sue operationi, & effetti, ch'hora per breuità passo, parendomi cosa chiara. Al fegato poi ui è aggiunto una qualità accidentale fatta dal morbo Gallico, ch'aggiunge proprietà di abbrusciare gli humori & il sangue, & fargli sempre piu adusti. Et questa qualità fa diuersi effetti, secondo la diuersità di soggetti: percioche quando s'aggiunge al fegato naturalmente caldo, è molto peggiore, & da farsene assai piu conto. Essendo adunque il fegato di V. S. in questo capitolo, dico primamente per natura caldo, poi aggiuntoui la proprietà Gallica, è necessario che continuamente in questo corpo si generi sangue cattiuo, & adusto, & consequentemente, che gli spiriti generati del medesimo sangue tengano anchora la medema natura, massimamente facendosi nel cuore, doue è anchora eccessiua calidità. Prouasi esser cosi per molti segni, & prima quanto à gli spiriti caldi, & feruenti, lo dimostra il tanto spesso alterarsi, infiammarsi, cascar senza proposito in febre Ephemera, riscaldarsi il capo, & arossirsi oltra modo facendosi anchora rosso il bianco dell'occhio: lequali cose non sono per altro, se non per gli spiriti caldi, & ignei. Donde anchora uedemo di tutti questi effetti prestissima resolutione, si come suole auenire in tutti gli accidenti causati da moto di spiriti. Quanto alla generatione del sangue adusto,



sto, & feruente, ne dimostra segno manifesto, & le itte-  
ritie, & le febri, & le aridità del corpo passate: che tut-  
ti sono frutti della malitia del sangue caldo, & feruente.  
Et al presente anchora, quel sudare ogni notte, non ostante  
tante purgationi, & refrescamenti, non uien d'altro  
che dal sangue disproportionato al nutrimento, che la na-  
tura pur un poco piu ringagliardita assottiglia, separa,  
& caccia come nutrimento non conueniente: & questo  
nella notte, quando fa le sue operationi piu perfette per  
la retrattione del calor naturale. Et tanto sia detto del  
bittinamento si fa per l'inequalità del fegato, & del cuo-  
re. Aggiongesi poi il stomacho, il quale per non hauer  
il suo debito calore naturale, è molto atto à multiplicare  
l'humore flemmatico, si come ha multiplicato per il passa-  
to, & multiplica anchora per il presente quanto puo in  
questo gouerno tanto diligente. Aggiongesi à questo la  
complessione del capo, che à mio giudicio è calda & sec-  
ca. Et però oltra che non fa natural contraoperanza à  
gli altri membri piu caldi, multiplica anchora superfluità  
calde, & aduste, si come ne uedemo manifesto segno nel-  
l'occhio sinistro, nel quale è diminutione di uedere, & ab-  
scessi nelle palpebre, & è quasi sempre ophthalmico: &  
apparcono questi nocumenti piu presto in quel occhio che  
nell'altro, per esser indebolito dalla percossa che gia heb-  
be. Bisogna adunque, chi uuol conseruar le operationi sa-  
ne in questo corpo (come è detto di sopra) procurare, che  
questi membri s'accordino insieme, & faccino migliore  
harmonia che si puo. & questa opera appartiene alla pre-  
seruatione. Et perche sono alcune cose comuni cerca  
questo, alcune particolari, cominceremo dalle commu-



ni, poi diremo anchora delle particolari. Quanto adunque alle comuni, l'aere è il primo ch'occorre, il qual si deue eleggere piu temperato si puo, ne troppo sottile, ne molto grosso, o paludoso, ne molto freddo, o molto caldo: et per la medema ragione ha da fuggire i uenti, & le piogge. Ma per l'essercitio, & elettione di uita di V. Illustrissima Signoria non potendosi essequire questo cosi diligentemente, saperà almanco, ch'ha da guardarsi da questi eccessi. Però auuertito ne tempi di bisogni moderarà con la sua prudenza li defecti, con defendere la persona, & la testa con opportuni ripari, secondo la sorte dell'ingiuria dell'aere. Et questo ch'io dico dell'aere, sarà inteso di tutte l'altre cose appresso, le quali hauendo da esser ben moderate, & proportionate, non potendosi essequire in tutto, si limiteranno, quanto si puo. Doppo l'aere adunque sono gli accidenti dell'animo, come ira, pensieri dispiaceuoli: et à questi affetti si ha da occorrere con ogni prudenza di V. Signoria; perche lassandosi portare da loro, alteraranno molto, & piu di quello si puo credere questo corpo, talmente che qualche uolta ogn'altro rimedio saria uano, & di poco ualore, quando questi affetti eccedessero. però s'hanno da refrenare con ogni studio, & diligenza.

Seguitano gli essercitij del corpo, li quali fatti à suoi tempi, anchora che siano molto necessarij, pur in V. S. come soldato, & che trauagli, mutando paesi assai, sono piuttosto da restrenger, & da moderare, che da eccitargli. Imperoche in questo corpo cosi caldo & resolubile, forsi che'l troppo essercitio è molto piu nociuo che'l poco. Onde si come non uoglio, che stia senza essercitio, si ancho l'efforto non eccedi in quello, massimamente nel sole, o nel  
aere



aere molto caldo, ò doppo disnare, ò doppo il cibo: perche in questi tempi è atto à nocere notabilmente senza giouamento alcuno. Onde se accaderà in V. Signoria far uiaggi lo efforto caualcare la mattina à digiuno, & fare la sua giornata, doppo disnare, ò poco, ò niente, & un bon tempo doppo pasto. Et quando pur fusse constretto à far la giornata intiera, disenarà molto poco la mattina, anzi pochissimo, & sarà contento come sarebbe di duo oui, & d'un poco di suppa, & beuer' un tratto. Ne credo bisogna ricordarla che'l cauallo debba essere di buonissimo andare & di sella d'ottimo, & commodissimo sedere, perche credo che questo gli sia insegnato non solamente dal suo nobile, & alto stato, ma anchora dalla necessitá.

Cerca il dormire, piacemi che'l sonno suo della notte non sia di manco d'hore sette ogni uolta non sia impedito. Et quando fusse impedito, & mancasse notabilmente in questo tempo, la effortarei supplire col dormire à mezzo giorno: perche in somma il sonno moderato in questo corpo molto mi piace: ma in caso ch'hauesse dormito le sue sette hore la notte, è molto meglio si astegna il giorno.

Cerca il beneficio del corpo, non mancherà, ch'ogni giorno non uadi naturalmente, & quando la natura mancasse, bisognarebbe supplire con l'arte. Imperoche alla preservatione di questo corpo è molto necessaria la continua purgatione delle natural superfluità. Se per caso adunque mancasse, sarebbe da supplire gentilmente, però lassando la uiolenza di cristieri à bisogni piu grandi, cio è quando non si potesse con rimedi piu gentili, & piu sicuri. Laudo adunque mancando il beneficio del corpo, ch'usi la mattina, ò inanti pasto, ò insieme co'l cibo di mangiar da dieci  
in



in quindici prune secche, piu, ò meno, secondo la lor grã-  
dezza, le quali siano cotte suauemente in buon brodo di  
pollo con zuccaro, tanto che siano fatte tenere, & in bo-  
na parte consumato il brodo, & fatto in modo d'un certo  
sapore, & così mangiarà le prune insieme con quel suo  
brodo, & sarà rimedio assai efficace, & domestico in le-  
nir' il uentre, senza alcun nocumento. Vale al medesimo  
pigliare cerca oncie due di buona uua passa di Levante dol-  
cissima, & di quell'anno, la mattina inanzi pasto, & con-  
tinuare. Item brodo di pollo, nel quale sia cotto, malua,  
bieta con mercuriale, & questo è piu medicinale, ma mol-  
to à proposito, & proficuo, & cōmendato da gli antichi.  
Si eleggerà adunque V.S. nel tempo del bisogno quello che  
piu le piacerà, ò meglio riuscirà. Quanto al beuer, &  
mangiare, prima ha da far elettione d'un uino per il suo  
stomacho, che quando l'ha beuuto, non habbi un pugnale  
in mano, con l'essere ò garbo, ò recente, ò troppo piccan-  
te: ne anchora ha da essere molto grande, per non infiam-  
mar' il fegato. Però si farà elettione di uin maturo, di buon  
sapore, ne grande, ne piccolo. Il colore ha da essere bian-  
cho, ò rosso, ò chiaro, & sopra il tutto sottile, & tran-  
sparente, & per niente beuerà mosto, ma che almanco hab-  
bi quattro mesi d'età. Siguarderà come dal fuoco dalla  
commune usanza de Signori, & de Prencipi, cio è di be-  
uer il uino agghiacciato, & rinfrescato. Et questa è una  
usanza che castiga li Prencipi del suo troppo buon tem-  
po, & li fa terminare la sua uita in breue spatio. Gli è pe-  
rò d'hauere compassione, perche hauendo continuamente  
ne stomachi loro tanta putredine & ardore causato dalla  
diuersità, & moltitudine de cibi, sempre pieni d'ansietà  
& di



Et di sete, cercano estinguere quello che sempre augmen-  
tano, Et accrescono, non si accorgendo dell'errore loro.  
Ma V. Illustrissima S. in tutte le cose è saua, Et prudente,  
Et fuori di quel commune errore, alzandosi con la subli-  
mità, Et nobilità del suo intelletto in altri gradi che quelli  
uolgari Et comuni. Intenderà adunque bene, ch'io dico  
il uero, Et offeruandolo con suo gran contento uederà l'in-  
felice esito de gli altrui errori. Tale adunque ha da esser  
il uino suo, Et di tal qualità, che però anchora ha da esse-  
re beuuto moderatamente, Et solo à pasto. Cerca li ci-  
bi prima questa sia commune regola, che à conseruar la  
sanità, il cibo, ò la uiuanda deue essere semplice, Et una, et  
io per me giudico che sia molto peggio usare uarietà de ci-  
bi, quantunque tutti siano boni, Et laudabili, ch'un solo  
quantunque male. Il che dimostra essere uero il costume di  
molti populi, li quali uiuendo di solo pesce crudo, Et sec-  
cato al sole, ò altri simili cibi, per non uariar, Et tenersi  
sempre fermi à questo, uiueno due, Et tre età delle nostre  
molto sani Et gagliardi, se noi credemo alle historie. Et  
oltre la esperienza ui sono anchora le sue ragioni effica-  
cissime Et demonstratiue, le quali passo per hora, per non  
esser l'intento mio trattar di simili cose, ma consigliare V.  
S. cerca il modo del uiuere suo. Sarà adunque contenta  
d'una sola Et semplice uiuanda, la quale se poi sarà ancho-  
ra di buono, Et laudabile nutrimento, tãto piu mi piacerà.  
Ma replicando dico ch'hauendo da errare, sarà menor er-  
rore l'unica uiuanda cattina, che le molte bone. La parti-  
colar materia della elettione di cibi è tãto uulgata, ch'hor-  
mai mi uergogno recantare questa canzone tanto commu-  
ne. Pur non starò di dire, che le specie, le carni salate, car-  
ne



ne uecchia come di boue & castrato uecchio, carne d'uccelli palustri, come oche & anatre, pesci massimamente de paludi, cosi freschi come salati, latticini, massimamente formaggi, mangiare di pasta, torte & roffioli, legumi, fortumi, come cipolle, & aglio, salate crude & aceto, copia anchora de frutti, tutte queste cose per diuersi rispetti, ui sono molto contrarie. Et perche V. Illustriss. S. pratica molto nella Francia, oue (secondo intendo) è usanza di friggere nelle padelle gran parte delle sue uiuande, & ch' anchora mangiano piu tardo, che quatro altre nationi, però ammonisco quella, si uogli guardar, & appartarsi piu che puo da quel modo di uiuere, & ordinar' a i cuochi, che per canto suo faccino il suo piatto senza tante cerimonie, ò apparati da ongere molto ben la gola. Et V. S. intenderà questo che nissuna maggior cōtrarietà si puo trouare di quella si troua fra un bonissimo cuoco, & un perfettissimo medico: perche precise li suoi disegni sono opposti, quello del medico è di giouare, quello del cuoco è di dilettere: il medico ha per fine la sanità, il cuoco l'inganno, & l'adulatione. Però V. S. non solamente hauerà le sue uiuande semplici, & d'una sol natura, ma anchora preparate dal cuoco semplicemente, hauendo sempre l'occhio al uiuer' sano, & espedito, & non al compiacersi de cibi. Quanto al particolar de membri, che sono fra se contrarij, prima per il stomaco è buono, che V. Illustriss. S. metti spatio tra un pasto, & l'altro almanco noue hore, saluo se per qualche occorrente debilità non fusse necessario partire tutt' il cibo d'un giorno in tre parti: ma per l'ordinario, laudo questo spatio fra la cena, & il disnare, accio che il nuouo cibo nō troui il uecchio anchora indigesto nel stomaco,



stomaco, dellaqual cosa nessuna puo essere piu perniti-  
osa alla sanità. Laudo anchora che V. S. non uadi à letto dop-  
po cena, se non due hore doppo, & in quel tempo, ò starà  
dritto in piedi, ò passeggiarà leggiermente per casa, ragio-  
nando di cose piaceuoli con li suoi. Ne mi piace per hora  
il giuocare, ò l'intendere l'animo ad alcuna cosa difficile.  
Et in questo modo passarete la notte piaceuolmēte, & dor-  
mirete bene, ne si riempirà il stomacho, ò la testa di flem-  
ma. Per il fegato, & le reni consoglio V. S. non beui nel  
pasto suo così presto, come sogliono far alcuni, ma s'è pos-  
sibile quando comincia à beuere, sia almanco à mezzo pa-  
sto. Et per poter meglio far questo, & anco per tempe-  
rar' il caldo del fegato, & del sangue, mi piacereia, che  
sempre innanzi pasto la beuesse una buona tazza de bro-  
do di pollo con zuccaro: & questo medemo aiutaria an-  
chora à tenere il corpo lubrico. Con questo modo adonq;  
del uiuere si potrà tenere questi membri temperati, & in  
accordo insieme all'officio della sanità, ch'era da noi pro-  
posto nel principio. Ma perche oltra le cose dette ui è al  
presente una particolar' egritudine, da non farsene poco  
conto, che perseuera continuamente gia sono cerca anni  
quattro, cio è alcune ulcere & ragadie nel musculo circu-  
lare del sedere, però di questo anchora si ha da hauere par-  
ticulare consideratione. Et hauendo inteso essergli pre-  
cesso apostema, par cosa assai manifesta, che da quella pro-  
cedesse l'ulcera: è anchora cosa assai probabile, che quel-  
lo apostema hauesse materia adusta & colerica, toglien-  
done coniettura prima dalla malitia del sangue sodetta, &  
dalla dispositione del morbo Gallico, & appresso dalla lon-  
ghezza del male, dalla corrosione, & dalla difficoltà del-  
la



la cura, dalle materie, ch'hora si uedono uscire dalle ulcere, grosse, oscure, & aduste, & dallo sangue feculento, et negro: è anchora quel luoco molto atto à riceuere gl'humori melancholici, & adusti, come appare per le hemo-roidi famigliari, & proprie di quella parte. Mi pare adunq; da concludere così il precedente apostema, come queste ulcere, che seguitano hauere origine da sangue melancholico & adusto, che trasmette la natura in quel luoco atto à riceuere tal superfluità per la sua natural dispositione, per il sito, per lo continuo esprimere, che si fa nel purgar il corpo. Perche adunq; queste ulcere sono assai profonde, hauendo rispetto al luoco, sono corrosiue, & di mala natura, sono molto sordide, & oltra sono fatte sentina, come cloaca della peggior parte del sangue. Bisogna hauer' in tutte queste cose diligente consideratione, et prima auuertire, se saria espediente & utile curare queste ulcere, ò no. Che non è cosa facile da determinare. Imperoche da una parte pare brutta cosa & inutile, & incommodo la continua seruitù di simil male, stando sempre con timore di peggio, essendo l'humore maligno, & il luoco sensibile & passibile. Dall'altra parte è timoroso il saldarle, perche essendo già lungo tempo assuefatta la natura à espurgare tutte le sue peggior superfluità per quel luoco potrebbe auenire, che saldando, & ritenendosi quelle materie non si precipitassero in qualche luoco piu nobile, doue fussero poi indispositioni molto peggiori, & detestabili, si come spesso suole auenire. Direi adunque che saria molto bono curarle, rettificarle, & di tre che sono, saldarne due, & lassarne una, laqual quando uenisse à fistula, forse non sarebbe fuor di proposito. Questo par molto

to



to conforme & alla ragione, & alla sentenza d'Hippocrate che disse delle hemoroide, che uolēdole saldare, com'esso consigliaua, sempre sene lassasse una aperta, hauendo l'occhio quel huomo diuino à questo medemo ch'hora noi habbiamo, cio è, che ne per le molte hemoroide quel luoco si corrompesse, & per la moltitudine del sangue il corpo non uenisse meno. Ne però si saldassero tutte, perche la natura hauesse, donde potere fare la sua consueta purgatione. Et il medemo dicemo noi di queste ulcere, ch'Hippocrate dell'hemoroide. Quanto adunque appartiene alla curatione di quelle, stando in questo predetto supposito, dico ch'io attenderei alla continua mondification del luoco, & essiccatione, con cose però che non hauessero alcuna mordacità, ma fussero piaceuoli & benigne. Però quanto alle lauande, non passerei la decottione dell'orzo, della semola, della faua con guscia, della parietaria, dell'anagallide, perche tutte queste cose & simili hanno forza di mondificare & nettare senza alcuna mordicatione, o riscaldagione. Et quando nel luoco fusse, o apparisse dolore o tumore non molto rosso, o infiammato, gli aggiongerei la camomilla, la malua, l'althea, il meliloto, & simili. Ma quando gli parese inflammatione, o rossezza purpurea, si come qualche uolta gli ho uisto, non gli applicarei altro per quel tempo, che'l succo del solatro con l'olio rosato completo, fattone linimento co'l mortaro, & pistello di piombo. Ma quando per caso si rettificassero talmente queste ulcere, che si saldassero al tutto, & in quelle parti non fusse piu lesione alcuna, direi che per ogni modo si douessero fare due fontanelle alle gambe nel luoco consueto, à tale che quella materia cōsueta ad espurgarsi per le ulcere  
prece=



precedenti, trouaſe nuoua uia manco moleſta piu ſicura, & piu commoda, & che per niente non ſi laſaſero, à tale che occultamente V. S. non fuſſe occupata da qualche ſtrano accidente. Et tanto ſia detto delle preſenti diſpoſitioni, nelle quali V. S. ſi ritroua. Ma uolendoſi anchora preferuare piu efficacemente, & armarſi contra tutti quelli incommodi che poteſſero uenire, laudo che V. S. ſi purghi ordinariamente due uolte l'anno, la primauera, & l'autunno. Le purgationi potrebbono eſſer in queſto modo, quella della prima uera tale.

R. Mannæ electæ ʒ ij.

Cum brodio pulli fiat potus. Sumatur tribus horis ante prandium. Deinde

R. Syrupi acetofi. s. multæ acetofiſitatis

De betonica ana ʒ i.

Aquæ cichoreæ diſtillatæ ſine plumbo ʒ iiij.

Miſce pro uno ſyrupo, ſic pro alijs ſeptem. Deinde

R. Rheubarbari electi ʒ ij.

Spicæ gr. x.

Incidantur, & aſſergantur uino aromatico, deinde infundantur in aqua lactis per horas x. Poſtea facta diligenti expreſſione & colatura.

R. Confectionis hamech ʒ ij.

Mannæ ʒ i.

Miſce, & fiat potio, danda in aurora cum custodia.

Et queſta potrà eſſere la purgatione della primauera. Et quando in quel tempo apparirẽ dominio di ſangue, come ſarà facil coſa, laudo che ſia ſalaſciato dalla uena del ſegato del braccio dritto, cauandoſi circa oncie otto di ſangue, tolto li doi primi ſiropi. Nell'autunno, cio è  
cerca



cerca mezzo Settembre, ò al principio de Ottobre potrà purgarsi in questo modo.

R. Floris cassiæ 3 xij.

Cinnamomi 3 ij.

Misce, & fiat bolus cum zuccharo, dandus hora una ante prandium. Deinde

R. Syrupi de cichorea Nicoli sine rheub.

De fumo terræ simplicis ana 3 i.

Aquæ borraginis distillatæ sine plumbo 3 iiij.

Misce pro uno, & sic pro alijs usque ad septem.

Deinde

R. Rheubarbari electi 3 i.

Spicæ gr. v.

Incidantur, & infundantur in aqua lactis per horas x. Deinde facta diligenti expressione colaturæ addendo,

R. Syrupi rosati solutiui 3 iiij.

Electuarij rosati Mesue 3 ij.

Misce, & fiat potio, danda in aurora cum custodia.

Queste sono le purgationi di dui tempi, & sempre seguirà l'una, & l'altra, & l'uso del zuccharo rosato. Et laudo, che V. S. in niun tempo dell'anno lasci mai di pigliare questo zuccaro rosato sempre auanti pasto. Laudo anchora, che tra i tempi d'una purgatione all'altra per maggior sua preservatione, ogni uolta che si sentisse un poco grauato, ò riscaldato, pigli, ò un dattolo di cassia di dramma dieci in dodici, ò una dramma di reubarbaro con zuccaro rosato, ò due oncie di manna in brodo di pollo, ò come piu le piacerà, & meglio comporterà la natura di V. S. Ma quando io hauesse da far' elettione, & che la natura il comportasse bene, preponerei la cassia à tutt' il resto,

Z sto,



sto, come quella che euacua ogni sorte d'humori, purifica il sangue, & rettifica il corpo, & questo basta circa la integra preservatione. Ma perche è possibile che qualche uolta repulluli qualche infettione del morbo Gallico per alcuno trasordine, ch'è molto difficile non si conuerti nel lungo andare, massimamente trauagliando l'huomo, & mutando molti paesi, & facendo uiaggi, però è da procedere, quando il uenisse qualch'incomodo cerca questo, il quale tanto piu si ha da temere, quanto io tengo per cosa certa, questo mal Francese non eradicarsi mai dal corpo humano, quando una uolta è cominciato: ma ben poter si mitigare & estinguere, di modo che stia per lungo tempo sopposito. Quando adunque auuenisse simil'infettione, laudo che si ricorri à quell'unico, & salutare aiuto, che I D D I O ne ha concesso in remediarsi: & è il beuere la decottione del legno. Laquale perche la uedo mascherar in diuersi modi, dandosi hora il legno solo, hora l'un & l'altro, & alcune uolte facendosi bollire nel uino hora potentissimo, hora mediocre, & molti anchora aggiungono diuerse altre cose nella decottione spauentose qualche uolta ad udire; però io scriuerò qui di sotto il modo ch'io uso, & ch'io trouo per lunga esperienza essere non manco sicuro che utile, essendomi per innanzi stato insegnato dalla ragione, & dalli principij dell'arte. Et prima io trouo un fondamento molto necessario à chi uuol beuere questa decottione, cio è l'essere prima purgato & salasciato diligentissimamente, & l'esperienza mi dimostra, che tutti quelli che non sono esquisitissimamente purgati, non hanno poi molto frutto, anchora che poi beuino quel decotto con ogni diligenza, & dieta. Scriuerò adunque prima  
tutte



tutte le purgationi, ch'io soglio usare innanzi ch'io uen-  
ghi allo effetto di darli l'acqua, poi tutto il modo, & il  
tempo del beuere tanto chiaro, ch'ogn'uno potrà essequi-  
re senza errore alcuno questi mei documenti. Et la pur-  
gatione è tale.

℞. Mannæ electæ                    ℥ ij. s.  
Detur in brodio pulli hora ante prandium.

℞. Oxymellis simpl.

Syrupi de cichorea Nicoli                    ana ℥ i.

Aquæ betonicæ                    ℥ iiij.

Misce pro uno, & sic pro alijs septem.

Hauendo pigliato i due primi siropi ordinariamente ne  
gli altri faccio fare il salascio, cauandogli da oncie otto in  
dieci di sangue. Dico ordinariamente ne gli altri, perche  
se forse V.S. fusse poco innāzi salasciata, sappi quello hab-  
bi da fare. Finiti li siropi pigli la infra scritta medicina.

℞. Syrupi rosati solutiui                    ℥ iiij.

Confectionis hamech                    ℥ iiij.

Cum aqua betonicæ fiat potus.

Detur in aurora cum custodia. Tolta la medicina si  
piglia per dui giorni due uolte al di mezza oncia di zuc-  
charo rosato un' hora inanzi pasto, & in questo mezzo si  
apparechiano gli infra scritti siropi.

℞. Myrobalanorum citrinorum.

Cebulorum

Indorum

Emblicorum

Belliricorum                    ana ℥ ij.

Contundantur grosso modo, & fricentur manibus cū  
oleo amygdalarum dulcium: deinde infundantur in aqua fu-  
Z                    2                    micerra,



miterræ, et endiuie lib. viij. per horas xxiiij. Et hæ aquæ di-  
stillētur in alembico uitreo in balneo Mariæ, et omnino ca-  
ueat à distillatione per plūbū, aut aliquid metallicū. Deinde

℞. Polypodij

Folliculorum senæ

Epithymi ana ℥ iij.

Seminum citri

Liquiritiæ rasæ ana ℥ ij.

Corticum radicum hellebori nigri ℥ iij.

Decoquantur omnia simul lento igne ad consumptionē  
medietatis. Deinde facta diligenti expresseione, & cola-  
tura seruetur decoctum pro sex syrups, & dabuntur mo-  
do infrascripto.

℞. Syrupi de corticibus citri ℥ ij.

Decocti suprascripti ℥ iij. \* vi.

Detur calidum in mane. Questa quantità de siropi è  
ordinaria in la maggior parte, pur in alcuni è troppo, et nō  
bisogna passar le quattro oncie della detta decottione, et an-  
cho darla ogni altro giorno, & qualche uolta ogni terzo  
giorno. Però V.S. sarà auuertita, togliendone q̃lla quanti-  
tà potrà portare, et secōdo sarà la euacuatione. Ma in ogni  
modo s'hanno da pigliar sei siropi innanzi s'incominci  
à beuer l'acqua, & sono sicuri, & operano piaceuolmen-  
te, & si pigliano senza guardia: molti anchora escono  
fuora di casa à far le sue facende. Finiti i predetti siropi  
s'incomincia à beuere l'acqua del legno nel modo infrascrit-  
to. Pigliafi una lira di buon legno grosso, negro, & pon-  
deroso che sia rasciato, & metesi in infusione in xiiij. libre  
d'acqua delle dette acque distillate per hore xxiiij. in una  
pignata ampia, netta, & ben coperta. Poi si fa bollire len-  
tamente



tamente fin che cali la metà, leuãdo la spuma di sopra. Poi si fa colar' & esprimere leggiermente, & si serua questo decotto in un fiascho di uetro ben coperto, & si parte in otto siropi tutta questa quantità, pigliando l'uno la mattina, & uno la sera con questa regola, che sempre tutti dui li siropi non si pigliano, se non otto hore almanco da poi il pasto precedente, & tre hore innanzi il susseguente: & così s'ha da diuidere il tempo giustamente. Et finiti questi siropi s'hanno da preparar gli altri nel medesimo modo ch'è detto, offeruando che'l tēpo s'anticipi à farli talmente che non mächì, & ch'el pigliar dell'acqua sia continuo: & si persevera in questo modo medesimo almeno infina giorni quaranta. Et la dieta ha da esser la infra scritta. Ne li dieci primi giorni si piglia così à disnare, come à cena mezzo un pane da uno bezzo à usanza di Venetia, che sarebbe cerca uncie tre, & mezzo un pollastro giouane, grosso come saria poco piu d'una quaglia & mächì d'una pernice. Et beuerà uino piccolissimo, ouer benissimo inacquato, piu tosto bianco, che rosso, ma sopra il tutto, non sarà negro, ne grosso, & si contenterà d'un bichiere al pasto. Finiti i dieci giorni lassarà il uino, & la carne per giorni uinti, & mangerà il pane ordinato con due oncie di buona uua passa dolce, & ben lauata, et beuerà l'acqua del legno, pigliando quel medesimo legno, che sarà cotto per li siropi, & facendolo bollire in lire uinti di bonissima acqua commune, fin che scemi il quarto, & poi farà una bonissima espressione, & di questa acqua beuerà à pasto, & uolendo metterli un poco di zuccaro, si potrà fare. Finiti questi uenti giorni, ritornerà ne gli altri dieci ultimi à quella istessa dieta delli dieci primi con il uino, &



con il pollo, & così finirà di pigliar tutta l'acqua, offeruando ch'ogni dieci giorni ordinariamente pigli tre hore inanzi di snare la infra scritta manna.

Rx. Mannæ electæ                      ꝥ ij. s.

Detur in brodio pulli. Et oltre l'acqua bisogna che V. S. si governi con bonissimi cibi, & con uini piccolissimi, et con buon essercitio almāco per mesi sei, se uuol sentir' il uero frutto di questa acqua. Et perche in V. Illustris. S. per causa del contagio del morbo Gallico sogliono accadere due accidenti, che sono brutti da uedere, & incommodi al uiuere politico, però quando apparisseno segni ò dell'uno, ò dell'altro, è buono prouederui, & anticipare. Gli accidēti sono l'uno il cascar li peli, l'altro alcune macchie, & pustule in tutta la persona. Quanto al primo adunque proponerò alcuni remedij da me molto probati, delliquali il primo sarà.

Rx. Myrrhæ electæ

Aloës

Laudani                      ana    ꝥ ij.

Foliorum, & baccarum myrti

Capillorum Veneris,

Florum alchannæ, seu ligustri    ana    man. ij.

Contundantur omnia per se, deinde misceantur. Postea

Rx. Olei amygdalarum amararum

Sesamini

De alchanna                      ana    ꝥ ij.

Misceantur omnia simul, & permittantur fermentari in uase fictili stricti orificij optimè lutato cum luto sapientie, uel sub sole feruentissimo, uel sub fimo per dies quindecim. Postea distilletur hoc totum ab optimo distillatore, & se=



Et separetur aqua ab oleo Et seorsum utrunq; conseruetur: erit enim utrunq; ad usum utilissimum, illiniendo loca quæ indigent restauratione pilorum. Aliud.

R. Lacertorum uiridium num. v.

Aspum ℥ vi.

Propoleos, uel ceræ uirginis ℥ iiij.

Capillorum Veneris

Myrtillorum ana man. vi.

Abrotoni sylvestris ℥ viij.

Exiccantur animalia in uase fictili in furno, deinde puluerizentur, postea contundenda contundantur, liquefacienda liquefiat. Deinde

R. Adipis ursi lib. i. Pone omnia simul, Et fermententur in uase uitreo bene obturato, uel in fimo, uel in sole feruentissimo per dies tredecim. deinde distillantur, Et separetur aqua ab oleo, sicut dictum est, Et seruetur ad usum. Aliud.

R. Croci ℥ ij.

Aloës

Myrrhæ ana ℥ iiij.

Laudani ℥ iiij.

Olei amygdalarum amararum

Adipis ursi ana ℥ vi.

Capitum muscarum puluerizatorum ℥ viij.

Misceantur omnia simul, fermententur, Et distillantur ut suprâ. Ciascuno di questi remedij è molto opportuno in restaurare li peli, che cascano, Et appresso li faran forti, Et robusti, Et di bel colore. Molti altri remedij sono à far questo medesimo effetto, ma io ho eletto quelli, che sono appropriati al cascare di peli per causa di morbo

Z 4 Gallico,



Gallico, & chi intenderà bene, & le uertu de simplici ch'entrano in queste compositioni, & le cause perche nel morbo Gallico cascano li peli, cognoscerà facilmente esser uero quello ch'io dico. Quanto al secondo accidente, cio è le macchie, & asperità della pelle, scriuerò alcune aque distillate molto gentili & opportune à questo. La prima efficacissima è questa.

Rx. Ellebori albi

Nigri ana man. ij.

Lapatij maioris uiridis lib. ij.

Cucumerum syluestriū, quos asininos uocant ꝓ ij.

Carnis melonum recentiū cum suis seminibus li. iij.

Carnis, & succi limonum lib. iij.

Misce omnia simul, & permittantur fermentari per dies tres, postea distillantur per alembicum uitreum, & seruetur aqua. est enim ad quaslibet maculas cutis, & asperitates tollendas efficacissima. Aliud mitius.

Rx. Lupinorum recentium non ablutorum lib. i

Radicum liliorum alborum ꝓ vi.

Amygdal. amararum lib. ij.

Succi parietariæ lib. iij.

Ponantur omnia simul, & non permittantur putrescere, sed statim distillantur, & seruetur aqua, & oleum. Aliud.

Rx. Salis nitri ꝓ iij.

Olei amygdalarum amararum lib. ij.

Scillæ lib. s.

Carnis limonum lib. i.

Misce, & extrahatur oleum ad hunc usum efficacissimum:



mum: absterget enim egregie, & mundificabit cutim, ubi etiam fuerit principium lepræ.

Consult. LXVII. De tumore splenis post diuturnam febrem, pro Reuer. Boschetto Mediolanenfi.

REVERENDVS dominus Ludouicus Boschetus post longam febrem passus est, & patitur tumore durum in splene multæ duritiei, & magnitudinis. Pro cuius curatione, si ex toto fieri poterit, ordinandum est in primis regimen in cibo, & potu: subinde deueniendum est ad medicinalia. Quantum ad cibos attinet, euitandi sunt omnes humores crassos generantes, necnon & humores melancholicos facientes, qui habebuntur in consilio de melancholia postea, & in alijs omnibus ferè. Elixæ plus conueniunt, quàm assatæ, non tamen ex toto prohibetur usus assatæ carnis, præsertim paruarum auium. Pisces sint maritimi, uel de flumine currenti petroso, squammosi. Oua recentiora, ac tremula. Ex oleribus conceduntur beta, borrago, spinachia, lupuli, asparagi, artichiochi, endiuiæ, cichorea, & lactuca tempore calido, cappares cum aceto, & oleo conditi, & aliquantulum cocti conueniunt ante alios cibos, similiter sardellæ, uel anguillæ salitæ cum aceto, & oleo conditæ ante alios cibos cōceduntur, oliuæ mediocriter salitæ interdum conceduntur. Aromatum, item porri, allij usus, & ceparum prohibetur æstate maximè, hyeme uerò non nisi paucus conceditur. Aceto, & acetosis uti licet. Fercula sint ex rebus suprâ concessis: brodiū uel ciceris, caulium, uel raparum. Ex fructibus conceduntur



tur uuae, & ficus bene maturae, tam uirides, quam siccae, pistacia, amygdalae: tempore autem calido interdum concedo passulas, pruna bene matura, ac melopepones. In potu uitet aquam, uinum autem sit antiquum, album, quod modicè flauum dicunt, uel mediij coloris, mediocris potentiae, subtile, boni odoris, & saporis, non dulce, uelut nouum, crassum, & turbidum, nigrum. Euitanda sunt ciborum, uel potus repletio, & uarietas: saccharo, & melle cum alijs cibus raro utendum est. His obseruatis incunte uere extrabantur quinq; , uel sex unciae sanguinis ex basilica sinistri lateris, nisi forte sanguis haemorrhoidalis multum fluxerit. Subinde capiat infrascriptum syrupum, & medicinam.

℞. Radicum tamarisci

Scolopendriae, quae cetrach dicitur,

Chamaedryos ana manip. ij.

Corticum radicum capparum ℥ ij.

Contundantur, & decoquantur in libris octo aquae ad consumptionem medietatis, & huius decoctionis accipe libr. quatuor: mellis, aceti, ana libram unam, & fiat oxymel.

℞. Suprascripti oxymellis ℥ i. s.

Aquae cetrach ℥ iij.

Misce, & fiat syrupus. Deficiente aqua cetrach ponatur aqua decoctionis tamarisci, in qua saepe ferrum ignitum sit extinctum, & capiat singulo die unum usq; ad septimum. Deinde capiat medicinam infrascriptam

℞. Polypodij

Folliculorum senae

Stoechados

Passus



Passularum

Liquiritiæ

ana ʒ s.

Myrobalanorum Indorum

ʒ iij.

Decoquantur in libris tribus aquæ lactis, donec remaneant uncia nouem. Deinde addantur epithymi drachmæ sex: bulliant unica ebullitione, & facta colatura addantur floris cassiæ drachmæ sex, specierum hieræ simplicis scrupuli duo, & fiat potio, quam capiat summo mane, & tardet prandium horis sex. Facta purgatione, quæ reitetur, si opus esse uidebitur medico adstanti, sit frequens usus electuarij infrascripti in quantitate drachmæ mane, bibendo post uncias tres flauî uini, decoctionis tamarisci, cetrach, corticum radicum capparum, chamædryos partibus equalibus.

Rx. Cetrach Chamædryos

Radicum tamarisci

Corticum radicum capparum ana ʒ vi.

Ammoniæ

Rubeæ tinctorum

ana ʒ iij.

Polij

Artemisiæ

ana ʒ iij.

Galbani

Seminum hyperici

Nigellæ

Amygdalarum amararum

ana ʒ ij.

Cardamomi fructus

Periclymeni

ana ʒ i. s.

Ammoniacum dissoluatur cum aceto, & omnia excipiantur oxymelle scillitico, & fiat electuarium. Applicanda spleni exterius sunt mollientia, subinde resoluentia,

uel



uel miscenda mollientia cum resoluentibus. Sit igitur frequens usus inunctionis lienis cum oleo infra scripto.

R. corticum radicum capparum

Foliorum tamarisci ana ℥ i.

Olei communis lib. ij.

Vini albi boni ℥ vi.

Decoquantur simul ad consumptionem. Item

R. Cere

Olei antiqui

Ammoniaci ana ℥ vi.

Croci 3 ij.

Aceti quantum sufficit ad dissoluendum ammoniacum, & fiat in forma ceroti. Item sit usus frequens unguenti de arthanita parui, descriptionis Mesue, & loco applicetur, uel succus cetrach uel succus ebuli. Item accipe salis usti quantum sufficit dissoluatur in succo tamarisci, uel cetrach, uel in decoctione radicum corticum capparum, & cum uestica actuali caliditate saepe lieni applicetur. Item

R. Visci quercini ℥ vi.

Calcis uiuæ ℥ s.

Corticum radicum capparum ℥ ij.

Picis liquidæ ℥ s.

Dissoluatur uiscus ad ignem cum pice liquida, cætera puluerizata misceantur, & lieni applicentur. Item

R. Cere

Terebinthinæ

Picis ana ℥ iiij.

Auripigmenti

Calcis uiuæ

Aluminis

Myrrhæ



Myrrhæ ana ʒ iij.

Aceti quantum sufficit.

Auripigmentum, calx, alumen, & myrrha cum aceto dissoluantur, & cum cæteris excipiantur in forma cerati, quod ultimo post reliqua applicetur. Item

℞. Cere

Resinæ

Picis

Adipis tauri ana ʒ iij.

Baccarum lauri ʒ iij.

Salis usti

Ammoniaci ana ʒ i. s.

Aceti quantum sufficit ad dissoluendum baccas lauri puluerizatas, sal, & ammoniacum, & fiat ceratū. Item

℞. Corticum radicum capparum ʒ i.

Florum tamarisci

Cetrach

Chamædryos ana man. i.

Rubeæ tinctorum ʒ i.

Cardamomi ʒ s.

Rutæ siccæ man. i.

Piperis ʒ iij.

Anisforum

Fœniculi ana ʒ s.

Decoquantur omnia in aceto acerrimo pro fomento faciendo cum spongia supra lienem, post usum tamen mollientium. Item

℞. Bdellij

Sepi uitulini

Ammoniaci

Radicum



Radicum ireos ana ℥ ij.

Opoponacis

Galbani

Baccarum lauri

Styracis

Thuris ana ℥ i.

Piperis grana num. 160.

Ceræ

Terebinthinæ ana ℥ vi.

Vini quantum sufficit.

Fiat ceratum. Et quoniam pleraq; cerata sunt fortia, ante purgationes quatuor primis uti poterit, post purgationes autem quibuslibet.

Consult. LVIII. De intemperie frigida splenis, cum tumore insigni, cruditatibus uentriculi, & corporis atrophia ac decolorationibus, cum metu futuræ aquæ intercutem, pro nobili Polono quadragenario.

O P O R T E T ut nobilis iste uir, si curari debet à longa & difficili agitudine, quæ est præcipue intemperies frigida splenis cum tumore satis insigni, ex qua postea multifariæ dispositiones præter naturam consequuntur, ut cruditates uentriculi, & in corpore, & in toto ambitu uenarum, atrophie & decolorationes, ex quibus non immerito timetur tandem aqua intercutem. Oportet inquam, si ab his sæuis dispositionibus liberari cupit, ut præcipue habeat exquisitissimam uictus rationem, quæ competat primario morbo, sine qua diutissime & diligentissime serua-

ta



ta frustra medicorum implorabit auxilium. In primis igitur eligat aërem, in quo habitet, subtilem, minimè palustrem, minus frigidum quàm fieri possit. In quo aëre cauebit etiam ab omni excessu uentorum, ubi postea sereno cælo & tranquillo se exercebit in uenationibus, & huiusmodi motibus nobilibus. Laudo huiusmodi exercitium, si modò suo tempore fiat, uidelicet mane, uel paulò ante coenam. Euitet omnes animi molestias, sed iram præsertim et inestitiam. Mane surgat diluculo, septem horis dormiat, caueat à meridiano somno, esset enim illi admodum lethalis. Deambulet & exerceatur in cubiculo proprio, motibus, frictionibus, pectinationibus, cantu, lectione alta, excernendo excrementa per sputum, & tussim, quæratque reddere alui, & urinæ egestionem. Vbi uerò hæc omnia peregerit diligenter, mundasq; & odoratas uestes induerit, tunc ad exercitium se conferat extra domum, si serenitas cæli apparuerit: si minus intra domum sese contineat, ludendo pila, uel gladio, uel alio aliquo exercitio. Bis in die non amplius comedat, idq; satis parcè, unoq; cibarij genere contentus sit, & illud sine aromatibus sit, sed cum modico croci & cinnamomi tantum. A uino etiã caueat crasso, dulci, nigro, & potenti: sed eligat tenue, album, clarum, pauciferum, quod etiam parcè bibat. uel si assuetus sit ceruisia, illam bibat moderatè, bene tamen confectam: hic enim morbus maxime requirit temperantiam. Ergo cauebit à compotationibus. Inter prandium & coenam nihil nec comedat, nec bibat. Cibaria sint carnes iuuenum pullorum, hædorum, uitulorum, auium campestrium, ut sunt perdices, phasiani, aues paruæ, oua forbilia. Nec uitupero in ferculis hordeum, far probè coctum



coctum, si parçè utatur, præcipue uerò addito croco. à reliquis ferculis abstineat. Pane utatur madefacto in iure carniū cum petroselino, & modico cinnamomo. A' piscibus omnino abstineat, & à cibarijs arte confectis, sicut à tortis, pastillis, & omnibus lacticijs: à leguminibus, oleribus: à carnibus antiquis, & omnibus cibis crassis, & seruilibus. Panem azimum, uel malè coctum ne comedat, nec aliquod placentarum genus. Quantum ad medicinas, hoc primum obseruet, ut & uere & autumnō, quousque perseueret hæc mala dispositio, euacuetur modo infrascripto.

Rx. Floris cassiæ ʒ i.

Sumat hora ante prandium. Deinde

Rx. Oxymellis simplicis

Syrupi de absinthio ana ʒ i.

Decocti polypodij

Citrach

Endiuia ʒ iiij.

Misce pro uno, & sic pro alijs septem. Deinde

Rx. Confectionis hamech ʒ iiij.

Trociscorum alhandal gr. x.

Misce, & cum zuccharo fiat bolus, sumendus in auro-  
ra cum custodia. Postea interquiescat per duos dies, &  
iterum accipiat zuccharum rosatum semper ante pran-  
diū & coenam per duas horas. Deinde sumat istos syru-  
pos.

Rx. Myrobalanorum Indorum

Citrinorum

Emblicorum

Chebulatorum

Belliricorum ana ʒ iiij.

Contine



Contundantur grosso modo, & fricentur manibus cum oleo amygdalarum dulcium. Postea infundantur per diem & noctem in lib. x. aquæ fumi terræ: postea decoquantur ad consumptionem tertiæ partis. Postea

Adde radicem hellebori nigri 3 iij.

Liquiritiæ

Polypodij ana 3 ij.

Seminum citri 3 i. s.

Bulliant, donec remaneant libræ quinq;. Postea

Adde folliculorum scnæ

Epithymi Cretensis ana 3 i. s.

Bulliant, donec remaneant libræ tres. Vltimò colentur, & exprimantur, & seruetur decoctum. Postea

℞. Eiusdem decocti 3 vi.

Syrupi de infus. ros. 3 i. s.

Misce, & detur mane hora syripi. Sumat autem per sex dies continuos: sed si nimium euacuarent, sumat alternis diebus. Deinde quiescat, & utatur victus ratione præscripta. Erit autem tempus ueris & autumnus, in quo euacuabitur. Inter hæc uerò tempora placet ut familiares habeat pilulas, quibus utetur ter in mense hora ante coenam.

℞. Succus Cetrach

Chamædryos

Polypodij recentis ana 3 i.

Exsiccentur in umbra secundum artem. Deinde

℞. Agarici electi.

Rheubarbari electi

Aloës hepatici ana 3 iij.

Gingiberis

Cinnamomi



Garyophyllorum ana 3 i.

Salis gemmæ 3 i

Misce, cum melle rosaceo fiat magdaleon, de quo fiant pilulæ pro singula drachma tres, sumendæ, ut supra.

Consult. LXIX. De tensione hypochondrij dextri ex affectu frigidus hepatis.

VT SATISFACIAM officio meo, quatuor proponam. Primum erit explicatio omnium symptomatum, quibus affligitur Nobiliss. iste uir. Secundum est querendus quis sit locus principaliter affectus patiens, uel dans occasionem symptomatibus, et simul egritudinem queremus, an una, uel plures sint. Tertiò uidendum qui mores, quod tempus, quis motus, qui terminus, et quæ causæ tam extrinsecæ, quàm intrinsecæ. hæc sunt à nobis dicenda. Circa symptomata, ut à notioribus incipiam, primū quod occurrit, et manifestè apparet, est tensio hypochondrij dextri circa costas mendasas in regione uentriculi cum dolore, ut uix percipiatur, cum leuiter comprimitur: si uerò fortius comprimatur, manifestè percipitur: secundū quod apparet est tensio in toto uentre inferiori, ita quod dextra uentriculi regio, intestinorumq; regio inferior tument præter naturam. Præterea conqueritur de dolore, qui incipit, ut ipse asserit, à spina, et extendit se usque ad utrumque renem, percipitq; intendi, cum mouetur, ascendit scælas, et se exercet. Habet præterea egestionem liquidam, et quod notandum est, quandoq; ueluti loturam carnis egerit. Urinas tenues et uarias habet, aliquando fuluas, aliquando albescentes. Conqueritur aliquando, sed rarò, quod nauseam patitur cum deiectione appetitus. Principalia uerò



uerò symptomata sunt tensio dextri hypochondrij cū dolore dorsi, qui ad utrunque renem extenditur. Habet præterea in toto corpore non quidem atrophiam, sed dispositionem ad cacexiam: quia non uidetur mihi admodum emaciatus, habet tamen carnem subtumidam. His ita existentibus symptomatibus, oportet primò considerare locū affectum, an sit unus uel plures: secundò dolorem, & tumorem hypochondrij dextri, quoniam ex eis causas omnium symptomatum inueniemus. Nulli dubium est, quòd ibi est dolor & tumor: & ex quo est in dextra parte prope constas mendosas in regione uentriculi, nemini dubium est ægritudinem facientem hæc duo symptomata esse uel in hepate, uel in uentriculo, aut in musculis exterioribus. Sed quòd non sit in uentriculo, ex actionibus uentriculi apparet, quia actio læsa indicat affectionem, & quia non uidemus actionem aliquam uentriculi læsam, non possumus dicere esse in uentriculo. Quoad uirtutem appetendi, licet non appetat, ut solitus est appetere, comedit tamen: & licet eueniat ut uideretur affectus contentiue, quia rarò id accidit, ratione obiecti uidetur contingere, cū multum & copiosissimè bibat, & comedat. Præterea non habet gurgulionem in uentriculo, quod est signum, iuxta Galeni sententiam in tertio de causis morborum, pathognomonicum, cū uirtus contentiua est affecta: quia cū non continet uentriculus, quantum & quomodo oportet, gurguliones apparent. Ideo quantum ad contentiuam bene se habet. Quo etiam ad concoctionem, ex egestionibus non apparet læsio, & licet sint liquidiores, nō ualet propter hoc quòd non sint concoctæ, quia quoad substantiam & colorem sunt concoctæ: quare autem sint liquidiores dicemus.



Cum igitur omnes operationes sunt sanæ, igitur uidetur sanus uenterculus, non dico sanum, quin dicam esse diminutum, quia uenterculus patitur per consensum membri affecti propter propinquitatem, inò reliqua membra naturalia compatiuntur. Si igitur nocumentum est in uenterculo, illud est ratione compassionis. Cum igitur non sit in uenterculo ægritudo faciens illa symptomata, erit uel in musculis, uel in hepate. Sed non est in musculis, quia dolor est obtusus per compassionem, & uix percipitur, nisi fortiter comprimatur. Præterea reliqua signa etiam apparent, quæ indicant affectionem hepatis. Erit igitur in hepate tum quia dolor & tumor sunt in regione hepatis, & ubi dolor est continuus, ibi est ægritudo. Cum ergo in dextra parte sit, & nō sit nec in musculis exterioribus, nec in uenterculo, ergo in hepate est. Iste discursus mihi uidetur rationabilis: & sic locus affectus inuentus est iudicio meo. Sed hic difficultas est quæ sit ægritudo in loco isto. Dicam sententiam meam (saluo semper meliori iudicio) non quidem animo cōtradicendi, sed ut id quod sentio pro rei ueritate in medium adducam. Mihi inquam uidetur, quod ægritudo hæc, quæ in hepate est, nullo pacto sit calida, sed prorsus frigida. & dicam coniecturas, quæ memouent, ne uidear ad placitum loqui. Primum est totius cutis decoloratio, quia color plumbeus uidetur esse in toto, qui attestatur super dominium frigiditatis. Et maximum quod urget me, & persuasit, ut id credere, fuit quia ipse dixit, quod omnes in patria sua admirabātur, & percunctabantur ab ipso, cur ita decoloratus esset. Cum igitur indicet color priuationem sanguinis laudabilis, ad liuiditatem tendit. Sufficit ergo quod plumbeus color super domi-



dominium frigiditatis attestatur, quia Galenus vi. de tuenda ualeat. dicit, colorem dominium humorum attestari, nisi ad profundum decumbant: raro tamen (inquit ipse) ad profundum decumbunt. Sed præter illum colorem, est illa dispositio præcedens: quia scitis quod proprium munus hepatis est sanguinem facere: quando temperatura ipsius excedit per caliditatem, assat sanguinem, & calidiorem facit, & corrumpit: cum autem sanguis calidior multiplicatur in toto, & superassatur, non potest uniri, nec assimilari, & tunc non contingit decoloratio: nec tumor, sed ulcera in toto, uel in parte apparent, in qua præcipitatur humor. Ideo alia symptomata, & aliæ ægritudines sequuntur ad caliditatem temperatum hepatis: hic autem est potius diminutio, & infelicitas sanguinis, eo quod sanguis non concoquitur, & inde abundat sanguine crudo. Et ista uidetur una coniectura, ut credam frigidam ægritudinem esse in hepate. Sed aliæ sunt fortiores: prima est quia Galenus dicit in VIII. κατὰ τὸ ὅσους, quod ubi in hepate est mala temperatura frigida, uirtus alteratrix afficitur, ut liquidæ appareant egestionis similesq; loturæ carnis: et hæc indicant ægritudinem frigidam. Sed ultra auctoritatem Galeni, ratio hoc indicat, & dicit, quia hepar non potest deducere chylum ad rectam formam sanguinis, ideo regurgitat ad intestina, & apparet lotura carnis. Quod etiam ibi adsit frigiditas patet, quia non fit attractio chyli ut oportet, quia ubi est affectus calidus, non solum non deficit attractio, sed fortior fit. Nec debet dici omnem dyscrasiam corrumpere actionem, & deficere: uerum quidem est, quod corrumpit actionem naturalem. Sed ubi fiat excessus per calidum, deficit ex superabun-

Aa 3 dantia



dantia caloris coctio, & corrumpitur, nec fit actio: deficit autem, quia superassat, & superat. Ita ubi est caliditas in excessu, quanto maior caliditas erit, tanto maior fiet attractio, non quidem secundum naturam, sed præter naturam, quia plus attrahit, quam oportet. Præterea dicit Galenus si in hepate talis affectus fuerit, & diutius perseverauerit, fiet temperatura frigida. Si ergo in isto perseverasset affectus calidus per quatuor annos, deuenisset ad tabem: sed potius in cacexia deuenit. Præterea si tangimus, non apparet quod ibi sit insignis caliditas. ergo non potest esse affectus calidus in hepate, nec in extremis, imò obtusa est. Et ista sunt signa, quæ mihi satis persuadent, in temperiem frigidam esse. Diceret aliquis, quid dicis de egestionibus illis liquidis, & de urina fulua? Dico quod causa potest esse tam intrinseca, quam extrinseca: extrinseca quidem assumptio uini potentissimi inflammantis hepar alioquin naturaliter calidum insigni inflammatione: intrinseca uero potest esse, quia ibi adsunt obstructions, nec liber est transitus humorum, qui generantur in hepate: congregantur in loco, calefiunt, & corrumpuntur, & hepar calefit, ex qua calefactione generatur postea bilis, quæ apparet per urinam, & per excrementa. Et ita possunt esse causæ tam intrinsecæ, quam extrinsecæ. Præterea caliditas renum potest esse causa, quia stat quod sit caliditas in renibus, & frigiditas in hepate superacquisita. Istæ sunt coniecturæ, quæ mihi persuadent, ut credam intemperiem frigidam potius, quam calidam esse in hepate. Vtrum modo sit intemperies sola, an uero præter eam sit aliquid aliud? Cum ibi sit dolor ex compressione, & tumor in eodem loco præter naturam, ergo ibi est aliquod genus humoris



moris præter naturam. Sed quod genus? Scitis ex Galeno quomodo hepar ad scirrhus sit paratum. Ego uercor, & utinam non sit, quod ibi sit scirrhus, licet non insignis: sed tumor præter naturam frigidus, non quidem à melancholia, sed à pituita crassa causatus: quia scitis ex Galeno scirrhum dupliciter fieri posse, ut inquit in secundo ad Glauconem, à melancholia, & à pituita crassa. Quod autem crediderim esse ægritudinem compositam in hepate ex intemperie frigida & humida cum scirrhus incipiente, & in conuexo hepatis, id me mouit, quia tactu percipitur talis tumor. Igitur mihi uidetur quod locus affectus sit hepar, & pars illa, quæ amplectitur stomachum, & in parte eius gibba, & non solum intemperiem ad esse, sed malam compositionem, principium scilicet scirrhi. Et hæc de essentia ægritudinis. Quantum uero attinet ad mores, ad tempus ægritudinis, & ad alia, credo mores esse pessimos. Primo quia in hepate est, & in membro nobilissimo, cum sit instrumentum generationis sanguinis necessarij ad uitam, ex quo generantur spiritus: ergo ægritudo mala est ratione membri. Præterea principium scirrhi est, & paucissimi possunt curari: & Galenus dixit nunquam curatos esse scirrhus. Præterea est pessimorum morum, quia est maximus lapsus à naturali temperamento, quia ex habitu totius corporis, & quia mores habet bellatoris uiri, calidi est cordis, & hepatis, & cum ad frigiditatem lapsus sit, maximus est lapsus, & ex consequenti ægritudinem credo malam esse. Præterea ratione subiecti, quia hic homo non indulgebit præceptis nostris. Quoad motum, quia ita tardus est, credo quod sit chronicissimus, quia iam quatuor anni sunt, nec dum apparet principium. Ideo cre-

A 4 4 diderim



diderim tum ex intemperie, tū ex ratione scirrhi esse principium, quia omnia adhuc sunt imbecillia, nec frigiditas ualida est, ut faciat hydropem, bene credo uenturam. Quoad terminum morbi, credo quod in hydropem terminabitur, si uerum est quod talis sit intemperies, & scirrhus, et quia iam incipit turgere uenter. Restat modò ut de causis tam intrinsecis, quàm extrinsecis dicamus. Sed antequàm hæc dicamus, reliqua, quæ sequuntur ad istā ægritudinem, explicabimus. Primò consequitur tumor tam in dextra, quàm in sinistra parte. Causa huius uidetur manifesta, cū sanguis nō sit sicuti oportet, sed pituitosior flatuatur in locis subcalidis, et cū flatuatur in loco, ubi sunt intestina, tunicae intestinorū, omentū, abdomen, quæ partes dilatantur, implentur flatu, et intumescunt, et ad ascitem, uel tympanitē terminabitur. Et quia splen cōsentit, nō attrahēs fecē suam, plumbeitas apparet, quia miscetur sanguini: præterea dolor in dorso consequitur, qui extenditur ad renes. Credo quod causa sit sanguis ille pituitosus delatus ad uenam cauam in gibbo hepatis: cū ad uenam illam deferretur in loco calidissimo existens, ebullit pars illa, & ita apparet dolor in uena caua. & quoniam ramificatur in duas propagines ad utrunq; latus, & ad renes distribuuntur, extenditur dolor usq; ad renes propter uenas illas, quæ ad renes deferuntur. Augetur autem cū ascendit scalas, & cū exercet se, quia tunc turgēt sanguis magis per motum, & inflammatur magis frigida materia existens in uenis copiosa. Etiam urina consequitur ex plurimo potu, quia sunt apertæ uiæ: & quoniam sumus adhuc in principio, non sunt seua symptomata. quia ergo multum bibit, ergo multum urinae egerit. Quoad causas illius intemperaturæ



raturæ hepatis, à qua dependent alia symptomata, dico quod aliquæ sunt extrinsecæ, aliquæ intrinsecæ, & corporeæ, seu antecedentes. Extrinsecæ quidem & manifestæ, quia audio uirum intemperatissimum esse: ideo circa omnes res non naturales fecit multa peccata: & quia miles fuit, circa aërem, circa coitum inordinatè se habuit, et breuiter omnia fecit delicta, quæ fieri possunt circa sex res non naturales. Et eæ fuerunt causæ extrinsecæ, & primitiue, ex quibus postea ortæ sunt obstructions propter crapulas, & maxime quia adest suspicio ueneni assumpti. Sed nunquid possit uenenum assumptum à quatuor annis citra, esse causa? Credo quod non, nec possumus imaginari, quod genus ueneni hæc fecerit symptomata. Bene possunt esse uiri qui faciant uenena, quorum notitia non deuenit ad nos. Sed quoniam ad tria capita uenena omnia deducuntur, quorum quædam per qualitatem manifestam frigidam interficiunt, aliqua per calidam, aliqua per occultam qualitatem, si fuerit uenenum, quod per frigiditatem operatur, dicebat Galenus v. de simplici medicina, si prima die non operatur, statim cessat eius uirtus: quia faciens moram non potest pertransire ad cor, & alteratur à calore innato, & non amplius fit uenenum, cui si calidiū quidpiam permisceatur, facilius & citius penetrabit, & magis interficiet. Habentq; sua signa, cerussa inficit dentes, mandragora, cicuta, & reliqua frigida ostēdunt sua signa. Quia ergo pertransiuerunt quatuor anni, ideo nō potest esse suspicio de ueneno frigido. Calida uerò uenena sunt illa, quæ per corrosionem operantur, ut auripigmentum, risigallū, sublimatum: ubi hæc fuerint assumpta, corrosionem faciunt, & uomitus æruginosus sequitur, nec deficit



ficit actio, nisi forte purgato toto corpore, cor fuerit corroboratū ex Mithridato: sed hæc confectio occurrit uenenis, quæ à proprietate, & à forma occulta operantur. Si uerò fuerit uenenum, quod à forma specifica operatur, statim interficit. Si forte diceretis ex pugna inter corpus, & uenenum talia sequi accidentia, non uideo quomodo id fieri possit. Posset aliquis dicere, inficitur hepar, sicut ex uulnere accidit, cum curatū est uulnus, remanet adhuc imbecillius membrum, ita poterit uenenum causare qualitatem malam ex illa infectione. Dico hoc posse quidem dici: sed si consideramus symptomata, illum leuem uomitum, non uideo quomodo tandiu potuerint perseuerare symptomata. Quantum ad signa illa iam dicta de fuga coqui, si ego essem iudex, essent signa efficacissima ad torturam. Sed si considerata fuerit res à propria essentia, fuga coqui potuit esse, quod cum hic sit uir magnificus & terribilis, timens eum aufugerit: sicut pincernæ Cardinalis de Medicis euenit, qui auditis querelis, quod Reuerendiss. fuit ueneno interemptus, aufugit timens, postea tamen apertum fuit ipsum fuisse in re illa innocentissimum. Hæc uolui dicere, ut ostendam signum nullum sumi à natura rei de ueneno assumpto. Sed quicquid sit de illa suspitione, quod potuerit facere huiusmodi imbecillitatem, non uariabitur cura, modò conueniamus in causa, & quæ sit temperatura in hepate. Quoad causas intrinsecas, credo tum ex malo regimine, tum ex ueneno assumpto (si uultis uenenum assumptum fuisse) multos humores crudos fuisse aggregatos obstruentes & intemperiem illam causasse, & adhuc multam cacochymiam perseuerare unà cum symptomatibus. Et ex his quæ diximus, credo hæc fuisse symptomata, & quis locus affectus,

&



Et quæ ægritudo, Et quæ causæ tam intrinsecæ, quàm extrinsecæ. Remanet ultimò quomodo sit curanda hæc ægritudo. Circa quam curationem, sicut distinximus de causis, Et natura morbi, ita etiam in ipsa distinctè debemus procedere, quia tunc distinctas habemus indicationes, cum natura rei fuerit distincta. Indicationes autem curatiuæ potissimum à causa, Et à loco affecto sumuntur: Et quia causæ aliæ sunt intrinsecæ, aliæ extrinsecæ, de extrinsecis primò dicemus. Dico igitur cum rebus omnibus extrinsecis attenuantibus esse procedendum ad calidum declinantibus, ut obstructions aperiantur, Et crassi humores attenuentur, Et intemperies mala tollatur, quæ tamen non sint eleuatæ in caliditate, quia causa faciens ægritudinem cum ualida non sit, ualidis etiam non indiget. Ideo moderatè calidis utemur, quæ in primo calida sint, Et sic ptisanam concederem, confectam tamen cum modico piperis, uel cinnamomi: Et reliqua mihi placerent, quæ currunt eodem cursu. Vinum moderetur in potentia, Et tenuis sit in substantia. Carnibus utatur modicæ superfluitatis, facilis decoctionis: Et circa reliqua seruetur ratio hæc, ut crudi humores non multiplicentur, nec obstructions, uel propter multitudinem somni, aut paucitatem exercitij. Quantum attinet ad causas intrinsecas, est primò causa, quæ habet formam causæ antecedentis præter eam quæ loco affecto coniuncta est. Et cum in toto sit cacoehymia, ut ex temperatura, Et ex colore apparet; ideo corpus primò mundificandum est ijs instrumentis distinctis: primò curatione per secessum: secundo prouocatione urinae: tertio prouocatione sudoris uel disflatus per balneum. Et hæc tria credo esse necessaria. Per secessum autem

tem



tem euacuabimus cauendo ne exhibeamus medicinas trahentes à longinquo, ut dicit Galenus in secundo uel tertio de fac. nat. qui ait quòd nimia euacuatio medicinarum ualidarum colliquat substantiam hepatis, & relaxat ita uenas, ut præparetur ad recipiendas superfluitates: & præterea attraheremus cacochymiam ad locum affectum. Ideo benedictis medicinis uti debemus, quia cum his attrahimus ab hepate, splene, & ab intestinis: & nollem, ut transiremus hepar. Ideo rhabarbarum, manna, diacatholicon, lenituum, essent conuenientes medicinae: & si modicum agarici uellemus exhibere, possemus, sed in modica quantitate, quia à longinquis attrahit, ut etiam à iuncturis attrahat. Et hæc fiant quoad euacuationem per secessum, præparatis tamen prius humoribus, non cum his quæ habent proprietatem ad hepar, quia tunc nolumus corroborare: sed cum syrupo acetoso, oxymelite, cum melle rosato. Secundo per urinam euacuare uellem materias, quæ sunt in conuexo hepatis: tunc syrupus de cichorea, qui habet rhabarbarum, bisantinus, de radicibus, & omnes alij, qui prouocant urinam, mihi placerent tam simplicia, quam composita. & in isto secundo processu ita facerem. Tertio per sudorem, & per halitum euacuarem, ut malus habitus solueretur: & cum oleis calidis aperientibus, & cum balneis præparatis cum herbis habentibus uim resoluendi & aperiendi procederem: & eo tempore uterer euacuatione, quæ euacuat per hæc omnia. Tunc laudarem balnea Patauina, quia illa hunc affectum tollent: & credo quòd balnea S. Helenæ, ubi adest bitumen, magis conuenirent, in quo est uis molliendi, ut si qua durities esset in partibus, solueretur. Imò ne aliquid intactum relinquam, ad intemperiem



periem tollendam hepatis, cogitarem de potione uini, ut prouocarentur urine, & tolleretur intemperies. Vellem etiam ijs ita peractis me conuertere ad locum affectum, & linimenis uterer habentibus uim corroborandi, sicut est oleum de spica, de absinthio: & deuenirem ad confectionem habentem uim corroborandi. Et inter reliqua post euacuationes factas, donec uiderem sanitatem exactam, uellem ut in qualibet septimana pilulis ex hiera, & rhabarbaro uteretur, ut si quid residuum esset in hepate, tolleretur, et obstructions etiam, & per interualla assumeret florem cassie cum rhabarbaro, maxime in tempore aestatis, & perseueraret, & contineret se in recta ratione uictus. Et ista est forma, qua ego procederem.

Consult. LXX. De melancholia  
hypochondriaca.

ÆGRITUDO, qua affligitur hic nobilis uir, iudicio meo est melancholia hypochondriaca, sicut illa Dioscoridis, quam describit Galenus lib. III. de locis affectis, quæ nascitur per inflammationem humorum, aut ebullitionem in uenis inter stomachum & hepar. Sed hæc ab illa diuersa est, quoniam ex inflammatione seu ebullitione humorum crassorum malorum est, qui sunt inclusi in uenis sinistri lateris inter splenem et stomachum, à quibus eleuatur quàm plurima uentositas: & quia splen redditus est debilis, sæpenumero intumescit, & crassior apparet, nec etiam ad se trahit faciem sanguinis, sicut oportet: & ita fæx ista per sanguinem dispergitur, & reddit eum humorem nigrum, pallidum, & melancholicum. Omni igitur diligenter  
iat



tia curare debemus, ut ille uenæ mesaraicæ sinistri lateris aperiatur, & liberæ fiant, & splen confortetur, ut suo officio fungi possit, & ita sanguis purus efficiatur, ex quo quoq; sequetur, quod stomachus nullam uentositatem patietur. In primis igitur curare debemus, ut sit aer optimus: quoniam in humoribus ipsis melancholicis plurimū refert optimi aeris electio, euitareq; debet præ omnibus nimis paludosum & crassum, sicut communiter est in locis Veronensibus planitiem uersus, & debet cauere ne in locis humidis degat & subterraneis, ac expositis Tyrolum uersus. Omniaq; animi accidentia euitabit, sicut iram, tristitiam, melancholiam, omniq; ingenio conabitur lætè uiuere, inter musicos & bonos socios. Exercebit se conuenienter mane equitando, eundo, & parua pila ludendo, aut simile aliquid faciendo. Curabit quoque ut quotidie beneficium uentris habeat. Circa uictum euitabit omnes carnes antiquas, ut bubulas, castrati antiqui, atq; quæ crassum dant nutrimentum, ut pernas salitas & recentes, omnesq; aquatiles aues, anates, anseres, & huiusmodi cibos, omnesq; pisces, exceptis quibusdam, lupis in aquis currentibus, auratis, carpionibusq; recentibus. Comedat lemnulas, mazarones: ab omnibus alijs omnino cauebit, præcipue ab anguillis & huiusmodi, quæ crassum, & uiscosum dant nutrimentum. Præterea omnia lacticinia cauebit, & præcipue caseum tam recentem, quàm salitum, omnia pastilia, placentas, tortas, roffiolos, panem calidum male leuatum & sine sale, ac pessimè coctum, omniaq; legumina fugiat, eiusq; generis aut recentia, aut exiccata, aut cruda, aut cocta. Cauebit etiam ab omnibus fructibus, & si eis quando æqualiter uti uoluerit, accipiat ante reliqua, sed



sed parcè admodum. Omnes salatas crudas fugiet, sed cap-  
pares earum uice comedat, asparagos, lupulos, lapatū, en-  
diuiam coctam, cichoreum coctum, aceto & zuccharo cō-  
ditum, uel oleo & sale. Vinum bibet album, sed pauci co-  
loris, quod rosetum uocant, subtile, transparens, & bene  
maturum. Vnico cibo contentus, neq; inter prandium &  
cœnam bibet, neq; sine fame comedat. Vellem ut hoc anno  
mēse Iulij, primum tamen aliquantulum purgato corpore cū  
cassia, & rheubarbaro, & syrupo solutiuo, acciperet a-  
quam balneorum de Caldera eo pacto, quo ei dicent excel-  
lentissimi medici qui aderunt. Bis in anno se purgabit in ue-  
re & autumno, & uelim quod mitteret à basilica cubiti sē-  
nistri sanguinem. Intermedijs uerò temporibus, inter uer-  
& autumnum accipiet ter aut quater in mense per horam  
infra scriptas pilulas.

℞. Epithymi Cretensis

3 vi.

Agarici electi

3 iij.

Corticum hellebori nigri

3 iiij.

Specierum hieræ simpl.

3 iiij.

Cum melle rosato fiat magdaleon, de quo singulis uici-  
bus drachmam unam accipiat, & formentur pilulæ tres  
cum melle rosato, & eo die quo assumet has pilulas, sumet  
etiam unam patellam panis loti seu panatellæ, & aut nihil  
aut parum admodum bibat, accipiatq; sæpiissime per ho-  
ram ante prandium conseruam florum borraginis atq; bu-  
glossæ parum. Et hæc pro nunc sufficiant pro tali disposi-  
tione. Ante syropos sumere poterit.

℞. Electuarij lenitiui

3 x.

Cum zuccharo fiat bolus.

Pro syrups

℞. Syrupi de fumo terræ

3 i.

De



De buglossa

De papauer.

ana 3 v.

Aque borraginis

3 iiij.

Misce Pro purgatione uero.

Rx. Confectionis hamech

3 iiij.

Syrupi rosati solutiui

3 iiij.

Aque betonicæ quantum sufficit. fiat potus.

Post hanc medicinam utatur sequenti electuario.

Rx. Sacchari rosati

3 ij.

Conseruæ florum borraginis

3 ij.

Buglossæ

3 i. s.

Misce, fiat electuarium.

Consult. LXXI. De flatibus hypochondriacis, pro sacrificio.

PRIMO custodiat se ab omni genere piscium, & præsertim palustrium, ab omnibus leguminibus tam recentibus quàm exiccatis, ab omnibus lacticinijs & præsertim caseo antiquo, ab omnibus pastilijs, olera etiam sunt illi pessima, uti tamen quandoq; poterit lactuca leniter decocta, & borragine, & calendula, quæ uulgò dicitur fior d'ogni mese. Bibat uina clara, limpida, & omnino abstinat à crassis, nigris, dulcibus. Comedat tantum in die bis, neq; bibat inter coenam & prandium præcipue uesperis. Euitabit omne genus salsamëtorum, ut carnes salitæ sunt, pisces saliti, oliuæ, & eiusmodi. Non comedat carnes antiquas cuiuscunq; generis sint, sicut bouinæ, caprinæ, castratorum antiquorum. Euitabit item carnes omnes palustres, sicut anserum, anatum, & similes. Et hæc quantum



tum ad uiuendi rationem. Utatur singulis mensibus bis in  
potu uncij sex infra scripti decocti, ita ut sint duo dies cō-  
tinui, & bibat mane in aurora. Decoctum erit tale.

℞. Myrobalanorum citrinorum

Chebulatorum

Indorum

Emblicorum

Belliricorum ana 3 v.

Contundantur grosso modo, & fricentur manibus cum  
oleo amygdalarum dulcium, deinde infundantur in lib. ij.  
aquæ fumi terræ per diem & noctem. Postea

℞. Epithymi

Polypodij

Folliculorum senæ ana 3 i.

Seminum citri

Glycyrrhizæ rasæ ana 3 ij.

Corticum rad. hellebori nigri 3 i.

Decoquantur omnia simul in prædicta infusione ad cō-  
sumptionem medietatis. Facta diligenti expressione & co-  
latura sumatur decoctum, quod totum sumat duabus uici-  
bus duobus diebus, quemadmodum dictum est. Item habeat  
caput semper sine capillis, ita ut attondeatur usq; ad cū-  
tim, postea uespero quando it dormitum, inungatur oleo a-  
mygdalarum dulcium. Item abluat caput bis in septima-  
na infra scripta decoctione.

℞. Maluæ

Radicum althææ

Florum camomillæ ana man. ij.

Borraginis

Calendulæ ana man. i.

Bb

Furfu-



Furfurum tritici pug. ij.

Bulliant omnia simul in aqua fontis ad consumptionem medietatis. Cum hac aqua colata caput abluat, & post ab lutionem & exiccationem illinatur prædicto oleo amygdalarum duleium, & habeat semper capillos detonsos usq; ad cutim, ut dictum est. Item frequentissimè utatur etiã singulis diebus, si possibile est, ut bibat ante prandiũ per horas tres magnam scutelam brodij pulli cum modico Zuccharo: hoc enim erit illi maxime utile. Item semper teneat suum uentrem mollem, & utatur clysteribus frequenter cum oleo communi et decocto maluarum, althææ, camomillæ, addito modico salis, & uncijis duabus mellis rosati colati.

Consult. LXXII. De passione hypochondriaca cū annexis symptomatibus, nimirũ tremore cordis, & ventriculi mordicatione, & totius corporis macie, pro Veneto.

TRISTATUR iste Nobilissimus uir sine causa, timet non timenda, & non letatur. hoc est primum symptoma, quo maxime affici consuevit. Est aliud, quod quotidie in maciem deuenit, & maxime hoc anno uidet se aridiorẽ factum, quàm duobus præteritis annis. Conqueritur præterea dixitq; hoc anno in prima quadragesimæ hebdomada correptum esse à quodam cordis tremore, quo frequentius solebat corripì. Dixit etiam singulis diebus affligi circa finem concoctionis ante prandium, & coenam erosione uentriculi, ut debilitetur, & quærat subito cibum, & famem incurrit, à qua irritatur: assumpto autem cibo nihil sentire



sentire dixit. Hæc ergo sunt symptomata, ut ea per capita colligā, quibus affligitur: tristitia, metus sine causa perseuerans, tremor cordis non perseuerans, tertium est gracilitas, quartum mordicatio uentriculi ante cibum. Hæc symptomata cum sint præter naturam, non debent perdurare, & sunt inueniendæ causæ, quia sine inuentione causarum non possumus modum curandi & præseruandi inuenire. Incipiamus igitur à primo illo affectu, à timore subito, & tristitia præter rationem, quam melancholiam appellant: huius symptomatis, inquam, accipiamus causas indagare. Certè timor iste prouenit, quia corruptæ sunt imaginatiua, & cogitatiua, quia cogitat quæ non sunt cogitanda: imaginatiua autem, & cogitatiua sunt operationes animales in cerebro apparentes secundum medicos. Est igitur affectus iste cerebri, & actio corrupta operationum intrinsecarum animalium cerebri. Causa potest esse dispositio existens in cerebro præter naturam, uel in toto ambitu, uel in parte aliqua. In cerebro autem non potest principaliter esse, quia habemus signa manifesta: habet enim interualla manifesta, & perseuerat pluribus temporibus sine ipso affectu: si enim haberet affectum in cerebro essentialiter, perpetuum haberet timorem. Non est igitur in cerebro essentialiter, sed per consensum. Consensus autem iste præcipue & per se, talis metus sine causa, à uaporibus melancholicis, & ab humoribus melancholicis prouenit, ut dicit Galenus III. de locis affectis, & sunt uel in cerebro, uel in ambitu totius corporis: & duæ sunt species melancholice, & non sunt plures, quia uel uapor, uel humor est per essentiam in cerebro, uel in ambitu uenarum. Non possumus autem dicere, quod sint in uenarum ambitu

B b 2 per



per se, ut probabimus: quia non consequuntur accidentia, quæ solent consequi, ubi humor melancholicus fuerit in uenis, ratione cuius humoris uapor ascendit, & fiunt symptomata melancholica, ut dicemus. Cum igitur non sit in cerebro causa ipsius, nec in ambitu uenarum, querendus est ergo alius locus. Et quia metus non est sine causa per se, nisi ab humore melancholico, & cum non sint illæ duæ species, uidendum est quid sit causa huius metus. Galenus posuit aliam speciem melancholiæ loco citato, quam hypochondriacam appellauit ratione membrorum naturalium: & posuit illam ex Diocle ex feruore sanguinis existentis in uenis mesaraicis inter hepar, & uentriculū causatam. Cum ergo non sit in cerebro, uideamus an sit in ambitu totius, uel in uenis illis mesaraicis. Quod potius sit imaginatio ista, & tristitia præter rationem ratione affectus hypochondriaci, per signa probatur propria & pathognomonica: primò uidemus affectum habere periodos. Sed posset quis dicere, illa etiam quæ ratione uenarum sit, ab ambitu quarum ascendunt uapores, uel humores melancholici, potest habere periodos: ideo signum istud sit commune. Præterea patitur tremorem cordis, scitur autem quam cōmunicantiā habeat cor cum uentriculo, imò tremor ille appellatur morsus cordis, & cardiacus affectus: & nesciebant antiqui distinguere an cordis, uel uentriculi esset affectus. Ego potius credo, quod ratione uentriculi fiat, quoniam Nobilissimus iste uir habet cor ualidissimæ caliditatis, & siccitatis resistens nocumentis. Ideo tremorem non patitur in corde ratione imbecillitatis, sed ratione uentriculi: ergo propter uapores ascendentes à mesaraicis uenis fit. Mordicatio etiam apparet circa finē

conco-



concoctionis, eamq; percipit talem, ut deficere uideatur, nisi cibum assumat: & hoc est ratione humoris acidi mordicantis, quæ mordicatio facit, ut incidat in talem defectu: ex quo cibo sumpto quiescit. Præterea propter priuationem reliquorum signorum, quod affectus iste non sit ratione sanguinis adusti in uenis existentis per se, quia non uideo nigredinem in corpore, ut possimus dicere à sanguine adusto in uenis existente causari, quia carnes lucidæ sunt, & optimi coloris: & dicit Galenus sexto de tuen. ualet. humoris dominium à corporis colore indicari, nisi in profundum decubuerint humores. Si ergo in uenis humorem illum haberet, nutriretur ab humore illo, & color carnis similis esset humori illi. Cum igitur non uideam uestigium melancholici humoris, quia illi qui talem habent in uenis humorem, & nutriuntur ab illo, efficiuntur admodum nigri: & ex alia parte cum uideam signa propria attestantia affectum hypochondriacum, ideo non dubitavi, quod passio hæc melancholica sit ratione affectus hypochondriaci. Sed quoniam hanc ægritudinem non possumus curare, nisi uideamus eius naturam, & quomodo eam consequantur accidentia alia, dico ego omnia symptomata dependere ab hoc affectu, & si remouebimus hunc affectum, remouebitur tremor, qui fit ratione uaporum, qui eleuantur ab illo loco. Præterea arefactio totius pendet ab eadē causa, & natura huius ægritudinis hoc indicat, quia dicit Galenus, quando humores crudi in uentriculo generantur, hepar attrahit humores illos crudos à uenis mesaraicis: & quia fortior sit attractio propter ualidam hepatis caliditatem & humor tenuis facile ebullit; ideo fit inflammatio, & eò maxime accidit, ubi hepar calidissimum sit, &



uentriculus frigidus. Et cum nobilissimus iste uir sit temperaturæ calidissimæ, & habeat caliditatem in hepate cum frigiditate uentriculi, quæ licet naturalis non sit, est tamen acquisita frigiditas multa in uentriculo, tum quia delectatur calefactione uentriculi, tum etiam quia dicit se habere deterius hyeme, quàm in æstate. Et licet dixerit Hippoc. Ventres hyeme natura calidissimi sunt, illud dixit per antiperistasin, quia frigiditas aëris occursans unit calorem interius, ideo ualidus est. In senibus autem frigiditas occurrens penetrat ad uentriculum, quia non fit in illis antiperistasis, cum sint pauci caloris: ideo peius se habent in hyeme, sicut animalia frigida: non iuuantur autem, nisi quia habent antiperistasin à ualidissimo frigore. In æstate uero calor aëris corrigit frigiditatem: ideo melius se habent. Præterea abundat rugitibus, & flatibus, & pituita crassa, hoc est signum frigiditatis: cumq; eleuantur à uentriculo, facit circulum, & multum refrigeratur. Stante ergo hepatis caliditate, & uentriculi frigiditate, tardatur concoctio, abundat cruditas, hepar calidum attrahit multum cibum crudum continuè. Et dum in uenis illis mesaraicis sit redundantia talis humoris crudi, exhalatio fit deterior, quia obstruuntur, & quia maior fit caliditas hepatis propter obstructionem illam, cum non possit transpirare, contingit quod ex maxima caliditate hepatis naturalis, et aduentitia: ex obstructionibus sanguis multiplicatur crassus, & adustus ex nimia caliditate, & ille sanguis redundat ad uenas, & ad ambitum uenarum, redundat dico per accidens: nec principalis egritudo fit in uenis, sed per cōsensum à primo affectu, quia adustio tantum fit in hepate ratione maximi caloris hepatis. Et hinc pendet omnes leges



ges, & prophetæ. Est ergo sanguis aliquis adustus in am-  
bitu totius, qui cum non sit simplex, & uerus, sed mixtus  
pluribus crudis humoribus, & cum actio fiat à calore mo-  
derato; ideo corpus non bene nutritur. Et licet plurimus  
sit sanguis in uenis, non nutritur, quia non est gratus na-  
turæ, ideo exarescit: & licet sumat cibum, non facit pro-  
uera nutritione. Et hæc est causa tertij symptomatis pro-  
pter cruditatem & putrefactionem humorum tenuium,  
qui transeunt in aciditatem: ideo isti euomunt acida. Tum  
etiam ratione obstructionis causantis caliditatem maximā  
in hepate, non nutritur, ut oportet, quia sanguis non est  
laudabilis: uentriculus enim non concoquit propter frigi-  
ditatem, hepar uerò propter caliditatem maximam non  
facit sanguinem idoneum, & adurit: uentriculus autem  
crudum dimittit humorem. Causa uerò cur debilitatem  
ante cibum sentiat, est quia cum fiant digestiones, membra  
redduntur auara: ideo uenæ trahunt ab hepate, hepar à  
uenis mesaraicis, mesaraicæ à uentriculo: facta ultima cō-  
coctione cum percipit uentriculus mordicationem, debili-  
tatur, quia indiget multo nutrimento, tum propter humo-  
rem mordicantem: sumpto cibo obtunditur acrimonia hu-  
moris, & hepar inuenit quod attrahit, & uenæ, & tunc  
cessat symptoma. Hæc igitur sunt symptomata, & cau-  
sæ symptomatum, & quod pendent ab affectu hypochon-  
driaco, quem melancholiam hypochondriacam appellant.  
Cur autem habeat interualla per duos annos, hoc est, quia  
cum non sit per essentiam in capite, sed ratione obstructio-  
nis, & humoris feruescentis in uenis mesaraicis, ideo ha-  
bet interualla: & si leuabitur obstructio ab euacuātibus,  
& à uictu debito, liberabitur. Si uerò multiplicabitur, hoc

Bb 4 est,



est, uel ab aëre, uel à cibo, aut ab aliqua alia extrinseca causa, uel ab humore corporeo, augebitur morbus. Non fuit autem mirum si hoc anno multiplicatus sit, quia (ut dicit Hippoc. & Galenus tertio Epid.) cum aër nubilosus est & humidus, spiritus existens in ambitu totius, & sanguis ab aëre nubiloso crassescit, & non fiunt debite transpirationes, multiplicantur humores, fiunt malæ coctiones, calor naturalis obtunditur, fiunt obstructions, et symptomata dicta causantur. Vnde ego crediderim symptoma hoc etiam non nisi per accidens contigisse, quia humor melancholicus non per se, sed per accidens multiplicatus est, propter feruorem hepatis adurentis, ob obstructionē quæ facit inflammationem in uenis, & sanguis se ipso calidior factus est: affectus autem non est per se à melancholico humore, sed à phlegmatico frigido ebulliente circa illas partes. Vnde à medicis cura uariatur non parum: alij frigidā credunt esse affectionem, & ad calida recurrunt, & non parum nocent, quia hepar inflammant: alij ad frigida descendunt, & nocent, quia frigidus est uenter, hepar calidum: unde fit, ut cum unū sanetur, alteri noceant. Cum igitur humor phlegmaticus frigidus sit causa huius affectus, et nō humor calidus, frigiditate nō indiget, sed indiget apertione obstructionis. Ideo Gal. III. de locis affectis cōtra Dioclem disputans, cum de inflammatione uenarū mesaraicarū loqueretur, dixit Dioclem non assignasse rationem, cur ex ascensu uaporum fiant tristes imaginationes, cum tamen humor melancholicus non sit redundans, ac si uideretur alienum, quod fieret affectus melancholicus & non ab humore melancholico. Ideo Galenus posuit tres differentias, quod alia sit melancholiæ species, cum uapores eleuantur



tur ab humore crasso frigido, quibus spiritus obtenebescunt: & illæ tenebræ sunt causa, quod timeant, cum spiritus non habeant claros, timentq; ac si uiderent tenebras, & essent in tenebris exterioribus, quia nati sumus, ut uiuamus luce ex spiritu animali, scilicet qui lucidus est. Qui ergo fuerint tenebrofi ex melancholia uera, patiuntur melancholiam: qui autem ex uaporibus ab humore pituitoso eleuatis, hypochondriacam passionem incurrunt, propter obstructionem uenarum mesaraicarum ab humore pituitoso. Cognita natura morbi apparet quid præfagiendū. Ego nullum aliud præfagium proponam, nisi quod à Galeno propositum est, qui loquens ex Diocle dixit, quod à quacunq; causa proueniat hypochondriaca passio, prorogatur in pluribus, & non curatur, nisi diligentes simus, et in multis annis. Quantum ad curationem attinet, cum hic duo sint humores multiplicati præter naturam in ambitu totius tam ratione uentriculi, quam ratione hepatis, ut ex urina apparet, quæ coloratior est, quia feruor est in toto, & excessus maior quam sit opus, & obstructio adest: ideo ad ueram curationem, primò cacochymia, si quæ est in toto, remouenda est. quia non curabitur obstructio hepatis, & eius temperatura unà cum temperatura uentriculi non redigetur in melius, si permittamus hos humores, etiam quoad præseruationem. Imò si stabit cacochymia, succedet ægrotudo, & uel in humorem melancholicū incidet, uel in ægrotudinem deteriore. Ideo primò est euacuandum corpus: & hæc prima est indicatio rectè operandi. Circa euacuationem modò, bene constituti sunt multi modi: & primò missio sanguinis proposita est, deinde pharmacia. utrunq; conuenit, quia sanguis malus multiplicatus



catus non debet permitti, sed euacuari, ut natura rectificato hepate faciat meliorem sanguinem. Sed ubi hæc duo conueniunt, debemus incipere à missione sanguinis, antequam medicamentum purgans exhibeamus, nisi forte lenituum exhibere uellemus, ad euacuandum id quod in uentriculo & in intestinis, & in uijs (ut isti dicunt) ductuum reperitur. Et accederem ad uenam illam, quæ à fonte euacuat, ad basilicam scilicet, ut fieret euentatio, & refrigeratio hepatis. Si etiam à uena media, ut propositum est, fieret, non esset error: quia Hippoc. in 11. reg. acut. & Galenus dicunt: Si non inuenitur basilica, mediam tangas. Ideo non est disputandum an media, uel basilica sit secanda. Si à media euacuabitis, quia habet ramum magnum à basilica, poterit tangi: sola autem media solet secari cum læsio est in cerebro, ut ab utroq; euacuetur. Facta sanguinis missione, non omitterem euacuationem per pharmaciam. Sed quia concocta medicari, atq; mouere non cruda debemus, maxime si obstructio sit in mesaraicis, debent aperiri, ut melior fiat attractio; ideo syrupi abstergentes, & aperientes conueniunt. Tales autem syrupi sumuntur ab indicationibus rectè operandi: & quia supposuimus in toto sanguinem calidiores humori crudo permixtum, stante uentriculi frigiditate, cum prima concoctio non corrigatur à secunda; ideo si in uentriculo est cruditas attrahitur talis: ideo humor crassus est incidendus. Et quia hepar calidum est, non uteremur calidis incidentibus: ideo usus syrupi acetosi conueniret. Et quia dicit Hippoc. super 111. reg. acut. cum Galeno cōuenire magis biliosis, quam melancholicis. Dicit ibi unum uerbum, quod acetum facit degenerare bilem in pituitam: quod an uerum sit, & fieri id



id possit, remitto alijs considerandum, quia Galenus locum illum transit sicco pede. Quamuis igitur acetum non conueniret, quia abundat humor melancholicus, associabitur cum syrupo de pomis, in quo est caliditas, & humiditas ad temperandum feruorem sanguinis, & humor ille adustus reducetur ad temperiē: ex acetofo autem habebimus incisionem: & cum melle rosato parabimus ad abstergendum. Decocta acciperemus de buglossa, borragine, capillis ueneris. Pro euacuatione autem eligerem eradicatiua, ut confectionem hamech, in qua est agaricus, & colocynthis, quæ crassos humores euacuant: est præterea sena, polypodium, epithymū, quæ euacuant efficacissime humorem melancholicum, & maximam habent uim corroborandi, quia ingrediuntur in ea myrobalani omnes: & forte magis dicenda est medicina securitatis à Mesue, quàm dia-phinicon. Et si uellemus aliud, syrupus rosatus solutius addi poterit ad confortandum cor, hepar, quia facit solutionem aliarum medicinarum meliorem. Circa euacuationem hætenus persisterem. Propositum est, an hæmorrhoides essent prouocandæ. Certè feruor sanguinis circa uenas mesaraicas existens ita calefacit hepar, ut necessarium sit quòd multiplicetur humor melancholicus in uenis. Esset optimum tempore ueris prouocare ipsas: sed postquam hominem dimitemus, sibi ipsi redibit dispositio. Si ergo haberet hæmorrhoidas, quæ ueris temporibus fluerent, contemperarent hepar, & euacuarent melancholicum humorem. Sed in appositione sanguisugarum nihil spero, quia crassum sanguinem dimittunt, & attrahunt subtilem, cum non sit ibi foramen. Utilitas autem, quam spero, nō ex attractione sanguinis, sed quia aperiuntur per se ex tali applica-



plicatione. Et uidi ego mercatorem frumentarium, cui affecto liene à tumore maximo iussi ut prouocarentur, & duabus sanguisugis applicatis ita aperta fuerunt ut exirēt uiginti libræ sanguinis, ita ut crederem bouem iugulatum. Quia ergo uidemus quòd sponte in multis sanguis euacuatur, apertis illis, non ex sanguisugis sperarem utilitatem, sed ex apertione quæ sequitur. Proposita fuere balnea ex dulcibus aquis: & ego illa laudo, quia corpus humectant, coctionem adiuuant, calorem hepatis contemperant, & corpus maxime corroborabunt. Ideo parare poterimus tinam in domo, & ibi permanebit usq; ad guttur, & post balneū corpus inungetur cū oleo de rosetis. Balnea tamen non fient nisi factis prius euacuationibus, & apertis obstructionibus. Ad præseruandum, quia in præsenti modica est obstructio, licet sanguisugæ non prouocarent, paucum damnum facient, quia uncia duæ uel tres ad plus euacuarentur: uel aperirentur, quod esset ualde utile. Proposita autem fuere balnea Patauina, & Calderiana. Patauina nullo modo conueniunt ratione suæ caliditatis: & si non timerem uentericulum, laudarem Calderiana, & credo quòd conuenirent, quia aperiunt obstructiones, & prouocant urinam: & domino Fabio Contareno affecto olim melancholia, mirum in modum profuerunt. Nunc autem conqueritur de uentriculo frigidiori: sed scio curatū fuisse à melancholica affectione, & nescio quomodo conqueratur, cū sit pinguis, & optimam habeat habitudinem. Et hæc dicta sint circa balnea. Pro confortatione, & conseruatione sanitatis, & ad contemperandum hepar & uentericulum, & ad apertionem uenarum mesaraicarum, laudarem pro re familiari continuè utenda, ut tempore totius anni



anni uteretur zuccharo rosato cum puluere rhabarbari, quia ex hac semper educeretur aliquid aggregatum in mesaraicis. In æstate uerò prætermisso zuccharo rosato, cassiæ drach. quinq; uel sex cum semidrachma rhabarbari eligerem, præter illos dies æstiuos: cum zuccharo rosato miscerem confectionem dianthos, & species diamusci dulcis, & diacinnamomum. Præterea circa cibum, & potum, & circa reliqua rectè se habeat, ut circa potū. Credo quòd tota uis consistat in electione boni uini, quia uinū continuum est: & ideo uinum bene maturum, & album, & cerefolium esset eligendum. Conuenientius autem pro stomacho esset quod minus album est, quia uina alba in hac ciuitate Venetiarum habet quandam crassitiem. Et ita ego isto itinere procederem.

Consult. LXXIII. Ad ramicem  
intestinalem.

ET LOCVS & modus tumoris, & materia exiens, quæ proculdubio ex intestinis est, manifestissimè indicant esse ramicem intestinalem, non ex apertione, sed ex ruptura peritonæi. Propterea cura perfectâ non est tentanda, quam omnino fieri non posse arbitramur, præcipuè cum tandiu perseuerauerit. Sed quæ cura adhiberi potest, ne in deterius decidat, & ut consueta negotia transigat, talem esse iudicauerim. Primò ut perpetuò se abdicet ab aëre frigidiore circa partes illas affectas, & à frigore pedum, quandoq; etiam totius corporis quantum fieri potest: euitetq; & nives & pluuias, quæ uel caput & alias corporis partes humectent & refrigerent. Caueat à  
quos



quocunq; ualido motu, ab equitatione equorum tolitim uel incommode ambulantium, & à sella duriore ac aspera, & à stapedis longius productis, & non equitet post cibum, aut potum, illud enim pessimum est. Caueat à coitu præcipue intenso, à retentione anhelitus, à nimia compressione uentris, à clamore, à uociferatione, ab occasione tussis, & sternutationis magnæ. Effugiat compotationes, & comessationes, sitq; parci uictus: bis tantum in die comedat & bibat, in prandio scilicet & coena. Cibaria sint simplicia unius generis minime flatuosa, sed boni nutrimenti. Pessima sunt omnia lacticia, pisces, legumina, olera, allia, cepæ, & huiusmodi: pasticæ, res fixæ in sartagine, castaneæ, & tandem omnia quæ flatuosa sunt, ac uina dulcia ac crassa, & noua turbida quale mustum est. Caueat à fructibus, præcipue uuis & pomis cuiuscunq; generis. Habeat quotidie beneficium alui, neq; hoc dimittat, quantum fieri potest: quod si quandoq; deficiat, suppleat uel cum clysteri communi, uel cum pilula aloës simplici ad pondus ʒ i. sumpta per horam ante coenam: uel cum terebinthina ad pondus ʒ i. sumpta tribus horis ante prandium. Utatur sæpe pilulis de hiera simplici, sicut ter, uel quater in mense, sitq; pondus ʒ i. hora una ante coenam. Descriptio autem pilularum talis sit.

℞. Cinnamomi

Croci

Cubebarum

Masticis

Asari

Spicæ

Aloës optimæ

ana ʒ ij.

ʒ i. s.

Pulue



Puluerizentur per se, &c. Quantum uero ad extrinseca localia attinet, primò tumorem rupturæ liniat blandè singulis diebus, siccando cum oleo anethino. Postea ubi ex recta ratione uictus, purgationibus, et linimento retroceſſerit intestinum ad interiores partes, quemadmodum consuevit, tunc apponat ceratum, firmissimè ad hærens loco, quod conficitur uulgò apud aromatarios, & appellatur ceratum de pelle arietina. Deinde supponat ligaturam ab optimo artifice ita compositam, ut & firmissimè adstringat, & sustineat, & minimum aut nullum excitet dolorem, sitq; mollissima, & lenissima tactu, quantum fieri potest, quam die ac nocte affixam loco tenebit, singulis autem quibusq; xv. diebus, aut saltem tribus septimanis ceratum innouabit. Hæc sunt, quæ ad possibilem curam præcipuè mihi præstare uidentur.

Consult. LXXIIII. De hernia.

PRIMO abſtinebit ab omnibus rebus uentosis, sicut à lacte, à fructibus, ab omnibus leguminibus, ab allijs, cæpis, & tandem ab omnibus radicibus. Cauebit etiam ab omnibus generantibus humorem crassum, sicut sunt res frictæ in sartagine, pisces, panis azimus, caro porcina, caseus, uina crassa & dulcia, præcipuè nigra. Cauebit ab omni ualido motu, sicut saltu, uel repente ascendere scælas, uel currere. Equitatio sibi est contraria admodum, præcipuè in equo saltante aut citò ambulante, & cum sella dura inæquali, & cū stapedis longis, & hoc præcipuè post cibum. Cauebit ab omni clamore magno, à cantu alto, à retentione anhelitus, à fistularum sono, & præcipuè earum



rum quæ uulgò Corneta dicuntur. Cum hac uictus ratione sumet ter saltem in mense resinam pinguem purissimam aut abietis, aut laricis, præstat tamen laricina, & sumat semunciam singulis uicibus cum drachma specierum hieræ simplicis, faciendo bolum cum zuccharo: sumet autē tribus horis ante prandium. Caueat à potu aquæ, & præcipue si admisceatur uino. Cauebit quantum poterit ab omni genere acetariorum, & herbarum crudarum. Præterea apponet loco rupto, uel rumpendo ceratum de pelle arietina, uel ceratum quod uulgò dicitur pro crepatis, & ita apponet, ut supra aptetur ligatura consueta, uel loco cerati illam apponet habentem figuram hemisphærij, ita ut planum hemisphærij sit extrinsecus, conuexum intrinsecus supra ruptura: sitq; illa conuexitas sensim rotunda, neque multum protuberans, ne nimia compressione infigatur dolor, firmeturq; supra ligetur cū ligatura cōsueta.

Consult. LXXV. De imbecillitate ventriculi cum fluxu mensium alborum, pro matrona Veronensi.

UT matrona ista nobilissima præseruetur, primò attendendum est rectæ uictus rationi. Atq; in primis cauere oportet à cibis pastilibus, à lacticinijs, & piscibus, placentis, à carnibus suillis, ab auibus, quæ in aquis degunt, ut anseribus, & anatibus, ab oleribus crudis, & fructibus, præter ficus benè maturas, ab omnibus rebus frictis in sartagine, à leguminibus, à carnibus antiquis, sicuti bouinis. Vinum nec nimis potens, nec nimis pauciferum, sed mediocre, limpidum, & clarum, & præcipue non sit acerbum: non



non bibat inter cœnam, & prandium, præcipue post cœnam. Quantum attinet ad medicinalia, consuescet sumere singula septimana semel alterum, quod illi magis gratum erit, aut duos scrupulos hieræ simplicis in formam pilularum reductos una hora ante cœnam. Descriptio hieræ erit ista.

℞. Aloës optimæ 3 vi.

Cinnamomi

Mastiches

Spicæ

Croci

Asari

Cubebæ

ana 3 i.

Puluerizentur omnia per se, deinde misceantur: postea fiant pilulæ, singulæ sint drachmarum quatuor. quarum pilularum (ut dictum est) sumet drachmam singula uice, semel in hebdomada una hora ante cœnam. Præterea illi net renes uniuersos infra scribendo linimento.

℞. Consolidæ maioris

Rosarum rubearum

Radicum rubi

Nucum cupressi

Rasæ tabularum

ana 3 ij.

Bulliant omnia simul in aqua communi ad consumptionem duarum partium. Deinde

℞. Olei rosacei completi

De cotoneis

De myrtis

ana 3 i.

Bulliant omnia simul ad consumptionem aquæ. Deinde

℞. Sandarachæ

Cc

Masti-



Mastiches

Thuris

ana 3 ij.

Conterantur minutissimè, & ponantur in prædictis oleis, & commisceantur: deinde fiat linimentum, addita modica cera. Hoc linimento illinet uniuersos renes usq; ad sedem prætermissa spina dorsi, & temporibus calidis illinet ita frigido: hyeme uerò modicè calfiat, quoad tepescat. Præterea laudo, ut alterno mane una hora ante prædium sumat pilulam factam ex mastiche in puluerem redacta, quæ optima sit, & electa. Hæ autem pilulæ formantur cum melle rosaceo: pondus singularum pilularum erit scrupulus. Hoc modo si perseuerauerit in hac uictus ratione, & his remedijs usa fuerit, non uereor, quin S.D. non sit intentam sanitatem consequutura, ad laudem Dei omnipotentis.

Consult. LXXVI. De affectu hypochondriaco, pro Comite de Mantfort Germano.

LABORARE Illustrissimum Comitem eo affectu non dubitamus, quem antiqui medici flatum hypochondriacum, recentiores myrachialem appellarunt. Ita enim esse, & moestitia præter causam, perpetuq; ferè circa hypochondria rugitus facile ostendunt. Cum uerò huiusmodi affectus à contraria intemperie duorum membrorum dependeat, uentriculo inquam frigidiore, & hepate calidiorè, habemus in Illustrissimo Comite utriusq; intemperaturæ manifestissima signa: nam & tardè admodum concoquit, plurimaq; redundat pituita, & quoad uentriculū attinet, iuuatur à calidis, nocumentoq; afficitur à frigidis.

Renes



Renes uerò calidiores arenarum rubearum frequens, & copiosa eiectione ostendit, urina lutei coloris, subtilis, pellucida, pustulaeque quandoque erumpentes, mordaces, ulceraque emanantia, caliditatem insignem hepatis arguunt. Aegritudo igitur Illustrissimi D. est intemperies uentriculi frigidior, & hepatis calidior, à quibus proximè generantur symptomata cruditatis, flatuum, mæstitiæ ob uapores feruefactos, & adustos à uenis mesaraicis ascendentes ob materię inflammationem in illis partibus collectæ. Hinc oritur curationis difficultas, & morbi longitudo: cum enim uentriculus calidioribus ad curationem indigeat, hepar uerò frigidioribus, non potest medicus alterum sine alterius insigni noxa curare, unde etiam morbi longitudo consequitur, præcipue quoniam duo illa membra uniuerso corpori nutriendo inseruiunt, quæ cum ægrotent, necessarium est nutrimentum quoque generari, neque aptum, neque utile corpori. Tot igitur sunt causæ, & longitudinis, & malitiæ morbi, quibus postea si accesserit mala uiuendi ratio, & medicorum importuna, & malè intellecta curatio, tunc nihil deerit ad perniciem Illustrissimi Comitæ perficiendâ.

Primò igitur pro scopo curandi illud est proponendum, ne aliquis medicus audeat totis uiribus, uel magno aliquo impetu ad morbum tollendum proficisci, siue purgando, siue alterando, uel corroborando processerit. Cum enim purgationes fiant per attractionem humorum à tota corporis circumferentia per hepar ad uentriculum, uenenosa uirtute pharmaci uiolenter attrahente, necessarium est, ut ab huiusmodi purgatione tam uentriculus, quàm hepar mirum in modum debilitentur, exsiccentur, proprioque, ac naturali calore destituantur, ac consequenter ad omnem per-

Cc 2      niciem



niciem præparentur. De alteratione uero, & corroborat  
tione quid dicere oportet? Quomodo enim uel uentricu  
lum, quantum oportet, calefaciet medicus, uel refrigera  
bit hepar sine alterius maximo detrimento? Ergo primū  
prouidere debemus, ut placide, moderateq; omnia pertra  
ctentur, et siue purgatione, siue alteratione indigeat (utro  
que enim indigebit) tam hæc, quàm illa cautissimè fiat:  
quodq; uno impetu confertim fieri non potest, longo tem  
pore paulatim efficiatur, atq; hæc uidetur esse tota ratio  
curationis in Illustrissimo Comite, à qua si tātillum disces  
serit, præterquàm, quòd frustrà laborabit, maximis etiā  
periculis se exponet. Exordiendo igitur curationem ma  
gis particularem dicimus, Illustrissimam D. S. potissimam  
spem in rectissima uictus ratione cōstituere debere: ac pri  
mò omni diligentia procurare debet, ut ab omnibus animi  
molestijs prorsus liberetur, fugiat præcipuè aulica nego  
tia, in quibus nunquam ab ambitione, ab æmulatione, ab  
ira, à suspitione, & odio poterit separari. Hæc enim om  
nia ita aulæ, & regijs domibus sunt annexa, ut ullo unquā  
tempore, neq; segregari potuerint, neq; poterunt. Quan  
diu igitur in negotijs aulicis implicabitur, tandiu morbo  
rum suorum causam præcipuam fouebit. Ergo si sanitatē  
procurat, ad animi quietem, & ad tranquillitatem confu  
giat, proprijsq; fortunis amplis, & honestis contentus sit,  
eligatq; habitationem optimi aëris, & iucundam, oppor  
tunisq; & commodis uenationibus corpus exerceat, atq;  
in alijs honestis uoluptatibus occupetur cum iucundis ami  
cis uersando, ludendo, & confabulando, de nullaq; alia re  
minus, quàm de sua ægritudine sit sollicitus, tantum se cu  
stodiat, & muniat, in reliquis morbum contemnat. Caue  
bit



bit tam à frigore intenso, quàm etiã à calore, unde & uen-  
tos omnes euitabit, niuesq; horridas, & pluuias: sed aëri  
tranquillo se semper exponat: & si quandoq; aliquo urgē-  
te negotio cogetur in aërem intemperatum accedere, mu-  
niat se opportunè his, quæ illi tēperaturæ aduersari pos-  
sunt. A uenere non omnino uellem, ut abstineret, imò  
(quemadmodum ego opinor) moderata uenus illi non me-  
diocriter conferet, si modo commodè, & suis temporibus  
illa utatur. Tempus opportunum tam ueneris, quàm exer-  
citij est, cum uenter sit à cibo uacuuus: facta enim pri-  
ma concoctione tam ad uenerem, quàm ad exercitium ac-  
cedere oportet. Procuret præ cæteris omnibus, ut quo-  
tidie habeat alui beneficium, & ad hunc usum summopere  
laudo illud etiam, quod prius admonui, ut habeat familia-  
rem terebinthinam Cypriam, quam deglutiat ad quantita-  
tem nucis paruæ, tribus horis ante prandium, semel, aut  
bis, aut ter, in singulis septimanis, prout expedire uide-  
bitur. Nam præterquàm, quòd aluum mollem efficit, uen-  
triculum etiam purgat, obstructions aperit, urinam pro-  
uocat, calefacit uentericulum, neq; propterea hepar ledit,  
imò & illi mirum in modum confert aperiendo, abstergen-  
do, & mundificando. Quantum uerò ad cibum, & potū  
attinet, primò euitabit tanquam pestem multitudinem ci-  
bariorum, sed unico tantum cibo contentus erit, neq; illo  
copioso, sed semper citra satietatem à mensa recedet. E-  
runt cibi laudabiles, à quibus nunquam discedet, caro pul-  
lorum, hædorum, uitulorum lactentium, phasianorū, per-  
dicum, & auium campestrium pinguium, præter coturni-  
ces, quas uulgò qualias uocant: utetur ouis sorbilibus, &  
recentibus. Abstinebit ab omnibus carnibus antiquis, ab



auibus palustribus, à carne porcina, à piscibus, à leguminibus, ab oleribus, à fructibus, à caseo, & ab omnibus lacticijs, ab usu aromatum, à rebus frictis in sartagine. Vinum eliget album, clarum, pellucidum, bene maturum, mediocriter potens (uina enim potentia sunt illi maxime infestat) quod etiam uinum moderatè bibet, in prandio tantum, & cœna, & omnino compotationes effugiet. Hæc est uictus ratio à S. D. diligentissime seruanda, in qua ferè tota curationis spes statuenda est. Quantū uerò ad medicamenta attinet, in illis ero admodum parcus. laudarent tamen, ut bis singulis annis moderatè se purgaret, uere inquam, & autumnò. Esset purgatio huiusmodi.

℞. Specierum hieræ simpl. 3 ij.

Floris cassiæ 3 x.

Cum saccharo fiat bolus, sumendus hora ante prandium.

Deinde

℞. Syrupi de cichorea Nicoli sine rhabarbaro

Mellis rosati ana 3 i.

Aquæ absinthij 3 iiij.

Misce pro uno, & sic pro septem. Deinde

℞. Rhabarbari electi 3 ij.

Spicæ gr. x.

Irrorentur uino albo aromatico: deinde infundantur in aqua endiuie per horas decem. Postea

℞. Syrupi rosati solutiui 3 iiij.

Misce, & fiat potio, danda in aurora cum custodia.

Hic est modus purgationis, quem tam uere, quàm autumnò poterit obseruare. In spatij uerò intermedijs, si quandoq; terebinthinæ usus non sufficiet ad uentriculum idoneè expurgandum, poterit quandoq; mandere scrupulos duos

rha-



rhabarbari electi, & deglutire tribus horis ante prandiū. Utetur etiam frequentissimè ante prandium, & cœnā saccharo rosaceo ad uncie quantitatē: est enim, & uentriculo, & hepati, & renibus quàm maxime utile. In extrinsecis autem linimentis parum admodum confido, ideo illa omnia consultò prætermitto. Neq; hic electuاريorum, & confectionum multitudinem congero, noui enim quantum turba, ac multitudo remediorum confertim congesta diuturnis morbis nocere solet. Et hæc si rectè obseruauerit, spero Illustrissimam D. S. bene habituram, cum Dei optimi auxilio, cuius nomen semper sit benedictum.

Consult. LXXVII. De urinæ difficultate cum pruritu, & de dolore dorsi ac renum, & de grauitate gingiuarum, & de lue Gallica.

SUPPOSITA historia fideliter recitata consideranda sunt præcipue symptomata, eo quia ut hæc tollamus, à nobis consilium petitur. Symptomata autem sunt hæc, primò quidem conqueritur de difficultate urinæ cum quodam pruritu: hic enim Magnificus uir cum uult urinā emittere, id liberè prius efficere non potest, imò dolore afficitur circa partes illas, & quodam (ut diximus) pruritu, ita quòd non potest liberè mingere, donec prius exierit materia quædam crassa, qua egressa facilis postea est exitus urinæ. Deinde conqueritur de dolore circa renes, & dorsum. Præterea est aliud symptoma, nam uidemus eius urinam colore glaucam admodum: & est talis color tendens & propinquans albedini, & appellatur rufus à Galeno secundo de temperaturis. Talis igitur est color uri-

Cc 4 næ:



na: secundo quoad luciditatem, hæc urina subobscura apparet: præterea quoad substantiam ipsam est subtilis: quo autem ad contenta, hæc habet hypostasim siue potius sedimentum crassum, uiscosum: in superficie etiam urinae plurima adest spuma. Hæc symptomata in urina, propter illud sunt considerata, eo quia talis uir circa partes illas dicit se dolorem sentire cum pruritu, & de illis conqueritur membris, ex quibus exit urina. Conquestus est etiam de alio, quod in principio urina esset foetida: ita quod secundum quod nobis retulit excellentissimus medicus, qui curam huius Venetijs habuit, medici illi arguebant putredinẽ ulcerosam in uesica esse, hoc nos non uidimus, sed ipse sic retulit. Sunt postea alia subsequencia symptomata ad hæc ex quibus illud unum est quod percipit pondus in inguine, ac etiam narrat, quod si incommode pedem in terra figit aut pedi insistat, sentit dolorem in illis partibus scilicet in partibus ipsius uesicæ. Habuit & alia annexa symptomata, scilicet morbum Gallicum. Vnde fuit perunctus unctione illa maledicta argenti uiui, propter quam dentes ad unum ex ore decidere, licet uisum sit ipsum ab eo sanatum tunc temporis morbo. His uisis symptomatibus, ac fideliter enarratis, singulorum causas inuenire operæpretium duximus, quo recte curare & tollere hæc symptomata ualeamus, quoniam ab ijsce causis, ex quibus sunt symptomata, curatiue sumuntur indicationes. Consideremus ergo singulorum symptomatum causas: primo quoad difficultatem urinae, quam patitur, dicimus non esse in his immorandum, scilicet in inuestiganda huius symptomatis causa enumerando causas omnes, quæ tale symptoma causare potuerunt, aut imbecillitas membri sit, aut materia, aut ambo,



ambo, quæ materia collum uesticæ obstruxerit, aut aliquod tuberculum: huius causa per se patet. Prætermiſſis itaq; omnibus dicemus causam suppressionis urinæ esse materiã crassam adhærentem collo uesticæ, & obstruentem meatũ illum: obstruendo enim supprimitur urina, cuius signum euidentissimum est hoc: eo quia cum prius laboret aut mingat, hac emissã materia cessat labor & dolor, & postea liberè mingit. Subsequitur postea ad urinam emissã, & materiã crassam illud symptoma & pruritus in collo uesticæ, propterea quia (ut bene dictum est à suo Doctore) hic Magnificus uir calidæ fuit temperaturæ, nunc autem sit in ætate senili, in qua dominatur frigiditas: pituita fuit reddita salsa nitrosa tum propter aduſtionem, cum fuerit calor diminutus, tum propter putredinem humorum in senibus, ex quibus sit salsa pituita. Vnde hæc materia salsa cum per collum uesticæ, quæ est maximè sensibilis, permeet cum urina, causatur ille pruritus ea in parte, id est, in collo uesticæ, in qua facillè figitur materia, cum ibi sint multe cavitates, quemadmodũ ex anatome potest cognosci facile. Et sic habetis iam causas horum prædictorum symptomatum duorum, quare scilicet difficulter in principio mingat, ac etiam propter quid in ea parte patiatur pruritum propter materiã salsam in colli uesticæ cavitatibus adhærentem. Cum autem symptomata hæc tales habere causas, scilicet pituitam salsam declarauerimus, reliquũ est ut uideamus, à quibũsnam membris mandantibus uestica talem recipiat materiã pituitosam: & cur sic magis ipsa, quàm alia membra fluxionem recipiat, ac etiam per quas uias demãdetur: hæc enim suprã sunt declarata, quia iam declaratum est quæ sit materia fluens, quæ est pituita  
salsa



salsa crassa deducta ad putredinem propter aliquam causam, sapore salsa, foetida, foetidam diximus quia prius perceptus est foetor, licet fuerit quandoq; magnus, ut retulit Nobilissimus uir. Et ita crassa, uiscidaq; fuit hæc materia, ut in longum spatium continuè traheretur absq; hoc scilicet quòd diuideretur. Talis ergo fuit materia. Cur autem uesica potius recipiat superfluitates, quàm cætera mēbra nunc uideamus, quia solet etiam talis materia ad pectus, aut ad pulmones, ad pedes, ad articulos, iuncturas labi. Sed quid fuit in causa, quòd in hoc Nobiliss. uiro materia hæc ad uesicam defluerit non ad aliū locum: in corporibus humanis aliquando aliqua pars alijs redditur imbecillior, & illud non modò contingit, ut scilicet pars aliqua reliquis sit imbecillior propter aliquod accidens; sed à natiuitate etiam. Vnde à natiuitate aliqui habent pectus adeò imbecillum, ut illuc semper defluat materia. Aliqui uerò habent musculos debiles: alij iuncturas, in quibus articularis morbus non abest: alij uesicam, sicut habuit hic Magnificus uir: & sic non modò secundum accidens aliqua pars alia est imbecillior, sed ut diximus etiam à natiuitate. Quòd fuerit per accidens aliquod uesica facta imbecillior, omnibus manifestum est: siquidem hic Nobilissimus uir plurimum equitauit, itineraq; habuit, perpeffusq; est maxime: ex quibus agitata fuit uesica propter illos motus non parum: unde est eius uirtus resoluta. Præterea huius etiam in causa fuit multus coitus, cui toto tempore ferè fuit deditus: ex quo fuit euacuata humiditas radicalis, exiccata sunt membra, & præcipuè quæ sicca sunt, ut est uesica. Hac autem reddita imbecilli transmittunt fortiora membra excrementa ad illam, quia fortius semper demandat



dat ad debilius quod nocet. Et sic quicquid fuerit in causa imbecillitatis uirtutis uesticæ, aut uictus ratio, aut id fuerit à natiuitate, satis sit scire hoc quod propter eius imbecillitatem sit. uestica materias defluentes recipit, quoniam ut diximus membrum fortius ut II. de potentijs naturalibus, & prima primi doctrina sexta cap. III. dixit Auic. expellit superfluitates ad debilius, & minus nobile. Quod autem sit reddita imbecillis uestica, patet quia est eius diminuta actio, quod indicatur ex frigiditye eius. Hactenus ergo habemus quænam sit materia, & qualis, & quæ fluit: & quod sit membrum recipiens propter imbecillitatem eius, aut sit imbecillitas à natiuitate, aut propter rationem uictus malam, aut propter quid aliud quod incidet, nihil refert, quia non impedit curationem. His uisis modo per quas uias defluat materia talis ad uesticam, exploremus. Viæ propinquæ, per quas defluat talis materia ad locum, sunt uasa urinaria, per sola hæc deuenit ad uesticam, et non per alia membra, nisi per resudationem dixerimus. Huius signum est, quia ibi recipitur dolor in membris, quibus adherent uasa hæc urinaria, scilicet in uestica & renibus, ut supra diximus. Si enim materia defluxa est ad uesticam & defluit, certè iter erit per uasa deferentia talem materiam, & contingentia ad uesticam: sed talia sunt uasa urinaria scilicet pori dicti uritides, qui contangunt uesticam, & renes: unde talia incipiunt uasa, qui quidem renes recipiunt per uenas illas materiam urinalem ab hepate. Ergo per renes necessarium est, quod materia transeat per uasa urinaria ad uesticam, per renes inquam, quia est membrum superius. Nunquid autem renes sint & ipsi membra mandantia, inquirendum est. Dico quod nullum contin-

git



git . . . renibus, propter quod talem mandent materiam: bene tamen crediderim ex attractione materiae factos esse imbecilliores, ita quod malim ego dicere renes recipere praecipue à toto corpore, post deueniat materia ad uescam, & sic sint duo membra recipientia, tamen ad uescam ultimo terminatur materia. Modò uidendum est quanam sint mandantia. Pro quo obseruandum, pituita, quam dicimus esse materiam defluentem, partim in uentriculo, partim in hepate generari, licet differat pituita, quae est in hepate, ab illa quae est in uentriculo: quia illa in hepate est mixta sanguini, haec autem non, ut 11. de facult. nat. Est quasi pura æquiuoca pituita quae est in uentriculo, sicut illa est quae fluit è naribus, improprie tamen dicitur pituita: sed uera pituita est quae generatur in hepate cum sanguine, & contradiſtinguitur sanguini ac alijs humoribus. Nunquid ergo sit membrum principale mandans hepar? Notandum, quod corpus huius Nobilissimi uiri fuit calidissimum: quod patet ex multis signis & talibus, ut et mutata temperatura denuntiet statum praeteritum, ut uenae latae quae sunt indicium, ut dicit Hippoc. hepatis calidi: semper enim manent, & si mutata sit temperatura. praeterea habitus corporis, habet enim multos pilos, habet corpus subnigrum: uirtus uitalis adhuc fortis. Quae signa omnia sunt calidioris temperaturae signa, ut & eius calciamenta adurerentur: illud autem erat propter motum, ex quo uapores multiplicabantur, ac penetrabant per cutim ad calciamenta. Fuit igitur calidioris temperaturae: sed aliud est fuisse, aliud est esse: modò enim cum de uenerit ad sexagesimum annum nō adest amplius caliditas illa, sed deuenit ad frigiditatem. Cuius indicia sunt ipsius

excre-



excrementa, ut urina: uidemus enim urinam admodū glau-  
ci coloris tendentis ad albedinem, qui quidem color attesta-  
tur frigiditatem. Si consideretis etiam urinam quoad luci-  
ditatem, hæc est subobscura, obscuritas autem indicat fri-  
giditatem. Deinde si attendamus spumæ, quæ est adhærēs,  
hoc signum est calorem esse diminutum, quod non potuit  
materiam illam dissoluere. Præterea sedimentum est cras-  
sum, quod denotat pituitam crassissimam, & sic frigidita-  
tem membrorum: si enim pituita, quæ est naturalis frigi-  
da humida existit, & sentitur, quantò magis, si hæc erit  
crassissima, erit frigida: cum crassities non proueniat,  
nisi à maxima frigiditate. Et sic concludendum urinam  
prouenire à membris frigidis, & indicare membra frigi-  
da. Et non tantum ex ijs indicatur; sed etiam ex uno alio,  
scilicet ex multitudine urinæ, quæ attestatur frigiditatem:  
cum enim sit multa materia, signum est, quod non potest  
digeri à calore, & ideo euacuatur per uias has, quemad-  
modum & per halitum, & per sudorē, & huiusmodi pos-  
set euacuari, si calor dominaretur. Et ideo iam patet do-  
minari frigiditatem, maximè cum sit senex, in qua ætate  
semper calor diminuitur. Præterea usus est labore super-  
fluo, qui maximè facit ad exiccationem humoris radica-  
lis. Fuit & coitus, fuit & pestis illa, scilicet applicatio  
argenti uiui, quando laborabat morbo Gallico, quod qui-  
dem est frigidissimum, prout consideraere optime Ara-  
bes: dico Arabes, nam Galenus non cognouit. Et notan-  
dum quod Rasis dixit argentum uiuum nō tantum non es-  
se frigidissimum, sed calidissimum dixit esse in quarto. Sed  
crediderim, quod Rasis intellexerit de argento sublimato:  
id enim calidissimum esse in quarto uerum est. At argen-  
tum



tum uiuum, de quo diximus, est frigidissimum, ita quod & Auic. dicat hoc inducere paralyses, stupores, &c. & penetrat ad medullas ossium, ita ut calorem extinguat naturalem, & est ut uenenum. Videtis ergo causas extinctionis caloris, primò est ætas senilis, mala uictus ratio in sex rebus non naturalibus, in quibus omnibus iste peccauit: præterea unctio illa. quantum etiam ad id adiuuet infectio Gallica non dixerim, quia uos scitis quantum adurat, exiccet, quæ omnia faciunt ad exiccationem caloris, & humidi radicalis, & consequenter abbreviatur uita. Cum tot ergo causæ concurrant, non tantum erit dicere pituitam generari in hepate, & multiplicari, sed & in uentriculo, in capite, ex quo fiunt catarrhi, qui sunt propria passio senum, & hic etiam laborat catarrho. Et cum (ut dixit suus Excellentissimus doctor) possit catarrhus fluere ad alias partes etiam subiectas, tamen quia in hoc uiro uestica est pars imbecillissima omnium, nam inuenit uias, uasa, quæ diximus, per quæ deferatur materia ad uesticam. Et sic iudicium meum est, quod recipientia membra sint duo & renes, & uestica, quæ tandem recipit materiam: mandantia autem primò sunt hepar, quod generat nunc pituitam, cum sit lapsum à sua temperatura calida ad frigidum, & ratione ætatis & aliarum supradictarum causarum: extat & uenterculus multam generans pituitam: & hic est passus etiam dolorem colicum, patitur & catarrhum. Et sic caput etiam mandat, & omnia conspirant ad confluxum: & sic non est mirum si confluat materia multa ad locum, & hic adeo fuit catarrhosus, ut cum spueret siue in templo, siue alibi, multi qui eum nouerant, facile ex uiso spuito iudicarent hunc Nobilissimum uirum ibi fuisse: & adeo



Et adeo quandoq; expuebat, ut multum admirarentur medici, Et nunc etiam licet à frigidis, Et humidis cibis Et pituitam generantibus se continuo abstineat, tamen continue multiplicatur talis materia. Colligendo ergo fragmenta, ne pereant, iam habemus, quæ sint membra recipiētia, quæ sint uiæ, Et uasa, per quæ materia defluat ad uesicā: quæ quidem uiæ sunt latæ, Et paratæ ad deductionem materiæ propter duas rationes, primò propter caliditatem hepatis quod dilatat, Et sic fiunt apertæ uiæ: secūdo propter ea quæ ad talem uiam dilatandā iuuerunt, ut fuit coitus inordinatus multus, equitatio, Et huiusmodi, quæ trahunt materias ad renes, ad uesicam. habemus Et quæ sit materia, quæ sint membra hanc generantia. De causa salsedinis materiæ dictum est illud esse propter putrefactionem pituitæ, cum sit iam senex: ex putredine enim, quæ sequuta est ad diminutum calorem naturalem, facta est pituita salsa, nitrosa, quæ salsedine sua proritat partes illas. Ex ijs subsequitur, percipit nocumentum in partibus inguinis, Et cum terræ figit pedem, Et cum mouetur inordinatè. Et circa hoc notandum quid dicant moderni: inquiunt enim huiusmodi signis apparentibus indicari lapidem esse in uesica, qui lapis ibi conquassatur: cum postea audiunt, quod uirga erigitur, huius causam assignant, esse scilicet uapores in poros illos erumpentes. Excitatur Et pruritus quidam ex materia salsa, qui est cum quadam delectatione, eo quia licet sit salsus, tamen est cum aliquali dulcedine. Hæc sunt signa calculi posita à modernis, ita quod ijs positis ponatur Et calculus inesse. Verum huiusmodi signa possunt etiam inexistere ex materia crassa flatuosa: quare non concludunt de necessario, quod sit calculus



calculus in uestica. Et semper aduerti unum in tot colloquijs, ubi fuerunt excellentissimi uiri chirurgi, quod scilicet nullum signum calculi ex his habeant. At semper uolebant ad hoc uidendum an sit calculus, ut immitteretur syringa: sic & nos debemus etiam facere. Sed hic crediderim in causa esse materiam, quam diximus crassam, uiscidam cum aliquali salsedine. Et sic habemus symptomata, & causas eorum. De prognostico autem quid dicam? Id uidelicet quod Hippoc. in Aph. & declarat Galenus. Nephritici senes non curantur. Habemus prognosticum hoc quod non curabitur curatione perfecta, quæ totum auferat morbum. Sed bene erit prohibere, ne tanta materia generetur: causam enim generationis pituitæ poterimus diminueri: sed non omnino tollere ex ætatis dispositione, in qua nunc est: prohibebitur autem recta uictus ratione. Et sic oportet hunc nobilissimum uirum alijs negotijs postpositis soli rationi uictus attendere, ut sunt res optimi nutrimenti, uinum habens bonum odorem, quod declinet ad aliquam uim incidendi. Utatur cinnamomo, aniso ante cibum quæ possint calefacere: at non exiccetur, sed humectetur, cum sit iam senex, ex optimis alimentis. Post se exerceat moderatè, ut dicit Galenus in fine quinti de san. tuen. Balneum autem aquæ dulcis quantum conferat, dico nihil magis conuenientius posse inueniri, & hortor ut bis in anno tēporibus debitis utatur balneo huiusmodi, quia optimum est auxilium, quoniam subtiliabit materiam, adiuuabit calorem innatum, & consequenter concoctionem, confortabit membra, & in illo immoretur donec uoluerit: post ungatur oleo illo de rosis, quod moderatè calefacit, ne transpiret calor. Post caueat ab accidentibus animi, & se



se gerat bene in omnibus sex rebus non naturalibus, recta uictus ratione instituta. Post purgarem, materia tamen prius præparata, & concocta. Tandem deuenirem ad corroborationem membrorum affectorum: quia alteratio fit facta euacuatione eradicatiua. Sed quoniam in principio adest & aliqua materia apta ad euacuandum uter lenientibus uentrem, ut cassia, manna, syrupo rosato solutiuo. Hoc facto, essetne regulariter, mittere sanguinem? Sed cum sit senex, & sit materia crassa uiscosa, non mitterem. Postea lenirem uentrem, deinde præpararem materiam, deinde euacuarem: & procederem cum incidentibus hanc materiam crassam uiscosam, ut cum syrupo de betonica, de liquiritia, melle rosaceo, oxymelite simplici, & composito. Concocta materia deuenirem ad euacuationem, & euacuarem cum pilulis aggregatiuis, aut confectione hamech, aut cochijs, aut cum pilulis agarici: & uellem quod uteretur ante horas tres in prandio diaspolitico, diacalamento. His factis deuenirem ad alterationem membrorum, ut renum, ne amplius materia per has partes ad uesicam expelleretur. Et id agerem medicamentis roborantibus & uentriculum, & alia membra: essent autem medicamenta, quæ non sint ualde calida, ut aromaticum rosatum, syrupus de cichorea, diacalamentum, &c.

Consult. LXXVII. De fluxu hæmorrhoidum, pro muliere nobili.

ARBITROR Illustrissimam dominam pati fluxum hæmorrhoidum simplicem, neq; sufficiens signum est dolor quod fluat ex mesaraicis, cum flatus quoq; possint dolorē

Dd

facere



facere, uel alia materia ibi conclusa. Quod uerò feces præcedant uel subsequantur, uidemus utrunque in hæmorrhoidum defluxu contingere. Quando uerò sanguis fecibus est permixtus, tum perpetuò à superioribus partibus emittitur. Id autem non audio hîc euenire, imò præcedere uel sequi. Si à mesaraicis procederet, grumi sanguinis essent. Syncope autem est ex multa ea inanitione, ut Galenus 12. therapeutices. Ex fluxu autem tali ita refrigeratur hepar, ut non solum priuatio sanguinis & spiritus, sed etiam cacexia sequatur, deinde tandem hydrops. Quod & hîc fit, habet colorem totius corporis pallidum, quod nota est cacexiæ, deinde tumorem pedum, hoc initium hydropis. Est igitur hepar insigniter refrigeratum, quod priuatur sanguine, et spiritus pauci ac mali generantur: & cum calor mediatis spiritibus toti corpori impartitur, ideo refrigeratur spiritibus omnibus qualitate uel quantitate corruptis: refrigeratione hîc intelligo priuatione caloris innati, cum qua stat sepe caliditas ignea ex uaria putredine humorum. Hinc est quod quidam hydropici quandoque plurima bile abundant, quamuis frigidissimi sint hepatis, et perpetuò citrina repleantur aqua, non ob aliud quam obstructiones, unde putredo & calor igneus augentur, ideo & frequentissime hydropici & cachectici febricula laborant, quæ neque à medicis, neque ab ægro percipi potest. Hoc genus febris thyphodes à Græcis, ab Arabibus latica appellatur. Ex hoc apparet, cur stante frigiditate hepatis, in hac Magnifica domina appareant humores acres & erodentes. Causæ uerò tam copiosi fluxus non satis apparent uel constant, fortassis sanguis accedente ætate consistente ob caliditatem hepatis redditus est seipso calidior, & inde



Et inde melancholicus euasit. Multiplicato autem melancholico humore, natura ut par erat per hæmorrhoidas euacuationem tentauit. His stantibus proculdubio difficilis curatio erit, quia fluxio induxit habitum malum, hepar & cor refrigerata non facile calefiunt, cum sint naturæ domicilia: non tamen est penitus desperandum, sed pro uirili tentandum: quod etsi perfecte curari non poterit, præseruanda tamen erit ne in deteriore dispositionem incidat, ut est hydrops, &c. Quare intentiones sunt, primo ut auertatur fluxus ad oppositas partes: secundo ut corpus ita regatur, ut generet optimum sanguinem. tertio ut membra mandantia, alterentur, ne expellant, & recipientia confortentur. hoc tamen ultimo loco cum maxima cautella agendum erit: stante enim sanguine corrupto, si cohiberetur fluxio, sæuissima sequerentur accidentia. Optime igitur dicebat Hippoc. Vbi hæmorrhoides astringendæ sunt, uenam semper apertam relinquendam esse. Vt igitur bonus sanguis generetur, id fiet uictus ratione cōgrua, aëre optimo, hilaritate animi: ex his enim multiplicantur spiritus, tum quantitate, tum qualitate. Exercitium moderatum superiorum partium, cum pilis plumbeis. Vinum bibat album, inde enim lucidior & melior sanguis generatur, sed ita præparatum, ut uindemiæ tempore accipiat unam partem uuæ expressæ, & duas partes aquæ limpidissimæ, in qua prius decoquantur, polypodij lib. iij. betonicæ lib. x. rosarum siccarum lib. vij. baccarum myrti lib. v. Post bullitionem fiat expressio, & his addatur uuæ expressæ succus, atq; ita ferueat secundū consuetudinem. Hoc uinum optime nutriet, sanguinem lucidissimum generabit, atq; membra roborabit. In re-

Dd 2      liquo



liquo uictus genere non delinquat : nam in corpore priuato sanguine & spiritu, uel parum proficiunt medicamenta, uel etiam lædunt. Vitet acetaria, salita, item aromata. Pro auersione ad partes oppositas fiant frictiones assidue matutine, in spatulis, & brachijs, suaues, & lenes, longiores tamen donec rubescat cutis. Vbi nimis molestus est fluxus, uentosa sinistro lateri in splenis regione applicetur, posset idem in dextro hypochondrio fieri. Itē liganda sunt brachia, omnino longē tutius est diuertere quā constringere. Quod si sanguis, qui exit, sit corrodens, mane singulis diebus ius pulli pinguis bibat tribus horis ante prandium : hoc enim maxime acrimoniam sanguinis corrigit, testariq; possum me plurimos fluxum hæmorrhoidum patientes hoc solo remedio curasse, sed usus huius sit per plurimos dies. Talibus auersionibus leuioribus non iuuantibus, conueniunt fortiora, uidelicet cauteria in spatulis uel brachijs. Hæc de diuersionibus. Pro membrorum uerò mandantium roboratione, applicetur exterius hepati hoc linimentum.

℞. Olei de spica boni

℥ i.

De rosis

℥ i. s.

Mastiches

℥ iiij.

Sandal. citri.

℥ ij.

Ambræ

Musci

ana gr. iiij.

Misce, & cum modico ceræ fiat linimentum pro hepate. Pro uentriculo paretur sacculus ex syndone cum istis pulueribus.

℞. Caryophyllorum

Nucis muscatæ

ana ℥ ij.

Macis



Macis	3 s.
Ladani electi	3 iij.
Sandali citrini	
Rosarum rubearum	ana 3 i.
Ambræ	
Musci	gr. iij.
Masticis	3 vi.

Fiat sacculus pro stomacho. Interius uero laudarem usum myrobalanorum chebulorum, ut mane unum assumeret tribus horis ante prandium. uel accipiat optimi Mithridati 3 ij. Zucchari rosati semunciam. Ista enim maxime faciunt ad membra naturalia corroboranda. Summeret postea aquas in agro Regij Longobardie, quas non tantum biberet, sed se in illis lauaret. Locum recipientem non consulo adstringi. Et caueat ne sedeat super frigida & humida, dura & aspera, motumq; maxime euitet. Suffumigio infra scripto utatur, confortat enim ea loca sine manifesta astrictione.

Rx. Laudani electi	3 iij.
Thuris optimi	3 ij.
Sandarachæ	3 i.
Bdellij	3 iij.

Cum mucilagine dragaganti fiant trochisci, de quibus fiat suffumigium. Abluantur etiam loca illa decocto rosarum, absinthij, & betonicæ. Et semel in septimana consulo accipere rhabarbari electi semidrachmam: quia maxime corpus mundificat, & uasa corroborat. His remedijs conualituram suam dominationem non dubitamus cum auxilio Dei opt. cuius nomen sit benedictum in secula.

Patauij. 1 5 4 6.

Dd 3 Consult.



## Consult. LXXIX. De calculo renali, pro nobili Germano.

GERMANVS uir nobilissimus, qui calculi affectu laborare consuevit, tria nobis proposuit discutienda, quæ à rei euentu orta sunt. Primum cur in eo tam citò tam multi tamq; magni calculi generarentur, non apparentibus neq; in urina arëulis, neq; in renū regione doloribus, neq; aliquo horum uestigio. Secundo quæ sit præseruatio, ne amplius generentur. Et quia timet quòd adhuc sunt generati, quærit tertio si geniti essent, & signa apparerēt, quānam arte esset curandus. Quorum omnium facilis apparerebit responsio si morbi naturam, & ea quæ consequuntur, considerabimus. Voluissem autem naturam ipsius corporis cognoscere: siquidem magna ab eo indicationis pars sumenda erat. Verum quia nihil de naturali temperie ad nos scriptum est, morbi naturam relictā hac contemplabimur. Calculus itaq; cū eandem, quam reliquæ fluxiones omnes, naturam habeat, etsi res solida sit, tamen de una parte ad aliam fluit: nihil enim refert, siue id quod fluit sit tenue, uel crassum, & terreum, neq; prohibet quominus sit fluxio appellanda, sub fluxionum genere collocabitur, eosdemq; scopos habebit, quos & ipsa fluxio. Natura autem fluxionum in quatuor consistit. In consideratione membri mandantis, recipientis, uiarum per quas fit fluxio, & materiæ quæ mandatur. Inquiremus igitur primò, quis sit locus generans & mandans huiusmodi calculos: secundo materiā istorū, & à quibus causis efficientibus proueniant: tertio uasa per quæ defluunt: ultimo loci recipientis



cipientis naturam contemplabimur. Locum itaq; in quo calculi generantur, uel renes uel uesticam esse ostendit primo ipse Hippocrates, deinde Galenus sexto epidem. com. primo tex. sexto in quo de calculi natura pulcherrimè describit Galenus: præterea autor ille de renū affectibus, quisquis fuerit mentem Hippocratis & Galeni optimè affectus, idem testatur. Verum de calculo uesticæ nihil dictum sumus: nam in hoc uiro non in uestica, sed in renibus generatur, si ex his quæ nobis indicata sunt iudicare uolumus. quare de renum calculis agemus. Sed quoniam renes diuersa habent loca, in quibus generari potest, substantiam scilicet & concuitatem, distinguemus in quo hos generatos credimus. In substantia autem seu carne ipsorum renum ita possunt generari (inquit Galenus) sicut in carne & musculis membrorum contingit generari tophos uel poros lapideos. Quæ uerò sit calculi propria materia et causa efficiens, ex natura rei scire debemus, item ab Hippocrate & Galeno: ex quatuor scilicet humoribus posse generari calculos, uel enim dominabitur pituita, uel bilis, uel melancholia, uel sanguis, qui concreuit & in lapidem uertitur: crebrius tamen & frequentius ex bile mixta cū pituita. Ideo ut plurimum apparent rubei & subcitrini cum aliquali albedine, qui colores bilem pituitamq; dominari attestantur. Vbi hæc materiæ, & maxime ubi bilis abundauerit, procedunt arenulæ fulvæ, asperæ quæ ex se uniri non possunt, nisi aliquod uiscidum, quod ipsos conglutinet, accedat: bilis enim cū de se sit calida & sicca, fiatq; calidior ob renum caliditatem, quicquid in ea humidum est absimitur, partes terreæ ueluti arenulæ remanēt. Atque ita fit ut qui calculum patiuntur, plurimas habeant

D d 4 are=



arenulas, qui uerò arenulas habent, tandiu subiecti sunt calculis, quandiu arenulae fluunt, quae si in multa copia fluunt, tuti omnino sunt: uirtutis enim expulsiuae fortitudinem ostendunt. Si uerò retinentur, periculum est, ne statim generentur calculi. Vbi uerò pituita bili dominatur, quae in ipso calculo ueluti gluten est, leuiiores sunt, non ita duri, neq; asperi, neq; inaequales aut friabiles, suntq; ex ea calculi minime periculosi. Inter haec duo extrema multa contingunt media, secundum uariam humorum inter se mixtionem & proportionem, quae ex colore inter se facile cognoscuntur, suntq; hi calculi magis minusue periculosi, prout ad alterum magis & propius accedunt. Causa efficiens est calor per accidens uel naturalis existens in renibus: nam siue sint naturaliter calidi, siue accidentaliter, sicut contingit propter affectum extrinsecum, ut propter laborem plurimum, coitum plurimum, cibaria calida, hepatis & uenarum caliditatem, coquitur huiusmodi materia, non aliter quam lapides in fornace. Haec uerò materia causas habere potest procatacticas, quae sunt mala uictus ratio non tantum qualitate, sed et quantitate peccans, ex qua multae cruditates generantur. Addebat Aui cenna debilitatem uirtutis expulsiuae, quae si fortis esset, priusquam materia ea excoqueretur, expelleret, atq; ita ipsorum generationem prohiberet. si igitur segnis est & calor fortis & materia praeparata, facillime calculi generabuntur. At ubi calor ille factus idoneus ad calculi procreationem difficillimum erit ipsum ab hoc uitio retrahere, nihil enim, etsi diligenter aduerterimus, quod magis sit reciduum, quam ipse calculus: quippe qui bis, ter, aut quater in anno generetur. Viae, per quas hi calculi trahuntur, seunt,



seunt, sunt uasa urinaria, quæ renibus coniunguntur, per quæ & urina & materia hæc expellitur. Possunt autem hæc esse uel angustæ uel amplæ: si angustæ, difficilis erit meatus cum dolore, ita ut nonnunquam in transitu in syn-  
copen incidant, & aliquando moriantur: si sunt amplæ, ita ut sine dolore calculi decendant, sintq; hi lenes ob pituitæ dominium (sunt enim hi quàm qui à bile flaua proueniunt multò benigniores) his defluxus erit faciliior, & sine ægri molestia. Membrum recipiens calculum est uestica, nonnunquam autem contingit quod lapis in renibus genitus mandetur ad uesticam, in qua si moram traxerit ob materiam continuè defluentem augetur: adhæret enim illa lapidi ob uiscositatem, ut tandem propter longam moram in uestica insignis lapis procreetur. Accidit autem id ob uirtutis expulsiuæ in uestica imbecillitatē, quæ si fortis fuerit, illico ubi transmissus est ad ipsum calculus, expellit ad uirgam: quæ si amplum habet meatum, facile & sine dolore expellit, si uerò angustum, cum summo dolore. His omnibus consideratis, totam calculi naturam quoad suas causas inuenimus, ex quibus facile possumus respondere. Primum est, cur tam citò tam multi, & tam magni generentur, & sine dolore expellantur, & non præcedant arenulæ. Si modò huius nobilis uiri temperatura & propria natura nobis esset cognita, melius iudicaremus, ut ex calculis tamen coniectare possumus, quos flauos & albicantes intelleximus, pituitam bili commixtam dominari colligimus: habere enim debet hepar & renes calidos nutritus multis cibarijs calidis & optimis uinis, ex quibus aggre-  
gantur multæ superfluitates: & licet cibis (ut scribitur) exquisitissimis usus fuerit, nihilominus tamen eos quantita-  
te



te ea sumere potuit, ut conficere eos minime potuerit, indeq; plurimæ creatæ fuerint cruditates. In aëre præterea frigido ubi pori astringuntur excrementaq; plurima redundant. Habet præterea uiarum amplitudinem, quam hepatis caliditas indicat. Cum igitur plurima abundet materia in hoc corpore & renes sint naturaliter calidi, ideo plurimi calculi generantur. Et quia caliditas renum est causa efficiens eaq; est ualida, ideo citò generantur: fortitudo enim causæ efficientis, & multitudo materiæ causa est quare plurimi crebro & citò generentur. Quòd autem non sentiat dolorem, nisi quando per uirgam egreditur, & non in transitu à renibus ad uesicam, causa est, quòd calculus ille generatus est in cavitare renū: & quia urinalia uasa habet ampla, ideo in transitu non sentit dolorem. Dolor enim à duplici causa prouenit, uel ab intemperie, uel à solutione continui. Hic uerò non potest esse dolor ob intemperiem, quia in lapide nulla insignis aliqua qualitas reperitur. Fit igitur solutionis continui ratione. Sed cum uiae sunt amplæ, non soluitur continuum, ideo nec dolor fit. Atq; ita cum sit calculus albicans propter dominium pituitæ, & non friabilis, sitq; genitus in concavitate renum, qui ex se nullius sensus sunt, nec premendo, neque incidendo, neq; extendendo potuit soluere continuum, accidit ut sine dolore transmitteretur. Quòd uerò dum secundo nobilissimus uir hunc pateretur affectum, circa lumbos senserit dolorem, contingit, quòd hi calculi non in cavitare, sed in substantia renum essent geniti: & licet raro ob fibras sit aliquis sensus, tamen quoniam intumescēbat & extendebatur membrana quæ ualidissimi est sensus, ideo percepit dolorem, quem sensit quousq; in carne permansit



mansit calculus, cum uero ad cauitatem pertransiisset, neq; amplius compressionem extensionemq; faceret, dolorem amplius non percepit, cum ad uirgæ meatum peruissent, quod parui calculi erant, minimè dolorem excitabant: tres autem illi maiores, qui ad fabæ magnitudinem excreuerant, dum ad uirgam protrusi essent, ob eorum magnitudinem grauissimum dolorem excitauerunt: hærebant enim impacti ibi ob meatum uirgæ non capacem, & anfractuosum, ita ut meatum obstruerent, & urinam patiens reddere non posset, tum aquæ illius diuretici, auxilio urinam prouocantis, expulsi sunt. Quare autem ipsos calculos uon præcesserint arenulæ, ut in pluribus contingit, hoc ideo euenisse credo, licet enim sit latarum uiarum & uirtus expultrix ualidissima, tamen renes adeò sunt calidi, ut concoctio à ualidiori calore & maturatio expulsionem arenarum præuenerit. Nā ubi materia illa est in renibus, statim à pituita corripitur compingiturq; , atq; ita subito calculus fit, qui concretus sine alicuius arenæ præmissione eijcitur. Ad secundum igitur nobis propositū accedimus, in quo præseruationem nobilis hic uir à calculi generatione querit. Sed quoniam indicationes præseruandi à curandi rationibus non multum uariant (quæ enim præseruant, eadem ualent ad curationem) ideo simul & de præseruandi, & de curandi ratione dicemus. Aëris itaq; excessus omnes pro uiribus sunt euitandi, frigus tamen præcipue fugiendum. Circa renum regionem nihil applicet, à quo uel caloris uel frigoris redundantiam percipiant, prorsusq; studeat ut omnia temperata in caliditate & frigidityte tam per os quàm per exterius corpori admittat: hic enim morbus hoc habet proprium ut utroque

tam



tam caloris, quàm frigoris excessu lædatur. Animi omnes  
ingentes motus quantum humana fragilitate fieri potest e-  
uitet, præcipue iram & mœrorem. Somnos longiores ef-  
fugiat præsertim meridianos, & nisi noctu occasione ali-  
qua impeditus fuerit, tempestiue surgat, eoq; tempore ex-  
ercitio tam animi, quàm corporis commodissime utatur:  
utrumque enim alternatim admitti potest, præcipue cor-  
poreum usq; ad sudorem & anhelitus frequentiam magni-  
tudinemq; expetendū, ita tamen ut peracto eo aërē frigidū  
fugiat, & si sudauerit, sudor exquisitè abstergatur, quie-  
scatq; ut inter prandium & exercitium saltem una hora  
intercedat. Procuret omni conatu quotidianas alui excre-  
tiones. At si aliquādo defecerint, hoc familiari utatur præ-  
sidio. Mane hora una aut altera ante prandium gallina-  
cei iuris heminam amplam bibat, in quo decoctus sit mani-  
pulus maluæ & mercurialis, addita in fine portiuncula  
zucchari. Eundem usum optime præstabunt caricæ pin-  
gues, hoc est ficus aridæ, si decem aut quindecim iugiter in  
prandio sumantur: præterquàm enim quòd aluum mollem  
efficient, renes etiam non mediocriter purgabunt. Bis  
tantum singulis diebus, prandio inquam & cœna, cibum  
moderatè & citra saturitatem assumat, neq; in medijs in-  
teruallis potet, quando & intra comedendum parcè admo-  
dum bibendum censeo. Sit autem uno cibi genere conten-  
tus, & præcipue euitet carnes, pisces, lac, & butyrum,  
lacticiniorumq; genus omnes piscibus commiscere. Ad  
secundum cibum non accedat, nisi priorem se exactè conco-  
xisse cognouerit, & quomodo scribit se exquisitissimo ci-  
bo & potu uti, uelim in eo perseueraret, uerum quantita-  
tem & uarietatem eodem tempore euitet, uelim tamen ut  
à piscibus



à piscibus omnibus abstineret. Carnes eligat uitulinas, hæ-  
dinas, pullaceas, aues omnes quæ in montibus & locis cam-  
pestribus minimeq; palustribus degunt, lepores quoque &  
cuniculos iuniores. Utatur ferculis benè elixatis, qualia  
sunt far, oryza, spelta. Sumat iura omnia, in quibus lau-  
datae carnes concoquantur, ova sorbilia uel simplici aqua  
elixata summopere laudo. Pro acetarijs & condimentis  
cappares, intyba, oliuas concesserim, nonnunquam æsta-  
tis tempore lactucas: in secunda mensa pyra aut poma co-  
cta et zuccharo uel fœniculo, aut aniso aspersa. Aroma-  
ta summopere euitet, & iusculorum illa genera feruen-  
tissima, quæ non minus comedunt uiscera, quàm ipsa come-  
dantur, quorum in Germania, & in Polonia est frequen-  
tissimus usus. Vinum eligat tenue, lucidum, maturum,  
quod nec dulce, nec acerbum est, in quo nullus eminet sa-  
por, nec tamen insipidum, sed potius sapidissimum sentia-  
tur, optarimq; id colore prorsus album. Ceruissiam autē  
cū flatuosa sit, nisi necessitas cogat, omnem dimittendam  
censeo, si tamen illam bibendo assuetus fuerit, neq; inde no-  
cumentum percipiat, poterit interdum ea uti, ubi uini pro-  
babilis copia defuerit. Hæc omnia si diligenter observa-  
rentur, satis sufficere possent tum ad tuendam sanitatem,  
tum ad remouendos fomites futuræ ægritudinis. Sed quo-  
niam ea est humana imbecillitas, ut neq; in propria uita ser-  
uanda semper ratio adamussim seruetur, imò frequentissi-  
mè homines delinquunt delirantq; ; ideo adminicula quoq;  
adscribentur, quibus errores corrigi possint, & sanitas  
casura fulciri. Primum itaq; commodissimum iudico, ut se-  
mel aut bis singulis annis totum corpus exquisitè purge-  
tur circa idus Aprilis, & Septembris, essetq; purgatio  
huius-



huiusmodi. Primò sumat hora una ante prandium optimi floris cassiæ & recentis drach. decem, cum zuccharo ad bolum redactas. Syrupum die sequenti in aurora calidum bibat, quem usq; ad nonum eundem repetet.

℞. Syrupi acetosi

Mellis rosati ana ℥ i.

Decoctiois infrascriptæ ℥ iiij.

℞. Radicum althææ num. iiij.

Seminum melonum

Maluæ

Anguriæ

Cucurbitæ ana 3 ij

Capillorum Veneris

Comarum uiridium fœniculi ana man. i.

Bulliant omnia simul in libris duabus aquæ Endiuæ usque ad consumptionem medietatis, deinde coletur & exprimatur, pro tribus uicibus. Sumptis nouem syrupis ita deinde purgetur.

℞. Floris cassiæ 3 vi.

Electuarij de succo rosarum 3 ij.

Syrupi rosati solutiui 3 iiij.

Cum aqua capillorum Veneris fiat potio, sumenda in aurora cum custodia. Laudo etiam, quòd frequentissimè ante cibum optimi zucchari rosati unciã deglutiat: sumopere enim confert ad stomachi, hepatis, renum corroborationem. His ita hoc anno integro peractis, spero salutem non renum tantum, sed totius quoq; corporis affecuturum. Quòd si reliquiæ quædam permanserint, longa experientia compertum habeo ad hoc genus morbi potum aquæ thermarum ferrearũ, quales sunt in Italia in agro

Veronæ



Veronensi Calderianæ, in Lucensi Villanæ, desperatos etiã renum dolores, & aptitudinem ad calculos generandos hoc solo præsidio sæpe prorsus sanari. Sunt autem potanda in diebus Canicularibus cælo sereno & feruentissimo, præmissis exquisitis totius corporis purgationibus. Vbi uerò dolores iam in actu infestauerint, primò uomitum prouocabit, deinde clysteribus per inferius educet materiam intestinis impactam, hoc modo.

℞. Camomillæ

Anethi ana man. i.

Fœnugræci

Seminis lini ana ʒ i.

Cumini ʒ s.

Decoquantur in aqua fontis sufficienti ad dimidium. Sumatur huius coctionis libra, & misceatur cum drachmis sex olei camomellini, & imponatur, præstantissimū remedium ad excutiendos flatūs & sedandos dolores. Quod si adhuc dolor perstiterit, addantur libræ eiusdem decocti, hieræ picræ drach. sex, diaphæniconis drachm. quatuor, olei anethini uncia. Exterius uerò cum lana succida applicetur oleum de scorpionibus cum oleo amygdalarum amararum confectum, uel oleum liliorum alborum, aut anethinum, uel camomelinum, aut quæ ex his componuntur. Utaturq; eo tempore cibo tenuissimo, sitq; illi potus ius pulli calidum cum cinnamomo aut aniso. Si neque dolor his cessauerit, hac utatur statim medicina.

℞. Floris cassiæ ʒ vi.

Specierum hieræ simpl. ʒ ij.

Misce, fiat bolus cum zuccharo, & statim ubi hunc bolum sumpserit,umat heminam unam iuris, in quo deco-

Et a



Et sint folia maluæ & hordeum. Velim singulis mensibus pro præseruatione sumeret pilulas tres.

R. Rheubarbari electi

Aloës optimæ

Agarici ana 3 ij.

Rosarum

Myrobalanorum citrinorum ana 3 i.

Spicæ

Seminis fœniculi 3 s.

Puluerizentur omnia per se, deinde misceantur, & cum mucilagine radicum althææ condita cum zuccharo fiat magdalon, de quo singulis uicibus fiant pilulæ tres pondere drachmæ unius, quas sumat hora una ante cœnâ. Hæc sunt quæ pro uiri huius nobilissimi salute in medium attulimus. Vellemus tamen priusquàm his utatur prudentissimum medicum consulat, qui pro ægri natura nobis incognita poterit moderari. Consulatq; de missione sanguinis eo tempore quo bis in anno uniuersales fiunt purgationes, quæ summopere nobis placeret post primos duos syruos exhibitos. His omnibus diligenter obseruatis, speramus Dei optimi maximi nutu à summis cruciatibus fore liberum.

VALENTINVS LVBLINVS.

Locus hic postulare uidetur, ut ea annectamus, de quibus est Montanus in eodem casu interrogatus, ut tibi omnia candidè communicem. quod quidem fecisse me in reliquis intellexisti. Nam quæsitum est à Montano, sanguisne mitti possit nato quinquaginta septem annos, & laboranti cal=



ti calculo: ita respondit. Dicimus quoniam bonæ habitus  
dinis est, uenas amplas habet, & multum sanguinis, bene  
potest etiam in hac ætate respectu huius morbi sanguinem  
mittere. Porro hæc missio in uere fieri debet, & ex basi-  
lica dextri lateris. Quantitas sanguinis mittenda est secū-  
dum considerationem temperaturæ & substantiæ sangui-  
nis, obseruando diligenter qualitatem regionis, naturamq;  
eius & proprietatem, ac etiam rationem latitudinis & e-  
leuationis poli. Vsus erat antè uino sublimato cum hede-  
ra syluestri, & calculos excreuerat ea medicina. Cur si-  
bi nunc interdicator queritur, cum ipse iuuamentum sen-  
serit? Posset iam queri utrum uinum sublimatum illud cū  
hedera prodesset ad calculum renum? Sed quia illud non  
quæsitum est, ad id quod queritur respondemus. Quod à  
calore & siccitate concretum est, non potest nisi per con-  
trarias qualitates dissolui & liquefieri: ita & de calculo-  
rum dissolutione sentiendum. Calculus renum ab igneo ca-  
lore concoctus, non potest uino sublimato aut rebus cali-  
dis & siccis dissolui, imò ab his magis induratur. Quod  
autem ad dissipationem & disiectionem calculorum atti-  
net, sciendum, quod illi qui ex calore cocti & concreti  
sunt, non disijciuntur, nisi per substantiam subtilem & pe-  
netrantem ad fundum usq;, siue ea substantia sit frigida, ut  
est succus limonum uel acetum, siue calida, ut uinum subli-  
matum, & aquæ destillatæ aliæ calidiores etiam in tertio  
gradu: de quibus aquis disijcientibus calculos omnes me-  
dicorum libri sunt repleti. Quare uinum adustum ratione  
substantiæ subtilis & penetrantis disijcit lapides, sicut in  
historijs de aceto Annibalis legimus, quo ipse rupes et mo-  
les lapideas fregit & disiecit. Quo ad præseruationem, ne  
Ec           congre-



congregentur arenulae, & fiat calculus, superfluum existimo aliquid addere, cum illud in consilio nostro, quod ante menses aliquot Dominationi suae misimus, satis clare ostenderimus. Caueat ab eo quod ab aliquo ei (quantum intelligo) persuasum est, quod mihi displicet, nepe ut quotidie utatur cibus illis qui urinam prouocant, ut petroselinum, quod omnibus cibus immisceat, & cum ijs utitur: quo petroselino tanquam cum medicamento inconuenienti ipse omnem materiam trahit ad loca imbecilliora, ut ad renes & uesicam, quo meatus ampliantur & maiores fiunt, & ita ipse multos fluxus eo petroselino prouocat, qui solet esse error non minus communis medicis illis uulgaribus et imperitis (ut aliqui inepti pharmacopœi sibi medendi prouinciã usurpant) in quos plerunq; impingunt. Quod calculi tam graues in renibus non excreuerint in tantam quantitatem, facile concedo. Non enim uideo quomodo tam grandes lapides per tantam angustiam mitti queant sine maximis doloribus & uitae periculo. Sed ueritati uidetur admodum consentaneum, quod in renibus coeperunt fieri, & cum ad uesicam postea uenerunt, creuerunt paulatim & aucti sunt, donec ui tandem sunt expulsi. Quomodo euitari possit fluxus catarrhalis, quo sub finem hyemis laborat quotannis? Ad euitandum catarrhum, necesse est ut regimen uictus in nostro consilio descriptum diligenter obseruet, si quidem suam sanitatem conseruare uelit. Præterea ibi memoratis ter uel quater in mense uti poterit pilulis infrascriptis uespera hora una ante coenam.

℞. Agarici electi  
Aloës optimæ  
Garryophyllorum

3 vi.

Nucis



Nucis muscatæ ana ℥ i.

Puluerizentur omnia per se, postea misceantur, deinde infundantur in succo rosarū puro, & permittatur exiccari subtile, & ita iteretur septies. Postea cum syrupo de stœchade fiat magdaleō, de quo formentur pilulæ tres pro singulis uicibus. Est etiam maxima & optima medicina pro euitando catarrho confortare uentericulum, hepar, renes, & uesicam, quod fiet si singulis diebus ante prandium & coenam sumat zucchini rosati unciam, uel semunciā.

Consult. LXXX. De calculi præseruatione,  
pro Reuerendiss. Cardinali Petro Bembo.

QVONIAM arenæ, quæ in urinis subsistunt, calculum fieri uel in renibus, uel in uesica indicant, ut quarto Apho. Galenus testatur, dolor autem affectum distinguit, ut secundo de locis affectis ostenditur, certum est perseverante dolore in renibus, ac simul arenulis in urina subsistentibus, renes ipsos à calculi suspitione liberandos. Ergo Reuerendissimus dominus meus, cui omnia debeo, cum in hoc ipso discrimine sit, summa ope adiuuandus est, ne incidat in deterius. quod spero facillimum fore, tum quia sua dominatio prudentissima & tuendæ sanitatis studiosissima semper fuerit, ac præceptis exquisitissime parens, quæ saluti profutura cognouerit, tum quia me plurimum amat, mihiq; consulenti maximè confidit: quod quantum momenti afferat, ut medici remedia proficiant, indicat Auicenna sexto naturalium, qui fiduciam ægri, quam de medico concipit, & arti, & consilio, & omnibus medicinæ instrumentis præferendam opinatur. Circa præseruationem igitur

Ec 2 totum



totum consilium uertemus, non enim iam factum, sed futurum incommodum procuramus, atq; ita rem moderabimur, ut rationem quoq; podagræ habeamus. nam audimus suam dominationem in eam proximè incidisse. Alioqui duo isti affectus, renum inquam calculus, & podagra, talem inter se consensum perpetuò seruant, ut peritus medicus, dum alterum curat, non minori studio debet alterum curare, eueniet ut cum duobus simul sit dimicandum. Proponemus ergo duo instrumenta præsentī negotio maximè necessaria: alterū in ratione uictus: alterum in medicamentorum quorundam auxilio consistens. Quantum ad rationem uictus attinet, primò dominatio sua quàm maximè fieri poterit, omnem aëris excessum euitabit, frigus inquam, solis ardorem, uentos præcipuè meridionales, & ex opposito septentrionales, pluuias, nebulas, & reliqua huiusmodi quæ celi temperiem ad immodicos status trahūt. Propterea & cubicula, porticus, stationesq; eligat temperatas, atq; ab huiusmodi prorsus incommodis muniet caput, & capitis operimenta ita moderabitur, ut neq; aggruari caput, neq; refrigerari sentiat. Catarrhos enim & destillationes, summopere cauere debet, tanquā quæ ad calculos generandos, non paruam afferant occasionem. reliquas etiam corporis partes indumentis siue noctu, siue interdiu, talibus muniet, quæ nec nimis calefaciant, nec parum à frigoris iniuria tueantur, renesq; præcipuè tueri debebit, ut nullo qualitatis excessu laborent. Omnino enim huius affectus proprium est, ut pariter tam ab immoderato frigore, quàm calore excitetur. ergo utrunq; uitare oportet. Exercitijs utetur temperatis, uidelicet usque ad anhelitus mutationem, cauebitq; præcipuè à pomeridianis.



nis. Horum commodissimum tempus erit, matutinis horis, ubi prius corpus recte fuerit procuratum, alui, urinæ, scretusq; eductionibus, capitis congruis pectinationibus, faciei, manusq; lotionibus. Ab exercitio quiescat, nec minus ad prandium accedat, quam anima spirituq; exquisitè sedato, & calore ad pristinum gradum remisso. Animi uerò molestias, sed præcipuè iracundiã & mœstitiam tanquam pestes euitet: inde enim & concoctiones deteriores fiunt, & feruor sanguinis præter naturam augetur. nam in mœstitia quoq; interius augetur, nisi cum immodica fuerit & diutissime perseverans. Ab his autem causis calculi potissime generantur, si corpora fuerint præparata, ut perito medico facile patet. studebit etiam diligenter, ne post coenam prius cubitum accedat quam duæ horæ excesserint: nec supinus omnino cubabit. Somni tempus septem horas non excedere optauerit, nisi forte longa consuetudo secus faciendum persuadeat. mane circa Solis ortum surgendum enitetur, si tamen ea hora dormire consueuerit, saltem moderabitur, eniteturq; ut quam breuissimus somnus sit, tuncq; magis laudarem, ut sedens potius dormiret quam decumbens. Postea dominatio sua exquisitissime procurabit, & huic etiam præsidio tanquam saluberrimo maxime fidet, ut singulis diebus semel tantum, aluius commodè ducatur. Et si forte uomere consueuisset, aut certe facile ad uomendum accederet, laudarem summo opere ut singulis mensibus euomeret: inde enim & euacuaretur corpus & humor auerteretur. Præterea ad cibū non accedat dominatio sua cruditate existente in uentriculo, sed expectabit sensum appetitus manifestum: & in ipso comedendi initio semper aliquod iusculum, uel liquidum

Ee 3 assumet



assumet edulium, deinde ad solidiora uertetur, ita tamen ut nec uaria, nec multa offerantur: à uarietate cauebit, uerbi gratia carnes cum piscibus admiscere, aut cum utroque fructus, aut lacticia, nec minus oua piscibus malè adhaerent. Stomacho diuersarum naturarum cibi admiscendi non sunt, & præcipue si qui facile putrescunt, solidioribus succedant, ut lac aut fructus horarij carnibus. Vitabit etiam cibaria ex diuersis generibus confecta, sicut est omne placentarum genus, quod uulgò tortas & rossiolos appellant, à frixis præcipue abstinebit: sunt enim inquinata potius quàm cocta. Hæc autem omnia licet ad reliquum usum sanitatis maxime euitare conueniat, præcipue tamen ad præseruationem à calculo, in quo cruditates omnes prorsus sunt fugiendæ. Cibo assumpto sensim quidem deambulet, ut facilius ad uentriculi fundum descendat, à ualido tamen exercitio & equitatu cauebit. E' ferculis comedere ptisanam hordeaceam, far, oryzam, cum lacte amygdalarum, & zuccharo ac modico cinnamomo, iusculum paratur cū petroselino, et omphacino liquore, quæ uulgò agrestia uocant, rarò borraginem, betam, & fœniculum, nonnunquam tamen cucurbitam, ac caules hyemis tempore, non omnino uituperamus. Pro acetarijs utetur cappare, cichoreo, lactuca, borragine, endiuiâ, asparago etiam & dauci specie quam carotam appellant, præcipue corpore puro existente. Quod si talem sibi uiuendi rationem præscribet, multum illi auxiliij allatura est. E' fructibus horarijs ante cibum interdum assumet, sed parcè, pruna bene matura, præcocia armeniaca, persica, magis tamen melopepones & optimas ficus eligimus, omnia tamen parcè sumenda, sunt enim potius humectando, & refrigerando corpori,



pori, & aluo leniendæ quàm nutritioni expetenda. Ex autumnalibus uerò post cibum comedet pyrum decoctum, uel cotoneum cum zuccharo, tamen neq; admiscebit anisum, uel fœniculum, ut nonnulli perperam faciunt. Carnes comedat, ex agrestibus lepores, si iuniores fuerint, si secus, omittendi, idemq; de ceruis asserimus, nec omnino malum pronunciamus, si quandoq; apri modicum ingesserit: est enim optimi alimenti, & si modò parcè sumatur, non ita difficulter concoquitur. Aues item comedet, quales perdices, francolini, phasiani, turtures, bardi, & reliqua id genus montana omnia: nam notissimum est ab omnibus palustribus abstinendum. Ex domesticis uerò animalibus, hædi primò annuales, castrati, uituli lactantes, pulli gallinacei & columborum: à reliquis abstinebit, præsertim à carne bubula. In uino autem eligendo, non modicum studium adhiberi oportet: habet enim uinum præ cæteris alimentis quòd corpus humanum maxime afficiat, & mutet, tum quòd citissime & plurimum nutriat, tum quòd copiosè ingeratur, tum quòd sit eius usus assiduus, quæ pane excepto, nulli præterea alimento contingunt. Vinum igitur eligetur, quod quàm maxime fieri potest, nullum qualitatum excessum habeat: neq; enim nouum esse debet, neq; peruetustum, sed medium, nec album, nec atrum, sed subrubrum, nec potens, neq; adeò pauciferum ut uentriculo noceat, sed moderatum: duo tamen suprema in uino desideramus, unū ut quàm tenuissimū, limpidissimūq; sit, atque permaturum, nullius aciditatis uel dulcedinis particeps, sed eum maxime saporem præ se ferat, quem uinosum uocant: talia ego sæpe bibi Romæ Salernitana. Hæc sunt quæ circa omnem uictus rationem optauerim dominum meū sem-

Ee 4 per



per obseruandiſſimum obſeruare, qua obſervatione ſpero aſſequuturum, ut non tantum à calculo, & moleſta podagra præſeruetur, ſed à reliquis quoq; innumeris morbis diutiſſimè immunis perſiſtat. Quantum uerò attinet ad medicamenta, ea quidem pauca admodum & leuiſſima proponemus. Si enim talem uiuendi rationem ſibi conſtituerit, qualem præſcripſimus, non erunt medicamentorum auxilia multum neceſſaria. Quia tamen non ſemper lineã ita exquiſitè attingere poſſumus (homines enim ſumus) propterea laudo, præcipue ſi fuerit aſſuetus, ut bis in anno, principio inquam ueris & medio autumnò, ſcilicet menſe Octobri ſuauiſſime purgetur, ut nobilia & delicata corpora ſolent. Deinde ut toto anno rhabarbari uſum familiarem ſibi proponat, ita ut ſaltem ter in menſe aſſumat ex eo, quantum ſunt duo ſcrupuli uel integra drachma, ſiue mandendo & deglutiendo abſq; alterius rei commixtione, ſiue permiscendo uel cum Zuccharo roſato, uel cum paſſulis, prout dominationi ſuæ commodius eſſe uidebitur. Studebit autem ut habeat myrobalanos chebulos optimè conditos, qui ex Alexandria deferuntur, quorum unum mane tribus horis ante prandium aſſumet. Eſt enim optimum & ſingulare remedium non tantum ſtomacho, et membris omnibus naturalibus corroborandis, inter quos renes connumerantur, ſed cerebro quoq; ut etiam ſenſus omnes tam interiores quàm exteriores exacuat, ac præterea guſtui ſatis iucundum ſit, & humanæ naturæ familiariffimum.

Conſult.



## Consult. LXXXI. Per lo Reuerendiss. Cardinale Monsignor Pietro Bembo.

LO RICEVERE, et leggere la carissima lettera di V. Reuerendiss. S. ben mi ha dato gran facultà di goder mi con lo effetto la somma gentilezza, & amoreuolezza sua, ma non già di conoscerla da nouo, ò di poter merauigliarmi. Imperoche già gran tēpo innanzi è da me in molte occasioni prouata, conosciuta, e fermamente scolpita nell'animo. Ne è da merauigliarsi, se in huomo nobilissima mente nato, da natura, e dall'arte di tutte le uirtu, e costumi ripieno risplendi ogni lume di cortesia: & quanto più è essaltato dalla fortuna, tanto più si rende benigno, & affabile: sì come lo opposto suole diuentar insolente, e restido. Et però le sincerissime offerte di quella riceuo con tutto il core, e me le riserbo. Prego l'onnipotente Iddio doni tal occasione, ch'io con tutti gli altri diuoti del splendidissimo nome di V. Reuerendissima S. possa goder la bontà e liberalità di un animo tanto candido. La mia donna baccia le mani di quella: li miei figliuolini crescono suoi fedelissimi seruitori. Quanto al mio debil consulto, fu fatto secondo i fondamenti intesi all'hora. Ma poi che V. Reuerendiss. S. distintamente mi narra il caso, & che fin qui non c'è sospetto di calculo, ne principio, ma solamente u'è debilità delle reni, forse ancho dilatatione ne suoi meati, et la podagra nuouamente, & tardi comparsa assai debolè, per instruttione, curatione de tali accidenti ha da sapere, come questi, & simili sono i frutti, che necessariamente portano seco gli anni, le membra si fanno deboli, non per

insira



infirmità, ma per natura, qual piu, qual meno, si come da principio furono generati piu, o meno forti, o secondo poi l'huomo ne suoi tempi piu ne ha offeso, affaticato, o eshausto l'uno, che l'altro. Tutti adunque i membri nelli uecchi sono deboli per natura: ma à chi tocca hauer piu debile il corpo de gl'altri per la ragion detta, questi sono catarrhosi, uertiginosi, lippi, sordi, spesso insensati, o simil altre cose. Alcuni patiscono piu del petto, & à questi interuen- gono tossi incurabili: alcuni asthmi, rauedine: alcuni del stomaco, delle reni, della uestica, delle gionture: & à tutti accadono gli suoi mali proportionati, come nausee, uomiti, calculi, dilatationi, difficoltà d'orina, podagre, dolori artetici, simili: pochissimi si trouano, & forse niissuno che nella uecchiezza non habbi di questa spinella. Benche nel piu, nel meno, et nel esser occupati piu tardi, e piu per tempo, è grandissima differenza: si come ancho le cōple- sioni, compositioni diuersissime sono, le uarietà della uita, & le ragioni del uiuere, con le gran differenze de cieli, de cibi, de gli accidenti dell'animo, de studi, d'essercitij, ogni- uno però egualmente in qualche modo, o tempo alle me- desme calamità è sottoposto. Et tutto questo aduiene non per infirmità, ma per natura, donde si fa ineuitabile, & la necessità aduiene: perche il calor naturale ogni giorno si fa piu debole, le membra piu secche, non potendo il calor cuocere, digerir il cibo secondo il bisogno, secondo il con- sueto suo, gli è necessario, che'l corpo si riempi di humori parte crudi, parte putrefatti, i quali tanto piu accresco- no, quanto che le membra secche, deboli, anchora che ha- uessero bisogno di molto nutrimento nō ne ponno riceuere, se non poco, si perche son secche, deboli, si per che il nutri-  
mento



mento non è bene preparato dal calor naturale. Moltiplicati dunque che sijno gli humori nel detto modo, come habbiamo da sapere poter essere dalla natura ò maturati non hauendo potuto digerire sotto forma di cibo, mentre eran pochi, ò come sarano scacciati da membri, che non bastano alla conseruatione, & ristauo di se stessi, ma ogni giorno uano perdendo grossamente della propria sustantia. Et questo è quello che indusse à dire il diuino Hippocrate in tanti luoghi in diuersi modi: Senibus spirandi difficultates, distillationes cum tussi, urinæ stillicidia, urinæ difficultates, articulorum dolores, renum passionēs, apoplexiæ, mali habitus, pruritus totius corporis, uigilia, alui, oculorum humiditates, narium, uisus obtusus, glaucedines, auditus graues. Altroue: Seniores iuuenibus plurimum ægrotant minus. Qui uerò morbi ipsis accidunt longi, maxima ex parte comitantur ad mortē. Tutto questo discorso è fatto da me, accio che V. Reuerendiss. S. non si duoli della debilità delle sue reni, perche è cosa naturale, conueniente all'età, ne ricerchi sanarsi talmente che torni nel stato che era già sono 25. anni: ma si contenti proueder che'l male non pigli augmento, ò che la debilità non diuennga à calcoli, & altre infirmità di maggior momento. Il che aueneria. sole alcune uolte auenire in persone incontinenti, che hanno poca cura alla lor salute. Ma non è già quello da temere in V. S. laquale non pur hieri, ma già molti, e molti anni ha già fatto l'habito, nel uiuere regolarissimamente. Dirò dunque qual modo prima si conuenga alla conseruatione di quelle reni: poi risponderò distintamente alle domande sue di alcune cose particolari. Et in quello anchor come nelle altre infirmità è gouerno uniuersale.



sale. Quello che è commune al star sano, s'appropria piu ad uno male, che all'altro. Chiamo particolare quello che oltra la commune offeruatione, ha misura determinata e singolar rispetto à una spetie di male. Del gouerno uniuersale non mi bisogna hora molto estendere, perche so certo, che V. S. uiue talmente, e con tal ragione, che poco piu ui si puo aggiungere. E' cosa homai nota à tutti, e uolgare, questo dire mangiar di bono, e suggir i cibi grossi. Dirò adunq; del gouerno particolare, supponendo, che questo uniuersale sia sufficientemente da V. S. offeruato. Et prima è da saper, che in questa cura particolar delle reni è particolar regola, che lo excessiuo caldo, e freddo li sono mortal nemici. Il caldo dilata, e con il dilatate tira à se piu di quello si conuiene, scaccia quello si douerebbe piu tener. Il freddo fa tutto l'opposito non tirando l'acquosità del sangue, à che sono nate le reni, ne scacciandola alla uefica come si conuerrebbe. Donde ueggiamo spesso ne uecchi queste due contrarie passioni, secondo che diuersamente hanno patito ò per caldo, ò per freddo, ò urinar pochissimo, e con fatica à gocciola, ò urinar copia d'humore sanguinolento. Debbon si adunque guardar sommamente dalli dui estremi. Il troppo riscaldarsi uiene ò per troppo fatica, ò per espor si all'aria caldo, come di Sole estiuo, ò di copioso foco in camare molte calde, da cibi calidissimi, come spitiarie, e uini potenti. Et à questo si riduce Venere, laquale ne uecchi è sempre superflua. Et quando dico la troppo fatica, e la troppa calidità de l'aria, intendo sempre per comparatione alla debilità del corpo, e de le reni del patiente, che da qualunque lieue excessso notabilmente si altera per la sua poca uirtù nel resistere. Il molto raffreddarsi



freddarsi uiene dal loco, dall'aria, e cibi freddi, come sono frutti, cucumeri, zucche, lattuche, endiuiia, aggreſta, e ſimili coſe: ma ſopra il tutto acqua fredda, e uini freſchi. Adunque li primi nemici delle reni ſono il troppo caldo, e troppo freddo. Ma non queſti ſoli, ma anchora tutti gl'altri exceſſi ſono cōtrarij, benchè non tãto, come ſono le coſe, che allargano troppo, e che ſi chiamano da medici diuretiche, che è à dir prouocatiue dell'urina, come ſono aſparaghi, paſtinaghe, apio, petroſelino, fenochi, fichi, melone, uin bianco ſottile, e coſe ſimili, e maſſimamente doppo paſto, perche oltra che allargano le uie dell'urina più di quello ſi conuiene, li conducono anchora parte del cibo, e ſoperfluità indigeſta, che ponno eſſere cauſa de molti incomodi. Le coſe adunque che coſi allargano, nella conſeruatione della ſanità delle reni ſono ſempre nociue: ma doppo paſto ſono ſempre pernicioſe. Et queſto è dimoſtrato più largamente in uno mio trattadello fatto à requeſitione del Clariffimo M. Marc' Antonio Contareno philoſopho contra alcuni altri medici, che tenuano il contrario. Ma non per queſto perche lo allargare ſij dānoſo, lo ſtringer troppo ſarà utile, anzi qualche uolta ſarà anchor peggio, maſſime eſſendo piene le reni, & le ſue uie di qualche eſcremento. Si ſtringono da uini auſteri, peri, codogni, da dattoli, & ſimil altre coſe. Et oltra di queſto è da fuggire ne cibi le coſe di groſſo, e uiſchioſo nutrimento, & quello di troppo ſceuo. I cibi di groſſo nutrimento ſono i legumi tutti, i peſci groſſi, come ſono tonni ſturioni, ombri, & come anguille, tenche, oſtreghe, lumaghe, ſonghi, tartufole, carni groſſe, come di bue, ceruo, cenghiale, uccelli di paludi, uini dolci, o negri: & quando hanno l'uno & l'altro



tro sono di malitia perfetta. I cibi uischiosi sono come carne di porco, paste, cascio fresco, e tutti li cibi à qualunque modo di latte, torte, roffioli, cose fritte, e condimenti di melle, o di zuccaro à uarij modi di composte, o simil mistura, come ancho sessamelle, cialdoni. Nucono questi cibi alle reni, perche generando humori grossi, e uischiosi, se le reni sono dilatate, li tirano facilmente à se con pericolo di fare ostruttione alla urina, o calculo. Se son strette e infrigidate, non tirano l'acquosità fatta grossa, e uischiosa, e così il corpo si riempie con diuersi pericoli. I cibi di nutrimento troppo secco sono, come lepori à rosto, cerui, capri, il longo uso dell'aceto. Et in somma nissuna sorte di eccesso si conuiene alle reni, e hanno in questo singolarità sopra le altre membra, talmente che appresso de Greci è fatto come in prouerbio  $\nu\eta\phi\epsilon\tau\iota\kappa\omicron\iota\varsigma\ \epsilon\upsilon\kappa\rho\alpha\tau\alpha$ . La ragione credo essendo il naturale officio delle reni tirar à se l'acquosità del sangue, e purgare tutto'l corpo di simil escremento, bisognaua fossero fatte molto dense, e di meati stretti, accioche sola l'acquosità fosse attrata. Però ueggiamo, che quando sono dilatate oltre il debito, ne tirano anche il sangue, come appare nell'urine sanguinolente. Ha uendo adunque da essere di tal compositione le reni, non è merauiglia, se da qualunque eccesso sono offesi: imperoche ogni poco che sijno piu ristrette, o allargate s'impediscono dall'attione conueniente, e ogni poco che'l sangue sij piu grosso, o piu sottile, si casca ne medemi errori. Et aduiene questo molto piu spesso ne corpi deboli, o doue questa parte facilmente fosse piu indebolita del resto, e è assai chiaro, è manifesto questo discorso à chi sanamente il considera. Per concluder adunque nel particolare di V.

Re-



Reuerendiſſ. S. dico, che tutti gli exceſſi ſono da eſſere fugiti, e del caldo, e del freddo, tanto nell'aria, quanto ne cibi, e delle coſe prouocatiue dell'urina, e delle conſtrettive, & in ſomma di tutte le altre coſe, che eccedono. Et queſto quanto alla ragione del uiuere. Ma quanto alle medicine, à me piace per la preſeruatione ſopra il tutto il cōtinuo uſo di boniſſimo zuccharo roſato, del qual malageuolmente ſi poſſiamo immaginar meglio, e che piu ſenza alcuno nocumento, ne per alteratione giouì à tutte le membra del corpo, e ſpecialmente alle reni, che come habbiamo detto non hanno biſogno di alcuno exceſſo. Queſto benedetto rimedio è talmente moderato, che ſe ſono dilatate, le riduce al ſtato ſuo naturale: & ſe ſono oppilate, e ripiene, le mondifica: ſe ſono riſcaldate, le rinfreſca, ne però nuoce alle diſpoſitioni fredde, eſſendo (come io ho detto) in ogni qualità ſua moderatiſſimo; ma ſopra ogn'altra coſa tiene netto il ſtomacho, e lo confortà, e diſtrugge il catarrho, i quali giouamenti quanto ſiano neceſſarij ne uecchi, ogn'uno facilmente lo puo comprendere. Lauderei adunque che ogni mattina una hora auanti diſnar V. Reuerēdiſſ. S. ſe ne pigliaſſe mezza oncia, e ſe ne pigliaſſe drieto leggiermēte, et qualche uolta come ſeria due, ouer tre uolte al meſe aggiōger un ſcropulo, ouer mezza drāma di finiſſ. e maturiſſ. reubarbaro: ma al' hora pigliarlo la mattina tre hore al māco innāzi paſto, e queſto agiutaria ſommamēte à tener netto tutto'l corpo, e preſeruarlo da molte altre infirmità, e dalle podagre. Quello poi che habbi à giouare alle reni ogn'uno medico lo puo facilmentēte comprendere, per che oltra che le mondifica perfettamente per l'orina, dopo la mondificatione le confortà, e le aſtrengē ſenza uio-

lenza



lenza. E questo basteria in tal soggetto, come la Reuerenza di S. V. per la preservatione. Quando accadesse, che fossero talmente dilatate le reni, che attualmente ne uscisse il sangue, all'hora essendo netto il resto del corpo, come facilmente saria, gouernandosi nel modo ordinato, lauderei che alla costrittione necessaria pigliasse nell'aurora caldo questa infrascritta poluere nell'acqua di capelli Venere, ò di asparaghi, ò di cardo, ò di fenocchio.

℞. Boli armeni orientalis 3 i.

Gummi arabici

Tragacanthi ana 3 ij.

Rosarum rubearum

Myrtillorum

Hypocistidos ana 3 i.

Coralliorum rubeorum 3 s.

Misce, & fiat puluis subtilissimus, de quo sumatur semidrachma singulis uicibus cum uncis quatuor alicuius ex predictis aquis. Et ne medemi tempi di quella dilatatione pigliando li siroppi, si ongerà le reni della infrascritta ontione.

℞. Succii foliorum lentisci

Foliorum myrti

Radicum consolidæ maioris ana 3 i.

Vnguenti infrigidantis Galeni simplicis 3 ij.

Misce, & fiat linimentum secundum artem. Queste cose assai domestiche e piaceuoli, ma però efficacissime, si faranno nel tempo della attual dilatatione. Quanto sia alla purgatione di due uolte all'anno, uiuendo V. Reuerendissima S. nel modo ordinato, e togliendo el Reubarbaro nel modo detto di sopra, nō penso saranno necessarie, massime



sime non essendogli usa, e non l'hauendo mai fatto. Quanto all'acqua di alcuni bagni, come saria di Villa da Luca, ò di questi di Caldiero, per essere di natura fredda, e di poter nocer' al stomaco, non così facilmente li consento, e credo che si farà senza. Circa il mangiar de' frutti laudo, che V. S. li lasci star, quanto sia possibile, come ha fatto fina mò, che tanto piu le noceranno, quanto che non gli è assueta. Circa il beuere uino negro, ò bianco, à me piacereia, quel di mezzo, cio è di color rosso chiaro ben maturo, e non molto grande. de tali sogliono uenir da Salerno, & si trouano anchora alcuni Romaneschi. Circa lo aceto, so che V. S. non lo mangierà senon per condimèto, che è un niente: & à uoler dire, che in quello modo offenda i nerui, & sia contrario alle podagre è cerimonia uana, et ne ho molte ragioni appresso di me, che hora mi riseruo per non essere fastidioso. Del latte, e de laticini, certo nò sono al proposito, pur essendoli usa V. S. e piacendoli tanto puo auanti pasto qualche uolta mangiar latte freschissimo, gioncata, ò cauo di latte, e ancho parcamète cascio fresco, dal uecchio al tutto s'astenerà. Dal pesce quando fossero albori, barboni, orade fresche pigliate in alto mare, cotti ò su la grate, ò à brodetto, non li uitupero, e credo la ne possi mangiare senza nocumento alcuno. De frutti autunnali, come peri, codogni cotti con il zuccaro, V. S. n' potrà usar alcune uolte, e modestamente, come sò ch'ella fa in ogni cosa. Delle cepolle, e agli in se quanto per ragione di cibo sempre sono di mal nutrimento, e da lassar stare, & quando giouano, sono piu presto per ragione di medicina, perche tagliano qualche flemma grosso, ò scacciano qualche uentosità. Queste sono le co-

Ff se



se che mi sono al presente occorse di auisar, e rispondere à V. Reuerendissima S. le quali senon saranno, come saria il bisogno, e come io desiderarei, è da imputar la pochezza del mio sapere, non già il bono uolere, e l'affettionata seruitù tengo uerso quella. Et se io son stato tardo, supplico la mi perdoni, perche i grandissimi, e spessi disturbi datimi da molti gentil'huomeni, e con il caualcar, e con il collegiar ogni giorno, non mi lassar riposar un'hora: & m'è stato necessario furtiuamēte sottrar questo tempo da scriuere à V. Reuerendissima S. allaqual humilmente mi raccomando, e inchineuolmente le sacre mani con ogni humilità le bacio. In Padoua.

Consult. LXXXII. De eiectione materiæ crassæ & foetidæ per vrinam cum dolore renum.

DIFFICILLIMUM est iudicare in huiusmodi Magnifici domini casu, utrum expediat illi Calderianam aquam potare, hoc enim præcipue uidetur exquiri. Difficultatis causæ oriuntur tum ex parte corporis patientis, tum ex ipsis dispositionibus præter naturam. Audio primum corpus hoc redditum esse admodum imbecillum cum maxima appetendi deiectione, & arescieri ac tabescere, & potus aquarum mineralium constantes uires requirit, est enim efficacissimum potentissimumq; remedium, ideo debiliori corpori oblatum sæpe hominem potius quam morbum tollit. Dispositiones etiam corporis ad medelam admodum sunt ambiguae: nam & maxima illa sitis tandiu perseuerans indicat uel magnas obstructions, uel multam putredinem,



dinem, uel febrim occultam. Quicquid horum fuerit, Calderianæ aquæ suspectæ sunt, eò autem magis uereor quia intensissime sitit, et cum audio frigus inexpugnabile superadditum in exterioribus partibus modò ut exteriora maxime frigeant, & interiora ferueant, uel febrem malignam, uel intrinsecum abscessum, aut inflammationem portendit: ideo & hîc quoq; thermarum aquæ suspectissimæ sunt. Sed & illud quod audio materiam plurimam per urinam educi, quæ admodum crassa sit, sæculenta et sordida, impedit omnino rectam Calderianarum aquarum exhibitionem. Si quis modò illarum aquarum naturam cum hac dispositione rectè & secundum artem comparauerit, facile importunè impediatur, astringeturq; materia profluens ob uim aquarum astringentem: quod facillimam dabit occasionem ad supprimendam urinam, cum maximo patientis discrimine, cui suppressioni alioqui ualde paratus est, & in illam perquam frequenter solet incidere. Quid quod dolores nephriticos, uel colicos, uel fortasse etiam utrosq; iam proximis diebus non sine discrimine perpeffus sit? Ad hoc enim affectus astrictio & frigiditas aquæ maxime infesta est. Hæc sunt, quæ me ualde ancipitem reddunt, utrū Magnificus iste uir aquam thermarum Calderianarum rectè sit potaturus. Nam ex alia parte postea ad dilatationem tam amplam, sicut audio meatuum urinariorum, & ad corroboracionem partium omnium naturalium præcipuè quæ ob redundantem humorem contigerit, præstantissimus est earum aquarum usus, ad ardorem urinae etiam non parum conferret, sitim præterea quæ ob puram intemperiem & caliditatem intrinsecorum membrorum contigerit, ualidissime extinguet. Cum ergo utrinq; rationes

Ff    2    adsint,



adsint, quæ persuadeant an accipi debeant, an non debeant, in ancipiti persisto: cum planè scire nequeam exquisitum sui corporis statum uel gradum, aut etiam naturam dispositionum. Ideo hanc deliberationem præsentibus medicis determinandam relinquo, ponderatis utrinq; rationibus tum his quas ego percurri, tum ijs etiam melioribus, quas ipsi excogitabunt. Interim pro præsentis dispositione, quæ præcipuè uidetur affligi, fluxu uidelicet materie crassæ, uiscosæ, & foetidæ per urinam, cum dolore circa partes renum, consulerem ut potu uteretur loco & hora syrupi, quo ego in huiusmodi affectibus efficacissimè uti consueui. Cuius descriptio talis est.

℞. Pentaphylli cum radicibus & folio .man. iij.

Granorum alchechengi ℥ i. s.

Agrimoniæ .man. iij.

Verbenæ

Rosarum siccarum ana .man. ij.

Limonum minutim concisorum .num. iij. simul cum corticibus suis.

Contundantur omnia grosso modo, & aspergantur cū uncijs octo infusionis rosarum. Postea destillentur per alambicum uitreum, uel per balneum Mariæ: deinde seruetur aqua ad usum.

℞. Huius aquæ ℥ v.

Syrupi de cichoreo Nicoli sine reubarbaro

Myrtini ana ℥ i.

Sumat singulis diebus in aurora loco syrupi. Laudo præterea, quod singulis diebus uel tribus horis ante prandium, uel immediate ante syrupum accipiat ℥ i. in forma pilulæ, de infrascriptis trociscis.

℞. Tro-



## Rx. Trociscorum de absinthio

De rosis ana 3 ij.

De aniso 3 ij.

Succi liquiritiæ 3 i. s.

Misce, & cum syrupo rosato fiant pilulæ pro singula drachma tres, sumendæ ut suprâ. Pro unctione dorsi, hoc est, totius regionis lumborum secundum longitudinem utrinque.

Rx. Pinguedinis anseris 3 ij.

Olei rosati completi 3 iij.

Rosarum rubearum

Sandalorum citrinorum

Masticis ana 3 ij.

Laudani pinguis 3 i.

Misce cum modico ceræ albæ, fiat linimentum secundum artem ad usum, ut dictum est. Vinum eliget limpidum, mediocre, coloris subrubri. Utatur in cibo carnibus siccioribus, boni tamen & optimi nutrimenti, quales maxime sunt pulli perdicum, phasianorum, gallinacei, leporis iuuenis: aues omnes campestris præter coturnices, turtures etiam conueniunt, & oua sorbilia. à reliquis omnibus edulijs quam maxime poterit, abstinebit. Hæc sunt quæ absenti in re difficili consulenda uidebantur, remittens me in omnibus saniori iudicio.

Consult. LXXXIII. De ardore urinæ, cum eo ut sæpè urinam emittat.

P R A E M I S S A ratione uictus, utatur quolibet mane, quando est in itinere, frusto cinnamomi optimi, & tri-

Ff 3 turando



turando in ore deglutiat succum. Bis tamen in septimana loco cinnamomi sumat rheubarbari drachmam mediā diebus interpollatis, & illud mandendo succum deglutiat. Ante cibum sumat semunciam anethi preparati, & omni die inungatur locus, qui est intra unam & alteram natem, oleo scorpionis facti ex oleo amygdalarum amararum. In autumno & uere purgetur infrascriptis medicamentis.

℞. Specierum hieræ simpl. 3 ij.

Floris cassiæ 3 i.

Misce, cum zuccharo fiat bolus, & sumatur tribus horis ante prandium. Deinde sumat sequentes syropos per septem dies continuos.

℞. Syrupi de cichorea Nicoli

De absinthio ana 3 i.

Decoctionis infrascriptæ 3 iiij.

Decoctionis autem talis est, ut sequitur.

℞. Aquarum maluæ

Althææ ana lib. i.

Aceti albi 3 iiij.

Foliorum pentaphylli

Betonicæ

Agrimoniæ ana man. i.

Bulliant ad consumptionem tertiæ partis, & seruetur pro syrupo. Octauo die sumat sequentem medicinam.

℞. Syrupi rosati solutiui 3 iiij.

Confectionis hamech 3 iiij.

Cum aqua althææ fiat potio, danda in aurora cū custodia. Post hæc per tres uel quatuor dies continuos sumat unciā zucchari rosati ante cibū mane et sero. Verūm laudo, quòd in uere incidatur uena basilica dextri lateris, &

in



in autumno post purgationem utatur aqua balnei sulfurei, uel aluminosi, & pro quolibet mane accipiat 12. cyathos per dies duodecim: & si sint balnea, submergatur in eis. Localia nulla adhiberi uelim ante mundificatum corpus, eo quod frigida astringant, calida uero adhuc magis lédant. Patauij, 1547.

Consult. LXXXIIII. De calculo uesicæ cum stranguria urinæ, pro nobili puero Italo.

NE CONTRATUR tempus in superfluis, prætermiſſa longa præfatione, rem ipsam aggrediar. Nobilis puer conqueritur de quibusdam dispositionibus præter naturam circa actiones, quæ sunt in emittendo urinam: & quia non sunt unius generis, ergo distinguendæ sunt. Primò patitur quandam constrictionem urinæ, quandoque enim guttatim emittit, quandoque accedit pars aliqua urinæ, & tendit ad penem, & dum est in medio regurgitat, & facit angustiam: patitur præterea granitatem circa partes illas, cum maxima difficultate sedet, & cogitur sedere erectus diuaticatis pedibus, & dum urina retinetur in pene, & exit, percipit dolorem & ardorem. Querendum ergo an symptomata hæc habeant unam causam, an diuersas. Primò tamen constat in uesica calculum esse, quem tetigerunt clarissimi chirurgi. Supposito hoc, querendum uidetur, an ista symptomata habeant pro causa coniuncta, calculum in uesica, an uero non sit causa omnium calculus? Si considero ea quæ clarissimus chirurgus cum instrumento percepit, percepit non esse in collo uesicæ, sed in fundo: ergo non potest esse calculus causa, ut

Ff 4 fiat



fiat stranguria. Erat enim sententia Gal. primo de locis affectis, de puero illo, in quo retinebatur penitus urina, cum dubitaret de causa suppressionis, erexit puerum, & quæsiuit, &prehendit quod erat in collo uesticæ calculus obstruens, ubi cum esset remotus, incepit liberè emitte re urinā & mingere. Et ideo ubi calculus, nō obstruit col lum uesticæ, non est causa neq; impedimentum emissionis urinae. Cum iste puer non habeat hanc stranguriam, tātū sed urinae retentionem omnimodam, & quod magis ani maduertendum est, cum habeat ardorem, & illam angus tiam, meo iudicio, idoneum erit, ut prætermiſſa causa cal culi, & ipso calculo, uideamus causas, quæ possunt facere ista symptomata. Nemini dubium est, quod cum ipsa stran guria non tantū proueniat, quoniam obstruatur meatus uesticæ, sed quando sunt humores erodentes, qui dum oc cupant uesticam, irritatur ad expulsionem, unde guttatim exilit urina, & cum retinetur, colligitur, & confertim exit, sed ubi acris est, ut ferè in senibus contingit, qui stran guriam patiuntur, quia egerunt nitrosa, & baurachia propter plurimam materiam admixtam, scilicet salsam pi tuitam. Cum igitur nos uideamus, sicut obseruaui, cum D. imponeret fistulam intra collum uesticæ, & dilata ret hinc inde orificium, propterea tamen nō edidit aliquam copiam urinae, sicut solet fieri, quando retinetur urina, ubi aliquid circa collum est. Et ideo manifestissimum signum est, quod circa collum uesticæ non est obstructio, ratione cu ius fiat stranguria, sed erodentes urinae sunt causa, ut non possit retineri urina, quia stimulat uirtutem expultricem, unde perpetuò distillat. Credo igitur quod causa istius stranguriæ, & illius angustiae sint mordentes urinae, quæ expel=



expelluntur, expelluntur liberè, pars uerò quæ circa colu-  
lum inhaeret, dolorem excitat in parte sensibili, unde per  
consensum spiritus omnes concutiuntur, & fit syncopa,  
quæ appellatur angustia, uidetur totus dolere, & dolor  
ille est lipothymia, & proœmium syncopes. Quod autem  
hoc contingat cum aliqua mordicant penem in urina, no-  
tat Arist. unde qui aliquid mingunt tale horrescunt pro-  
pter acrimoniam urinae. Vbi igitur urina efficitur morda-  
cissima, nō est mirū, si loco horripilationis, quæ fit in sa-  
nis, in ægris faciat angustias: sicut .n. magis ad magis ita  
simpliciter ad simpliciter, ut est regula topica. Credo er-  
go has causas esse horum duorum symptomatum strangu-  
riae inquā, et lipothymiae: erat enim ista materia acris in  
capite, & omnibus membris. Crediderim lapidem non esse  
in causa cur ita sit urina acris. Causæ sunt dispositiones  
in uestica, est temperatura calida, & sicca, hepar præci-  
puè, & cor. Audiuiſtis etiam hunc puerum habuisse pesti-  
mam rationem uictus, & dum esset sub præceptore, se in-  
geſſiſſe crassa cibaria præter omnem consuetudinem suam,  
fabas, pisa, legumina, & reliqua, quæ aggregant humo-  
res pituitosos, nam exercebat satis se, animo uexabatur  
strenuitate sui præceptoris: unde erat materia aggesta.  
Et quia copia humoris crudi multiplicaretur, quæ non  
fuit in totius ambitu, sed in hepate, & uentis mesaraicis, et  
cum inueniat hepar calidum, & cor calidum, non est mi-  
rum, si ille humor pituitosus in locis calidis aggregatus  
fiat salsus modo adustionis. Vnde existente tali tempera-  
tura, aggregati humores crudi facti sunt salſi: qui dum  
fuerint paulatim aggregati, & per calorem hepatis alte-  
rius adusti fuerint, sunt duo consecuta, primò lapis gene-  
ratus



ratus est in uesica. quare generatur? habet materiam pituitosam, calidam postea, summa erat, materia erat idonea exterius acquisita. Erat secundò agens præsens calida tēperatura, unde necessariò cōsecutus est effectus conueniens calculus, ex materia pituitosa lapideata, sicut lateres indurescunt, quoniam primò per calorem excoquuntur, deinde per frigus condēfantur, unde neq; per calidū, neque per frigidum possunt dissolui. Ita redditur calculus sicut lateres penitus indissolubilis à calido uel frigido, sed bene potest incidi. Cur magis in uesica generatur, quàm in renibus? Gal. affert causam, & dicit quòd hoc est in pueris propter ualidam uirtutem expulsiuam, quæ in imbecillioribus & senibus retinētur in renibus, expelluntur ad uesicam, quæ materia ibi retinetur, cū prius excocta fuerit à calore refrigeratur, à caliditate uesicæ magis, & magis excoquitur. Iste calculus in uesica primò percipitur tactu, deinde syncopis percipit grauitatem insignem circa partes pectoris, non potest sedere, nam collum uesicæ uergit circa terram, quod dum constringitur, constringitur uesica: igitur & non potest sedere, & fit impedimentum in uarijs sitibus. Adest pruritus circa partes illas, sed longè certius est dictum iam signum. Adest etiam illa eadem causa stranguriæ multitudo materiæ pituitosæ, quæ continuè transmittitur à partibus superioribus, quæ sua mordacitate facit symptomata illa. Credo uniuersalem causam esse referendam ad materiam antecedentem horum symptomatum pituitosam materiam, quæ fouet & tegit calculum, & facit ardorem urinae, & stillicidium. Quærendum modò uidetur, an calculus sit morbus in compositione, uel in complexione. Certum est, quòd in compositione, & quòd ille



ille morbus generatus fuit propter affluxum materie. Et etiam credendum, imò ferè necessarium, quòd sit intemperies frigida in uestica, non absolute tamen, cum adsit pituita salsa, à qua caliditatem acquisiuit à salsedine, ergo potest esse intemperies in uestica frigida sine defluxu materie. Hæc est tota ratio huius egritudinis: & consequenter apparet prognosticum. Si uolumus iudicare de futuro, dico quòd stranguria, & ardor urine poterunt tardè curari. Vbi exquisitè ipsum euacuabimus, & alterabimus illam intemperiem superacquisitam propter acrimoniam, curabitur excoriatio, & ulceratio in epidermide, quæ leuis est: credo quòd ista facile poterunt curari. In senibus non curarentur. Nephritici &c. dicit Hippocrates. Sed quantum ad calculum dico, quòd non curabitur sine incisione, nam nullus, licet plurimi tentarint dissolutionem, nemo tamen eam est affecutus: tamen exhibuerunt primò ea quæ abstergunt, & incidunt uisciditatem, dum esset appensus lapis corpori uesticæ, unde facilius postea extraheretur: præterea illa quæ comminuerent superficiem lapidis, & eam partem lapidis, quæ mollior est: continuè enim lapidis pars post partem augetur, licet nō sit uera augmentio, sed iuxta positio. Cura igitur ita exordienda: primò exquisitissimè euacuandum corpus, ut omnino tollamus materiam istam salsam, & diuerteretur per euacuationem. Facta euacuatione haberem non diuretica tantum, sed potius, incidentia, & abstergentia, bene diuretica admiscerem his, quæ eorum penetrationem adiuuarent. Primò igitur purgaretur leniendo uentrem, exhiberem cassiam, quia lenit humorem salsum, diuertit per intestina, euacuat humores crassos, ut testatur primò Actuarius, & postea Mesue.



Mesue. Hiera est diuretica, darem ellectuarius de sebesten simplex, deinde exhiberem, quæ incidunt humores crassos. Haberem primò intentionem incisionis, & attenuationis, postea confortarem. Vterer syrupis, ut melle rosaceo, syrupo de betonica, de stœchade, illi enim sine mordicatione incidunt. Nolo oxymel simplex, uel squilliticū, uel ex acetosis aliquem syrupum, ne adderetur acrimonia propter acetum: & ideo isti syrupi essent conuenientes, etiam bisantinus sine aceto. Haberem postea aquas distillatas, quæ facerent penetrare syrupos ad partes, ad quas alioqui non penetrarent. Facta concoctione purgarem ipsum cum agarico, non abhorrerẽ à confectione hamech, nam licet sit solutiua, tamen euacuat diuertendo dum trahat à circumferentia ad centrum. Ideo trahendo ad uentriculum diuerteret illam materiam, quæ causam antecedentem habet, ab ipsis renibus. Respiciendo ætatem pueri, si excederet decimum quartum annum, mitterem sanguinem quæ missio sanguinis esset opportuna ad euacuationem, & euentationem, & remouendam malam qualitatem humorum, fortasse si aliqua adest redundantia sanguinis, quia habet uenas latas, possent etiam uentose applicari non sine ratione. Vbi ista pituita esset euacuata, & factæ euacuationes quærendum, an aquæ calidæ thermarum conueniant. Oh sunt calidæ, augent salsedinem, non habemus intentionẽ: amplius, iam præterijt occasio. Postea exhiberem quæ comminuerent, inciderent lapidem: uellem distillare limones non in alambico plumbeo, quoniam cum uapor limonis sit acutissimus, generaret cerussam, & faceret uenenū: & hæc aqua est magis penetrabilis, quàm acetum. Ergo facerem alambicum uitreum, & distillarem



rem limones, & chelidonium, in quibus duabus aquis considerem: postea in destillatione ponerem raphanum, ex quibus facerem distillatam aquam efficacem ad comminuendum lapidem, & gratam gustui. Quod si postea cum illa aqua aliquid illis admisceretur, si cessaret ardor urinæ, optima esset: si non cessasset, serum caprinum adderem. Et ita puerum istum regerem, ad hoc ut conuenienti tempore (credo enim in æstate hoc esse importunum) incidatur, & extrahatur lapis: & fiet faciliter inciso. Utatur attenuante uictus ratione omnino. Et ut semper lenem habeat aluum, frequentissime utatur cassia pro diuersione, et euacuatione humorum crassorum, ut corrigatur sanguis in uenis, assumeret bis in septimana cassiam cum portiuncula rhabarbari. Cum isto progressu tenerem istum puerum toto hoc tempore. Pro stranguria & angustijs, apponerem decocta althææ, maluarum, camomillæ, fœnugræci, sandalorum citrinorum: facerem fomentum, & olea linirem conuenientia circa pectinem. Quod si magis urgeret, tunc peritus chirurgus, & bene exercitatus, lac instillaret.

Consult. LXXXV. De passionibus pudendi, ardore urinæ, difficultate mingendi, gonorrhœa, & febre erratica, pro nobili Veneto.

QUATVOR sunt ea, quæ in hoc Nobiliss. atque Magnifico uiro sunt præter naturam, de quibus conqueritur, & quorum ratione ad nos accessit, quæ considerare debeo. Primum est ardor urinæ: secundum impedimen-  
tum



tum ipsius, quod tale est, quod non liberè mingit, sicut prius, & urina tenuius magis exit, quàm solebat: tertium est fluxus quidam præter naturam, & inuoluntariè exiēs ab ipso ueretro, quem gonorrhœam (si libet) nunc appellemus: quartum est febris erratica. Istæ sunt dispositiones præter naturam, quæ molestant hunc nobilem uirum, & de quibus conqueritur, quæ sunt considerandæ à me. Et ut ordinatè procedam, primò recensendæ sunt dispositiones eius naturales, naturalisq; temperies ipsius, quia uos scitis quantum referat cognoscere cuiuslibet naturalem temperiem, & ad morbos cognoscendos, & curandos, et ad modum rectè operandi, & ad tempus curandi, & ad loca, quibus debent applicari. Sed re uera difficillimum ad modum est temperaturam cuiuslibet cognoscere. Et tantum tria sunt principalia, quibus singulorum temperaturam dignoscere possumus. Primum sunt actiones omnium uirtutum, oportet enim uidere quomodo se habeant: secundum excrementa omnia: tertium quæ exterius apparent, quæ communiter accidentia dici solent. Ex actionibus enim cognoscimus membrorum temperaturas, quia qualis temperatura membri, talis est actio ipsius: sed ubi corpus est affectum, non una tantum actio est, uel ablata, uel diminuta, uel corrupta, sed plures: ideo dispositiones naturales in singulis cognoscere difficillimum est. Et dicebat Galenus in proœmio libri primi ad Glauc. & in tertio methodi. Opus est si uolumus aliquem rectè curare, cognouisse ipsum in sanitate, & singulorum membrorum temperaturam, colorem, habitudinem, natium calorem, articularum pulsum, quisnam fuerit à natura. Quæ si sciremus, magnitudinem morbi satis aliquando iudicare possemus:



mus: & sic exeuntia, & accidentia. In casu nostro habemus omnes difficultates istas, siquidem prius non nouimus. Tamen si discurremus per singulas actiones tam animales, quàm uitales, & naturales, percipimus naturales si non corruptas, saltem diminutas propter multa accidentia, quæ in hoc corpore contigerunt: siquidem actiones quæ cerebrum, & cor ipsum consequuntur, non bene nisi ex conuersatione assidua cognosci possunt. Ideo considerabo tantum unum in hoc Nobilissimo uiro, scilicet actiones naturales, quod nostro proposito attinet, quia neq; circa cerebrum, neq; circa cor uidetur aliquis excessus manifestus: sed bene circa naturalium membrorum temperiem, quia ipsa sunt, quæ uerè lesa sunt. Si ergo exactè considerauerimus ipsorum lapsum, habebimus quod à nobis intenditur. Reliquis igitur omiſſis ad inquirendum naturalium membrorum dispositionem, & hepatis præcipuè accedemus. Primò ergo consideremus, quænam fuerit naturalis istius uiri temperies hepatis, antequàm ad accidentia deueniamus. Sed non habemus actiones aliquas nec à sanguine, nec ab excrementis, nec ab extrinsecis accidentibus, uidelicet à colore, calore & c. ex quibus in cognitionem naturalis istius temperiei deuenire ualeamus. Sunt tamen quedam, in quibus circa hoc iudicium nostrum firmare possumus: est enim amplitudo uenarum, atq; musculorum, sunt & pili, & structura corporis, quæ omnia etiam indicant præteritam temperiem. Sed hæc in hoc uiro non sunt talia, ut intensam caliditatem, uel frigiditatem indicent: attestatur tamen magis supra caliditatem, quia uenæ sunt satis amplæ, & structura corporis satis magna, & pili non sunt adusti, nec crispi, nec subalbidi, sed potius subrubi tendentes



dentes ad nigredinem. In passivis uero qualitatibus nullum uideo signum, ex quo possim iudicare uel multam siccitatem, uel multam humiditatem. Quod autem calida temperatura sit, indicatur etiam ex eo quod maxime fuit, & est pronus in Venerem, & caliditas hepatis immediata causa est salacitatis. Ideo bene Plato concupiscentiam in hepate, constantiam in corde, animalem uirtutem in cerebro posuit. Quod autem caliditas renum faciat ad salacitatem, dico quod non per se, sed per consensum solum, quia facit ut uasa illa seminaria sint ampla, & lata: & sic per consensum. Sed hepar praebebat caliditatem, & materiam ipsius salacitatis, & immediata causa ipsius est, ut inferius patebit. Arguitur igitur ex ijs quae apparent, ut ex moribus praeteritis, quod sit calidae temperaturae hepar huius Nobilissimi uiri, in quo est uis sanguificandi. De uentri- culo nec ex praeteritis, nec ex praesentibus audio aliquem excessum, neque in caliditate, neque in frigiditate, nec de ipsius dispositione nunc multum curandum, maxime cum non conqueratur de ipso. His igitur ita se habentibus credisne tu, quod talem nunc seruet temperaturam hepar istud, qualem habuit antea? minime, imò dico, quod ipsa ipsius hepatis longe diuersa est ab eo quod prius erat, & essentialiter firmata iam in hepate per plurimos annos. Sed quae nam est intemperies ista? Dico quod cum prius calida esset respectu proprii temperamentum illius, non respectu temperati, sed respectu sui ipsius, erat à praedominio calida, nunc lapsa est ad frigiditatem respectu ipsius, non absolute, & habet diminutas hepatis operationes, & non solitas propter additam frigiditatem. Hoc autem indicat color apparens in toto hoc corpore. quia scitis ex quarto de  
tuenda



tuenda ualeitudine non longè à principio, quòd humorum in corpore existentium dominium cognoscitur ex colore cutis, nisi humores illi in altum sese receperint. Et ibi dat signa, & causas, quando in altum & profundum recedūt, scilicet uel propter frigora, rigores, animi affectus, ut timorem, tristitiam ingentem, et incipientē uerecundiā, & c. In isto autem est color plumbeus, liuidus, exanguis cum fuscitudine quadam, & non habet colorem suum naturālē, floridum, & uiuidum, sicuti apparet, ubi est hepatis caliditas iuncta siccitati: & talis color iam per plures annos perseverauit. Præterea abundat plurima pituita, quod indicatur ex urina, quæ immediate profluit à sanguine: ideo indicat temperamentum sanguinis, sanguis uerò temperamentum hepatis, siquidem in eo generatur. Urina autem quoad colorem, cum sit subalbida, quoad substantiam crassa redundans plurima pituita, ideo signum est, quòd sanguis est pituitosus: si sanguis est pituitosus, ergo hepar labitur ad frigidum: si sic, & tamen præcessit caliditas hepatis, ideo redundat adustionibus, sicut dixit Galenus secundo artis medicæ. Qui sunt calidi & sicci hepatis, procedente tempore fiunt frigidi & sicci. Hepar igitur istius Nobilissimi uiri tum propter plurimos labores, tum propter plurimas resolutiones, quæ accesserunt propter delicta, ad frigidum declinauit: & quoniam diu perseverauit ista intemperies, credendum est quòd iam sit confirmata. Accedit aliud insuper considerandum, quòd non modicam de hac re fidem faciet, an scilicet perpeffus sit morbum Gallicum: et sicut scitis morbus Gallicus sedem habet suā in hepate, & ut aliās dixi, est intemperies ipsius hepatis. Quòd si adesset in hoc nobili huiusmodi morbus, magis es-

Gg set



set laesum, & generaret humores magis adustos, quam prius, sicut apparet. Et sic hepar licet ad frigidum labatur, & per consequens pituitam generet, illā tamen adurit: & sic si bilem generat, ita etiam dicendum est de melancholia. Ideo multum refert ad dispositiones eius cognoscendas scire, an sit perpeffus morbum gallicum. Ideo dicam liberè id quod sentio, uidelicet quòd credo, quòd perpeffus sit morbum Gallicum, & nunc etiam patiatur. Et adsunt præter communia illa signa quæ maximam faciunt coniecturam, quòd scilicet concubuerit cum infectis huiusmodi morbo mulieribus: tamen ista coniectura potius legislatorum, quam medicorum est. Habuit etiam pustulas, & bubones: & licet disiunctiue non ualeat, hic est bubo, hic sunt pustulae, ergo adest morbus Gallicus; coniunctim tamen ualeat, hic est bubo, & pustula in ueretro, ergo adest morbus Gallicus: & cum habuerit rem cum inquinatis, hæc non sunt leues coniecturae ad suspicandum hic adesse morbum Gallicum, licet quaelibet harum per se sumpta leuem faceret coniecturam, omnes tamen simul sumptæ non solum persuasionem, sed etiam fidem certam, & firmam faciunt. Sed dicetis uos, præter pustulas, & bubones in pudendis in morbo Gallico laborantibus, solent etiam consequi pustulae in capite, & dolores inter iuncturam, & iuncturam, in periostijs illis: sed hæc in hoc non fuisse: ergo non laborat morbo Gallico. Respondeo quòd non ualeat, quia licet non habuerit dolores, & in capite pustulas, hoc ideo fuit, quia perpetuam ex renibus euacuationem habuit, & materia quæ debebat facere dolores illos, & illas pustulas, euacuata est per penem, & diuersa est aliò: ideo non fecit illa accidentia. Cuius signum est, quòd quando  
erat



erat in naui, & quidam medicus repressit huiusmodi fluorem, statim sensit dolores in omnibus membris ex retentione illius materie: & si nunc eam retineret, eadem accidētia causaret. Sed dicet quis uestrum: tu ex colore ipsius arguis supra morbum istum, sed huiusmodi color pallidus perpetuo sequitur huiusmodi fluorem. Dico quod si tantum iste color esset propter refrigerationem hepatis, & propter exitum illarum materierum, esset subalbidus, & cacoëthicus, & non plumbeus, & fuscus: fuscedo autem cum palliditate indicat adustionem humorum, quam solet huiusmodi morbus generare. Ideo suspicor hunc uirum affectum esse morbo Gallico. Præter intemperiem hepatis, quæ frigida est, credo etiam adesse frigiditatem respectu morbi Gallici. Et hæc quoad temperiem membrorum naturalium. Accedamus modò ad eas dispositiones præternaturam, quibus affligitur nobilis iste. Est primò ardor urinæ: hoc autem contingit, uel ratione ipsius urinæ, uel ratione instrumenti: ratione uerò urinæ dupliciter, uel quia urina mordax, salsa, acris, & calidior in se, uel quia addita sit ei aliqua substantia salsa, uel acris. Quid credis tu quæ sit causa istius ardoris? Dico quod est non ratione propriæ substantiæ ipsius urinæ, quæ sit salsa, acris, & mordax præter eam quæ sibi propria est, quia color ille subalbidus, & substantia ipsius crassa non indicat mordacitatem esse: sed iste ardor aduenit propter materiam salis ipsi urinæ adiunctam, & purulentam. Aut est ratione instrumenti, & sic esset uel quia in ipso ueretro esset excoariatio aliqua, uel ulcus, uel exiccatio illarum humiditatum, quæ solent esse in glandibus penis, quæ factæ sunt à natura, ut ui sua emplastica humectent longitudinem pe-



nis, ne urina in transitu propter sui mordacitatem exco-  
riet: & sic etiam intestina uestita sunt pituita illa crassa,  
ne mordacitas fecum, & bilis in transitu corroderet ipsa,  
& quando intestina ipsa propter aliquam uiriditatem pri-  
uantur illa humiditate, tunc contingunt abrasiones. Sic  
etiam contingit in pene ubi propter excessum aliquem su-  
perflue Veneris, uel aliam ob causam consumitur huius-  
modi humiditas, arescit meatus uirgæ, & mordacitas uri-  
næ occurrit membro immediate, & sic causat ardorem.  
Hic credo, quod sit materia mordax propter salsedinem,  
non propter acrimoniam. Sed siue sit nitrum, siue sal, tum  
ex utraque materia, tum purulenta, tum nitrosa, per a-  
dustionem, tum salsedo, ubi substantia humida iuncta est  
cum terrestri, & pars terrestris aduritur, tunc fit salse-  
do: & si ulterius aduratur fit amaritudo, licet Auicenna  
uoluerit ex admixtione bilis, & pituita fieri salsedinem.  
Sed alias ostendi, quomodo hoc fieri nequeat, & quod  
hoc repugnat rationi, ueritati & experientie: quia ex  
amaro mixto cum insipido nunquam fit salsedo, sed be-  
ne amaritudo: salsedo autem fit ex adustione partium  
terrestrium in ipso humido. Cum ergo iste plurima  
abundauerit pituita, & intemperie ad frigidum, & pro-  
pter morbum Gallicum adustione, facta est salsedo pro-  
pter moram ipsius pituitæ in hoc corpore: et licet respectu  
proprii temperamenti lapsum sit hepar ad frigidum, re-  
spectu tamen temperati habet caliditatem maximam: &  
sic augetur salsedo, & sic hepar generat humores adustos,  
quos per urinam excernit. Et quia non est perfecte conco-  
cta illa materia, licet aliquæ partes adurantur; ideo in exi-  
tu causat horrorem, sicut contingit dum pus mouetur de  
loco



loco ad locum. Et ista est causa, quare urina in exitu mordet, & horrorem sentiat propter subitum motum materie mordicantis per partes sensibiles. Præterea credo ego quod adsit etiam ariditas illius humiditatis, ex qua sequitur ardor, & maximus. Quod autem sit ariditas, patet ex præcedentibus, & enarratis, quia ut audiuiſtis maxime Veneri deditus fuit, & ante tempus, & nunquam pepercit, ita ut dum adhuc adolescens esset, annos circa quindecim natus, in decem diebus quinquagesies concubuerit, ita exinanita fuit huiusmodi humiditas, quæ etiam sola cogitatione exit, quandoque etiam ex longo isto defluxu, qui decem & octo annos perseueravit, & ex intemperie incaluit locus etiam propter assiduas functiones, & propter plurimum coitum substantia illa humiditas resoluta est: tum etiam quia pars illa non nutritur, sicut oportet, quia facta est debilis, propter ea quæ dicta sunt, etiam quia occupatus fuit perpetuo in multis laboribus in exercendo mercaturam, & in regionibus calidissimis in Oriente, & in Aegypto, ex quibus maxime exiccatus est. Et hæc quoad hunc ardorem urinæ. Habet præterea retentionem urinæ ita ut urina liberè nō exeat, sicut solebat, sed subtilius. Pro quo notare debetis, quod tria sunt apud Græcos, dysuria, stranguria, & ischuria: dysuria est, cum urina difficulter exit: stranguria, cum urina guttatim exit: ischuria uero, cum totalis retentio urinæ est. Dysuria igitur, uel difficultas urinæ, est cum quis licet liberè mingat, cū dolore tamē, & cum difficultate mingit, sicut accidit in dysenteria, illis qui sic affecti sunt, plurimum quidem egerunt, & plus quam oportet, sed cum difficultate: stranguria cum guttatim exit, & non potest retineri: ischuria non ablata tota-



lis emissio urinæ, uel diminuta. In hoc igitur est dysuria, non ablata actio, sed diminuta tantum. Iste ergo non mingit ample, liberè, sicut solebat, sed strictè. Causæ autem retentionis urinæ sunt uel quia est defectus in expulsiua uirtute, quæ non expellit id quod debet, ut quarto, & sexto de accidenti & morbo: uel uitio urinæ, uel uitio instrumenti. Expulsiua uirtus debilitatur uel propter frigiditatem, uel propter aliquid aliud, ut non possit fungi proprio munere. Vitio urinæ, uel quia non habet solitam & debitam mordacitatem, quæ mordicet, & insurgere faciat expulsiuam uirtutem ad expellendum, uel propter sui crassitiem, & in istis non est defectus. Vel in instrumento, quod est uel collum uesticæ, uel meatus uirgæ. Et cum ista est ischuria, impedimentum non potest esse in renibus, nec in uestica, nec in uasis illis, quæ deferunt urinam ad ipsam uesticā: in meatu uirgæ, uel collo uesticæ potest esse impedimentum, uel quia obstructus sit ob calculum uel inflammationem, uel propter callum, uel aliquem tumorem ibi impactum, ut grumum sanguinis. Hic non est calculus, quia nullum calculi signum adest, nec arenulæ in urina, nec aliud quidpiā. Non callus, quia hoc semper ita esset, & eodem modo mingeret: sed nunc quandoq; liberè magis mingit, quandoque minus. Nec etiam adest inflammatio, quia non adsunt aliqua inflammationis signa. Non ulceratio, quia exiret sanguis: quod si interdum exierit, illud fuit propter immisionem candelæ. Ideo credo quòd causa, quare non liberè, et ample mingat, sic ut prius, sit materia aliqua uiscosa, quæ in illis partibus cōtinetur. Quod apparet, quia antequàm mingat, exit quid uiscosum albū, quod apparet in fundo urinæ. Et sic credo materiā aliquam esse impactā & in meatu ueretri,



ueretri, & in collo uesticæ, quæ adhæreat in illis partibus, quæ crassa est in propria substantia, quod indicat crassities, & turbulentia urinæ. Et hæc sunt signa, quæ uidimus, & causæ in hac difficultate uel tenuitate urinæ, quæ nõ erant prætermittenda. Quoad gonorrhœam, utrum huiusmodi fluor, quem nunc patitur, sit appellandus gonorrhœa necne? dico quod credo à principio uirum hunc passum fuisse gonorrhœam propter omnes rationes: quia (ut scitis ex sexto de locis affectis, & sexto de tuen. san. & in sexto de accidenti & morbo) gonorrhœa est inuoluntarius exitus seminis, qui accidit uel uitio seminis, uel uitio uasorum seminalium: quoniam ista duo sunt, quæ per se faciunt gonorrhœam, alia uerò per accidens, & per consensum, ut cum quis ex assidua imaginatione semē emit tit, & iste uerberibus, & non medicamentis curandus est. Quandoq; ex caliditate renum, quia quandoq; potest esse tanta caliditas in renibus, ut dilatet, et aperiat uasa seminaria, & hoc faciat non quia aliquod commercium ista uasa habeant cum renibus, sed solum propter uicinitatem: quia nullum uas seminarium uadit ad testes, quod affinitatem habeat cum renibus. Non in dextra parte, quia uas seminarium dextrum oritur à uena caua, quæ descendit ad dextram partem: nec etiam in sinistra, quia sinistrum deducitur à magno ramo uenæ concauæ, qui ramus concauæ antequàm ad renes pertingat, emittit per longum spatium à se ramum, qui postea facit alium ramum, qui postea ad sinistrum testem pertingit, & ex eodem ramo, quæ facit emulgentem, uasa seminaria oriuntur: nec per arteriam habet commercium cum renibus, sed multum distat ab his, quæ ad renes pertingunt. Ideo non uideo, quomodo



gonorrhœa possit fieri uitio renum, nisi per consensum, & ratione uicinitatis, & non per se, quicquid dixerit Auic. Potest igitur propter uicinitatem renum cum uasis seminarijs fieri gonorrhœa, eo quia adeo calefacti sint ipsi renes, ut ratione uicinitatis incallescant uasa illa, & sic dilatentur, & ita exeat semen inuoluntariè: & sic potest excusari Auicenna. Et potest prouenire fluxio seminis ratione musculorum, dicebat ipse: sed huiusmodi fluxio non est à musculis, sed per uirtutem expulsiuam, & non concurrunt muscoli, nisi quando quis uelit uehementer contrari. Sed dicet quis, quomodo exit sperma per cōuulsionem, cum quis in epilepsiam inciderit? Dico quod hoc contingit propter uillos, qui contrahuntur, & extenduntur, et mouentur motu spasmoso: & sic omnes muscoli mouentur, et excitantur. Galenus tamen in VI. de tuen. san. reducit huiusmodi fluxus ad istas duas causas, uel ratione seminis, uel ratione ipsorum uasorum seminariorum, quæ sint affecta, & uitiata, & imbecillia reddita, et in superioribus partibus. Et contingit de semine, sicut de lacte in mamillis: sicut enim sanguis efficitur sub forma lactis in ipsis mamillis, ita sanguis in uasis seminarijs, & in illis inuolutionibus efficitur sub forma seminis. Contingit autem, ut exeat semen propter imbecillitatem istorum uasorum, uel quia relaxata, & aperta sunt, & calefacta ita quod trahant, quod non deberent trahere, & cum sint debilitata, multa excrementa ad illa demandantur, & sic inuoluntariè exit: quod etiam contingit de lacte in mamillis existente. Quando uero fit ratione uuij existentis in semine, hoc contingit uel ratione multitudinis, uel ratione malæ qualitatis acris, uel huiusmodi. In isto erat uera gonorrhœa ratione uasorum,

&



Et uiarum dispositione, per quæ fit huiusmodi transitus, Et præsentia humoris mali, Et ratione imbecillitatis uasorum, quæ effecta sunt imbecilliora propter malam uictus rationem, Et propter excessuum, Et immoderatum coitum. Et sic quia dilatatae fuere illæ uiae, Et aucta est materia ratione male uictus rationis; ideo huiusmodi dispositio perseueravit. An modò etiam nunc patiatur gonorrhœam, Et fluxum seminis inuoluntarium, quia materia seminis, quæ est sanguis prouenit ab hepate, spiritus uerò fermentans huiusmodi semen à cerebro, Et à corde emanat, sanguis autem iste cum ad uasa seminaria uenerit, in illis uasis conficitur. Ideo liberè dico, quòd credo illum non pati nunc ueram gonorrhœam, sed ad alborum fluxionem istum uenisse opinor, qui fluxus fit à materia quadam pituitosa Et corrupta, quæ cum uias paratas, Et apertas inuenerit, illud defluit ad uesicam. Et sic credo, quòd in tota massa sanguinea sit uitium (ita ut oportet) ratione hepatis, quod lapsus sit à proprio temperamento per frigidum, Et maxime cum accesserit illa infectio morbi Gallici. Et quòd recipientia sunt debilitata, ut Auic. xxii. tertij sunt mandantia fortia, scilicet hepar, Et totus ambitus uenarum, plurima superfluitas pituitosa, Et adusta, Et salasa, Et uasa dilatata fuere, cum etià à natura sint lata, quia calidæ fuit temperaturæ à predominio. Ideo habuit amplitudinem uenarum, Et uasorum, quæ etiam uasa dilatata sunt propter plurimum coitum, Et longum defluxum. Et sic mandantia sunt fortia, recipientia debilia, uiae latæ, Et multitudo materiæ malæ. Et sic credo quòd ista si debet dici gonorrhœa, seu iste fluxus sit permixtio quædam seminis, Et aliorum plurimorum. Et sicut in mulieribus contingit,



tingit, quod post fluxum gonorrhœæ sequitur fluxio alborum, uel ratione hepatis, uel ratione totius, quod acqui-  
siuerit malam temperiem, & aggregata sit cacochymia, et  
materia mala: & cum uias reperiatur paratas hinc fluunt  
huiusmodi alba, si est mulier per uulnam, si est uir per pe-  
nem: ita credo in isto fuisse, quod plurimæ materiæ pitui-  
tosæ ratione hepatis, & totius ambitus uenarum per ue-  
nas emulgentes ad uesicam deueniunt, & minguntur ita  
putridæ. Sed dicetis, si sunt putridæ, ergo ibi deberet adesse  
ulcus. Dico quod non ualet, quia materia pituitosa potest  
circa uenas putrescere, ita ut pus appareat, & tamen non  
sit ulcus, ut uidi superioribus diebus in quodam uiro Fulgi-  
nate. Quod autem sit materia pituitosa, uidetur ex colo-  
re: alba enim est illa materia, quæ fluit, & putrefacta nul-  
lum præ se ferens colorem. Quartum, & ultimum acci-  
dens erant febres quædam erraticæ. Et multi mirantur  
quænam sit causa istarum contingentium, maxime post  
quartanam. Sed si cognoueritis causas istas, non mirabimi-  
ni: & quandoq; antecedunt quartanam, quandoq; uerò  
subsequuntur, quia aliquæ quartanæ habent affinitatem  
cū illis. Sed quænam sunt causæ istarum erraticarū, quæ  
nullum seruant ordinem? Nullæ aliæ certè nisi tres illæ,  
quas Galenus in fine secūdi de diff. feb. assignauit, ubi dicit  
quod febris erratica sit uel quia permutatur humor putre-  
scens, uel quia uariatur ratio uiuendi, uel quia alius hu-  
mor putrescit in aliqua parte corporis, & alius in alia.  
Et sic prout uariæ generantur putredines propter uarios  
humores defluentes ad uarias partes, sic uariæ fiūt febres,  
& periodi, cū humores uarij sunt, qui putrescunt. Nam  
interdum putrescit pars subtilior sanguinis, quæ sapit na-  
turam



turam bilis, ideo facit paroxysmum tertianæ: aliquando  
fex sanguinis, & sic facit paroxysmum quartanæ: quan-  
doq; pituita putrescit, & sic facit paroxysmum quotidia-  
næ. Alio uerò die fieri potest, quòd putrescat pars cras-  
sior, & sic facere potest quartanam, quia illa adusta fue-  
rit. Fiunt etiam ex uariatione ciborum, quando uiuunt  
modò uno modo, modò alio, modò plurima ingerunt, modò  
pauca, modò crassa, modò tenuia: & sic prout uarij hu-  
mores generantur, sic ex putredine illorum fiunt postmo-  
dum uariæ periodi. Tertia causa istarum est quando est  
aliquis locus, ad quem præcipitetur aliquis humor, &  
ibi putrescit: alius autem ad aliam partem, & ibi putre-  
scit: & sic uarij possunt fieri pro uarietate humorum pu-  
trescentium. Sed quæ causa est in hoc Nobilissimo uiro  
istarum febrium? Dico quòd omnes concurrunt, quia abũ-  
dat omnibus humoribus, habuit uarios paroxysmos, &  
sic duos uel tres paroxysmos quartanæ habuit, postea se-  
cuta est transmutatio, & habuit sextanam, prout modò  
unus, modò alius humor computruit, & exijt ad exterior-  
es partes uenarum, quia non æqualiter generati sunt isti  
humores, quia non seruat eandem rationem uictus: & in  
uasis seminarijs, ut uenis in testibus, & uestica potest pu-  
trescere iste humor pituitosus, à quo eleuantur uapores  
putridi, & petunt cor: & sic ponunt ipsum cor in cale-  
facto esse. Et sic credo quòd omnes istæ tres causæ con-  
currant ad generationem febris erraticæ in hoc Nobilissi-  
mo uiro. Accedamus modò ad curationem istorum ac-  
cidentium prætermiffa febre, quam non habet, nec de ipsa  
conqueritur. Et primò quoad gonorrhœam, quia ut dixi  
credo quòd certa illa materia, quæ à ueretro emanat non  
sit



fit semen, sed cum semine permixtam esse plurimam materiam pituitosam salsam putridam, quæ à toto ambitu uenarum, & ab ipso hepate emanat: ex qua sequitur ardor urinæ, & retentio, seu emissio illa urinæ diminuta. Et ideo credo, quod si remoueat fluxio, remouebuntur etiã omnia alia. Sed cum in qualibet fluxione quatuor sint, mandantia, recipientia, uia, & materia; ideo debetis primò providere, ne mandantia mandent: secundò recipientia corroborare: tertio uias astringere: principalis tamen intentio est, ut dicit Galenus sexto de tuend. sanitate, intercipere materiam, quia stante materia, & imbecillitate membri semper de necessitate sequitur fluxio: materia autem intercipitur, prohibendo ne generetur. Hoc autem fit recta ratione uictus adhibita circa qualitatem, & quantitatem, ne tantum comedat, quantum appetit: quia si sanguis bonus efficietur, natura auara pro se retinebit. Et hoc quoad qualitatem, & quantitatem ciborum. Ita etiam de uino: non sit nimis calidum, aperiens, nec nimis frigidum, sed temperatum in colore, & substantia. Quoad exercitium, moderatè se exerceat, non dormiat in meridie, & reliqua huiusmodi. Quoad euacuationem uerò humorũ, qui generati sunt, plurima sunt instrumenta. Primum est euacuatio propriè dicta per propria loca, per uomitum, per secessum, per urinam, per sudorem, & diuertendo per cauteria: quia natura rei indicat nobis cum diu perseuerauerit iste morbus, ideo difficillimè expelletur. Cum igitur iam sint decem & octo anni, ex quo perseuerauit morbus iste; ideo si sola euacuatione propriè dicta uelimus procedere, non bene succedet. Et oportet prius corroborare membrum mandans, & generans, ne noua generetur materia,



teria, & debemus auertere ipsam, antequam membrum recipiens corroboremus, quia si prius corroboraremus, quam diuerteremus, posset ad aliud membrum nobilius precipitari hæc materia: ideo à leuioribus euacuationibus incipiendum est. Et primò lenienda est aluus. De missione sanguinis, tum propter diuersionem, tum propter suspicionem illam, quam habeo de morbo Gallico, & propter adustionem, quæ in hepate generatur, suaderem ut fieret à basilica lateris dextri phlebotomia. Quo uerò ad præparationem materie cum syrupis, uaria sunt instrumenta: notum est quis sit humor superfluum, & quæ intemperies. Ideo cum incidentibus, & abstergentibus præpararem, quæ tamen non essent diuretica: & talia essent sicut oxymel, mel rosatum, syrupus de betonica. Cum ijs uel decoctis similibus præpararem materiam, & cum solutius appropriatis postea educerem. Istis peractis antequam ad corroborationem mandantium, & ad uiarum cōstrictionem deuenirem, facerem prius cauteria, ut diuerterem materiam. Sed cum morbus sit infra renes, qui tamen habet originem in partibus superioribus, an magis conueniret, quòd huiusmodi cauteria fierent in brachijs, an uerò in tibijs? Dico breuiter quòd facerem in tibijs. Rationem nunc non assigno, quia essem nimis prolixus. Deinde ad corroborationem membrorum mandantium, & recipientium, & ad constrictionem uiarum deuenirem. Et quia duo proposita fuere, primum an decoctum ligni guaiaci in hoc Nobilissimo uiro: secundo an balnea Apponensia, uel Veronensia, conuenirent; ideo modò ex his, quæ supposita fuere à nobis, conueniret decoctum ligni: in ipso enim est forma illa specifica, quæ ex toto formæ morbi Gallici



Gallici aduersatur. Non enim curat quia calidum, uel frigidum, humidum, uel siccum, sed quia tale: quoad qualitates tamen manifestas habet caliditatem ultra secundum gradum, siccitatem usq; ad tertium. Ideo exhiberem istud decoctū ratione illius morbi Gallici, & ratione formæ suæ specificæ, etiam astringit & corroborat membra. Quod autem habeat uim calefaciendi, quia erat dubium, quia calefactio in primo sensu non sentitur, sed à ratione sensui coniuncta, ut Galenus in lib. de simplici medicina testatur; ideo dicebatur ab aliquibus primo occurſu non pungit linguam, ideo calidum in primo. Dico quod mordicat linguā, & quod est calidū in secundo intense etiam: & dico quod quando caliditas fundata est in substantia tenui, illico mordicat linguā, & citò euanescit. Ideo dicit Galenus in quarto de tuenda sanitate loquens de Diatrionpipereon, licet sit medicina ignea ita ut uentriculum inflāmet, tamen quia in substantia tenui & subtili fundata est, citò euanescit, et ad hepar non peruenit. Sed cum est in substantia crassa terrea, huiusmodi substantia non permittit actionem caliditatis adeo facile percipi: nam auripigmentum quia eius caliditas fundata est in substantia tenui, & subtili, ideo si apponatis super linguā, ulcerabit. Sed in ligno, quia eius caliditas fundata est in substantia crassa & terrestri; ideo primo occurſu non percipitur eius caliditas, sed per decoctionem extrahitur: ideo in ipso percipitur amaritudo. Ideo calidum & adustum est, quia Galenus & Auic. uolunt, quod ubi est amaritudo, ibi adsit caliditas: sic etiam Arist. & Theophrastus uoluere: licet Auer. negauerit, quia in opio est amaritudo, & tamen est frigidum. In decocto hoc est amaritudo, & acrimonia, & maxima, ita quod



quòd quandoque qui usi sunt isto decocto, toti erysipelati sunt: quibus uerò exhibitum fuerit cum aqua endiuia nihil calefacti fuere. Ideo decoctum huiusmodi habet caliditatem in secundo, quia acrimonia non stat in primo tantum caliditatis gradu, sed cum intensiori. Et quia querebatur, an miscendum esset, & decoquendum cum aqua endiuia: & uidebatur quòd non, quia dicebatur quæ operantur per specificam formam, & à proprietate occulta, si commisceatur cum ipsis aliquid, destruetur eorum forma specifica. In secundis qualitatibus hoc contingit: sed endiuia, & huiusmodi non destruunt formam huius specificam. Et quia dabatur exemplum de magnete illito allio, quod non potest trahere ferrum, & non potest agere sua forma specifica, dico quòd ideo est, quia allium habet formam specificam contrariam magnetis actioni, & si alia illinatur re, non propter hoc amittit formam suam specificam magnes. Et uos scitis, quòd ex uno particulari non sequitur unum uniuersale: etsi in magnete cōtingeret hoc, non tamen contingit in hoc decocto cum endiuia: imò non calefacit, sed refrigerat. Cur est quòd cum aqua communis sit primum frigidorum, non magis reprimat caliditatem ligni, quàm aqua endiuia? De hoc diximus dum de morbo Gallico ageremus. Ideo exhiberem istud decoctum, tum quia qualitatibus manifestis proderit, quia calefaciendo, & exiccando corroborabit, & exiccabit materiam illam, & quoad formam specificam, quia in hoc timeo de infectione Gallica. Quò uerò ad aquam thermarum licet de directo morbo Gallico infesta esse uideatur, & licet multos uiderim laborantes isto morbo ex aqua balneorū laesos fuisse, tamen darem huic nobili uiro, si istud decoctum non ex toto



toto sanabit ipsum. Sed à quo est incipiendum? Ego inciperem à decocto ligni alterato cū aqua endiuie, quia hoc indicat & naturalis eius temperies, & anni tempus, quia nunc sumus in æstate. Ideo factis exquisitissimis euacuationibus, quæ debent fieri, & factis etiam diuersionibus exhiberem istud decoctum. Ex quo desperatos etiam sanavi in maximis etiam caloribus hoc modo præparato, quia sic non timerem calefactionem. Et si ex toto non leuaretur et liberaretur, exhiberem aquam thermarum Veronensium, adhibita solita diligentia. Et sic credo quòd sanabitur si omnia, quæ dicta sunt, exacte, & summa cum diligentia, sicut fieri debent, obseruabuntur. Et hæc satis.

Consult. LXXXVI. De calculo, dolore renali, & iuncturarum, cum ardore urinæ, pro ciue Florentino.

IVDICAMVS calculos per urinam excretos, dolores circa renes, ac iuncturarum affectus à plurima pituitosa materia generari. Vrina est turbida, subalbida, sero lactis similis, cum sedimento crasso, & albo. Calculorum color calci antiquorum parietum similis, eorumq; substantia crassa, & dura. Præterea uictus ratio comestationibus, & potui dedita cum paucitate exercitij. Ex temperatura etiam calida, & habitu corporis, & animi moribus appetitui, & uoluptati mancipati credimus hunc in ueneris plus æquo excessisse. Vnde calor naturalis, & concoctiones omnes diminutæ fuerunt, accedente præcipue ætate, quæ accedit ad septimum septenarium, & consequenter ad finem primi senij, si Galeno, & Hippocrati credimus.



dimus. Ardorem autem urinae fieri arbitramur partim ex priuatione humoris in glandulis ureteris nimia uenere consumptis: partim uero ex mordacitate urinae, quae in immensum aucta fuit ex admixtione plurimae pituitae salsae. Habuit autem pituita salsedinis causas, tum ex naturali hepatitis caliditate adurente, tum ab obstructione, & putredine. Et haec quidem de causis, & natura affectuum: nam de uesicae calculo nos quoque dubitamus adesse, si uera sunt, quae intelleximus, ex equitatione impediri, ac laedi, in pectine grauitatem percipi, prurire praeputium. quae omnia coniecturam faciunt, uesicam calculo laborare: ac nos quoque operarijs parum confidimus. Quantum ad curam, arbitramur eam difficilem fore: aetas enim maximo impedimento est, si Hippocrati fidem adhibemus: nephriticos enim, et circa uesicam dolores asserit non facile curam admittere. Sed praeter Hippocratis auctoritatem ratio quoque, & rei natura nos ita cogit fateri, quam tamen consulto omitto: neque enim hic docemus, sed consulimus, quid agendum. Credimus ergo hunc nunquam ita conualiturum, ut tuto sibi possit confidere, quin in eosdem affectus incidat quacunque etiam leui occasione incidente: posse tamen efficere cura, & assidua diligentia adhibita, ut uel nunquam, uel rarissime molestetur actu, quamuis inclinatio perseueret. Ut autem hoc commodissime fiat, primo maxime eniti debet, ut in sex rebus non naturalibus nihil, uel minime delinquat. Ac circa aërem cauebit omnes excessus tam calidos, quam frigidos, uentorum omne genus, praecipue tamen australes, & boreales, nocturnum coelum, habitationes humidas, & terreas, apertis fenestris noctu quiescere, & reliqua huiusmodi. Somnum meridianum praecipue fu-

Hb                      giat:



giat : nocte septem, uel octo horas dormire studebit : reliquo tempore, quantum fieri poterit, uigilabit. Exercitia matutina conueniunt, ac superiorum potius partiū, quā inferiorum : proinde equitationes magis laudarem, si affectus uesticæ tolerarent : sed arcu exerceri, aut iactu lapidum, ac similibus tutissimum iudicarem. Post cibum quiescat tam animo, quā corpore, quies tamen non ea sit, ut iaceat, uel aliquo modo decumbat : quin potius stet, uel molliter deambulet sine aliquo labore. Ab omnibus animi molestijs quā longissimè recedat, lætus cum iucundis amicis uitam degat. Pro reliquis nitatur aluum habere lenem : quod si natura defecerit, leniet uel clysteribus, uel resina laricis quā pinguisima, quam mane sumat ad magnitudinem nucis, uel sumat carnem pinguium caricarum ad unciam, medullæ cnici, id est, cartami drach. duas, & facto bolo deuoret ante prandium, & ius pulli eadem hora bibat, in quo decocta fuerint malua, beta alba, mercurialis. Cibus ita temperet, ut bis tantum in die comedat, neque bibat unquam inter coenam, & prandium, abscedatq; à mensa citra saturitatem. Sit cibus simplex, atq; unius generis, multitudinem epularum, & uinorum, tanquam pestem euitet. Sunt autem cibi, qui maximè laudantur à medicis boni nutrimenti, & facilis concoctionis, qui cū omnibus medicis sint notissimi, consultò omittantur. Vinum eligerem pauciferum, substantia tenue, liquore purissimū, colore uel album, uel rubeum, clarum, sapore neq; acidū, neq; austerum, sed maturum. Hæc ubi ritè peracta fuerint, maximam partem suæ præseruationis peractam arbitror. Cū uerò, uel necessitate itineris, uel societate, uel incontinentia sæpe delinquant homines, unde humores ma-

ligni



ligni generantur, qui postea ad loca imbecilla fluētes morbos generant: ideo necessarium putamus ad conseruationem aliquod habere pharmacū familiare, quo ter, aut quater in mense sine aliqua molestia utatur. Tale autem esse poterit.

℞. Agarici optimi

Aloës optimæ

Rhabarbari bene maturi

ana ʒ iij.

Rosarum rubearum

Sandalorum citrinorum

ana ʒ i.

Gingiberis

Cinnamomi

ana ʒ s.

Puluerizentur omnia per se, deinde misceantur, & fiant pilulæ cum melle rosaceo pro qualibet uice tres, & sumatur drachma singulis uicibus mane tribus horis ante prandium. Laudamus præterea, ut bis singulis annis purgetur, autumnino inquam, & uere. Purgatio talis esset.

℞. Floris cassiæ

ʒ s.

Specierum hieræ

ʒ iij.

Misce, cum saccharo fiat bolus sumendus tribus horis ante prandium. Item

℞. Syrupi magistralis facti ex succo betonicæ, & succo

saluiæ secundum artem

ʒ i.

Decocti infrascripti

ʒ iij.

℞. Agrimonie

Cetrach

ana man. i.

Polypodij

Glycyrrhizæ

Rosarum

ana ʒ iij.

Hb

z

Senti=



Seminum melonum

℥ iij.

Decoquantur in libris tribus aquæ maluæ destillatæ, do nec remaneant libræ duæ : deinde seruetur decoctum pro sex syrupis. Dentur autem syrupi usq; ad nonum, uel duodecimum. Postea

℞. Confectionis hamech

3 iij.

Syrupi rosacei solutiui

℥ iij.

Cum aqua betonicæ fiat potio danda in aurora. Talis esset purgatio tam ueris, quàm autumnis. Vere tamen tentarem missionem sanguinis à dextro latere post duos primos syrupos faciendam. Peractis purgationibus postea per xv. saltem dies cōtinuos probarem, ut acciperet sacchari rosacei semunciam hora una ante cibum bis in die. Ad membra uerò corroboranda primò laudarem, ut crebro caput ablueretur ante coenam, ita ut à cubiculo postea non discederet. Lixiuum esset è cinere salicum, aut uitis, in quo decoquerentur maiorana, chamæmelum, rosæ, betonica, & stæchas, addita etiam agarici electi semidrachma. Utendum etiam consulo masticatione mastiches simplicis mane, tandiu ut deglutiat granum eiusdem mastiches. Utatur etiam assidue immediate ante prandium seminibus melonum confectis usque ad semunciam: post prandium uerò comedat pistacia confecta ad numerum decem, uel quindecim ad summum. Circa partes pectinis quotidie illinat oleo amygdalarum dulcium recenti, uel liliorum alborum, uel camomellino, uel mixto ex his. Vbi uerò ardor urinæ multum urget, factis purgationibus quibusdam, uel lenitione uentris, & iniuncta tenui diæta, utatur frequenter in die linctu confecto ex oleo amygdalarum dulcium, & penidijs: ac mane loco syrupi, sumat, sequens decoctum.

℞. Se-



℞. *Semen alchechengi, uel solatri uesticarij* 3 x.

*Cicerum rubeorum* gr. x.

*Radicum althææ* ʒ i.

*Semen maluæ confractorum* ʒ s.

*Cinnamomi* ʒ i.

Bulliant in iure pulli, & facta diligenti expressione, & colatura accipiatur scutella satis ampla huius decocti, & in ea ponatur sacchari uncia, & tantundem butyri recentis. Bibat hoc totum noctu calidum quantum sustinere potest: hæc enim potio maximè faciet ad urinæ ardorem sedandum. Sedere etiam in decocto maluarum, anethi, althææ, chamæmeli, semen lini, foenugræci: plurimum enim confert ad hunc usum, magisq; si decoctum fuerit ex aqua, & uino albo simul commixtis. De aquis thermarum, neq; ferreæ solæ placerent, neq; sulphureæ: placeret tamen, ut si in regione ad id commoda esset æger, potaret calidarum thermarum aquas, quales sunt Apponenses, & Porrbetanæ: postea suo tempore biberet aquas ferreas, quales sunt Calderianæ, uel Senenses, ita tamen ut calidæ sumerentur uere, media autem æstate ferreæ: neq; enim aliter tutam putarem potionem. Non esse autem deferendas aquas thermarum ad loca remota multis rationibus persuademur, sed bibendas credimus seruato adhuc suo naturali, & actuali calore.

Consult. LXXXVII. De arenulis, & metu futuri calculi, pro iuvene Siculo.

PERCHE la calidità delle reni, e del fegato suole essere la causa efficiente dell'urinare le arenule, e calculi:

Hb 3 & la



Et la materia gli humori parte colerici, parte flemmatici, che producono questi errori cōmessi nel uiuere, come si sogliono generare; però alla uera curatione del detto accidente è necessario prouedere all'uno, & l'altro incōmodo, dico à contemperare la eccesiua calidità di quelle membra, & à uietare la multiplicatione de gli humori. Et per far quelle due cose gli sono due principali instrumenti necessarij, l'uno è nella regola del uiuere, che appresso me è il piu importante: il secondo l'aiuto medicinale. Diremo adunque del primo primamente, poi uerremo à gli altri. Il commune uiuere si uaria non solamente per i cibi, e per beuere, ma l'aria anchora, e gli accidenti dell'animo, il sonno, e la uigilia, le euacuationi, e repletioni, li moti e le quieti non sono di minore ualore. Però tutte hanno da essere considerate circa la preservatione di questo gentilhuomo. Si guardará adunque, quanto sia possibile da tutti gli eccessi dell'aere cosi caldi, come freddi, da non camminare, ò affaticarsi ne'l Sole, ò ne uenti, massime Sirocco, & Ostro, non dormire in luochi terreni, & humidi, ò nell'aria scoperta, ò in letto senza coperte, ò nudo, come s'usa ne i caldi: fuggire di scorucciarsi, il tristar si, & ogni grã molestia dell'animo, quanto gli sia possibile. Lo essercitio del corpo sarà la mattina, ò la sera innanzi cena, & non mangiarà affaticato: ma prima riposerà per spatio alquanto di mezza hora. Ne essendo caldo per lo essercitio, si spoglierà i panni, ò si metterà à uento, ò in aria fredda. Dopo pasto quanto piu lungo tēpo sarà possibile, si guardará da ogni fatica del corpo, e dell'animo: ita che nō scriuerà, non leggerà, senon fosse cosa piaceuole non affaticandosi molto. Et uorrei che questo spatio fosse almeno di qualche



che hora: pur non potendo astenersi, s'astenerà piu che potrà. Non dormirà doppo il cibo, massime disnar, e doppo cena non andará à letto, senon passate due hore, dapoi che haurà cenato: leuarà la mattina per tempo, che molto gioua alle reni, & alla uista, & à tutte le membra: ne sarà di sonno superfluo. Si sforzarà ogni giorno hauere beneficio del uentre, e quãdo mancasse, supplirà co'l torare una scudella di brodo la mattina una hora innanzi disnar fatto nel modo infra scritto, che sarà conueniente non solamente à lubricare, ma anchora à contemperar gli humori, e la calidità delle reni. Si pigliará orzo mondato, quanto è uno pugno, radice di althea à numero di tre, mercuriale uno manipolo. Tutte queste cose bulliran in due scudelle di brodo di pollo, fin che rimanga una scudella, e così questo brodo beuerà nel detto modo cō un poco di zucchero finissimo. Et sopra ogni cosa si guarderà dal coito, e in nissun modo dopo pasto, e in modi non conuenienti, come è lo intertenersi lungamente nell'atto in nō mandar fuora il seme preparato, in giacere al modo oppposito, cio è di sotto, ouero in piedi, ò ad altro modo, oue andasse il molto faticar, & oue possa patir la schena. Et tutte queste cose sono da essere aduertite da questo giouane circa il coito, come dalle piu importanti in questo caso. Onde debbe essere temperatissimo, e per mio consiglio nō passerà una uolta in due settimane, ò in una al piu, perche, come dice Hippocrate, piu nuoce una oncia di sperma indebitamente sparso, che non quaranta di sangue: & cio non solamente nuoce alle reni, ma alla testa, & à tutte le membra. Circa il mangiare si guarderà prima al tutto da pane non ben leuato, ò mal cotto, da buzzolati à qualunque modo fatti,

Hb 4 e pan



e pan à qualũche modo cotto fuor del forno, e massime sotto la cenere, & oue sia misto ò olio, ò smalto, ò altro liquore, e da ogni sorte di pasta, come macharoni, rigoli, lasagne, ne simplici, ne misti ad altre simil cose, à qualunque modo cotte pessime sono fritte, come che generalmente tutto il fritto, e massime quando da se è di contraria sostanza. Si guarderà da tutte le carni uecchie, come bouine, di castradi uecchi, porci, & altri simili, d'uccelli di paludi, come anatre, oche: da pesci grossi, come tonninelle: altri pesci mangiarà modestissimamente. Si guarderà da latticini d'ogni sorte, e da cascì così freschi come salati. Non mangiarà frutti doppio pasto: ma innãzi potrà mangiare qualche poco di melone buono, ò pruni ben maturi, ma di tutto parcamente. Vsarà gli oui freschi à suo piacere cotti nel fuoco, ò nell'acqua teneri. Si guarderà da tutte le uarietà de cibi, e si diletterà d'una sola uiuanda al pasto, e delle tre parti del cibo d'un giorno ne torrà una la mattina e le due la sera. D'herbaggi non ne lodo alcuno, massime crudo, come salate: uero è che à suoi tempi potrà mangiare qualche capparò fresco, sparagi, e lupuli in poca quantità. Il bere sarà uin bianco piu presto che nero, sottile, e manco forte si puo, mescolandolo con l'acqua, che non sia molto fredda, ne all'hora tolta del pozzo, e del fonte alterandola alle uolte con riquilitia, ouer orzo, ouer althea secondo il bisogno d'addolcire l'orine. Et hauerà questo per costume di non mangiar ne molto caldo, ne molto freddo, ma sempre temperato. Et questo basti quanto al gouerno de la uita per sua preservatione. Circa le cose medicinali è da sapere, come hauendo il suo ordinario parosismo cominciando à mezzo Maggio in fino à mezzo

Giugno,



Giugno, è necessario che à mezzo Marzo, uel circa faccia una ordinaria euacuatione nel modo infrascritto. Prima laudarei fosse salasciato dalla uena del fegato da quel lato oue piu sente la doglia del fianco ò destro, ò sinistro: & quando fosse indifferentemente nel destro, e nel sinistro, propongono il lato destro. Il sangue da essere cauato sia da otto in diece oncie. Il modo particolar sarà questo: jtarà per dui giorni inanzi la purgatione à buon gouerno con qualche astinenza di cibo, poi il terzo giorno torrà auanti di snar per mezza hora dramme x. di fior di cassia. Et il giorno seguente, hauendo prima fornito di operar ben la cassia, altramente si aiuti il corpo con seruitiale, come con mel rosato, ad hora di terza sia salasciato nel detto modo.

Il quarto giorno incomincerà à torre gl'infrascritti siropi.

℞. Syrupi acetosi simplicis

Mellis rosati ana ℥ i.

Decoctionis infrascriptæ ℥ iiij.

℞. Radices althææ num. iiij.

Seminum maluæ

Melonem

Angurie

Cucurbitæ ana 3 ij.

Capillorum Veneris

Comarum uirentium sceni-

culi ana man. i.

Bulliant omnia simul in libris duabus aquæ endiuie usque ad consumptionem medietatis, deinde coletur, & exprimatur pro tribus uicibus, & sic perseueretur usq; ad nouem syrupos. Dapoi finiti i detti siropi torrà il giorno seguente



seguinte la prossima medicina.

Rx. Floris cassie 3 vi.

Electuarij de succo rosarum 3 ij.

Syrupi rosati solutiui recentis 3 iij.

Cum aqua capillorum Veneris fiat potio danda in aurora cū custodia. Dapoi per otto giorni continui, e quindici anche, che sarà meglio, torrà ogni mattina, e ogni sera una hora inanzi pasto mezza oncia di zuccaro rosato: loqual zuccaro rosato laudo che per tutto l'anno se lo facci familiare, tolendone molto spesso à quelle hore predette, perche trouarà poche, ò nulle cose migliore alla sua dispositione. Fatte queste purgationi si ongerà le reni per un mese continuo dell'infra scritto onguento

Rx. Succi Rosarum

Violarum

Plantaginis ana 3 i.

Olei rosati completi 3 ij.

Ceræ albæ 3 x.

Misce, & fiat linimentum pro renibus. Et sopra il tutto doppo le purgationi si gouernarà con sobrietà, e bona regola seruando quanto è detto di sopra. Et quando in Sicilia fossero bagni di minera ferrea, come in Italia à Luca, & à Caldiera di Verona, lodarei che nella estade circa i giorni canicolari ne beuesse per due ouer tre anni continui, bagnandosi ancho dentro secondo l'ordine consueto. Oltra di questo mi piacereia, che almanco due uolte al mese uolesse torre delle infra scritte pilole.

Rx. Rheubarbari electi

Aloës

Agarici preparati ana 3 ij.

Rosarum



Rosarum

Myrobalanorum citrinorum ana 3 i.

Spice

Seminum fœniculi ana 3 s.

Puluerizentur omnia per se, deinde misceantur, & cum mucillagine radicum althæe condita cum Zuccharo fiat magdaleon, de quo singulis uicibus fiant pilule tres pōdere drachmæ unius, da torre innanzi cena per una hora. Et questo basti quanto alla preservatione. Nel tempo del suo parossismo, se per caso auenisse (che Dio non lo uoglia) la prima cosa che si debbe fare è, che hauendo il uomito facile e parato, uomiti tutto il cibo che all' hora si trouasse nel corpo, cio è, nel stomacho, & tutto quello ne uollesse uscire aiutandolo destramente. Doppo il uomito li fosse messo uno, ò due, e tre, e quatro de gl' infrascritti clisteri, dando spatio all' uno, e l' altro, quanto la grandezza del dolore li conciede.

℞. Florum camomillæ

Foliorum maluarum ana man. i.

Furfuris man. ij.

Bulliant in sufficienti quantitate aquæ ad consumptionem medietatis. Deinde

℞. Cassiæ pro clysteribus 3 i s.

Mellis uiolati 3 ij.

Olei communis 3 iiij.

Misce, cum prædicta decoctione fiat clystere. Nel secondo clistere seruando la predetta decottione si torrà questi elettuarij.

℞. Hieræ picræ 3 vi.

Mellis uiolati 3 ij.

Et così



Et così si replicarà nel terzo, e quarto, quando bisognasse. Et è da notare, che se prima non è euacuato per uomito, o per clisteri, o per uno, el' altro, che faria molto meglio, non dee per modo alcuno applicare al loco che duole, ne panni caldi, ne ontione, ne alcuna sorte di fomenti, come comunemente si suol fare: perche questo è accrescere il dolore, aggiungere male à male, et mettere l'homo in desperatione. Ma poi che saranno fatte queste euacuationi prime, potrà usar' all'hora qualche fomenti leggieri, come sarebbe uitriolo mortificato in olio di semenza di lino. Et anche questo è molto buono. Pigliarassi farina di che si fa il pane, circa dui pugni, et un gran bicchiere di sapa, e un' altro d'oglio dolcissimo, è un' altro di uin dolce perfetto. E tutto si metta insieme à bollire leggiermente, mescolando fin che è fatto à forma d'emplastro non molto asciutto, ma molle, et questo s'inuolti in un panno di lino, e si metta sopra il luoco dolente: et è molto à proposito per cauar il dolore. Fatti che siano li detti clisteri, e'l detto uomito, se pur perseverarà il dolore, se gli darà o la sera, o la mattina, come uien meglio, o anche da mezzo giorno, e da mezza notte (perche in simili casi non s'aspetta tempo) la infrascritta medicina.

Rx. Floris cassie

3 vi.

Specierum hierae simplicis

3 ij.

Misce, et fiat bolus cum zuccaro da torre in bocconi piccoli: e dietro subito torre una scudella di brodo, oue sia cotto olio, malue, et orzo. Et quando doppo la medicina pur perseverasse il dolore, torrà da otto, ouer diece oncie di olio di mandole, che sia la metà dolce, e l'altra amara, e non mangiarà, ne beuerà doppo questo olio per sette hore.



hore. Quando anchora doppo questo perseuerasse la doglia, torrà mattina, e sera tre hore innanzi il cibo la infrascritta decottione. Pigliate due scudelle di brodo di pollo, nellequali si metta à bollire due radici di althea, un pugno di foglie di malua, dieci grani di alchechengi, uinti grani di ciccri rossi, mezza dramma di cinnamomo pesto grossamente. E tutto si fa bollire, fin che rimanga una scudella, & si cola poi: & in questa colatura si metti un oncia di .

. . . fresca, ò chi abborrisse la . . . . un' oncia di olio di mādole dolci freschissimo con un' oncia di zuccaro fino: cosi si beua questa cosa caldetta. In tutto il tēpo del dolore laudo la uita molto sobbria, come panatella, sugoli d'orzo in brodo di pollo, e beuer acqua cotta con orzo, e zuccaro, e non beuer mai freddo in tutto quel tempo: & usi ogni giorno li clisteri, non però di quella sorte detta, ma solamente con quella decottione, aggiungendoli oncie tre d'olio di camomilla, due di rosato completo, e

due rossoli d'ouo. Et questo è quanto  
appartiene al tempo del  
parossismo.

Consult.



Consult. LXXXVIII. De ardore vrinæ, cum quadam suppressione vrinæ, suffocatione noctu à primo somno, dolore renis præcipuè sinistri, de dolore spatulæ sinistræ, dolore ventriculi, ventositate in fundo ventriculi & intestino colo, de continua stomachi imbecillitate, cum dolore podagrico remisso in pollice pedis dextri, pro Francisco Vargo Regis Hispaniæ Cōfiliario.

OMNIA Symptomata, uel accidentia, de quibus cōqueritur Illustrissimus Dominus, iudicio meo, ad duas intrinsecas causas sunt redigenda, quæ tamen causæ fomentum, incrementumq; à causis extrinsecis naçtæ sunt, & continuè nanciscuntur. Interiores ergo causæ sunt uentriculi frigiditas maior, quàm expedit, & excessus caliditatis in hepate, & renibus, & toto ambitu uenarum. Ex his duabus causis efficitur, ut prima concoctio sit diminuta, & pituita quantitate, & qualitate excedens domineatur, colligaturq; in uētriculo, & subinde distribuatur primò ad uenas mesaraicas, & hepar, ibiq; plures, uariasq; efficiat obstructions. Excessus autem caliditatis in hepate, & amplitudo uasorum, quæ necessariò talem temperaturam consequitur, multiplicat sanguinem, bilemq; adustam, ac præterea pituitæ partem distributam crassiorem, calidioremq; reddit. Cum igitur massa sanguinis expurgatur, attrahiturq; serosa humiditas ad renes, promptè simul excernuntur ex occasione amplitudinis uenarum, reliquæ



lique quoq; superfluitates pituitosæ, & adustæ: dumq; in renum angustijs immorantur, ulterius aduruntur, unde et calculi renum, arenæq; plurimæ generantur: quæ postea per urinarios meatus ad uesticam delatæ, & confertim ad ipsius ceruicem infarctæ ita occludunt meatum, alioqui angustum, ut interim urina prorsus retineatur tandiu, quam diu plurimæ urinæ copia impetu facto erumpat. Sed antequam erumpat, dolor circa illas partes excitatur ex arenularum asperitate, & acrimonia, dolorq; ille maior, aut minor efficitur, prout etiam excrementa illa retenta quantitate plura, aut qualitate acriora fuerint, uel pauciora, & mitiora. Pituita autem in uentriculo collecta, & occlusa in uenis mesaraicis, dum intumescit, & in spiritus flatuosos uertitur à calore agitata, uarios affectus producit. Nam ubi spiritus intra tunicas, cum uentriculi, tum intestinorum recluditur, dolores excitat, uel colicos, uel cœliacos, prout uel uentriculum, uel intestina occupauerit: pars uero eiusdem spiritus, quæ repente, & confertim traducta per hepar ad renes detruditur, dolores efficit nephriticos modò in dextro, modò in sinistro rene, frequentius tamen in sinistro, quoniam pars illa imbecillior est. Qui ubi amplior, maiorq; efficitur, communicatur etiam, & protenditur usq; ad spatulam, humerosq; eiusdè lateris obseruata rectitudine transitus, siue neruos ibi existentes, siue uenas, aut arterias, aut etiam ista omnia simul occupauerit. Vbi uero spiritus ille, & uapor ad superiores partes confertim retruditur, suffocationes efficit maiores, uel minores, prout maior, uel minor copia uaporum fuerit. Quod autem huius suffocationis causa ad dictos uapores sit referenda, præter alias rationes hoc maxime indicio



indicio comprobatur: quoniam sicut uelocissime inuadit, ita etiam uelocissime resoluitur, quod quidem est flatuosæ materie proprium, non corpulentæ, et crassæ. Cui etiam rei adstipulatur primò illius suffocationis origo, quæ inuasit à comestione lacticiniorum, & uini diluti cum oliuis, quæ omnia proculdubio spumosa admodum, flatulentaq; sunt cibaria. Neq; ratio aliunde petenda est podagrici doloris dextri pedis pollicem occupantis, quàm ab illis prioribus duabus causis, frigiditate scilicet uentriculi pituitam generante, & caliditate hepatis, & ex quo uix, & meatus ampli progrediuntur, per quos commodè possit transire materia. Consentaneum autem rationi est, ut crassior quidem humor deorsum ad pedes descendat, leuior autem, & flatuosior superiores magis partes appetat. Quòd autem magis occupat pedem dextrum, quàm sinistram, causa est, quoniam ab hepate per uenas talis descendit materia: unde seruata rectitudine, quæ naturæ familiarissima est, dextram potius partem, quàm sinistram inuadit. Hæ sunt causæ intrinsecæ omnium istorum symptomatū, quæ morbi illustrissimo domino appellantur numero octo: uidelicet, urinae quædam suppressio, & ardor: secundò suffocatio nocturno tempore à primo somno repente occupans: tertio dolor renis præcipue sinistri: quarto dolor spatulae sinistræ: quinto dolor uentriculi: sexto uetositas & oppilatio, ut ipse uocat, quæ uidetur permanere in fundo uentriculi, & intestino colo: septimò continua stomachi imbecillitas: octauò dolor podagricus remissus in pollice pedis dextri. Istæ autem duæ causæ, quas intrinsecas diximus, plurimum adiuuātur, & fouentur à causis extrinsecis malè applicatis, ut aëre, cibo & potu, exercitio incongruo,



congruo, uenere, & reliquis alijs cognitis. Vtrum autem frigiditas uentriculi, quam prædiximus, & hepatis caliditas fuerint dominationi suæ cognati, & naturales affectus, an aduentitij? De hepate quidem facile dixerim caliditatem esse cognatam, de uentriculo autem non ita constat: potuit enim facile tum propter uehementia studia literarum, tum propter uenerem, aut propter alias immodicas mutationes, quæ frequentissime in humana uita contingunt, præcipue quæ libera non est, sed negotijs, rebusque agendis addicta, ad talem intemperiem reduci. Hæc igitur dicta sunt de causis illorum omnium symptomatum tam intrinsecis, quam extrinsecis. Superest, ut nunc de præseruatione futurorum agatur, & de curatione præsentium. Et quoniam, ut sententia Galeni est, iisdem ferè remedijs præsentem morbum curamus, quibus à futuro præseruamus: ideo maxima ex parte, quæ de præseruatione dicentur, ad curationem transferri poterunt. Fiet potissime præseruatio cum his, quæ innatum calorem conseruant, quo totum animal gubernatur: neque enim excedere potest in eo corpore, ubi calor naturalis dominatur alicuius membri, uel calidi, uel frigidi excessus. Calor innatus conseruabitur, si recta ratio in sex rebus extrinsecus occurrentibus obseruabitur. Primò igitur cauebit illustrissima sua dominatio ab omni aeris excessu, siue calido, siue frigido: frigidus intemperiem uentriculi, & cerebri augebit: calidus hepatis, renum, ac uenarum. Et eadem omnino ratio est de cibis, seu calidis, seu frigidis. Labores uerò, atque animi accidentia, si moderata fuerint, calorem naturalem excitabunt, concoctiones, distributionesque adiuuabunt: si deficient torpidum, frigidumque corpus totum efficiunt: si exuperabunt



perabunt primò quidem calor igneus excitabitur, & naturalis diminuetur: postea uerò ubi maior fuerit exuberantia, calor etiam igneus resoluetur, & torpida succedet frigiditas. ergo in omnibus excessus est euitandus. A somno meridiano quàm maximè cauere oportet: inde namque caput repletur, & destillationes excitantur: unde postea illustrissimi Domini affectus foueri, adaugeriq; possint. Egestionis alui quàm maximè sunt procurandæ: inde enim auersio ad contrarias partes, ac præterea euacuatio excrementorum paratur. Ad hanc lenitionem summè probauerim frequentē usum hieræ simplicis Galeni de sex rebus. Nam ex hac uenter corroboretur, obstructions aperiantur, hepar euentabitur, & excrementa simul auertentur, & per inferiora ducentur. quæ omnia in hoc corpore à nobis, quàm maximè sunt expetenda. Erit usus hieræ, ut accipiat in catapotij formam redacta hora ante coenam bis in septimana. Sed & assumptio terebinthinæ, uel laricinæ lotæ totidem quidem uicibus deglutita. Sed horis sumendi immutatis, mane enim assumi solet tribus horis ante prandium. Assumendi quantitas circiter drachmas duas: hæc in alijs quidem non inferior hiera, in uentriculo tamen corroborando longè imbecillior. Quantum uerò ad nutrimentorum substantiam attinet, etiam me tacente intelligendum arbitror, ut cibos, potusq; eligat optimi succi, non facile corruptibiles, & qui citissime concoquantur, distribuanturq;. Tales sunt carnes hœdorum, castratorum iuuenum, uitulorum lactantium, pullorum, atq; auium campestrium iuniorum, quales perdices sunt, phasiani, & passerculorum omnia montana genera, turdi, etiam iucedulæ, & colubacei pulli non sunt aspernandi.

A pi



A' piscibus cauendum consulo, à lacticijs, à pastilibus, à leguminibus, à carnibus antiquis, & salitis, ab ouis uel duris, uel antiquis, uel sartagine decoctis, ab acetarijs crudis abhorreat: sed præcipue à ciborum uarietate: imò unico cibo contentus sit. Cruditatem etiam effugiat, nihil enim illa pestilentius: à Germanicis comessationibus, & com-  
 potationibus quàm maximè abstineat. Vinum uerò eligat paruum, subtile, lucidum, colore mediocre inter album, et nigrum, minimè acerbum: sed neq; dulce, medijs enim saporis, coloris, & potentie esse oportet, quod etiam parçè bibat: & inter prandium, & coenam à quocunq; potu omnino abstinebit. Vbi hæc ritè peregerit, sciat maximam partem suæ nō tantum præseruationis; sed etiam curationis, transsegisse. Quantum uerò attinet ad pharmaciam suademus illustrem suam dominationem bis singulis annis purgari, uere inquam & autumnò. Purgationē ueris ita faciendam statuerem circa quintum decimum diem Martij non impediēte Lunæ coniunctione, triduoq; ante præparato uentriculo cum tenuiori uictus ratione, mane sumat tribus horis ante prandium leue pharmacum ita habens.

℞. Floris cassie ℥ i.

Specierum hieræ simplicis 3 ij.

Cum saccharo fiat bolus. Sequenti die syrupum assumat ita habentem.

℞. Syrupi de absinthio

De cichorea Nic. cum rhabar. ana ℥ i.

Decoctionis liquiritiæ

Saluiæ

Betonice ℥ iiij.

Misce pro syrupo uno, & sic pro septem. Deinde

℥ i 2

℞. Con-



℞. Confectionis hamech 3 iij.

Syrupi rosati solutiui 3 iij.

Cum aqua betonice fiat potio. Sumat in aurora cum custodia, die immediate sequenti syrupum septimum. Postridie uero accipiat sacchari rosati semunciam, hora ante cibum mane, & sero. Ita perseueret per dies quindecim. In hac tamen purgatione ueris laudarem, ut sanguinem mitteret à uena hepatis ad uncias octo, uel decem: autumno autem eandem prorsus euacuationem repeteret, sanguinis tamen missionem omitteret: in reliquis anni temporibus uitet illas euacuationes. Utatur illustrissima sua dominatio bis in mense, aut ter ad summum, ad præseruationem, pilulis, quæ ita habent.

℞. Myrobalanorum citrinorum

Rosarum rubearum

Garyophyllorum

Nucis muscatæ ana 3 iij.

Aloës electæ

Rhabarbari ana 3 vi.

Puluerizentur omnia per se, deinde misceantur, postea aspergantur succo rosarum puro: postea permittantur exiccari, & ita iteretur sæpius. Deinde cum melle roseo fiat magdaleo, de quo singulis uicibus fiant pilulæ tres pondere unius drachmæ, sumendæ hora ante cenam. Laudo præterea, ut itidem bis in mense sumat quatuor horis ante prandium optimi Mithridatici in bolum redacti, uel in pilularum formam scrup. duos, & superbibat tantum uini aromatici, quantum caperent cochlearia duo. Ventericulum quidem muniri suaderem panis lineis duplicibus, & triplicibus, quantum sufficeret ad calorem optimè retinendum,



tinendum, atq; seruandum, qui quidem panni linei quàm maxime puri, & ab omni sorditie liberi seruarentur. Apponere uerò cerota, siue ex maleica, siue ex quacunq; alia materia ad usum continuum, ego prorsus non laudarem, quicquid alij uelint dicere: exugunt enim talia omnia longo usu naturalem humorem, ita ut tandem refrigeretur uenterculus. Nam de gutture uulturum, pellibus leporum, & alijs huiusmodi nihil aliud dixerim, nisi esse apertissima impostorum commenta, quibus ignorantiam propriam uelare nituntur. Quantum attinet ad emplastrum diachilon, laudarem quidem, si discutiendus esset tumor, uel abscessus maturadus. Sed in casu nostro de renibus proposito optarem, ut tantum esset superuacaneum, neq; aliud incommodum nobis faceretur. Saccharum modicè sumptum, ego quidē non improbauerim. Vinum ibi dilui oportebit aqua fontana: sed quæ maximè tenuis sit, & nullius qualitatis particeps. Vbi ista non habeatur, copiaq; affuerit aquæ recenter destillatæ limpide, & puræ, minimè putridæ, laudarem quòd ex betonica, uel absinthio, uel saluia sublimaretur. Aquā ligni Indici, ubi corpus exquisitissimè purgatum esset (hoc enim est admodum necessarium) uerno tempore assumendam consulerem, quoniam mirum in modum uenterculum corroborat, intestina, & renes. Quòd si fortè præcessisset etiam suspicatio aliqua morbi alicuius ad nos non relati, tunc omnibus modis hanc decoctionem profuturā iudicauerim. Admoueri igni & ex lignis præcipuè mitioribus, quales salices sunt, & uites hyberno tempore maximè laudo: nihil enim frigore in hac præcipuè ætate, & ad hos morbos detestabilius puto. Exercitium tunc obeundum est, quando exquisitissima facta est conco-



Etio in hepate, & uenis, quod quidem præcipue habemus matutinis horis. Sit autem exercitij terminus mutatio anhelitus manifesta: placet autem, ut superiores magis partes exerceantur, quam inferiores. Equum insidere tunc optimum est, cum renes, & totum corpus fuerit expurgatum: alijs temporibus non omnino tuta equitatio est. A cœna & prandio negotijs tuto non uacabitur, nisi ubi uentriculi concoctio exacte perfecta fuerit, id fieri non potest, etiam in ualidioribus, nisi post quatuor horas à cibo. A cœna somnum capiendum consulo duabus horis peractis, ita ut interim illustris sua Dominatio suauiter deambulet, aut stet, neq; sedeat. Caput mane fricare tum pectine, tum spongia, dummodo sub tepido aëre, & minime frigido id fiat, meo iudicio, non est aspernandum. Patavij, 1550.

Consult. LXXXIX. ex tempore. De præfocatione matricis.

PROPONITVR nobis Nobilissima mulier agens iam trigesimum tertium annum ætatis suæ, quæ conqueritur de matrice ipsa, & patitur multa symptomata. Primo habet dolorem siue uertiginem in capite, non quidem cerebrum totaliter obsidentem, sed partem aliquam cerebri, quoniam ex tali dolore, seu affectu in capite uidetur non posse aliquo modo loqui: habet etiam febrem quandoque, & cum hoc habet etiā menstrua suppressa. Ista sunt symptomata, & reliqua per excellentijs. doctorem relata, quæ cum ex una radice dependent, ea non amplius referam. Patitur ergo præfocationem matricis: illa præfocatio



ratio quandoq; potest esse morbus in cōpositione, ita quod matrix non sit in debito loco sita, sed uergat aut ad partē dextram, aut sinistram. Ex tali enim morbo in compositione ( ut dicit Galenus in VI. de locis affectis, ubi agit de præsocatione matricis ) potest comprimi uentriculus, & reliqua intestina, ex quorum compressione comprimitur diaphragma, quod quidem postea compressum mirum in modum læditur. A' quānam causa in ista Magnifica muliere proueniat talis præsocatio, mox dicemus. Inquiramus temperaturam ipsius. teneo temperaturam istius Magnificæ mulieris esse optimam, & ad æqualitatem tendere, quoniam ista est carnosissima mediocriter, habet etiam colorē rubrum, qui color attestatur dominium sanguinis super cæteris humoribus. Et ita teneo hepar esse optimè dispositum, & habere temperaturam debitam ad sanguificandū: & breuiter prima, secunda, & tertia digestio in hac Magnifica muliere optimæ sunt. Sua ergo complexio calida est & humida. hæc de complexione. Veniamus modò ad morbum. Sum in hoc ualde anceps, à quōnam dependeat, & hoc multum refert, quia morbus secundum uarias dependentias uarias ad se trahit curationes. Scitis enim suffocationem matricis prouenire à tribus: primò prouenit ex pluribus humoribus collectis in matrice, qui aduruntur, & putrescunt, & causant hanc suffocationem & scæua accidentia: secundo prouenit ex plethoria, nam aliquando ita æqualiter humores abundant, ut repleantur illæ uenæ matricis, ex quarum repletionem causatur ista suffocatio: tertio prouenit, & hoc sæpe uidi, ex ipso animi affectu, quum aliqua mulier pro zelotypia uiri irascatur, & animus ualde afficiatur, tunc fit illa præsocatio. Et ego noui



quasdam mulieres, quæ ita irascebantur, & afficiebantur à zelotypia, ut statim caderent in hunc morbum, & perpeſſæ ſunt ſæuiſſima accidentia. A' quānam cauſa trium harum proueniat ægri- tudo iſtius Nobiliſſimæ mulieris: ut rem ueram ingenue fatear, multum ſum dubius. Nam primò audio hanc mulierem eſſe diuitem, & charum uirum habere, à quo maxime diligitur. Ideo non credo quòd proueniat ex iſta ira, neq; hoc certè ſcio, quia nullus retulit. Præterea credo non prouenire ab aduſtione humorum, quia ut dixi iſta mulier eſt temperaturæ ſanè æqualis, ut dixi, neq; potuit generare hos multos humores aduſtos, licet comederit cibos, & herbas aliquantulum nocuas propter ſuam optimam temperiem. Neq; puto potuit hoc prouenire à retentione ſeminis: ex retentione enim ſeminis po- teſt fieri iſta præſociatio, quā cauſam omiſi ſuprà. Et quia nō po- teſt prouenire ex iſta cauſa, quia audio uirum ſuum eſſe iuuenem, & agere iam trigèſimum tertium ætatis ſuæ annum, à quānam cauſa ergo diceret hoc prouenire: credo quòd à plethoria proueniat. Credo enim ob æqualem eius temperaturam eſſe factam tantam ſanguinis abundan- tiam, ut iſte ſanguis retineatur in uenis illis anguſtioribus, non quòd ibi incrāſſetur, ſed ob anguſtiam uiarum, & ſan- guinis affluentiam non poſſit pertransire, & ibi inficiatur & transmittatur ad poros, ad caput, & faciat iſta ſym- ptomata. Hoc ego dicerem, licet ( ut dixi ) nō ſim certus, quia non rectè illi informarūt nos. Tamen credo quòd pro- uenit ex iſta plethoria, cuius ſignum eſt, quòd ille medi- cus, qui eam curauit, miſit ſanguinem, ex illa miſſione per- cepit maximum iuuamentum, hoc eſt ſignum quòd eſt à plethoria. Stāte quòd proueniat à tali cauſa, de cura cre-  
do



do quòd facillimè hæc mulier curari potest. Et causa cùm sit duplex, una præseruatiua, altera quoniam iam febre afficitur; ideo duas debemus habere intentiones: primò curare ipsam, quando habet paroxysmum & hoc ligaturis, frictionibus factis in coxis, in cruribus ad diuertendum etiã factis scarificationibus cum cucurbitulis ponendo ipsa in coxis, omnia ista faciunt pro diuersione. Pro conseruatione uerò ne quãdo febris non adest, in ipsam non cadat, ego euacuarem ipsam cum manna, aut cassia ponendo hieram simplicem bis, aut ter in septimana. Hepar ipsum non tangerem, quia cùm bene se habeat hepar, non alterandum ipsum. Confortarem uterum roborando ipsum, neq; facerem phlebotomiam, quia cùm iam facta sit, & ab illo Excellentissimo doctore, & fiet postea cum cucurbitulis, non amplius eam tentarem. Quod oporteat (non erit forsitan malum) prouocare sanguinem ab hæmorrhoidibus. Præterea ego maximè laudo, ut fiant duo cauteria ambobus cruribus, ita quòd illa cauteria faciant, ut illa materia diuertatur. Postea cùm fuerit euacuata, laudarem balneum aquæ dulcis, ut immoraretur in eo: nam balneum, quia calidum est, aperiet uenulas illas existentes prope cutim, & per sudorem emitteret omne uitium. Et hæc breuiter uolui dixisse, licet in isto casu sim anceps, à quãnam causarum facientium præfocationem talis præfocatio proueniat. Sed hoc in summa dicerem. quare &c.

Consult.



Consult. xc. De fluxu materiæ albæ è virga  
per decennium, pro Magnifico Contareno  
patritio Veneto.

QV ANVIS Magnificus iste uir multis affectibus  
præter naturam uexetur, sicut refertur; unum tamē præ  
cipuū est, cuius ratione à nobis consilium requiritur: &  
est destillatio quædam albæ materiæ non mordicantis, neq;  
foetidæ, colore subpallidæ, quæ paulatim quidem, sed con-  
tinuè, & iam per decennium perpetuò è uirga emanat.  
Queritur igitur quod genus sit hoc symptomatis, nunquid  
id ad gonorrhœam, uel ad aliud quippiam tale sit referen-  
dum: an uerò sit alterius generis, & quæ sit egritudo,  
quæ ratio, unde actio læsa consequatur: deinde ubi consti-  
terit de specie tum symptomatis, tum morbi, qua arte cu-  
rari possit, si modò curationem admittat. Ac de sympto-  
mate quidem non crediderim esse gonorrhœam, neq; enim  
ego semen excerni audio, ac propterea nec dicerem esse  
excretionem seminis. Sed nec pus esse dicendum est, cum  
ulceris nullum signum, quod ego intellexerim, appareat.  
Non etiam humiditatem è glandulis in collo uesticæ existen-  
tibus esse crediderim, cum non inde sequatur ardor urinæ,  
quod procul dubio consequeretur, si per decennium eo af-  
fectu aliquis laborasset: habet enim illa humiditas hunc  
usum præcipuè, ut acrimoniam urinæ obtundat, oblinetq;  
& tanquam uestiat suo lentore partes colli uesticæ sensi-  
biles ad acrimoniam urinæ sedandam. Ergo in eam potius  
partem inclino, ut materiæ pituitosæ, tenues, & crudæ  
cum portiuncula aliqua bilis admixta propter hepatis, &  
renum



renum caliditatem destillent per urinæ meatus, atq; ita excernantur, præcipuè cum hic Magnus uir amplos habeat meatus, & calidos renes ob hepatis scilicet caliditatem, ac præterea in tota sua florenti ætate plusquam oportuit ueneri indulserit, neq; rectam rationem in uiuendo seruauerit. Confirmat hanc coniecturam uentriculi audita imbecillitas, cuius ratione pituita procul dubio multiplicatur. Indicat etiam hoc ita esse nodulorum scirrhorum multitudo, qui in uirga frequentes, & multi sunt. Indicat etiam difficultas illa in emittendo lotio, quod sine certo conatu expelli non potest: hoc enim contingit, quoniam pituitosa, uiscidaq; materia facile circa uesticæ collum impingitur, lociq; illius angustias magis coarctat: uirtutem etiam expultricem imbecilliolem reddit tum refrigerando, tum etiam urinæ acrimoniam plus quam satis est obtundendo. Cum ergo tale opiner esse symptoma ob materiam pituitosam ad eam partem defluentem, causasq; habere corporeas, uentriculi imbecillitatem frigiditatis causa simul cum hepatis, & renum caliditate, & meatuum amplitudine: curationem moliendam arbitror cum his, quæ huiusmodi affectibus opponuntur. Ac primò corroborandum esse uentericulum, ne scilicet pituita multiplicetur, ac primò euacuanda quæcunque hætenus fuerit generata: deinde hepatis, & renum caliditatem temperandam, meatusq; roborandos. Ergo ab euacuatione totius corporis incipiendum primò cum his, quæ præparatas materias, quas uulgò communes uocant, euacuent: deinde cum his, quæ residuum concoquant, postea educant. Consulerem igitur, ut Magnus iste uir curandus primò sumeret florem cassiæ pondere uncie cum drach. duabus specierum hieræ, ex quibus bolus conficere-

tur,



tur, maneq; tribus horis ante prandium exhiberetur. Deinde sumeret infra scriptum syrupum.

℞. Syrupi de absinthio

Oxymellis scillitici

ana ʒ i.

Decoctionis cichoreæ, & agrimonie in iure tenui  
pulli ʒ iiij.

Misce pro uno, & sic pro septem. Postea

℞. Confectionis hamech

ʒ iiij.

Diacatholiconis

ʒ i.

Misce, & cum zuccharo fiat bolus, dandus in aurora cum custodia. Facta hac purgatione utatur pro familiari remedio tum ad leniendam aluum, tum ad corroborandum uentericulum, singulis septimanis semel saltem bolo, uel pilulis, quomodo illi libuerit, confectis hoc modo.

℞. Terebinthinæ optimæ

ʒ i.

no. 10.

Rhabarbari electi

ʒ i.

Misce, & sufficiat hæc quantitas pro duabus uicibus, si in bolum, uel in pilulas redigatur. Placet etiam usus frequens zucchari rosati, si sumpserit semunciam paulò ante cibum cum scrupulo specierum aromatici rosati. Laudo etiam ut præmissa euacuatione utatur bis in anno, autumno inquam, & uere: neq; enim facile, aut citò tolletur hæc dispositio, quæ per totum decennium perseverauit: sed si curari cupit hic nobilissimus uir, non tantum utetur præscriptis medicinis, sed etiam habebit optimam uictus rationem, sine qua omnia procul dubio frustra fient. Cauebit igitur præcipue à comestationibus, & compotationibus, parcusq; erit tam in cibo, quam in potu, utaturq; simplici obsonio, & epularum uarietatem euitabit: nihil enim illi perniciosius. Cauebit à piscibus, pastilibus, lactici-

nijs,



nijs, fructibus, carne porcina, auibus palustribus, carne agnorum, & bubula, & prorsus quaecunque antiqua fuerit. Vinum bibet limpidum, maturum, neq; adeo potens, sed moderatè. Cauebit quàm maximè fieri potest à uenere. Aëris etiam excessum euitabit. Atq; hac uictus ratione, & medicamentis spero felicem successum in hoc Magnifico uiro, ita ut prorsus ab omni incommodo tam præsenti, quàm futuro sit liberandus, quantum attinet ad hanc, de qua cōsulimus, ægritudinem, cum laude omnipotentis Dei, cuius nomen sit benedictum in secula.

Consult. xci. De præseruatione à calculo,  
pro ciue Veronenfi.

CASVS huius Nobilissimi uiri indiget præseruatione, & curatione: debet enim præseruari ab his, quæ facillimè possunt euenire. Cum enim sit frigidi uentriculi, hepatis calidissimi, & renum, cum uenis amplis & latis, ut par est in tali temperatura, primum non est mirum, si redundat plurimis arenulis rubeis excretis per urinam: excoquitur enim materia tum pituitosa, tum biliosa, & aduritur à superflua renum caliditate, unde excernuntur arenulæ. Sed postea successu temporis facta imbecilliori uirtute excretiua, & multiplicatis uentriculi cruditatibus uerendum, ne arenulæ concrecant in lapidem cum maximis doloribus, ut fieri solet, & subiiciatur calculis renum, fortasse etiam uesicæ: imò & ab iisdem causis senile corpus incidere posset in dolores articulares, & podagras, & alias huiusmodi malas ægritudines. Ergo summa diligentia præseruandus est: præseruatio autem cum indigeat lō



go tempore, & assidua diligentia, tota est in manu patientis. Igitur erit nostrum consulere, suum autem erit parere, & perseverare. Circa igitur uictum, custodire se debet ab omni aëris excessu, & ne alteret corpus tam ad calidum, quam ad frigidum: utrunq; enim nocebit. Ideo uenari hyemis tempore in nauicula, & piscari plurimum nocet, quia aër extrinsecus refrigerat, & humectat: labor uero intrinsecus calefacit, & exiccat, & ita in utroq; extremo simul existens etiam corpus maxime afficitur. Debet igitur primò omnes excessus aëris euitare tam caloris, quam frigoris, omnes item excessus laboris & exercitij præcipue post cibum, sed moderatè se exercere: neque enim ab exercitio abstinere debet, & id horis matutinis, & post cibum quiescere. A coitu quantum possibile est abstinere, sed præcipue nocet uentre repleto. Habeat quotidie alui beneficium, & si non habuerit, utatur mane iure puli, in quo decoquatur malua, pruna sicca dulcia x. aut xij. & passularum uncia. Et facta diligenti expressione bibat scutellam huius brodij calidam tribus horis ante cibum. Erit enim hoc remedium, & ad temperandum hepar, & uentericulum, & ad leniendum aluum accommodatum, ad renesq; expurgandos. Vinum eligat pauciferum, id est, leue, coloris rubei clari non multum, saporis medij non dulcis, neque acidi. Caueat ab uistis, & ab omni uino turbido, & crasso, & potenti, & dulci: caueat etiam à uino refrigerato, & à potu aquæ frigida, & non bibat post prandium, aut coenam. Utatur tantum carnibus iuuenum animalium, sicut uitulorum, hædorum, castratorum iuuenū, auium omnium campestrium præter coturnices. Utatur ouis sorbilibus, & recentibus. Abstineat quàm maxime  
ab



ab omnibus aromatibus, omnibus salsis, à rebus frictis in sartagine, à caseo, & lacticijs, à pastilibus, à rebus frictis in sartagine, ab herbis, & maxime crudis, & ideo euitabit acetaria: poterit quandoque temperatè uti asparagis dulcibus decoctis, capparibus, & lactuca, & cichorea cū modico cinnamomi: ab alijs omnibus abstineat. Euitabit multitudinē ciborū, sed semper unico cibo sit cōtētus. Laudo ut pro conseruatione stomachi utatur uel aloë ante cœnam pondere scrupuli unius, uel rhabarbaro, ut consuevit ante prandium tribus horis pondere semidrachmæ, uel etiā flore cassiæ eum rhabarbaro. Hæc omnia conueniūt, et cōtemperant, euacuātq; mēbra læsa præter omne nocumētum. Sed inter omnia maxime mihi placet usus ipsius aloës, neq; timebit caliditatem eius, etiam tempore æstatis, & permittet dicere uulgares medicos quicquid uolunt. Laudo præterea, ut quàm frequentissimè sumat semanciam ante cibum circa horam unam optimi sacchari rosati per totum annum, etiam si quotidie sumeret: est enim præstantissimum remedium. Consulo igitur, ut iubeat præparare sibi hoc anno uas magnum illius sacchari pro toto anno: facile enim conficitur etiam in domo propria. Hæc pauca sunt, quæ credo nunc suffectura: & si omnia diligenter obseruauerit, procul dubio ab omnibus incommodis præseruabitur. Quantum attinet ad linimenta circa renes, laudo potius unguentum infrigidans Galeni simplex, quàm aliquid aliud.

Consult.



Consult. xcii. De fluxu per virgam,  
pro ciue Taruifino.

FLUXVM hunc, qui creditur esse seminis, magis putarem esse materierum crudarū, quæ in toto corpore multiplicantur, siue propter uentriculi frigiditatem: in quo frigidi humores multiplicantur, & inde attracti propter hepatis, & renum caliditatem ad uasa seminaria precipitantur, quæ uel propter flatum, uel propter nimium ueneris usum, uel propter magnos labores, aut equitationes plus æquo fuerunt dilatata, & relaxata. Aliqua enim harum causarum, uel omnes potuerunt concurrere. quæ cum explicatæ non fuerint, per idoneas coniecturas à nobis querendæ sunt. Quicquid igitur fuerit, hoc unum constat, curationem moliendam esse, tum per optimam uictus rationem, ne humores plus æquo aggregentur, tum per auersionem ad alias partes, tum per membrorum corroborationem. Quantum igitur ad primum attinet, cuitabit omnes aëris excessus, quantum fieri poterit, tum caloris, tum frigoris. Eliget regionem quàm maximè temperatam, quantum ab eo poterit fieri. Fugiat etiam omnes animi molestias: cauebitq; post prandium, uel coenam, ne laboret tam corpore, quàm animo, sed quiescat, leuiter tamen deambulando, ut cibus melius in uentriculo. Simplici cibo assidue utatur, fugiendo epularum diuersitatem, quæ nihil magis aduersum. Eligat carnes laudabiles, pullorū, hædorum, uitulorum, & castratorum iuuenum, neq; oua recentia uitupero. Cauebit à piscibus, à lacticinijs, à pastilibus, à fructibus, ab acetarijs crudis, ab oleribus, & à  
rebus



rebus frixis in sartagine. Vinum eliget pauciferum, rubrum, uel si hoc defecerit, album, limpidum, non multum potens, quod parcissime bibet: omnesque cuitabit comestationes, & compotationes, si sanitatem acquirere cupit, alioquin omnia frustra tentabit. Quantum uero attinet ad auersionem materiae, & euacuationem, primo toto tempore suae aduersae ualitudinis bis singulis annis purgabitur, uere inquam & autumnino, poteritque purgatio hoc modo perfici.

℞. Diacatholiconis ʒ i.

Specierum hierae simplicis ʒ i.

Misce, & fiat bolus cum saccharo. Deinde

℞. Syrupi de mentha

De absinthio

De endiuia

ana ʒ s.

Decoctionis pentaphylli, & betonicae in brodio macro pulli ʒ iiij.

Misce pro uno, sic pro alijs. Deinde

℞. Confectionis hamech ʒ iiij.

Trociscorum alhandal gr. vi.

Misce, & fiat bolus cum saccharo, dandus in aurora cum custodia. Vel

℞. Pilularum aggregatiuarum ʒ i. s.

Fiant pilulae quinque eodem modo sumendae, & haec erit annua purgatio, tam uere, quam autumnino celebranda. Deinde efficacius etiam auertendo utetur ter, uel quater in mense rhabarbaro cum saccharo rosato, sumens ex eo drachmam cum semuncia sacchari rosati tribus horis ante prandium. Haec auersiones ubi non suffecerint, laudo tandem, ut fiant in cruribus utrisque remedia à perito chi

Kk

rurgo,



rurgo, quæ sunt cauteria. Quantum uero ad corroboracionem membrorum attinet, factis omnibus purgationibus, et auersionibus, et proposita uictus ratione, quam prædiximus, laudo, ut congruis temporibus circa finem ueris, & principium autumnii bibat aquas thermarum, in quibus alumen, & sulphur dominetur. Partes & renum, & lumborum iisdem temporibus post harum aquarum potum illinet unguento de corticibus castanearum, uel eo, quod cum sandalis conficitur. Ventriculum etiam illinet unguento confecto ex oleo de absinthio, & mastichino. Quandoque etiam, ut ter, uel quater in mense, primo mane quinque horis ante prandium sumat drachmam mithridatici: summo pere enim ad membrorum corroboracionem confert. In omnibus autem temporibus à multa equitatione cauebit, et præcipue in sellis duris, & in equis, qui tolluntur, ac cursum incedunt, & denique ab omni labore earum partium: quiescant crura, renes, & dorsum. Et hæc si obseruabit, spero illi omnia feliciter successura, ad laudem Dei omnipotentis, cuius nomen sit benedictum.

Consult. xciii. An diuretica conueniant in præseruatione affectus renum, & vesicæ, pro Magnifico Contareno prætore Patuino.

QVÆRITVR an in præseruatione sanitatis Magnifici & Clarissimi domini Marci Antonij Contareni conueniant diuretica: Et ut sub uniuersali particularis rei ueritas magis elucescat, non erit absurdum uniuersalem questionem proponere. An in tempore sanitatis ad præseruationem



seruationem conueniant diuretica ijs qui renum uesicæq;  
affectibus sint parati: Nam quod conueniant, uidentur no-  
bis persuadere aliquot rationes, & authoritates. Primò  
enim quæ uias aperiunt urinarum, & abluunt materias im-  
pectas, & crassas incidunt, ea maxime conferre uidentur  
ad talem præseruationem: sed diuretica cuiuscunque gene-  
ris hæc omnia id maxime efficere possunt: ergo. Confir-  
matur quia multitudo urinæ proculdubio utilissima est, ab-  
stergendo, abluendo, & incidendo, ut tam renes, quàm  
uesica purissima remaneant: ad urinæ autem multitudinem  
generandam nihil efficacius diureticis: ergo. Præterea  
Paulus in tertio libro cap. 45. in præseruandis à calculo  
diuretica exhibenda iubet cum oxymelite: idemq; omnino  
asserit Auicenna libro tertio fen. xvij. tractatu secundo  
cap. xvij. Præterea author ille, qui de renum affectibus  
scripsit, in præseruando renes à passionibus utitur uino al-  
bo tenui, & cibis attenuantibus, quæ omnia sunt diureti-  
ca. Ergo diuretica uidentur conuenire in præseruatione  
sanitatis. In oppositum quod minime conueniant, argui-  
tur sic. In conseruanda sanitate renum, & uesicæ, summo  
pere cauendum est ne materia trahatur ad loca infirma,  
sed potius auertatur: à diureticis autem trahuntur mate-  
riæ: ergo diuretica non conueniunt. Neque obstat quod  
aliqui dicant trahi quidem materias, sed easdem quoq; edu-  
ci. Nam præterquam quod non conueniat euacuare, &  
materias attrahere per loca infirma, est & aliud incon-  
gruum, quod in longo transitu & mora multæ materiæ  
feculentæ aliquid semper residet impingiturq; parietibus  
tum renum, tum uesicæ, quæ successiue in maxima mole  
perueniunt, ut in matulis uidere licet. Præterea in quoli-



bet membro euacuando intentio perpetua medici est, ut illud corroboraret, augeatq; uim, quam Galenus tonum appellat, quæ uis seu tonus secundum magis & minus omnibus membris est necessaria, ut resistat extrinsecis, & proprias uires conseruet. Id autē fit rebus mediocriter astringentibus. Ergo à diureticis cauere debemus, quæ omnia, quatenus diuretica sunt, uim habent aperiendi, & attenuandi, non astringendi. Præterea manifestum est renes, et uesicam, ubi semel, aut bis afficiuntur, ut plurimum imbecilliores reddi, & præparari ad nocumenta facile suscipienda. Quod inde apparet, quod qui semel aut bis calculum, uel retentionem aut difficultatem urinæ perpessi sunt, uix possunt omni conatu præcauere, quin toto uitæ curriculo non subiiciantur iisdem. Certum autem est, quod ad loca imbecilliora in humano corpore semper propelluntur, decumbuntq; excrementa totius, ut Galenus. III. de naturalibus facultatibus dicit. Igitur non sunt aperiendi renes, aut uesica, alioqui debiles in tempore suæ sanitatis, aut præparandi ad excrementa suscipienda: sed potius corroborandi, & astringendi, ne facile recipiant nisi serositatem tantum, quam naturaliter attrahunt. Præterea auctor de renum affectibus in præseruatione sanitatis auertendos esse humores corporis asserit, per alium præcipue, ut scilicet (ut ipse ait) urinæ clariores, purioresq; reddantur. Præterea Nicolaus uir doctissimus sermone v. tractatu ix. detestatur in tali præseruatione diureticorum usum, cum asserit ea renes debilitare, & ad superfluitates totius corporis suscipiendas disponere, & renes tanquam lacunam efficere. Vnde concipe (inquit) errorem communiter practantium, & assiduo utentium eis. Arculanus etiam,



tiam in ix. ad Almanforem cap. de ardore urinæ, cum cognouisset diureticorum usum summopere nocere, experientia, & ratione ductus, nesciretq; quomodo Rasis & Aui-cennæ auctoritatem saluaret aliter, non malè distinxit diu-retica asserens, leuioribus quidem nos interdum uti posse, à fortioribus tamen cauendum. Ex ijs igitur apparenti-bus rationibus in utranq; partem, oritur ambiguitas quod magis credendum sit. Sed profectò uiris doctis, & in me-dica arte eruditis, qui scire potiusquàm altercari student, ne sint tales, quales Petrarca descripsit, Non di saper, ma di contender uaghi, nulla impedit dubitatio: facile enim discernunt, quo tempore, & quibus competant, & quando prohiberi debeant. Ad sophisticas igitur molestias euitandas distinguemus, quæ ad rem pertinet, ut clara sin-gularum rerum habeatur cognitio, quæ ad rectum usum accommodetur. Primò ergo sciendum diuretica commu-niori significatu sumi posse pro quibuscunq; quæ quocun-que modo urinæ copiam efficere possunt: & sic omnia a-quea, aut liquida, quæ tenuis substantiæ sunt, diuretica ap-pellant, inter quæ uinum præcipuè album, tenue, & pau-ciferum est: habent enim à tenui substantia, quòd facile pe-netrent ad uasa urinaria: habent ab aquositate multa, & pauco succo ad alimentum idoneo, quo copiam urinæ fa-ciant: nam & facile ijsdem de causis separantur à natu-ra, & ad renes attrahuntur. Sub hoc etiam communi si-gnificatu includuntur quæcunq; cum tenuitate substantiæ abstergunt, & penetrant: hæc enim ijs qualitatibus uias aperiunt, crassioresq; humores modicè attenuant, & ui-scidos abstergunt, quæ omnia urinæ copiam poterant in-tercipere. Et sic semina melonum, gramen, adianton, hor-



*mafer*  
 deum diuretica appellantur. Alio modo proprie sumun-  
tur diuretica pro ijs, quæ uim habent separandi serosita-  
tem admixtam sanguini, colliquando, incidendo, distinguen-  
do, quæ omnia inuenta sunt inesse. Et hæc sunt modo te=  
 nuis admodum substantiæ calida et sicca in tertio, sicut se=  
 feli, daucus, anisum, fœniculum, petroselini semen: & de  
 ijs expresse intellexit Galenus non de alijs diureticis agēs  
 v. de simplicibus medicamentis, cap. xii. Sciendum secun=  
 dō renes, & uesticam disponi ad facile suscipiendos affe=  
 ctus uel uitio essentialiter in ipsis existente, ut mala com=  
 plexione frigida, exempli gratia, aut calida, aut aliqua ex  
 alijs octo cum materia, uel sine materia: uel mala compo=  
 sitione ut nimia uiarum latitudine, aut angustia, aut obstru=  
 ctione impactorum humorum, aut abscessu, aut scirrbo,  
 aut huiusmodi: uel ubi aliunde uitium emanarit, ut si in to=  
 to sanguine plurimus fuerit succus deprauatus bilis, uel pi=  
 tuita, uel alterius cuiuspiam humoris, uel à capite distilla=  
 tio emanauerit, uel aliquid tale. Tertiō aliud est conser=  
 uatio sanitatis, aliud præseruatio: conseruatio enim est,  
 ubi remotis omnibus impedimentis corporis tam comple=  
 xionis, quàm compositionis, & continuitatis, totum stu=  
 dium nostrum est conseruare quod acquisiimus, quod qui=  
 dem fit cum ijs quæ custodiunt proprium calorem mem=  
 bri, propriam temperaturam, compositionem, continui=  
 tatem & tonum. Præseruatio uerò à timore, uel cautela  
 non separatur: uidet enim semper aliquid imminens, pro=  
 ximumq; periculum, quæ adhuc duplex est, uel enim illud  
 periculum iam actu in corpore est, uel iam proximum est,  
 ut adsit: primo modo uel ibi est aliqua ex malis tempera=  
 turis, uel compositionibus, quæ actu quidem non faciunt  
 agri



agritudinem, sed facturæ sunt: secundo modo quando non est quidem adhuc ita, sed iam præsens corpus est, ut in aliquid eorum collabatur. His igitur ita prænotatis dicimus in conseruatione sanitatis illius qui in morbos renum, uel uesticæ incidere consuetus est, nullo modo conuenire diuretica, siue propriè dicta, siue impropiè, nisi fortè quatenus alterant & alterando corroborant, ut exempli gratia, si quis esset frigidorum renum, uel uesticæ, conuenirent illi diuretica propriè dicta non quatenus urinam prouocāt, sed quatenus calefaciunt: si uerò haberet renes calidos, conuenirent illi diuretica frigida, ut semina melonum, cucurbitæ, quoniam alterarent suam frigiditatem contrariam temperaturam, nec malè talia alterantia eligemus diuretica, quoniam promptius & facilius ad eas partes deferuntur. Vnde & Galenus x. nota τοῦτος cap. primo admisceri iubet diuretica lenitiuis, & emplasticis, non quia ut diuretica conueniant, sed ut conducant reliqua &c. Si uerò ratione temperaturæ aggregarent humores crassos, & uiscidos, aut uias angustas haberent, conuenirent inter reliqua attenuantia diuretica cōmuniter dicta liquida, & tenuia substātia, modicè calida, quale est uinum album: & non etiam hoc quatenus diureticum, sed quatenus alimentum tenue præbet, & facile per uias angustas penetrat. In præseruatione uerò sanitatis uel est præseruatio primo modo dicta, uidelicet quando aliquid in corpore est præter naturam non quidem faciens agritudinem, sed iam facturum: & tunc uel illud est in renibus, & uestica essentialiter, ut in secundo notato patuit, uel in alia parte corporis: si in renibus, & uestica uel erit mala complexio cum materia, uel sine materia, si sine



*mufa*  
 materia erit alteranda per oppositas qualitates, ut frigida cum calidis, calida cum frigidis, & sic de singulis, & tunc per accidens poterunt conuenire diuretica, ut in præcedenti capite dictum est. Si uerò fuerit cum materia, & illa materia erit calida, & ita conuenient diuretica frigida cōmuniter dicta, ut semina frigida nota. Si uerò fuerit materia frigida præsertim crassa, aut uiscosa, tunc maxime conueniunt diuretica proprie dicta, non tamen semper, & quocunque modo, sed ubi prius totum corpus purgatum fuerit, si in corpore fuerit suspicio multitudinis eiusdem humoris. Diuretica enim in hoc casu non tantum præparant humores, sed etiam euacuant, ut testatur Galenus in primo v. epid. Si uerò fuerit uitium in compositione, uel uiae erunt nimis latae, tunc sic nullo modo competent diuretica, sed potius astringentia: si uerò uiae fuerint astrictae, in hoc etiam casu nullo modo competunt diuretica absolute, sed per accidens, ut quæ generant tenues humores, uel crassos incidunt: tale enim corpus humoribus indiget tenuibus, & bene concoctis, aliter renes facile obstruuntur. Si uerò fuerint obstructiones uiarum, certum est eas indigere aperientibus, & incidentibus: & quoniam talia sunt pleraque diuretica; ideo hoc nomine diuretica conueniunt. At si renes, & uesica nullo uitio laborent, sed propter humorum multitudinem, & nimiam potentiam membrorum expellentium materias ad eas partes præcipitantiam, nullo modo in eis conueniunt diuretica neque per se, neque per accidens: imò potius utendum erit auertentibus, & purgantibus, uel per uentrem, uel per uomitum, uel per sudorem, aut uias alias magis paratas. Si uerò præseruatio sumatur secundo modo, quando scilicet nullum uitium in corpore



pore fuerit actu, corpus tamen ita se habeat uel paratum sit, ut ipsa uesica, & renes ex qualibet leui occasione incidere possint in huiusmodi affectus, tunc neq; in hoc casu ullo pacto diuretica debent admitti quatenus diuretica sunt, nisi ratione alicuius qualitatis, quæ membrum corroborare possit ut in præcedenti capite diximus. His igitur ita uniuersaliter distinctis pro casu Magnifici & Clarissimi Prætoris, suppono illum esse subiectum retentioni urinæ, quæ sit propter crassos, & uiscosos humores collum uesicæ obstruentes, & impediētes transitum urinæ, ut nos ita nunc experimento probauimus. Supponimus secundo istum Clarissimum & Magnificum uirum habere sui morbi purissimam & longissimam interualla, purissimam quoniam in tempore suæ sanitatis liberè admodum, & copiosè mingit, ut sic ego notauim dum mingentem obseruarem potius dubitandum sit ne uias nimis latas habeat, ratione quarum facile incidat aggregata in corpore materia uiscosa, in huiusmodi affectu, dum scilicet ea materia facile ad uias uesicæ prolabitur, neq; habet aliquid aliud accidens interim affligens siue ardoris, siue difficultatis urinæ. Suppono tertio suam Magnificentiam non ita exquisitè uiuere: sed licet non ingurgitet se sicut heluo, uiuit tamen nullum genus cibi aspernans, & nullum habens uinorum delectū. Quibus ita suppositis, dico ex superius probatis, quod si iste Clariss. uir actu iam ægrotauerit præter præsentiam materiei, uel si non ægrotauit, percipiatur ex signis manifestis habere illum in uijs urinæ aut uesicæ humores crassos & uiscosos, qui proximè iam facturi sunt accidens. Expedit illi in hoc casu euacuato prius toto corpore, & præsertim uentriculo, & intestinis, ut per diuretica præparet,



ret, & euacuet illas materias in renibus, & uestica contentas. Vtrunque enim ex diureticis fieri potest, ut diximus ex primo sexti epid. & conuenientissime euacuabimus per urinam, quæ in uestica & renibus sunt, ut tertio artis parua cap. de causis præseruantibus. Si uerò nihil quidem humoris in illis partibus habuerit, sed in toto corpore sint, & continuo aggregentur, maxime cauebimus à quocunq; diureticorum genere. Si uerò corpus omnino mundum fuerit huius Clarissimi uiri, neq; alia re indigeremus nisi pura cōseruatione, dico nullum prorsus conuenire illi diureticum, quatenus diureticum, dico quatenus diureticum. Nam ego sæpe admonui suam Magnificentiam, ut quàm maxime euaret quæcunq; crassos humores generant, ac propterea inter cætera laudaui uinum tenue pauciferum, non quia uinum esset prouocaturum, sed quia facile concoqueretur, distribueretur, tenueq; alimentum generaret, imò & crassos humores attenuaret, quod in hoc Clarissimo uiro maxime querimus. In usu uerò sanitatis suspectum habeo summopere uinum album, nam plus æquo penetrat ad urinae meatum, & secum excrementa conducit. Tutius ergo est uinum tenue quidem, sed subrubrum, habet enim quod attenuet, & humores minime crassos generet: sed nō quod ita urinas prouocet, & aperiat. Tota ergo uis in præseruando Clarissimum uirum est, ut humores crassi minime generentur, & si generati fuerint, per omnes potius uias educamus quàm per urinas, per uentrem scilicet, & per uomitum, & per sudorem: facile enim per sudorem est, si congruè exerceatar, ut bene notauit, & optime declarauit author de renum affectibus in capite de præseruatione. Si uerò artificio concoquendæ sint materiae crassæ, utatur oxymelite,



oxymelite, & omnibus incidentibus, & abstergentibus, quæ minimè excedant in urinæ prouocatione. Quantò enim minus erunt diuretica, procuk dubio tantò magis conferent, nisi fortè, ut diximus, iam materiæ ad illas uias decubuerint: tunc enim postea diureticis educuntur. Atq; ijs declaratis iam apparet, quid ad argumenta in oppositum respondendum. Ad primum, in quo assumitur diuretica aperire uias urinæ, & incidere, & abluere, concedo, & propterea etiam conuenire, ubi scilicet materiæ fuerint in illis partibus cuiuscunque generis, ut arenulæ, calculi, pituita, sanguinis grumus, aut tale aliquid. Ad authoritatem Pauli, & Auicennæ, & aliorum quorumcunque, fatemur bene exhiberi, & in præseruatione conuenire, ubi scilicet aliquid residui materiæ fuerit in renibus & uestica, sicut ibi facit Paulus, & Auicenna. Educto enim calculo iubet diuretica per aliquot dies pro præseruatione exhiberi, ut arenulæ, & pituita, quæ ut plurimum relinquuntur, excerni possint: & propterea Paulus quidè iubet dari oxymel cum leui (inquit) diuretico, quale est gramen, aut adiaton, leue dicit, quoniam timet cum fortibus, ne nouæ materiæ præcipitentur: dat tamen leue, ut oxymel facilius deducatur ad abstergendum, & incidendum, ita ut uideatur uti diureticis potius per accidens, quàm per se. Auicenna uerò præcipit per uices utendum diureticis, ita ut paucis aliquot diebus utamur diureticis leuibus, ut scilicet præparemus leuiter humores ibi existenttes ad exitum ne novos attrahamus, postea semel tantum uno impetu cum diuretico forti iam præparatos excutiamus. Vbi expressè declarat Auicenna quantum timeat lōgum usum diureticorum: & quando materiæ actu in renibus sint. Ad authorem de renum



renum affectibus, dicimus uinum album pauciferum exhiberi, ne humores crassi, & ne bilis etiā generetur, quæ sunt materia calculi. A uino autem crasso, & nigro, utcunq; fieri potest, abstinendum.

Consult. xciiii. De lassitudine ex labore, pro mercatore Veneto.

EX QVO manifestè patet ex historia lassitudinem præcessisse hunc dolorem. Ait enim quòd cum in quadragesima præterita, plurimum laborasset dorso, incidit in lassitudinem longam: unde dolor causatus est, qui dolor labor, à Græcis πόνος dicitur. Sed πόνος est affectus potius laboris, quàm labor, & sequitur ex defatigatione, et sicut contingit hoc sponte fieri, ita quoq; à causa extrinseca: fiunt enim sæpe iidem morbi à causa extrinseca, qui à causa intrinseca fieri solent. Cum igitur soleant esse, & sint (ut secundo de sanitate tuenda dicit Galenus) tres lassitudines diuersæ, quæ indigent diuersa curatione, quædam ulcerosa, quædam extensiuæ, quædam apostemosa, ut ipse appellat; unaquælibet istarum habet diuersas causas corporeas. Et quamuis à diuersis accidentibus extrinsecis fiant; sunt tamen semper diuersæ causæ coniunctæ proximæ. Ulcerosa fit propter humores acres erodentes, qui decurrunt ad locum læsum ex labore. Extensiuæ fit, dum flatus tendit ad musculos, & facit extensionem. Apostemosa composita est ex utraq;. Quærendum est, quænam fiat lassitudo ex his tribus? Ex quo perseverauit illud idè, quod factum est à causa extrinseca, primò dixerim non esse ulcerosam, quia nō audio perpeßum esse corrosionem  
in



in loco, sed tantum grauitatem quandam circa dorsum, ita ut non possit erigi: uidetur enim tanquam clauum infixum habere in dorso. Nec est apostemosa, nam illa est cum maxima caliditate, & cum extensione, quæ rarissime contingit, & illam semper sequitur febris. Ergo cum nec ulcerosa, nec apostemosa, relinquitur quod sit tensiua propter humores crassos, ut denotat morbus, & perseuerantia ipsius doloris. Refert enim ipse dolorem esse grauatium, fixum, & permanentem in loco: refert etiam hætenus eum ita perseuerasse, licet uariet secundum tempus. Credo igitur quod ab ea causa primitiua, uidelicet à labore, & nimio exercitio contigerit idem, quod in lassitudine spontanea cōtingit, ubi multiplicatur humores siue acres, siue calidiores, siue frigidiores, qui tensionem faciunt, uel apostemosam, quæ est mixta. Quoniā ergo humores plurimi sunt in corpore, à quacunq; leui causa mouentur, & faciunt lassitudinem. Contigit id in hoc ex nimio labore dorsi: licet enim non adsit multitudo materie, nihilominus propter maximum dolorem relaxatæ sunt partes dorsi, arteriæ, & uenæ, & nerui, & propterea incaluit membrum, & propter calorem apertæ sunt magis uiae: calor etiam attraxit. Vnde materia defluxit, & ex ea causatus est dolor: nam non dicerem, quod tanta esset materia frigida, quæ sponte defluxisset: sed contigit hoc uiolente. Quod non fuerit materia multa, quæ potuerit hoc facere, habeo coniecturam satis rationabilem. Habet corpus hoc membra scilicet penitus præparata, ut generent humores pituitosos. Habet hepar calidum, ut ex toto ambitu apparet, & quod potius calidos, quàm frigidos humores generet. Præterea nunquam conquestus est de uentriculo: uidetur



detur ergo uenter calidus: nec de catarrhis conquiritur, & consequenter habet cerebrum calidum, quod non potuit generare humores frigidos, quantum ad naturalem dispositionem. Nihilominus patitur ægritudinem frigidam propter materiam frigidam, quæ ægritudo non proportionatur suæ temperaturæ. Sed unde contigit? Est mercator, uendit merces, manet in sua officina semper, & mala ratione uictus utitur. Potuit ergo contingere hoc tum ratione dispositionis corporis, tum ratione cibationis, præcipue tempore quadragesimæ, qua usus est cibarijs maxime generantibus humores crudos, qui dum habuissent occasionem à causa procatarectica, & incaluisse dorsi, fecerunt morbum istum, de quo nunc conqueritur. Credo igitur defluxisse materiam frigidam ad locum à causis extrinsecis uiolenter, non ratione propriæ temperaturæ: nam propter malum uictum, & artem, quam exercet, generatus est humor, ex quo dolor. Nemini dubium est quod materia defluens congregatur in aliqua parte, & quod ex ea collectione fiunt duo: primo intemperies, quæ est frigida: secundo materia defluxa, quæ si frigida fuerit, refrigerabit locum, si calida calefaciet, & itidem de passiuis dicendum. Unde generatur intemperies in membro secundum affluxum materiæ. Materia frigida est, ut apparet ex dolore, & perseuerantia longa doloris: iam enim est annus, & tamen resolutus non est ex aliqua parte, imò augetur potius. Materia frigida, & uiscida est: ergo probabile, quod impresserit talem intemperiem in membro, ad quod defluxit. Secundo dum materia ibi colligitur in neruis, musculis, & locis angustis extenditur, & flatuatur, & ex tali extensione causatur dolor. Istæ sunt duæ causæ doloris



ris propriae, ut altera possit inducere dolorem sine altera, ut recte est interpretatus Auicenna sententiam Galeni, licet importunus Auerrois male intelligat Galenum, utitur enim æquiuocatione. Ex intemperie ergo primò causatur dolor: ex tensione, & solutione continui causatur dolor. ergo si utrumq; conuenit, & dominatur hoc, uel illud, fit acutior dolor. Ergo crediderim, quòd materia tantopere genuit intemperiem, quantò & probabile est (loquor de materia fluxa) quòd materia affecerit locum eadem intemperie, qualis ipsa est. Ideo non percipitur amplius dolor, quia æqualiter facta est intemperies in loco: & illud euenit (quod diximus in lectionibus de phrenitide) propter humorem biliosum existentem in capite, quando æqualiter occupat totum cerebrum, cerebrum non percipit amplius nocumentum, quia factum est tanquam hecticum: ita contingit in membro, ubi perseuerauit diutius humor, facit enim membrum tanquam hecticum, ut æqualiter per totum membrum inducatur qualitas secundum naturam humoris. Et ideo non percipit dolorem, nisi quando flatuatur materia propter extensionem, & solutionem continui, cum nò possit percipere dolorem propter illam intemperiem habituam. Hic adest intemperies permanens frigida, & materia suis temporibus flatuata extensa: ergo secundum uarietatem temporum dolor efficitur. Ista est ægritudo, ex qua sequitur, quòd locus est factus imbecillior, & tandem istæ dispositiones permanentes: factus autem est imbecillus propter intemperiem frigidam, & humidam, qua intemperie inducta necessarium est, ut existente corpore tali, ubi semel est facta illa occasio, defluant postea humores, qui aggregantur in corpore, ad illam partem, qui humores

res



res sunt necessario pituitosi: ex imbecillitate præterea loci, & intemperie datur occasio noui defluxus, ita ut iam partim materia fluxerit, & ficerit morbum, partim fluat, et faciat morbum, et partim factura sit. Oportet ergo ista omnia distinguere recte pro recta curatione. De materia, quæ fluit dico, quod non est uniformis, sed talis, qualis natura cibariorum, ex quibus præcipue in corpore calido probabile est, quod generetur humores calidiores, & descendant ad partem debiliorem. Eadem ratio est de humoribus fluxuris. Hactenus habuimus, qui sit ille morbus, à quibus causis dependeat, & utrum sit factus, an fiat, uel partim factus sit, & fiat, uel futurus sit. Dicamus modò de accidentibus. Dicit quod in tempore hyemis, & æstatis melius se habet, quam in uere, & autumno. Vnde causatur ista diuersitas? Stante illo humore pituitoso certum est, quod non generatur dolor, nisi quando flatuatur, & extenditur humor pituitosus, & hoc fit in temporibus medijs, in uere, & in autumno: in hyeme quiescit, quia tunc materia non flatuatur, quæ excitet dolorem: in æstate tantum resoluitur, quantum flatuatur: in tempore medio flatuatur, quia attenuatur, & colliquatur humor, & non potest resolui: aptus enim est, ut colliquetur, sed non resoluitur. Vnde dolor maior causatur in temporibus medijs, quam in temporibus calidioribus, uel frigidioribus propter causas iam dictas. Queritur an humores biliosi præter pituitosos adsint? possunt adesse, nihilominus est pituita à prædominio. Non tamen negarim etiam adesse plurimum debile propter temperaturam suam naturalem, & de sanguine, licet sanguis sit parcior. Est dicendum de loco affecto. Cum dicat se dolere circa ultimas uertebras colli,

&



Et dorsi, dico ex sententia Auicennæ, ubi dolor, ibi agri-  
tudo. Est ergo credendum, quod ibi sit circa illas partes  
materia impacta, & propterea credo breuiter humorem  
esse, ubi dolor est, & in profundo, quia non audimus quod  
extra appareat tumor ad tactum: sed interius percipitur  
dolor circa os, & nervos, qui proximè deueniunt ad uer-  
tebras. Vtrum in periostio: credo potius esse in uertebis  
quia consentit totum crus, & coxa: non posset hoc fieri,  
si in periostio esset: tantum enim doleret in ea parte. Si  
in musculis, laderentur illæ partes, quæ mouentur à mu-  
sculis: sed cum sentiat totum crus, & muscoli illi non mo-  
ueant crus, qui sunt affecti, credendum est, quod nerui ui-  
gesimæ secundæ uertebæ sint læsi, & dolorem patiantur,  
& ita per consensum causent dolorem in mouendo crus.

Quia uerò materia uiscida, & crassa est infixæ in par-  
te frigida, & priuata calore, nemini dubium est quod tu-  
mor ex parte materiæ, tum ex parte loci curatio erit difficilis.  
Materia enim, quæ crassa est, non facile concoquitur, &  
expellitur: ubi postea est in membro frigido, & ex angui-  
nifiltrata, quia non habet rationem concoquendi, longè  
difficilius tollitur. Præterea si membrum non habeat me-  
tus apertos, & uias, sed sit densum, & compactum, diffi-  
ciliior adhuc est curatio: ut si adhuc materia est in profun-  
do, cui difficulter possint applicari remedia: sequitur etiā  
ratione situs difficultas curationis. Ergo tum ratione si-  
tus, & compositionis, tum ratione materiæ erit difficilis  
curatio, & longa, ut quotidiana experientia uidemus.

Quod si etiam ratio societatis accesserit, & membri affe-  
cti cum alijs membris mandantibus sit consensus aliquis, tã-  
tò difficilior est adhuc curatio. Cum ergo laborent huius-

Ll

scemodi



scemodi nerui existentes circa uertebras, & cerebrum sit aptum ad hoc, ut multiplicet catarrhum, & pituitam, siue ut Græci dicunt, blennam, siue mucum, magis, & minus ratione temperaturæ: cerebrum enim suapte natura est frigidum, quod ascendentibus uaporibus plurimam materiam generat: unde cum in partibus superioribus generetur pituita, consensusq; magnus sit, propter talem consensum membrorum superiorum cum spondylis sit, quod continuè descendat materia, & foueatur, augeaturque morbus: & ideo fit difficilior curatio. Quod si accesserit ætas senilis, facilius quidē corripietur à catarrhis: sed difficilius tamen curabitur propter imbecillitatem caloris colliquantis, ut Galenus testatur in aphorismo. Bronchi, & coryzæ in ualde senibus coctionem non admittunt. Tot sunt rationes, quare curatio nobis difficilis erit. In curatione non debemus discedere à natura morbi. Morbus iste partim est factus, partim futurus, utriq; debetur curatio, sed diuersa. Quantum ad factum debemus remouere intemperiem frigidam, & humidam, & ita confortare locum: materia impacta frigida est, quæ est causa propinqua, & continetur in morbo. Sunt causæ aliæ, est materia cōtinuè affluens, & est materia fluxura. Quid debemus facere? Incipiendum est à causa coniuncta, quia adfert indicationes curandi. Materia fluxura habet rationem primæ causæ antecedentis, & non est in parte, sed in toto: quandoq; enim materia excrementosa est in toto corpore, quæ habet rationem illius causæ, quæ ubi commodos habet meatus, defluit ad locum imbecillem. Ergo primò euacuanda est materia factura morbum: unde breuiter euacuarem totum corpus, & humores, qui in corpore generantur. Hoc  
corpus



corpus est calidum, & siccum, ergo multiplicat humores calidos, & siccos, & sanguinem cholicum: redundat etiam bilis, & melancholia, sed minus postea secundū proportionem de sanguine malo generatur, quā de bile, & de melancholia. Igitur cū uelimus euacuare, debemus respicere ad redundantes humores. Sed quia etiam adest aliquid de pituita, dico quod euacuandum est de omnibus humoribus. Lenita igitur prius aluo extrahendus est sanguis, non dixerim ratione magnitudinis morbi, quia extensiuē morbus iste non est magnus, nec intensiuē, sed propter futurum morbum uellem, quod caueret omnino ab omnibus excrementis: ita crediderim esse mundandum totum corpus. Mittatur sanguis à basilica, non tantum ratione diuersionis, sed euacuationis, quia non est maior diuersio à brachio, quā à pede, ut dicebat Galenus sexto Epidemiorum, qui ubi ægitudines sunt intra hepar diuersionē ambigit, primo comento loquens de affectibus renum. Et sic æqualiter possumus facere diuersionem, uel à pede, uel à brachio: sed eligerem brachium, quia magis euacuaretur sanguis propter basilicam magis respicientem fontem, quā ex saphena. Tales curarem syropos conficiendos, ut sanguis redderetur bonus. Non dimitterem syrupum de cichorea Nicoli sine rhabarbaro, qui habet aliquam uim incidendi humores crassos, & adæquandi. Habere etiam aliquid oxymelitis propter adæquationem, & incisionem. Postea haberem decocta ex betonica, iua, salvia, borragine, & reliquis propter intemperiem calidam hepatis. Postea deuenirem ad euacuationem materiæ: deinde accederē ad materiam, quæ defluit, quæ debet diuertere, ne defluat. Et licet quando erit euacuatum totum corpus, non fluet



amplius, nihilominus laudo, ut confortetur corpus faciendo ablutiones capitis. Deuenirem postea ad morbum factum, qui curatur deriuatione, & euacuatione. Et in hoc casu, sicut consueuimus debemus facere deriuationem prope locum affectum: & deriuationes optime sunt in hoc casu per clysteres acutissimos, qui deriuant materiam à loco propter uicinitatem loci. Fierent clysteres cum decocto centaureæ, & aliarum herbarum, quæ possunt habere absterfionem, ut anethum, camomilla, & alia huiusmodi. Apponerem hieram picram, Logodij, Hermetis, quoniam acrius purgabunt humores. Hæc breuius dico tantummodo pro forma medendi. Postea facta ista deriuatione per clysteres acutos oportet, si aliquid residuum erit materiæ, deuenire ad ea, quæ mundificant locum: non dico de re percussiuis, quæ non conueniunt in morbo facto, sed in futuro. Ergo euacuarem à loco affecto, ubi utitur Galenus his, quæ solent inducere ulcus in locum. Facta ergo prius diligenti euacuatione facerem scarificationem, uel adhiberem etiam cerata. Præterea si aliquid perseveraret doloris, & accederet tempus Maij non displiceret, si acciperet aquas thermarum, & ablueret se in istis: & etiam acciperet per potum, quia locus ex aluminosis aquis confortaretur, & aliquid etiam resolveretur: habet enim calcem & alumen ista balnea. Postea his omnibus ritè peractis, quantum ad præseruationem, facerem cauteria ex opposito loco, ne materia fluere amplius. Placeret terebinthina, qua diuerteretur materia per aluum. Utatur acoro, & tandem ea accipiat, quæ possunt corroborare partes neruosas, & siquid est impactū resolvere, si accesserint ad partes istas. Hæc satis sint dicta. Patauij. 1550.

Consult.



Consult. xcv. De dolore genu obtuso ex de  
stillatione pituitæ à capite, pro Magnifico  
Veneto.

VNUM considero rectè considerandū, quòd iste Ma-  
gnificus uir est calidæ temperaturæ hepatis, cerebri, uen-  
triculi etiam non omnino frigidi, sed frigidiusculi. Cùm er-  
gò ab ortu suo habuerit calidum hepar, & cerebrum, &  
nunc appareat dominium frigiditatis, & patiatur frigidā  
dispositionem à pituita, ut ab exeuntibus apparet, & à  
multitudine humoris pituitosi, iudicandum est non esse ca-  
liditatem illam naturalem in capite. Cùm ergo fuerit lap-  
sus talis à propria natura, ideo fortè non erit ita facile tol-  
lendus: quia cùm ægritudines contingunt præter propriā  
temperaturam maior erit lapsus, quàm si contingant simi-  
les propriæ temperaturæ. Ideo si frigida temperatura à  
frigida ægritudine occupatur, minor erit lapsus, quàm si  
calida ægritudine affligeretur. Si ergo cerebrum fuerit na-  
turaliter calidum, et nunc frigidam patiatur ægritudinem,  
maior est lapsus. Ideo diligenti cura est curandus. Circaq;  
symptomata, primò conqueritur de dolore obtuso occupā-  
te utrunque genu, maximè sinistrum: & dicit ita leuem  
esse ac si pungeretur digitus, & leuiter suppurare-  
tur, & leuis dolor perciperetur, cùm tamen clamosi so-  
leant esse: & licet multa materia descendat ad locum, &  
impediat motum, nihilominus non dolet, nisi moueatur.  
iste est modus doloris. In descensu autem materiæ percipit  
in motu illo frigiditatem, cùm uerò figitur non. Conqueri-  
tur præterea quòd non potest liberè mouere caput, &

Ll 3 cūm



cum ascendit cymbam, uidetur quod nauseam habeat ac si fluctuaret in mari: & omnino conqueritur de debilitate capitis. Probabile est illam destillationem, quia omnia referuntur ad destillationem, à capite prouenire, ut cum aliqua calida, aliqua frigida, aliqua crassa, aliqua tenuis sit, pro modo doloris, & pro modo descensus. Credo quod sit tenuis cum insigni humiditate: in actiuis uero credo quod non sit multum frigida, nec calida. Et quod non sit calida patet, quia percipit frigiditatem aliquam. Non est etiam frigida admodum, quia frigiditas facit dolorem, quia Galenus dicebat in quarto de simplici medicina declarans illud Hippocratis dictum, Frigidum ulceribus mordax, quod frigidum soluit continuum: & in sexto de locis affectis, & in secundo etiam inquit, ex humore frigido pituitoso fieri atrocissimos dolores, ut uideretur perforari locus, ut in colico, et podagra: iste autem Magnificus uir est sine dolore, licet multam habeat materiam. Si igitur excedit, excedit per frigidum, & ita materia destillans humida sit & frigidiuscula, non tamen admodum frigida uidetur ex colore barbae pilorum. Est calidi cerebri à natura: ideo non potest deduci ad tantum lapsum, ni fuerit admodum frigidum. Nec est multus lapsus, quia non patitur nocuumtum ex hyeme hic, & melius se habet in æstate aliquantulum. Ideo non est hic tanta frigiditas, quia tempore hyemis, qui habent frigidum caput, leduntur. Est ergo destillationis causa frigiditas capitis, non tamen multa. Fuit autem acquisita uel quia decubuit in loco illo frigido, & humido, uel quia in aëre frigido uersatus sit, ut incideret in lapsum, & in uapores ascendentes ad caput, sicut fumus ad caminum, inuenientes cerebrum seipso debilius reditum



ditum non resoluuntur, nec ita conficit alimentum sibi delatum, uti conuenit. Ideo humores illi in capite aggregati descendunt à uirtute expultrice propulsi per spondylos colli, per guttur, fauces, per uiam uentriculi, sed maximè per neruos à uertebis deductos ad iuncturas decurrit tanquã ad partes debiles: quia à natura institutum est, ut membrũ recipiat excrementa alterius, requiritur, ut debilius sit, quia ita à natura factum est, ut fortiores partes transmittant superfluitates suas ad imbecilles: extremæ autẽ partes imbecilliores sunt, quoniam distant à fonte caloris & ab hepate, & sunt paratæ destillationibus frigidis, quia humores frigidi cùm sint parati ad partes inferiores descendere, ita calidi ad superiores. Habet præterea uias latas, quia ab ortu habet dominium caliditatis cum siccitate, quæ ubi est suæ siccitati coniuncta, aperit uias, & propterea cùm habeat latitudinem uiarum, & imbecillitatem cruriũ, non est mirum si destillatio deuenierit ad crura. Ideo lapsus ex mala ratione uictus generatus est in cerebro, & generauit humores illos frigidos, qui ita generati per periodos, sicut fieri solet in omnibus superfluitatibus, decurrunt ad loca illa extrema. Et hanc credo esse causam omniũ symptomatum, & quòd tota origo sit in capite. Quòd etiam humiditas sit in capite, patet ex hoc quia balbus est: & Galenus super illo aphorismo Hippocratis, Balbi diaria corripiuntur, reddit huius rationem, quia humidi capitis sunt. Cùm igitur talis sit causa, & talis lapsus, & caput taliter præparatum sit, patet quid de præsagio dicendum sit. Curabitur quidem: sed cauere debet, ne incurrat in malum regimen uictus, quia habet præparationem naturalem, & lapsum habet in capite. Ideo debet diligenter cu-



rari, & cum curatus fuerit, conseruare sanitatem, quia incideret in eandem, & forte deteriore aegritudinem, puta in podagram, in paralyfin, descendente multa materia per neruos & musculos ad iuncturas: ideo cauere debet, cum erit sanus. Cum quibus autem instrumentis? bene hoc corpus debet euacuari, quia ubi sunt humores destillantes à capite maxime, quia à leui qualibet causa uacillant, hoc non est nisi ratione uaporum & materiae in capite aggregatae: ideo corrigendi sunt humores & sanguis, & tota massa humoralis à superfluitatibus purgari debet. Euacuantia autem erunt agaricus maxime, quia trahit humores crassos, & pituitosos. Ideo agaricus uel sub forma pilularum, uel temperatum, sicut electuarium aliquod, aut cassia cum agarico, & pro minoratiuo cassiam cum hiera simplici bonum sit accipere. Sed cum uoluerimus exquisitius purgare, loco hierae simplicis poterimus ponere agaricum. Ideo uel cum cassia, uel cum rhabarbaro poterit euacuatio fieri. Talia ergo erunt genera medicinarum, nec pertransirem agaricum.

Digerentia erunt, syrupus de betonica, uel de stœchade simplici cum portione oxymellis simplicis, uel syrupi acetosi, ut transitum maiorem haberet cum decocto betonicae, endiuiæ, cichoreæ, ut habeatur ratio hepatis. Et ita factis mundificationibus, si uerum est, quod caput habeat lapsum, si uolumus remouere lapsum, oportet euacuare ipsum per loca propria. Et ideo masticatoria adhiberem cum mastiche, staphisagria, pipere, uel cum alio tali: caput purgium per nares cum succo maioranæ, betæ, uel succo cyclamini. Masticare etiam radices caprarum ad extrahendam pituitam à capite, optimum est.

Factis



Factis deriuationibus, corroborabitur caput cum puluis-  
culis singulis diebus, & quando uadit dormitum, ex ma-  
ce, garyophyllis, maiorana, ocimo, & cum alijs odoratis,  
quæ habent uim exiccandi pituitam. Pro remotione autē  
caloris, qui est in istis puluisculis, rosas, sandaracham, quæ  
exiccant, & refrigerant commiscerem, & super caput  
ponerem, postea superponerem pileum supra, & ita cor-  
roborarem caput cum illo tenui puluisculo, & in hora ue-  
spertina curare caput, nec amplius discederet à domo. Et  
facerem lixiuium corroboratiuum dulce, primò non ex ci-  
nere ex quercu, nec ex fortitudine illarum rerum, in qui-  
bus est aliquid astringendi, & uis adurendi, ex qua adu-  
stione astringantur pori. Et ideo asarum acciperem, &  
baccharam, senam, polypodium, canomillam, stœchadem  
cum maiorana, & iride, & ex ijs facerem lixiuium. Et fie-  
ret sapo ex garyophyllis, mace, cinnamomo, & musci ali-  
quid, & ambræ adderem, pro barba & capillis: & con-  
fortabit, & istud sit pro sapone. Aliqui etiam ponunt fru-  
stum agarici in lixiuium, & quando abluitur caput, loco sa-  
ponis utuntur illo, quia habet uim quandam extrahendi:  
imò si ponatur supra locum podagræ, tunc fit euacuatio  
pituitæ: cur non fiet etiam si in capite ponatur? Præterea  
electuaria pro corroboratione requirerentur, & maxi-  
mè myrobalani chebuli conditi, non tamen Venetijs cum  
illis aquis malis. Ideo si haberi possent ex India confecti  
laudarem illos summopere: sunt enim cōfecti cum syrupo  
de carobolis uulgò dictis, & non calefaciunt. Theriacā  
aliquando, & Mithridatum conueniret: zuccarum autē  
rosatum inter omnia erit præstantissimum. Circa uictum  
à coitu, ab exercitio post cibum caueat, non ambulet in so-  
le:



le : austrum, & boream uitet : à loco humido caueat, non dormiat in meridie, & habitet in cubiculo uersus Orientem, et circa cibos sit contentus cibus unius generis. Quoad carnes, uitulina, hœdina, pullorum, auium montanarum, & oua sorbilia conuenientissima sunt : oua tamen cocta sint in aqua, uel igne : à butyro autem cum ouis cauendum est. Pisces nescio qui conuenirent, quia omnes ferè capiuntur prope magnificam hanc ciuitatem. Mihi placeret lutium, laudar em etiam auratas Istrianas, mullobarbatas, id est, barboni. Faciatq; exercitia conuenientia. His omnibus peractis corroborationibus, & reliquis iam dictis, quia propositum fuit balneum, laudo illud, & cum habeat cerebrum calidum lapsum ad frigidum, non ualet ratio Galeni VI. de tuenda sanitate, qui uituperat balnea ubi sit distillatio. Loquitur Galenus de intemperie calida & sicca : sed cum in casu nostro lapsus sit ad frigidum ; ideo conuenirent, quia deducerent ad ueram temperaturam cerebrũ, & non alterabitur, quia à simili non fit alteratio. Duciam præterea accipere poterit. Et ante omnia, factis istis omnibus, si remaneret debilitas aliqua in cruribus ponere poterit Magnificentia V. crura in luto. & postremò facerẽ fontanellam in crure. Et hæc erant recensenda pro salute Magnificentie uestre.

Consult. xcvi. De tumore in utroque genu, pro domino Georgio Freidel Germano.

TUMORE existente in utroq; genu Nobilis uiri mature considerato, tum ex his quæ præcesserunt, tum ex his quæ



quæ subsequuntur, credo materiam eius non esse unam, sed difformem. Quantum enim attinet ad partem extrinsecā, durities quædā solidior tactui apparet quæ tactui non cædit, ita ut foveam aliquando relinquat, pars uerò interior ita intumescit, ut tangenti sensus manifestissimus flatus cuiusdam crassi appareat, atq; hîc quoq; nulla fovea compri-  
menti relinquitur. quod proprium inseparabileq; signum est tumoris à pituita dependentis, qui oedema appellatur. Ergo tumor extrinsecus, ex quo oedema nullo pacto appellari potest. Et sic abscessus frigidus ad aliquam duritiē est inducendus. Sed cū durities uel scirrhus, sit uel à materia melancholica, uel pituitosa, probabile est pendere potius à succo melancholico, & coniectura est uenarum ille tumor uaricosus in totius cruris longitudine circa eandem partem extrinsecus apparens: non enim dubitandum est eandem materiam esse illius tumoris, quæ in uenīs adiacentibus apparet. Nec obstat, quod in superficie non appareat nigredo, quod signum, autore Galeno, distinguit inter duritiem melancholicam, & pituitosam. Cū enim humor sit infra cutim, colorem abscessus uidere non possumus: neq; enim cutis transparens est. Ergo cutis color naturalis percipitur, & non ipsius abscessus. De tumore uerò alio in parte intrinseca incipiente paulò supra genu longe magis protuberante, quàm in extrinseca, sicut non est dubitandum pendere à materia uel uapore crasso flatulento, ita non satis constat, utrum in profundo sit materia melancholica uel pituitosa, unde huiusmodi flatus exoritur. Sed quod magis probabile est, uidetur in neutro loco materia esse absolute simplex, sed melancholiam pituitæ quoq; cōmisceri, præcipue quoniam rarò contingit alterum humo-  
rem



rem dignosci posse sine altero : huiusmodi autem humores in uno corpore dominari multis coniecturis haberi potest. Et sic cum temperatura huius nobilissimi uiri calida fuerit & biliosa, iamq; ad declinantem ætatem accedat, non mirum si humores melancholici multiplicentur diminuto calore, ut cum alijs quoq; talibus fieri contingit : quod si calor naturalis diminuitur, quantum per adulterinum multiplicatur melancholia, tantum per cruditatem pituita. Sed huc quoq; accessit cogitatio superflua, assidue enim cogitat, perpetuum scribendi studium & otium corporis magnum, quæ omnia ubi simul conueniunt, duo simul faciunt : corpus enim exiccant, & calidos humores adurunt, præterea cruditatem uentriculi, cerebriq; destillationes plurimas gignunt. At si his quoq; addatur in cibo & potu pessima ratio, ita ut uarijs cibarijs & compotationibus potentissimi uini uacatum fuerit, nulla postea causa deest ad hoc ut duo illi humores dicti multiplicentur. Omnia autem conuenisse in hoc nobili uiro, ipso etiam referente & attestante compertum habemus. Non dubitamus igitur huiusmodi causas esse tumorum præter naturam in utroq; genere existentium. Sunt autem huiusmodi tumores sine dolore cum neq; faciant tensionem, neque alia insigni qualitate actiua præditi sint. Et cum ab his duabus causis dolores proueniant, non est mirum si dolor non adsit. Motus crurum impeditur, cum musculi & principia chordarum finesq; ita impediuntur, ut ad debitum terminum neque contrahi, neq; distendi possint : & cum motus crurum fiat ex contractione & dilatatione oppositorum musculorum, ideo non ab re huiusmodi tumoribus impeditur. Verum sunt uaricosi propter melancholici humoris redundantiam ad  
partem



partem imbecilliore per uenas expulsi. Vtrum autem huiusmodi morbus sit ad particularem iudicandus, non est admodum disputare necessarium: sat enim est scire locum affectum & eius naturam simul cum sua intemperie, & mala compositione & proprijs causis: non enim curamus nomina, sed affectus. His igitur ita statibus dicimus hunc nobilem uirum pro sua curatione indigere summa, assidua, et longa diligentia: neque enim facile curabitur, sicut ego arbitror. Humores enim crassi & frigidi in loco etiam frigido & profundo inculcati pertinaciter adherentes, non ita facile concoquentur, & expellentur: ac praeterea non dandum fomentum quotidianum & incrementum. Cuius signum est satis euidens, quod uespertinis horis semper augentur tumores: neque enim hoc esset nisi noua materia deflueret. Oportet igitur, ut nobilis iste uir cognoscens statum suum & naturam suae aegritudinis, adhibeat perseuerantiam, patientiam, & obedientiam, deberetque constantissime medicorum praecipis parere, alioqui non curabitur omnino, imò in peiores decidet aegritudines. Proponatur ergo quae agenda sunt, postea sua prudentia & fortitudine animi exequatur, & tandem optatam sanitatem assequetur. Principio in uictus ratione potissima cura adhibenda est, in omnibus enim longis & pertinacibus morbis, nihil efficacius, nihil praestantius quam optima uictus ratio. Non tantum igitur dominatio sua in cibo & potu studebit modum sibi praescribi, sed in reliquis quoque causis omnibus corpus humanum alterantibus. Et quoniam aer est primus, qui occurrit, omni ingenio cauebit ne occurrat aëri nubiloso & turbido: neque habitet in cubiculo aut obscuro aut boreali flatui exposto, aut humido & terreno;

no;



no: neque dormiat fenestris apertis, aut ablatis operimentis, sicut in æstate fieri consuevit. Euitabit etiam nocturnum aërem, neque uento se exponat tam australi quàm boreali. Inter omnia euitabit omnes animi molestias, assiduas cogitationes, scribendi consuetudinem præcipuè post cœnam & prandium: neque legat, aut aliquo modo intendat animum in aliquam rem. Sed nunquam repleto uentre exercebit corpus. quiescet ergo sumpto cibo tã animo quàm corpore, & cum amicis iucundis uersabitur, aut leniter ambulabit per cubiculum, uel stabit erectus, ut cibus melius ad fundum uentriculi descendat. Horis uerò matutinis, & hora una ante cœnam exercebit corpus exercitio moderato, ut superiores partes quàm maximè exerceantur, inferioribus uerò & cruribus non adeò laborantibus. Multiq; consuluerunt, ut homo in huiusmodi casibus iaculando uel arcu se exerceret: alij consueuerunt uti plumbea pila, quæ singula pēdens sit circa libras duas, quæ manibus contineantur, & cum his pondera agitentur, manibus suprà infrà & secundum omnem situm, usque ad manifestam mutationem anhelitus & ad erumpentem sudorem. Ex hoc enim sic habetur conueniens exercitatio corporis & caloris naturalis excitatio, excrementorumq; diffusio, ac præterea diuersio, eorumq; excrementorum ab inferioribus ad superiora traductio, quod etiam maximè hoc loco quærendum est. Ad hunc eundem usum maximè pertinent frictiones quæ quotidie fiant in superioribus partibus circa dorsum, brachia & pectus manibus illitis oleo anethino & camomillino. Sunt autem hæc omnia non una aut altera septimana peragenda, sed pluribus subinde diebus fortè etiam mensibus, si utilitas sit inde percipienda.

Morbus



Morbus enim natura chronicus est & pertinacissimus, neque pauco tempore curari potest, quod quidem nobili huic uiro semper in animo fixum esse oportet, uidelicet ne credat se breui tempore euasurum, sed perquam longa perseverantia esse utendum sibi persuadeat, alioquin seipsum decipiet, uel medicorum remedia uana erunt. Nocturno quidem somno prolixiori utetur, mallemp; ipsum dormire saltem per octo horas, sed interdum somnum tanquam pestem euitabit. Procurabit ut quotidianas alui excretiones habeat, laudauerimq; ut tum pro alui mollitione, tum pro euacuatione & auersione humorum per aluum excretorum, tum etiam ad obstructions aperiendas, ad membra naturalia ac caput corroborandum, saltem bis singulis septimanis uteretur pilulis tribus pondere drachmæ, uel scrupul. trium horis tribus ante prandium, quæ haberent.

℞. Resinæ terebinthinæ Cypriæ

℥ iij.

Rhabarbari optimi

℥ i.

Garyophyllorum

℥ ij.

Puluerizentur puluerizanda, & omnia misceantur, & seruentur ad usum. Inter omnia studebit ut semper unico & simplici cibo contentus sit: nihil enim detestabilius quam ciborum multitudo & uarietas. Parcè etiam comedat & citra satietatem: sed longè parcius bibet, cauebitq; tanquam à re perniciofa à quolibet uino potenti sed præcipuè nigro & dulci. Cauebit etiam à computationibus, neq; bibet intra prandium & coenam. Cibos eligat facilis concoctionis & boni nutrimenti, qui apud omnes notissimi sunt, sicut caro hœdina, pullorum iuuenum, uituli lactentis: sed meo iudicio cauebit à piscibus præsertim Venetijs. oua sorbilia recentia maxime congruunt. Fercula

ex



ex farre, hordeo, spelta, beta etiam cum borragine, buglossa, & petroselino non negantur: conceditur etiam lactuca, si parce comedatur, nec omnino sunt detestandi asparagi precipue dulces, & hortenses. Cauebit à caseo tam recenti, quàm antiquo, & ab omnibus lacticinijs, à carnibus antiquis & salitis, à leguminibus, à rebus frictis in sartagine. Parcius coenabit quàm prandebit, sed & prandium erit moderatum. Non ibit cubitum nisi per duas horas post cibum, & si poterit uel leniter deambulet, uel erectus maneat citra tamen defatigationem. Hæc diligentissime sunt obseruanda, non uno aut altero mense tantum, sed per plurimum tempus, alioqui non tantum non sanaretur, sed etiam in deteriores dispositiones prolaberetur.

Sed præter hanc uiuendi rationem, erit etiam ad reliqua medicinalia remedia accedendum, interq; illud precipue consulo ut bis in anno purgetur, uere inquam & autumno. Purgatioq; hoc modo esse poterit.

R. Floris cassiæ 3 x.

Specierum hieræ simpl. 3 ij.

Cum zuccharo fiat bolus. sumat tribus horis ante prandium. Item

R. Syrupi de cichorea Nicoli sine rheubarbaro

Oxymellis simplicis ana 3 i.

Decoctionis Cetrach

Liquiritiæ

Capillorū ueneris, in aqua bugl. destillatæ 3 iiij.

Misce pro uno syrupo, & sic pro alijs usq; ad septem uel nouem. Sed ubi acceperit duos primos syrupos in purgatione ueris tantum, mittetur sanguis ex basilica dextri lateris usq; ad uncias octo. Postea acceptis nouem omnibus



bus syrupis, accipiat pharmacum, quod erit tale.

R. Confectionis hamech 3 iij.

Oxymellis scillitici 3 ij.

Cum decocto ceterach & polypodij fiat potus brevis. Sumatur in aurora cum custodia. Facta euacuatione ueris abstinebit ab omni pharmaco usq; ad autumnum præter illam tantum terebinthinam, uel pilulas ex terebinthina, de quibus supra locuti sumus. Utetur tantum nonnullis gratis & iucundis confectionibus ad membra contemperanda, sicut est huiusmodi.

R. Zucchari rosacei

Borraginati

Violati ana 3 ij.

Misce, & ponantur in uase mundo uitreo & deaurentur. Et ex hoc electuario sumat semunciam tribus horis ante prandium. Quandoq; etiam loco istius electuarij sumat myrobalanum conditam Chebulam, uel Belliricam, uel Emblicam. Sed quæ attinent ad ipsa loca, hoc est, ad genua, localiter medicanda, non hic describimus in præsentit tempore, quoniam longè melius est, ut sua dominatio, purgetur primò, deinde per multas dies perseueret in uita instituta & in omnibus his, quæ admonuimus. Nam facile potest contingere, ut inde curetur absque aliqua molestia circa genua, à quibus quantum possumus abstinere debemus. Nam nihil est quod magis debilitet iuncturas & præparet ipsas ad omnem defluxum recipiendum, quàm fomentare, inungere & linire. Sed si oportebit, & nos post aliquot menses admonebit, procurabimus ut id quoq; quàm maxime tutò fiat. Vnum hic non omitam, quòd si perfecta purgatione huius ueris quemadmodum ordinauimus,

Mm uellet



uellet huc accedere & accipere aquas thermarum nostrarum & in illis etiam fouere crura, fore illi utilissimum. Vnde consulo, ut eo tempore huius rei gratia omnino Patavium se conferat.

Consult. xcvi. De tumore œdematico  
e vtriusque pedis pro ciue Ferrariensi.

QVANDO aliquis pituita, & succo melancholico suapte natura redundat, non uideo propter aliquam aliam causam esse posse, nisi quia uentriculum habeat frigidiorē, hepar uerò calidius: ita enim pituita in uentriculo plus æquo multiplicatur, sicut in hepate sanguis redditur crassior, & supra quàm oportet excoctus. Quod si etiam caput excrementosum, frigidum, mucosumq; fuerit, non facile cuitabit hic homo morbos, qui uel à melancholico succo, uel longè magis à pituita generari solent, præcipue si incongrua uictus ratio accesserit, & aëris intemperies. Cum ergo hæc omnia de hoc nobilissimo uiro enarrētur, haud ab re esse uidetur, si tumor ille laxus, & œdematicus utrunq; pedem uexet, æstate præcipue, ita tamen ut non sit absq; aliqua caliditate, modicoq; rubore: multitudo enim pituitæ per uenas distributa, & plus æquo multiplicata tandem expellitur uigore facultatis expultricis, et sicut est grauis, & ponderosa, potius ad infimas partes declinat, æstateq; id præcipue cōtingit, nam præterquàm quod in æstate plus delinquit, tum copia potus frigidioris, tum fructuum, crudorumq; olerum, & rerum frigidarum assiduo usu, tum quia nudo uentriculo frigidus aër, & humidus quàm maximè exquiritur, sunt etiam meatus, &

uasa



uasa magis laxa, & ampla, humoresq; defluentes subtiliores: hyeme omnia contraria eueniunt. Non mirum ergo est, si æstate pedes intumescant, hyeme exsiccentur. Sed quod nonnihil caliditatis, & ruboris ad œdematicum tumorem accedat, non absolum est, nam & hepar calidum nonnihil transmittit subtilioris sanguinis pituitæ permixti, quam rem etiam adiuuat calor æstatis. Eandem uidetur habere rationem, cur cum decumbit, aut quiescit, tumor non accedit, & qui accesserit remittatur: ex motu enim constat humores agitari, attenuari, & moueri, in quiete uerò sisti, neq; in prouum descendere. Hæc de causis affectus à me auditi. Curatio igitur dirigenda uidetur contra proximas causas symptomatum. ergo qui generati sunt humores, euacuandi, & auertendi: deinde prohibendum, ne generentur, quod duplicem scopum habet, primus est, ut rectissima uictus ratio adhibeatur, secundus est, ut membra corroborentur, ad contrarios habitus deducendo.

Quantum igitur ad rectam uictus rationem attinet, constat à calore aëris, quàm maximè custodiri oportere, experientia enim comprobatur sub calidiore tantum aëre pedes tumescere. Et non dissimili ratione ab ira quoq; & uehementibus tum animi, tum corporis moribus abstinere oportet, cum experiatur agitatione, & motu eosdem tumores excitari. Consulo igitur, ut superiores potius partes exerceat, ut sagittando lapidem, aut palum ferreum iaculando, prout illi magis gratum, aut uiribus magis commodum, uel magis consuetum fuerit, earum quoq; partium superiorum quotidianas frictions, præcipuè æstatis tempore faciendas consulerem: ita enim auerteretur materia, quæ ad pedes decumbit. Quod si æstatis tempore aërem Ferrariensem

Mm 2 mutare



mutare possit, & ad subtiliorem, sicciorēq; accedere, qualis esset Bononiensis, non parum crederem profuturū. Quod autem debeat esse parcior potus uini subrubri, & bene maturi, ne nimius humor redundet, etiam me tacente facile cogitatu esse arbitror: sicut etiam quod cibi sint offerendi optimi alimentis, & paucarum superfluitatū. Particularem uerò materiam singulorum nimis ineptē hoc loco aggregandam censeo, cum semper magnificus iste uir prope clarissimos medicos sit moraturus. Hac igitur uictus ratione prohibetur generatio excrementorum. Quātum uerò ad euacuationem eorum, qui iam fuerint generati, laudo primò, ut uere purgetur: & si in tumore illo pedum sanguinis aliquod dominium appareat, sicut suspicari possumus ex intellecta rubedine, & caliditate, etiam aliquid sanguinis est detrahendum. Facile enim ex hac annua purgatione abscindetur materia, quæ æstatis tempore ad pedes solet decumbere. In alijs uerò temporibus ad purgationem habeat aliquod familiare, quod facile educat, & leniat aluum, ut corpus minimè excrementosum seruetur, eritq; hoc præcipue necessarium, si fortè aluum adstrictū habuerit. Darem igitur uel hieræ simplicis Gal. de sex rebus scrupulum uel scrup. duos, prout aluus magis, uel minus obediēt. Hieram intelligo ipsas species in pilularum formam redactas, uel rhabarbarum cum saccharo rosaceo, quod mihi magis placeret tempore æstatis. Nec displicet usus frequens terebinthinæ Cypriæ ad hanc eandem commoditatem præstandam. Quantum uerò ad membrorum tum mandantium, tum recipiētium corroborationem attinet, pro uentreulo quidem, & hepate, illius eiusdem hieræ, & rhabarbari usus non tantum leniet aluum, sed etiam



etiam roborabit ea membra naturalia. Pedes uero, qui recipiunt excrementa, ad medium ueris per totam æstatem, alternis saltem diebus abluendos putauerim decoctione rosarum, saluie, nucum cupressi, rasuræ tabularum cupressi, chamæmeli, aliqua etiam salis portiuncula adiecta, ita ut lotio fieret horis matutinis, uidelicet ante prandium. Neque malum putauerim, si post lotionem partes ablutas inunxerit aliquo oleo de citoneis, uel de baccis myrti. Et hæc si modò rectè seruata fuerint, fortè sufficient ad curationem, & præseruationem huius nobilissimi uiri.

Consult. xcvi. De titubatione pedum ex leui vertigine, pro Magnifico Bernardo Nauagerio Senatore Veneto.

Cv'm non possumus curare affectus existentes in hoc Magnifico domino, nisi exquisitissimè cognoscamus ipsos: & quia cognitio nostra incipit ab ijs quæ apparent; primò cōsiderabimus symptomata recitata ab ipso, quæ oportet explicari diligenter. Conqueritur iste Clarissimus dominus de pluribus, & quia olim fuit Consul in Dalmatia, & dum uersaretur circa negotia, & circa lites propter laborem cerebri, inquit se incidisse in imbecillitatem cerebri: & cū postea Venetias accessisset, & mala etiam ratione uictus uteretur, et studio literarum incumberet, iam menses aliquot sunt, ex quibus inuasit eum hoc symptoma, ut uideretur cadere in terram, & cecidisset, nisi teneretur, & habuit immensum. Sed posteaquā sibi consuleret, non sunt uisa perseuerasse, nisi quod iam quatuor menses sunt, in quibus cum quibusdam circumuolutionibus laboraret,

M m 3 raret,



raret, & dum uideret circumuolutiones illas, cogebatur sedere. Nunc uero cum sedet patitur, cum uero surgit, cessat. hæc autem circumuolutio non est cum uertigine multa, nec ita immensa, ut uideatur cadere: sed eam circūuolutionem patitur, ut uix possit scire, an circumuolutio sit: ideo breui tempore perdurat. Dum autem inuadebat eum, iam sunt nonnulli dies, circumuolutio ipsa, inflammabatur facies, & iam à duodecim diebus inflammatur. Et uidi ego ipsum insigniter inflammatum cum leui sudore circa faciem, & cum ambulabat cessabat. nunc cum rubedine liuida circumuolutionem patitur leuem sine causa, & cum ambulat cessat, nec audimus pati symptomata, alioqui perseverarent in capite aliqua præter naturam. Sensus autem omnes tam interiores, quàm exteriores habet acutissimos, & dum percunctamur ab ipso, an percipiat in uentriculo aliquid, dicit percipere ructationes. Sed alia symptomata sunt aduertenda, quia inquit quòd postquam hæmorrhoides fuerunt apertæ, apparuerunt pustule quædam, & ab ipsis mirum in modum læsus est. Præterea inquit, dum iacet, ut pedes suspendantur, nunquam inuadere ipsum symptoma, etsi multum remanserit: dum autem pedes super terram figit, symptoma inuadit. Quantum autem attinet ad excrementa, & quoad urinam est secundum naturam tum quoad colorem, tum quoad residentiam, quia color magis fuluus est. Nec habet colorem illum ualearem, qui indicet bilem esse concoctam, ut inquit Galenus v. 1. de tuenda sanitate, ubi dicit. Cum bilis concocta est, in colorem pallidum transit, cum cruda ruffa est. Et Auicenna secūda fen inquit. Urina aurea arguit in corpore redundare plus bilis, quàm oporteat. Habet præterea

rea



rea urina hæc subsidentiam indicantem adustionem, & arenulas subrubeas habet. Excrementa autem per aluum nigra sunt: ignoro tamen an omnia talia fuerint, cum ampullis, & tumida sunt: & tetigi hypochondrium dextrũ, & percepi tensionem cum flatibus. Hæc sunt quæ præter naturam uisa sunt considerari digna tam symptomata quàm actiones læsæ, quàm excrementa mutata, quia hæc indicant affectus interiores. Inuestigandi ergo sunt intrinseci, & morbi, à quibus proueniunt talia symptomata. Sed quia ordinatè debemus procedere in diuisionibus, ut sciamus lapsum præter naturam ad moderanda medicamēta, & ad præsagiendum maximè facit, si sciuerimus temperaturam totius corporis, omiſſa pro nunc singulorum membrorum temperatura. Et procul dubio plus redundat in isto Magnifico uiro, & plus redundauit calidi, quàm frigidi, & secundum qualitates actiuas per calidum uidetur recedere à temperamento: in passiuis per humidum, ut possit corpus calidum & humidum pronuntiari, & ut dicunt isti sanguineum, quia ex tali temperatura generatur plurimus sanguis. Et hoc ostenditur ex signis, si habitum totius uolumus considerare, redundat plurima carne, & sanguine, & habet colorem rubeum, quia quarto de tuenda uale tudine, color indicat humorum dominium, nisi in profundo latuerint. Igitur temperatura calida & humida sanguinem indicat. Præterea ex operationibus naturalibus hoc idem attestatur, bene concoquit, & reliqua naturalia opera bene exercet, quæ per calorem innatum, qui humidus est, fiunt. præterea operationes cerebri caliditatem indicant cum humiditate, quæ non superat caliditatem, sed bene præfuit et dominatur humiditati: ideo bo-



nus discursus est. pulsum præterea habet plenum magnū,  
 & excandescit, licet facile sedetur, quod indicat calidita-  
 tem & humiditatem. Ideo ex operationibus omnibus faci-  
 le eliciemus, & ex habitu faciei, & ex pilis, qui non sunt  
 nigri, nec rufi bilem attestantes, esse sanguineam tempe-  
 raturam. Ideo iudico ego corpus hoc secundum totū plus  
 calidi, quā frigidi habere, & plus humidi, quā sicci, &  
 habere corpus tale, talem à natiuitate temperaturam. His  
 ita constitutis cū talia symptomata apparuerint, & pri-  
 mō circa corruptas imaginationes cerebri, quia quod ui-  
 deatur circumuolui, aut non posse sustineri, sine dubio  
 est operationis cerebri læsio. Sed quæ operatio lædatur,  
 nolo disputare, utrum lædatur imaginatio, uel sensus com-  
 munis, an exteriores sensus. Dixerim ego unam lædi, &  
 esse phantasticam uirtutem, quia potest contingere quod  
 imaginatio corrupta sit, & sensus reliqui incolumes sint  
 præter uisum, quia spiritus deferuntur ad oculos, qui cum  
 uentriculis cerebri sunt communicantes: ideo patiuntur.  
 Si autem esset passio sensus communis, paterentur etiam  
 exteriores: nisi magnum sit symptoma, tum compatiun-  
 tur, & priuantur, ut in epilepsia, & in apoplexia uidetur  
 accidere, quia morbi isti sunt affines, & difficile est, quod  
 separetur unus ab alio, sicut hæsitauerunt medici Veneti, ut  
 patet ex eis quæ ordinarunt. Iudicarunt enim dispositionē  
 hanc esse in consinio cum epilepsia. Tale ergo symptoma  
 est uirtutis imaginatiuæ, ad quam reliquorum sensuum &  
 interiorum, & exteriorum sequitur læsio, cū inualefcit  
 causa. Materia uerò faciens symptoma, & locus affectus  
 consideranda sunt. Locus affectus sunt uentriculi antero-  
 res cerebri: materia uerò & causa proxima faciens sym-  
 ptoma,



ptoma, ut à Galeno & ab Hippocrate probatur, sunt uapores agitan-tes, & mouentes inordinate spiritus existentes in ijs uentriculis : & agitatio illa est causa formalis, et essentialis, quia uertigo nihil aliud est, nisi motus inordinatus spirituum existentium in anterioribus uentriculis. Tale ergo est symptoma, talis locus affectus, causa proxima uapores. Quid modò moueat uapores, an generentur in cerebro, uel aliunde generentur : in cerebro quidem ueluti ob malam temperiem cerebri, uel ob materiam crassam existentem in cerebro. Cum à mala temperatura generantur, fit quia agit diuersa, & fit motus inæqualis humorum, & ex eo motu agitantur spiritus, & fit symptoma. Materia autem crassa causa est uaporum, uel propter causas extrinsecas, cum à caliditate aëris materia agitur & incalcescit, & ex illa excitantur uapores : uel à nimio motu, uel ab agitatione exercitij, quia materia agitur, & uapores agitant spiritus : uel ab intrinsecis, ut sunt cogitationes molestæ, ex quibus agitantur spiritus etiam animales intrinseci ex discursibus & fiunt uapores : uel ob medicinam, aut cibum calidum, ratione cuius fiunt uapores, & eleuantur, & spiritus exagitantur. Vel aliunde deueniunt, tunc aut à stomacho, aut ab alijs membris, uel à toto. Materia autem faciens tales uapores per consensum, potest esse sanguis & subtilis, & crassus, potest esse pituita, bilis, humor melancholicus, & mixtus. Ex hoc igitur discursu habemus cognitionem essentiae morbi. Et si declinet uersus epilepsiam, in ista inclinatione licet lædatur magis, & fiant maiora symptomata, ab eadem causa fiunt : ideo non discedimus in discursu à confinio. Cum ergo ita sit, quid iudicandum est esse in causa Magnificum  
hunc



hunc uirum tantis symptomatibus laborare? Non habemus signa, ut dicamus uapores istos esse in cerebro, & in cerebro generari, quia signa quæ indicant primogenium affectum esse in cerebro, sunt grauitas perseverans, capitis dolor, oblesio sensuum interiorum & exteriorum, quæ cum non fuerint in hoc nobili, non est dicendum cerebrum per protopathian lædi: ergo erit per consensum ab inferioribus. A' quibus igitur? procul dubio licet credam aliquid à uentriculo eleuari, non tamen totum, quia non habet morsum cordis, nec mordicationem percipit: non negauerim tamen non esse aliquid, quod non eleuetur. Sed cum consideramus temperiem calidam, & humidam hepatis, & timeat de proprio affectu. Et quia est multæ carnis, et abundat calore, & feruido, & sanguine calido, habet cerebrum calidum, & Galenus dicit in tertio de locis affectis, nullum corpus magis paratū ad excrementa multiplicanda in cerebro, quàm corpus sanguineum, & calidi capitis & uenarū, & hepatis: talia corpora non possunt liberari à talibus symptomatibus, & cerebrum factum est debilius, quia existente ualido membro non recipit aliorum excrementa, imò repellit: cum uerò imbecillius redditur, cum non possit resistere, recipit excrementa. Sed cum cerebrum ante septem annos ualidum esset, repellebat excrementa: sed cum in maiorem debilitatem incidit, recipit excrementa, & patitur affectus: nō tamen ita debilitatum est, ut multum suscipiat. Sed quæ materia, & qui uapores, an à pituita eleuentur, & uapores crassi sint, an à sanguine, & tenues sint? Crediderim ego uapores fuisse tenues, & à subtiliori parte sanguinis, & bilis eleuatos. A' calidis igitur, & subtilibus uaporibus affectus



Atus prouenit, quia leuem uideo esse uertiginem, & non apparent tenebræ. Ex leuitate autem spirituum subito euaporant, nec tenebras patiuntur, quia non sunt uapores crassi à pituita eleuati, ut in hypochondriaca passione contingit, in qua turbescunt spiritus non nisi à uaporibus crassis. Cum ergo non appareant tenebræ, sed subito quædam reuolutio citò transiens, sunt igitur leues, & tenues uapores subito euaporabiles. Cuius signum est cum sedet ascendant uapores, quia cum non mouetur, non diffillantur: sed cum mouetur, excitatur uirtus per motum, & discutuntur. Est etiam aduertendum aliud symptoma, cum suspensos tenet pedes non patitur, cum uerò figit in terram, patitur symptoma hoc. Causa huius esse potest, quia sanguis decumbit ad illas partes, & præ multitudine sanguinis obstruuntur uiae, & fiunt obstructions, & stupores etiam illi, qui formicæ dicuntur. Cum ergo suspenduntur pedes, declinat ad illas partes sanguis, & humores, & uapores non ascendunt. Præterea quòd calor, & uapores calidi ascendunt ad cerebrum, habemus indicium, quòd ex quo habuit illam phlebotomiam uiolentam factam per hæmorrhoidas, dico uiolentam, quoniam cum non sint ibi foramina, fit uiolenta, & si adsunt, adeò constricta sunt, ut sanguis tantum uaporosus, & spumofus exeat subtilis admodum uiolenter extractus, & crassiores partes remanerent. Et ideo non apparet amplius in facie rubor, nec inflammatio, sicuti prius apparebat, quia non ascendunt uapores subtiles. Et quòd sanguis crassus remanserit, indicant pustulæ illæ, & in urina color rufus: & hoc credo post phlebotomiam apparuisse, quia in corpore est maior caliditas, & propter accidentia animi. Cur uerò hypochondri-



chondrium dextrum appareat subtumidum, hoc est, quia abundat pituita, quia corpora humida facile incidunt in multiplicationem pituitæ, maxime cum causæ extrinsecæ concurrunt, quia habuimus in uere turbulentiam aëris, & nubilosum uer multiplicauit pituitam, quia crassiores spiritus redduntur, & corpus frigidius fit pro ratione temperaturæ: ideo abundat pituita. Et quia habet membra tendentia ad humidum, multiplicata est etiam in cerebro: ideo patiebatur grauitatem, quæ cessauit, postquam per nares exiuit: & quia ad uentriculum descendit, etiam potuit obstructions fecisse: ideo apparent adustiones plurimæ, quia sanguis calidior factus est seipso, & pars subtilior euacuata per hæmorrhoidas. Et hæc sunt causæ symptomatū. Id autē quod trahit curationē ad se, est symptoma apparens in capite. quoad febrem non percipitur, nec aliud nisi de pustulis conqueritur, de quibus non debemus esse solliciti in curatione. Stantibus ijs causis, quid credis tu posse contingere? Minimē dubium est, si consideremus perseuerantiam symptomatis, credendum est imbecillitatem factam esse in cerebro, & fortē intemperies iā fixa est, quia uidetur labi ad frigiditatem non solitam, siue ab aëre extrinseco, siue ab impressione contingat, dies indicabunt. Siue igitur à causa extrinseca, siue ab intrinseca intemperies maior reddita est, & iam cerebrum incipit pati per essentiam, difficilis erit curatio. Præterea redundat sanguis in corpore calidior euaporabilis, & hæc temperies cum sit difficilis, ut remoueatur, difficilis etiam erit curatio. Credo tamen quod diligentia nostra poterit curari, & maxime quia faciet quicquid imperabitur pro salute sua. Pro curatione igitur huius symptomatis siue sit  
mera



mera uertigo, siue dispositio ad ipsam, siue dispositio media inter uertiginem, & epilepsiam, quicquid sit, crediderim in duobus principaliter consistere curationem: primò ut prohibeamus uapores, ne ascendant: secundo ut corroboremus caput, ne recipiat. Prohibebuntur uapores ascendere, si prohibebimus generari: secundo ut materia iam genita pro uaporibus, educatur, & auertatur quàm longissimè. Credo si hæc tria fient, prohibebuntur uapores ascendere: deinde corroborabitur caput cum moderatè refrigerantibus, & exiccantibus. Quoad primum pro prohibitione generationis uaporis circa rationem uictus studerè, & prouiderem, ut cibaria essent pauci alimenti, & non plurimi, quia calorem habet plurimum concoquentem etiam carnem porcinam, & optimè. oportet igitur ut abstineat à multū nutriētibus, & à pane nō bene fermentato. Carnes uituli porcinasq; euitet, & ab omnibus, quæ plurimum nutriunt: à leguminibus, & ab ijs quæ multum, & malum præstant nutrimentum, summopere abstineat, à lacticijs, à pastillis, & ab omni genere piscium, præterquàm à saxatilibus. Pullorum iuuenum caro & auium quæ degunt in campis, & hædina, uel uitulorum paruarum alterata cum frigidis succis, ut cum succo agrestæ probatur, & utatur succo granatorum, citriorum, ubi stomachus toleraret, et tandem quæ parū nutriūt essent laudabilia. Et si cibis Arabum ex lētibus cum aceto decoctis uti possit, illi mihi non displicerent: sed quia non sumus consueti in his, dimitemus illa. Ptisana etiam hordeacea conueniret. Præterea uina paucifera alba, quæ prouocarent urinas, essent conuenientia, & uellem ut diureticis uteretur, quia diuerterent ad alias partes, & non generaretur plurimus



plurimus sanguis : & uinum sit potius acidum , & austereum , quia non multum nutrit , & urinam prouocat . Dein de declinet potius ad uigilias , & à somno diurno caueat . Præterea prouideat ut habeat beneficium alui . Utatur frictionibus assiduis , & maxime inferioris partis : ideo post cœnam fricarentur pedes , cum uadit dormitum . Diœtis uos in podagram incidet : utinam , ut caput defendatur . Præterea utatur in mane exercitio temperato , & multum ambulet post frictiones . Caueat ab omni excessu circa operationes animales , & maxime circa studiũ literarũ , à quo absteineat . Quoad coitũ uellem ut uteretur aliquando , non tamen multum agitante , tanquam re excernente superfluũ & maxime ante cibum . Et hæc quantum ad sex res nõ naturales , & non multiplicetur multum sanguis . Quoad medicinas hoc corpus , quia maxime tolerat phlebotomiam , & pharmacias , uellem ut ijs duobus uteretur auxilijs . Quoad missionem sanguinis , quia iam fuit euacuatus , dimittemus eam . Laudarem & euacuationem toto anno : & medicinæ essent illæ quæ purificant sanguinem , & euacuant : primò esset cassia , quæ humores crassos adustos , bilem & pituitam euacuat . Uteretur etiam rhabarbaro , quia aperit abstergit , & euacuat . Uteretur etiam syrupo rosato solutiuo , agarico præparato præcipue propter dominium pituitæ nunc generatæ . Et acciperetur cassiæ uncia , agarici præparati sesquidrachma : & interpollatis diebus sumat hanc medicinam , quandoque rhabarbarum , quandoque syrupum rosatum solutiuum , & zucarum rosatum cum rhabarbaro in diebus calidioribus æstatis . Transactis diebus æstiuis pilulis uteretur ex hiera simplici , agarico , & rhabarbaro , quæ possent dici de tribus ,  
nisi



nisi quòd loco aloës ponitur hiera simplex. Hæc euacuant uentriculum, obstructions remouent, & à capite euacuant. Placeret etiam syrupus acetosus multæ acetositatis cum aqua pentaphylli, aut acetosæ, quia in pentaphyllo est uirtus exiccandi, & prouocandi urinam: acetosa etiam corroborat cor, refrigerat, & exiccat intemperiem hanc: syrupus etiam de acetositate citri, & quandoq; alterando perseuerarem: & quandoque dictis uteretur medicinis, quia optimè tolerabit. Et hæc quoad euacuationē, quæ fuit secundum institutum, ut prohiberentur uapores. Tertium institutum propositum est, ut fierent auersiones uaporum, & quod mihi præcipuum uidetur, est quòd omnino fierent cauteria in cruribus, & si quod corpus accipiet iuuamentum hoc erit: si enim à suspensione pedū accipit iuuamentum, quid recipiet à cauterijs? Etiam in hæmorrhoidibus sperarem, si fieret apertio: sed fallax est apertio hæc, quia in prouocatione per sanguisugas non est usus: sed quia aperiuntur uenæ, ex apertione illarum: & si hoc fieret, optimè res se haberet: si non, non succedit, quia subtilior pars euacuatur, & crassior remanet. hæc de auersionibus. Dicetis uos, tu igitur uelles in hoc iuuenem tam magna remedia facere? utique, quia dicit Galenus v. methodi: cum magnæ sunt ægritudines non modò præsentēs, sed futuræ, si à leuioribus uolumus procedere, longum paramus ægroto interitū. Cum ergo accidens non sit ita leue, sed suspicio est de epilepsia & apoplexia, ideo plurimo studio oportet prouidere. His omnibus factis, siquid esset tentandum, nisi perseuerarent catarrhi, esset considerandum an conuenirent balnea Calderiana, quia rectificant caput, refrigerant, & prouocant urinam, & adustiones  
remouent



remouebuntur, & obstructiones, & pustulae: estq; maximum remedium pro adustionibus, & tunc non eleuabuntur uapores, quia in hoc corpore est maxima dubitatio de sanguine adusto. De Patauinis non dicerem, nisi fieret maior lapsus. Et quia aquam ligni Indi proposuerunt medici Veneti, non laudarem eam, quia cum uteretur uictu tenui, & aqua exiccaret, quare exiccarentur humiditates, per accidens iuuarent: ideo in ea nihil sperarem. Quoad corroborationem capitis, credo quod optimum erit corroborare prohibendo uapores ascendere: & factis euacuationibus optimum esset zuccharum rosatum, & cōfectio tria sandali, & myrobalani conditi chebuli, quia mirum in modum corroborarent caput, & uentriculum. Similiter ex linimento, ut Galenus facit, inungerem caput cum oleo rosaceo, & inijcerem in auribus, & puluisculis ex sandalis, myrtis, rosis, & sandaracha ad reprimendum, & refrigerandum spargerem super caput odoramenta ex sandalis, rosis, uiolis, nenufare, camphora, & cum aceto rosaceo in sindone uteretur, & odoraret. Et ista uia procederem. Multa alia essent dicenda, sed haec exempli loco sufficiant, ut habeantur.

Consult. xcix. De luxatione pedis, pro Illustrissimo puero Germano.

NEMO potest dubitare situm & figuram pedis Illustrissimi pueri luxatione corrumpi, & ab eadem causa motum quoque impediri. Quae uero ossa sunt laxata? Credimus primò illa esse, quae sunt in pectine pedis, deinde os clauiculare, tertio talum, quarto os calcanei. Et haec omnia



omnia expresse patitur ex ipso modo impedimentali motuum, & ex figura uitata, ex ipso situ & locis ubi apparet luxatio. Causas extrinsecas quidem pro comperto non habemus. Intrinsecæ uerò quæ aduenerunt, fouerunt & auxerunt luxationes, humorem crudum & uiscidum opinamur esse unde ligamenta laxentur, ossa lubricentur, & lubricata coarctentur. Cruris uerò gracilitatem non modicam credimus maxime fieri ab humido nutrimentali nimis exiccato, ita ut etiam periculum immineat, ne pars quoque radicalis humidi exaruerit, scilicet ob laboriosum impotunumque motum in ea parte excitatum. Indicio est quod tum maxime arefieri incepit, et deterius habere, cum uacabat choreis. Curationem arbitror quidem difficilem & arduam admodum: nihilominus tentandam consulo. Si enim puer ille generosus pati uoluerit, forte curatio non erit omnino difficilis uel impossibilis: est enim adolescentia plena spe. Primo igitur esset illi diligentissima uictus ratio proponenda, & ut ille cum toto crure maxime custodiretur à frigore, optimeque muniretur, ea tamen ratione habitata ne nimis incalescant: si tamē ad alterum declinare oporteat ad calidum potius declinet. Parcat computationibus, uitet epularum multitudinem, unico cibo sit contentus: fugiat pastilia, lactinia, fructus, pisces præsertim palustres, carnes porcinas, bubulas, & omnes antiquas. Persuadeatur ut quàm creberrimè sicut esset bis in septimana uel semel saltem, tantum rhabarbari manderet, ac degluteret, quantum est scrupuli pondus: si enim hoc fecerit nullo alio medicamento indigebit soluente. Circa lutum sancti Bartholomæi pro materia illa uiscida resoluenda, quæ circa luxationes adheret, laudo quidem, sed ea lege, ut toto



eo tempore quo extra lutum moretur, liniatur locus oleo amygdalarum dulcium, uel adipe suillo recenti sine sale, uel butyro recenti, uel oleo camomillino. Post experientiam factam huiusmodi lutum applicanda, pro ijs materijs quæ adhuc relinquentur, laudo fomentum lapidis pyritidis, ita ut prius mollificetur locus cum linimentis paulò antè recitatis. Deinde altero quoque die excipiat fumum lapidis pyritidis crebrò agitando & mouendo, quemadmodum Galenus præcipit. Valet etiam ad resolutionem simul, & mollitionem hyssopi ceratum ex descriptione Philagri: frequentissime tamen utatur lotionē facta ex ramētis cupressi, rosis siccis, camomilla, salua, & betonica, ualet enim ad resolutionem materiei, exiccationem & corroborationem loci. Pro crure alendo suaderem, ut minimè laboraret, & manè modicè fricaretur, deinde delinirentur oleo amygdalarum dulcium, uel medulla recenti cruris uituli, & uteretur optimis alimentis pro cibo. Quòd si contingat, ut materia in loco luxationis contenta maxima ex parte dissoluatur, tum poterit tentare restorationem luxatorum ossium non quidem uolenter aut confertim, sed suauiter et paulatim cum hastulis mollibus ac planis, & cum ligaturis commodè ab optimo chirurgo situm ossium naturalem intelligente perfectis. Quia nos puerum sine consensu tutorum propter calores, & imbecillitatem etiam ac teneritatem corporis ad thermas mittere nolumus. Consulam ut accipiat duas uel tres etiam uncias syrupi rosati solutiui, cum modico aquæ betonice. Pes luxatus leniretur bene cum decocto camomillæ, & deinde supponeretur ceratum hyssopi ex descriptione Philagri, ac singulis diebus semel innouaretur. Crus manè leuiter frictum inungere-

tur



tur oleo amygdalarum dulcium, & quietus uiueret. Singulo octiduo semel masticaret rhabarbarum, ut supra.

Eidem consuluit abeunti ex Italia in Germaniam hæc quæ sequuntur.

C V M laudauerimus in hoc præstâtissimo puero post purgationem ueris, usum thermarum, ita ut fumo & luto humores fouendo quæreret discussionem materiæ & locorum corroborationem: ipse autem ob urgentia negotia cogatur in Germaniam proficisci, petit ut thermarum loco aliquid proponam quod idem præstare possit quod ipse thermæ. Dico igitur, postquam in patriam redierit, atq; ibi animo & corpore aliquandiu quieuerit, optimum fore ut rursus expurgetur. Neque enim probabile est tantum itineris confecturum, quin in ratione uictus non delinquat plurimum, atq; inde rursus non aggreget crudos & deprauatos humores. Est autem omnino contra rationem loco adhibere resoluentia, & exiccantia remedia nisi primò totum corpus fuerit expurgatum, alioqui longè plus humoris attrahetur, quàm resoluatur. Facta ergo purgatione postquam animo & corpore quieuerit, nullo tēporis spatii interposito parabit infra scriptum remedium. Primò duobus aut tribus diebus loca tumentia illinet cum adipe porcino recenti, hoc est eiusdem anni, non saliti admixto oleo amygdalarum dulcium ac butyro etiam recenti: illinet autem singulis diebus bis, mane inquam & sero. Tertiò die accipiet quatuor aut quinque frusta ad magnitudinem oui lapidis pyritæ, quem uulgò marchesitam uocant. quòd si haberi non poterit, eius loco sumet frustum lapidis

N n 2 molaris



molaris noui, & aquam non experti, quæ sit eiusdem magnitudinis, quæ iniiciet in ignem ex carbonibus accensum, habebitq; uas ad id præparatum stricti orificij aenei, quælia sunt ea quibus utuntur tonsores ad lixiuium deferendum, in quod uas aceto semiplenum infundat repente tantam copiam eorum lapidum ignitorum, ut fumus sufficienter exhalet: quem fumum totum diligenter excipiat circa tumores adiectis undecunque pannis operientibus, ne fumus per alias exhalet: & dum incalcescent partes tumefactæ, per illum uaporem semper agitabit crus hinc inde mouendo, tandiuq; illum fumum admittet, quandiu partes exudent tumorem ab intrinseco. Deinde locum abluet aqua calida, in qua decocta sit camomilla, & rosæ siccæ, & absterget leuiter panno lineo calido. Vltimò inunget eodẽ linimento paulò antè descripto, & per duos adhuc dies eodem modo bis singulis diebus mane & sero idem repetat. Deinde tertio die ad illud idem suffumigium redibit, ita ut alternatim repetẽdo per quindecim dies aut et uiginti. Postea quiescet, & si curatus fuerit bene erit: sin minus interim quiescet donec autumnalis purgatio accesserit, qua purgatione facta statim tentabit illud idem fomentum uel suffumigium, deinde quiescet usque ad uernam purgationem. Denique nunquam cessabit ab iisdem remedijs itidem repetitis, donec sanitatem acquirat. Neque enim est descendendum ab ijs quæ inter initia rectè fuerint instituta, etsi non successerit, quemadmodum optime consulit Hippocrates. Estq; illi omnino præsupponendum, quemadmodum etiam in consultatione admonuimus, ægritudinem longam fore, & perseuerantia esse peruincendam, in qua sola est cum diuino auxilio spes ponenda cum firma opinione. Nihil



hil enim deterius huic & omnibus alijs chronicis ac diu-  
turnis morbis, quàm crebra mutatio sententiarum & re-  
mediorum. Hoc igitur admonere uolui tanquam rem for-  
tasse præ reliquis omnibus maxime opportunam.

Consult. c. De præseruatione à podagra, pro  
nobili viro, domino Mathia Zesz Consu-  
le L. Polono.

VIR nobilissimus atque prudentissimus agens annum  
ætatis quadragesimum secundum, habitus corporis optimi,  
petit à nobis consiliū, quomodo toto tēpore uitæ suæ effu-  
gere possit podagram, non quòd eā iam patiatur, sed quòd  
timeat, ne declinante ætate, & calore decreseente in eam  
incidat, propterea quòd aliquando (ut nobis refertur) le-  
ui destillationi subiiciatur. Cū igitur quærat modū præ-  
seruationis à podagra futura, consiliū meum est, ne quid  
magni moliatur sub hyeme, quæ iam iam aderit, sed habito  
bono regimine uictus in sex rebus non naturalibus, leuibus  
aliquibus pilulis utatur, quæ paulatim educant materiam.  
A uino si abstinere posset, optimum fore iudicarem: ad sa-  
nitatem enim esset certa uia. Sed quia id durius uidebitur,  
cū sit assuetus uti optimis uinis, tunc saltem accipiat qua-  
tuor metretas aquæ, in quibus coquat quatuor cistellos  
saluæ, & totidem betonicæ, donec remaneant tres ma-  
stelli aquæ, quibus deinde facta diligenti expressione addat  
octo mastellos uini albi bene maturi, & simul bullire per-  
mittat, idq; postea bibat. Abstineat à piscibus, fructibus,  
leguminibus, casco, & omnibus præter carnem uitulinam,  
pullorum, auicularum montanarum, oua recentia, panem



in brodio, panatellam. His contentus uiuat ad minus per annum. cum sua coniunge honestissima non nisi à natura stimulatus, & ieiuno stomacho uersetur. Ab aëre maxime nocturno fugiat, & diurno etiam crassiore. Muniat caput contra uentorum & aëris iniurias. Ad præseruationem uero utetur his pilulis.

℞. Aloës optimæ

Rheubarbari electi

Agarici electi, & lenis

ana 3 ij.

Garyophyllorum

Nucis muscatæ

Sandalorum citrinorum

Rosarum rubearum

ana 3 i.

Myrobalanorum chebulorum

3 i.

Puluerizentur omnia per se, deinde misceantur, postea aspergantur succo Iuæ arteticæ, & permittantur exsicari, & ita iterum usq; septies fecerit, postea cum syrupo de betonica fiat magdaleon. De quo singulis uicibus fiant pilule tres pro singula drachma. Et hæc erit tota ratio præseruationis à futuro morbo, quem timet, & ab alijs plurimis ab eadem materia oriundis. Rursus quia dominatio sua petit consilium præseruatiuum à calculo pro quodam amico suo; idcirco dominatio sua, ut à calculis se immunem omnino reddat, operæpretium est, ut in sex rebus non naturalibus rectè se gerat. Nihil ergo comedat, quod humores generet calidiores, uel pituitosos, omnia sint εὐκράτα & temperata, media inter crassum et tenue. bilis enim à siccis & calidis cibarijs, pituita à frigidis & humidis originem sumit. Oportet igitur cauere à calidis, frigidis, crassis & tenuibus, ne Scyllam fugiendo incidat



incidat in Charybdim. Temperatè itaq; edat & bibat. Et quia nemo tam prudens est, quin cadat aliquando, prouidendum est ut præueniat purgando eos humores, qui apti sunt causare huiusmodi malum, & corroborando membrum, ne facillè generet, & recipiat facillè. Cum quo instrumento? Optimum est ex rhabarbaro & agarico, admiscendo aliquid myrobalanorum et aliquid temperatum, quod facillè pertranseat ad uias urinæ, ut cinnamomum cum semine melonum. Exempli gratia.

R. Rheubarbari 3 iij.

Agarici electi 3 ij.

Cinnamomi

Myrobalanorum

Semini melonum ana 3 s.

Semel in septimana utatur. Si calculus effectus sit, necessarium erit illicò mittere sanguinem à poplitibus, quibus nunc non utimur, sed saphenis, facta diuersione cum ijs quæ leniter euacuant, ut cassia: postea adiungatur cassiæ agaricus. Si esset in renibus, utatur oxymelite & aqua mulsa. Nunquam frigidis, nunquam calidis procedendum consulo, sed semper temperatis & incidentibus: quoniam terreum, quod à calido coagulatum fuerit, ut lateres, non à calido, nec à frigido diluitur facillè, ut Aristot. II. meteor. testatur. Quare non possumus progredi, nisi cum incidentibus, quibus minuuntur. Admisceatur igitur oxymel cum aqua mulsa. His omnibus diligenter & exquisitè obseruatis, credo quòd D. sua non solum à calculis quos timet, præseruabitur, uerum etiam à grauissimis morbis uindicabitur, cum auxilio Dei optimi maximi, cui soli honor, gloria, & imperium in secula.

Nn 4

ADDIS



## ADDITIO.

Aduertendum est, consilium xxviii. De uertigine, & tinnitu aurium antiquo, inscriptum pro nobili Polono, non legendum Polono, sed pro Bohemo. Erratum uero hoc nominis, notarius intulit. Huic uero Bohemo non conferentibus remedijs in consilio positis, instituit puluerem sequentem capiti inspergendum.

℞. Laudani electi 3 iij.

Spice

Stoechados

Maiorane

Roris marini

Asari ana 3 i.

Puluerizentur minutissime & inspergantur capiti. Laudauit etiā usum Alexandrinæ aureæ. Pro potu uero.

℞. Cinnamomi electi 3 ij.

Anisi 3 iij.

Zucchari 3 iij.

Decoquantur in aquæ communis lib. vi. ad tertias. Visu tenui utendum consuluit. Sed quoniam facta est mentio Alexandrinæ aureæ, ideo operæpretium nos facturos arbitramur, ut hoc loco studiosis communicemus examen illius à Montano factum, quod licet sit imperfectum (nam alijs studijs Montanus occupatus, perficere id minimè potuit;) nihilominus studiosis non mediocriter profuturum arbitramur: quoniam habebunt decem scopos propositos à Montano, in medicamentis cōpositis semper spectandos.

Alexan=



## Alexandrinæ aureæ examen Montani.

Antequàm descriptionem propositam aggrediar, pauca quædam præfari oportet, ut in componendis medicamentis antiquos medicos multum operæ, artis, & studij posuisse intelligamus. Medicamenta ergo quæ ore sumuntur, uaria nomina habuerunt: aut ab usu, ueluti stomachica & arteriaca, quoniam gulæ & arteriæ usui sunt, hoc est medentur: aut à modo sumendi, qualia sunt dicta eclegmata & catapotia, illa quidem lambendo capiuntur, hæc uerò deuorantur, & deglutiuntur: aut à forma, ut sunt trochisci, Latine pastilli figuram rotæ referentes: aut ab excellentia uirium, ut medicinæ, quæ uocantur hieræ, hoc est sacræ, quia uenenatis succis corpus liberant & purgant: aut à multiplici usu, sicut sunt antidoti, quæ propinantur aduersus genera plurima morborum. De his ipsis postremis sum uerba factururus: quoniam confici non potuerunt, nisi à uiris præstantissimis & medicæ facultatis consultißimis: postulant enim hæc medicamenta mirabilem artem componendi. Componuntur autem tripliciter de causa, ut scriptum reliquit Galenus in libro de antidotis: uel aduersus uenena, quæ aliquo malo fato sæpe dantur et potantur: uel contra eadem, quæ foris corpori admota officiunt: uel ut aduersentur humoribus uitiatis, qui sæpe sic efficiuntur noxij, ut non minus noceant quàm uenena, quemadmodum tradit Galenus libro v. de locis affectis, ubi loquitur de signis ueneni: uel ob tres hasce causas, quas nunc attuli. Ortum porro habuerunt à regibus, & principibus, quale illud est, quod Mithridaticum appellatur:



pellatur : nam Mithridates Ponti rex medicamenta componi sibi iubebat, aut ipse excogitabat (reges enim medicæ artis semper fuerunt studiosi) aduersus uenena, deinde sceleratis & nocentibus, quos in carceribus detinebat, uenum propinabat, mox medicamentū aduersus ueneni uim, ut experirentur quid posset præstare. Quid nōne etiam tempore Neronis Imperatoris Andromachus medicus mira arte composuit theriacam aduersus omnia uenena : ex quo factum est postea ut Andromachi theriaca uocari cœperit. At uerò hæc nostra antidotus, de qua in præsentia sermo habetur, aduersatur prauis uitiatisq; humoribus. Aurea uulgò dicitur, ab auro quod ingreditur eius compositionem : cognominatur itidem Alexandrina, ab urbe insigni Alexandria, ubi confecta est, eo sanè tempore studia bonarum literarum florebant, atque à Ioanne Grammatico, & Simplicio, reliquisq; philosophis excolebantur. Hæc sanè antidotus multa præsidia promittit : capitis dolorem sedat, oculorum lacrymas sistit, dolores dentium leuat, prodest morbo comitiali, insania liberat, omnibus affectibus capitis medetur, tabidis auxiliatur, sanguinis uomitum cohibet, paralytim medicatur, laterum uiscerumq; morbos depellit, calculos comminuit, urinæ stillicidio, & difficultati magno est usui, confert ad uteri affectus, ad febres tum tertianas tum quartanas, ad apoplexias, ad epilepsias. Mira profectò sunt, quæ pollicetur huiusmodi antidotus : sed utrum recipere possit, quæ pollicetur, decem capita sunt considerata à nobis, ne reliquæ antidoti in posterum nobis possint imponere. his enim exploratis, facilis erit gradus ad alias omnes dijudicandas. In primis scopus qualis est ipsius antidoti est cognoscendus :



dus : deinde perpendendum utrum ea ex quibus componitur antidotus , commoda & utilia sint ad illum scopum : deinde facultates omnium medicamentorum , ex quibus consurgit , sunt ad artificis stateram perpendendæ : deinde deligenda sunt medicamenta & contemplanda , quæ feliciter commisceri possunt , ut harmonia antidoti bellissime constet : deinde conferendæ sunt rationes ponderum & proportionum , utrum casu & sine causa , mensura seruata sit , an arte & ratione : deinde ex huiusmodi commixtione inuestigandum est forma ne naturalis an similis naturali consurgat : deinde scrutandum est , quomodo medicamenta quando miscentur , fermententur , & quot sunt genera fermentationis , & quid est fermentatio : deinde quomodo simplicia , hoc est herbae præparantur , id est , quæ erit proportio humidorum corporum & siccorum , id est , medicamentorum , ubi sese offerent nobis innumerabilia penè errata pharmacopolarum : deinde utrum dosis proposita ab hoc authore semper seruanda est . Erit ad extremum statuendum utrum hæc antidotus , quæ ex tot dissimilibus rebus componitur , possit stare promissis . Scopus itaq; , ut singula capita paucis uerbis amplectar , huiusce antidoti est , ut capitis morbum ante omnia oppugnet , & oppugnet quidem , ni fallor , quoniam uera est antidotus , cuius principalis scopus , id est , operatio nunquam impeditur . Cæterum omne medicamentum componitur , sumpta semper indicatione à morbo , quem depellendum aggredimur . Cum ergo in præsentia capitis morbus , & quidem diuturnus curatur , uerisimile est caput laborare frigida intemperie , unde multa recrementa affluant necesse est , quoniam actiones naturales sunt infirmæ , id est diminutæ . In primis  
igitur



igitur exhaurire recrementa operæpretium est, quò facilius caput mala temperie liberetur. Ergo prius perpur-gato corpore, si purgatione erit opus, rebus quæ habeant concoquendi facultatem uti proderit, non ijs quæ euacuent, id est, educant excrementa. Vim autem concoquendi obtinent, quæ non transgrediuntur secundum ordinem caloris, qualis crocus, myrrha, bdellium, styrax. Quare crassa recrementa attenuabis, tenacia detergentur, lenta incidentur: detergent amara, incidunt sicca calidæ tertij ordinis & tenuium partium. Ut primum incideris, dabis operam, ut diffilentur: id tibi præstabunt ea quæ sunt moderatè calida, ut myrrha. Verùm enimvero quia assiduus ille usus rerum calidarum & siccarum sæpe adigere potest ad uigilias maximas; ideo admiscere frigida perutile erit, qualia sunt illa, quæ somnum cõciliant, in quorum albo est opium, id quod exemplo Antonini imperatoris facile cognosci potest, qui ab assumpta theriaca, etiam iurando populis, non leui somno corripiebatur, propterea quòd commixtum erat opium. quare sine opio rursus sibi parari iussit, ex quo postea factum est, ut somnum captare nequiuert. Itaq; suæ salutis & commodis corporis consulens, repetendum opium & recipiendum in theriacam uoluit, indeq; somnum cepit, quemadmodum commemorat Galenus in libello de antidotis. Quantum ad auctoris scopum attinet, hoc unum apud omnes constat ad frigidum capitis affectus hanc medicinam fuisse confectam, unde & uulgare de ipsa circumfertur, Aurea quando datur caput à languore leuatur. Sed quoniam antidotus est, et antidoti (ut docuimus in præcedenti lectione) non habet popularem & festinatam compositionem, sed eo artificio confici



confici solent, ut dum membro uni consulunt exquisitissime obseruent, ne prorsus ullum impedimentum uel in ipso membro genitū, uel aliunde transmissum suo consilio possit obstare. Vnde necessarium est, & magnum numerum simplicium in compositione adaugeri, & recōditam quandam artem tam diuersorum commixtioni adhiberi, quæ omnia ita se habere manifestissime in hac Aurea antidoto singulari distinctoq; exemplo ostendemus. Deliberans igitur autor antidoti ad frigidos capitis affectus medicamentum componere, atq; optime cognoscens omnem componendi rationem ad morborum naturā, quos depelli oportet, esse referendā, primò contemplari cœpit, quāenam esset frigidorum morborum natura, qui tandiu tamq; pertinaciter membro inhærent: facileq; deprehendit aliunde id euenire non posse, nisi quod mala intemperies frigida membri essentiam substantiamq; inuasisset: neq; enim solus humorum affluxus sanum alioqui membrum tandiu torqueret, imò tēporis successu, uel natura, uel ars, uel utraq; simul materiam concoxisset, & excrementa expulisset ac membrum corroborasset, sicut quotidie fieri uidemus in omnibus morbis, substantiali membri temperatura adhuc permanente. Ergo hīc duo uidit autor, quæ necessario se inuicem consequuntur: primum cerebri temperaturam ad præter naturalem frigiditatem esse collapsam: secundum humoris frigidi redundantiam, quæ semper membri frigiditatem & infelicem imperfectamq; concoctionem sequitur. Hæc duo cū animaduertisset & tanquam scopos sibi proposuisset, ad hos potissimum cœpit dirigere materiam compositionis: & cū scirent quotiescunq; coniungitur præsentia humoris cum intemperie in essentia membri,



bri, non solum remouendam intemperiem, sed etiam materiam defluxam uel ibi genitam esse euacuandam. Pro euacuatione igitur materie, quæ procul dubio frigida est & pituitosa, uertitur ad communes intētionēs, ad quas uerti solent & debent qui pituitosam materiā euacuare proposuerunt. Sunt autē illæ numero quatuor: cōcoctio, incisio, absterfio, apertio. hic autem concoctionem intelligo propriè dictam, ut omnes medici & philosophi recta sentiētes intellexere, & non illam metaphoricam, & per similitudinem, quam plures aberrantes medici conceperunt. Coctio autem propriè dicta, ut definitur ab Arist. quarto meteororum, est perfectio à naturali & proprio calore in passiuis contraiacentibus, id est, in materia concoquenda. Medici igitur in hoc sicut in reliquis omnibus naturam imitantur: natura autem quemcunq; redundantem humorē in corpore animalis inuenerit, nisi ita putrens extraneusq; fuerit, ut nullo modo coctionem recipiat, semper ante expulsionem coctionem tentat, ut per huiusmodi coctionem, quicquid in materia utile fuerit, totum id concoctum pro alimento seruetur, reliquum uerò inutile excrementosumq; depellatur. Inconsultè enim & imperitè ageret natura, si cū materia adhuc cruda est, siue in uenis, siue in alia parte corporis cum sanguine uel cū laudabili humore permista, quæreretur eam nulla facta separatione expellere & euacuare. Ergo & medicus arte expulsurus materiam hanc ipsam, coctionem quam diximus, prius tentat: nam incidere, crassefacere, attenuare, abstergere non est aliquo pacto concoquere, ut imperiti putant, sed materiam præparare, siue ad coctionem, siue ad expulsionem, & qui huiusmodi actus coctiones appellant, non



non possunt ob imbecillitatem intellectus operationes naturæ discernere. Ad propositum igitur redeunt, dicimus autorem huius antidoti euacuaturum pituitam quatuor cogitasse, coctionem, incisionem, abstersionem, apertionem. Ac primò quidem coctionem, ut separaretur quod utile est ab excrementoso. incisionem, ut quæ crassa materia est, & ideo coctioni expulsionique inepta, attenuetur & ad minima diuidatur, atque hac ipsa eadem ratione etiam abstersio conuenit, scilicet ut materia illita & suo lentore membræ impacta commode uel concoqui uel educi queat. Quomodo autem, ubi facta concoctio sit, & excrementum quantum in se est fuerit excretioni paratum, euacuatio facilis consequetur, nisi uiae præparentur, & aperiantur, per quas aptè possit excerni. Neque enim aliud admonebat Hippocrates in Aphorismo, Corpora ubi purgare uolueris, oportet prius fluida facere, quàm huiusmodi uiarum præparationem.

Aperiendæ igitur sunt uiae, quod erat auctoris nostri quartum consilium. Sed quibus medicinis adiuuatur concoctio? profectò (ut bene ostenditur lib. v. simplicium) cum his quæ non excedunt primum aut ad summum gradum secundum caliditatis, & cum calore humiditatem habuerint temperatam, ita ut licet excedant calorem innatum, uel altero gradu, eidem tamen calori assimiletur, neque aduersetur, sed potius adiuuet ipsum imbecillum: tale est chamæmelum, althæa, malua, crocus. & si aliquæ medicinæ humiditatem non habuerint, & in earum substantia sit lentor & uisciditas, huiusmodi uisciditas humiditatis calorem supplebit, scilicet ne calor diffletur, aut per halitum discutiatur, & in seipso contentus augeat concoctionem: talis



talis est myrrha, bdellium, styrax, & reliqua huiusmodi, quæ præcipue conueniunt concoctioni materiæ crassæ, et pituitosæ. Incisioni autem idonea sunt (ut toties diximus) quæ tenuissimæ sunt substantiæ cum caliditate, & siccitate tertij gradus: tenuitas enim ad incisionem primò & per se necessaria est, nam nec incidere aliquid potest, nisi penetret, nec penetrare nisi tenuis sit substantiæ: & ideo calidū adiuuat quidē ad incisionē, & penetrationē, sed non est necessarium, nam & multa frigida ualidissimè penetrāt & incidunt, ob hoc tantū quia tenuis substantiæ sunt, ut acetum & succus limonum. Abstersioni uerò simili modo etiam conueniunt quæ tenuis siccæq; substantiæ sunt: si enim abstergere debent, oportet ut quadantenus penetrēt; longè tamen minor tenuitas requiritur abstersioni quàm incisioni: nam quæ incidunt, totum corpus penetrare oportet, ita ut prorsus partium fiat separatio, & solutio continui: secus uerò faciendum in abstersione, sufficit enim ut quod abstergere debet, primam tantum superficiem pertranseat, & inde sordes illitas uel impactas exiccet. quod non faciet, si statim totum corpus penetret & incidat, sed potius si parti abstergendæ adhæserit. Quod aduertentes fulones in sapone conficiendo cineres & succos herbarum abstergentium olei lentore coërcent, scilicet ne nimia subtilitate pertranseant, & potius incidant quàm abstergant. Ergo tenuitas abstergentium debet esse moderata, præcipue si fuerit adiuncta caliditati: nullum enim habet frænum tenuitas substantiæ coniuncta calori. Ideo omnia amara quæ calida sunt, abstergunt, quoniam fundantur in substantia terrestri crassa, ita ut nec caliditas sua, nec siccitas possint ad profundum penetrare, & diuiderere



dere aut incidere, sed coguntur inherere, ubi transiuerint superficiem corporis abstergendi, non ita autem euenit tenuibus medicamentis, quorum tenuitati frigiditas copulatur: ubi enim talia corpori animalis applicantur, quātum habent in tenuitate substantiæ ut profundissime penetrent, tantum ab innato calore repelluntur frigidam substantiam abhorrente: & inde est quod talia possunt & incidere, et abstergere, abstergunt quidem ubi occurrunt membro animalis uiuo & repellenti substantiam frigidam, quæ cogitur adherere & abstergere: incidunt uerò ubi occurrunt inanimatæ substantiæ, quæ non resistit. Et inde est quod succus limonum occurrens humori pituitoso incidet ipsum egregie, imò ut aiunt, uim habet ferrum quoq; dissecandi: ubi uerò occurrit membro animalis uiuo, abstergit tantum & non penetrat & incidit, sicut piper & reliqua tenuia calida. Acetum tamen magis incidit, quàm abstergat, & hoc bene habet secundum rationem dictam, namq; in aceto est aliqua substantia calida adiuuans ad penetrationem & incisionem, ut autor est Galenus secundo simplicium. Et hæc satis de uiribus medicinarum concoquentium, incidentium, & abstergentium. Supererat quartum genus aperientium. primò igitur sciendum, quæ aperiunt necessario calida esse debere, nam calidi est aperire, frigidi constipare. Sed cum aperientibus utamur, ut meatus clausos cōstipatosq; referemus, meatusq; ipsi duabus rationibus constipari queant uel qualitate quapiā adueniente, quæ astringit, ut alumen, uel materia crassa aut uiscosa aut multa ductum eorum obturante, de prima hoc loco non intelligimus, sed de secunda. Hanc igitur obstructionem siue sit à uiscida, siue sit à crassa, siue à multa materia, non poterit

Oo

calidie



caliditas tenuis substantiæ, & uelocissimi transitus aperire, nam talis potius incidet & uiam sibi uiolentam faciet in materia obstruente. Ergo indigebit caliditas aperiens, substantia terrestri crassa, quadantenus tamen à calore concoquente attenuata, ita ut penetret quidem, sed tardè: & ea tarditate sua innata caliditas attenuet, concoquat, discutiat materiam in loco obstrueto impactam, & adhærentem. Et ideo amara uim habent maximam propriamq; aperiendi, non tamen quælibet amara, sed ea tantum, quæ parum aut nihil habent de substantia terrestri crassa frigida astringente: talis enim substantia impedit transitum aperiendi necessariū. Ideo quæ huiusmodi sunt, potius abstergunt ob rationem paulò suprà dictam, sicut absinthij, rhabarbari aloësq; substantia. Cuius rei signum est, quòd si talia infundantur, uel succus eorum exprimatur, efficiuntur aperiendo quidem efficacissima, sed corroborando parum idonea, scilicet quoniam partem frigidam terrestrem astringentem ob infusionem, uel expressionem amiserunt, calidam uerò tenuem penetrantem amarā retinuerunt, quæ tamen substantia calida non ita tenuis est ut incidentium: est enim quod amarum facit, terreum adustum, non subtile igneum, sicut est in incidentibus. Et hæc satis sint pro quatuor consilijs ad localem particularemq; euacuationem materiæ frigida in capite existentis legitime faciendam. Superest ut euacuato capite temperatura frigida emendetur: et quoniam ea frigiditas intensa ac pertinax est, ut indicat longitudo morbi & curandi difficultas, & extremis morbis extrema remedia adhibenda sunt; ideo calefacientia merito applicabuntur, quæ ad tertium & quartum gradum accedant. Cum uerò à tot intense calidis cerebrum



brum etiam exiccetur, & inde uigiliæ ac tabes oriantur; ideo ut somni etiã ratio habeatur, uoluit autor admiscere huic medicamento opium & narcotica, quæ hunc ipsum usum habere in hoc medicamento & alijs consimilibus expressè indicauit Gal. primo antidotorum Antonini exemplo, qui sublato à theriaca opio in maximas uigilias incidit. Hæc igitur quæ hætenus essentia sunt ad hanc antidotum rectè conficiendam, sufficerent, si nihil aliud exposceremus, nisi ut præsens capitis affectus tolleretur. Sed quoniam in tam artificiosa compositione non tantum capitis curatio promittitur, sed etiam præseruatio; ideo aliorum quoque membrorum, non capitis tantum ratio merito habenda fuerat: ab illis enim perpetuò exhalât uapores, fouentq; mirum in modum omnes capitis affectus. Ergo & reliqua membra spectare oportebat, ut singula proprios actus ritè exercerent, & collecta excrementa ad regiones magis congruas quàm ad caput depellerent. Ergo in stomacho & hepate, quæ sunt prima instrumenta naturalia, tres potissimum uirtutes erant corroborandæ, quæ concoquit, quæ retinet, quæ excernit alimenta: ubi enim hæc rectè fient, etiam congrua attractio consequetur. Concoctionem fieri cum moderatè calidis, iam didicistis. Retentio fit cum rebus astringentibus: tales oportere esse sapore acerbo aut austero, substãtia terrestri frigida crassa in simplicium methodo ostensum est. Excretio iuuatur plurimis quidem alijs instrumentis, sed non parum abstergentibus, & mordicantibus, ut secundo & tertio de facultat. naturalibus. An hæc omnia rectè peracta sint, in simplicium ingredientium explicatione apparebit. Cæterum in uenis quoque, renibus, uesica, utero, splene, muscu

O O 2 lis,



lis, cute, & intermedijs uacuitatibus quotidie aggregantur excrementa, quæ nisi sedulo educantur, molem effatu dignam successu temporis contrahunt: unde postea plurimæ oriuntur ægritudines. Ergo ad uenas quidem purgandas diuretica propriè dicta conueniunt, quæ sunt calida, & sicca in tertio, ut ex meth. simp. colligitur. Illa. n. (ut ibi docetur) à sanguine excrementum sua incisione eliquant & separant, & ad renes deducunt. Sed ad renes & uesicam purgandam conueniunt diuretica impropriè dicta, uidelicet quæ substantia humida, liquore tenue & facile penetrante, & post penetrationem efficaciter abluente & abstergente, sicut est uinum album tenue & decoctum seminum althææ, cucumeris, melopeponum, capillorum ueneris, & aliorum huiusmodi: quæ omnia in simpl. methodo diligentissimè ostensa sunt. Vtero expurgando eadem penè conueniunt, quæ ad urinam propriè ciendam diximus, nisi quòd longè præstant quæ quadantenus amara odorataq; fuerint, quoniam amaritudine sua uias obstructas potentius aperiunt, & odore corroborant spiritum & languidum calorem reuocant: nec multum dissimilia lieni conueniunt. Musculos autem, & medias uacuitates expurgant quæ tenuissimæ substantiæ sunt, calida & aperientia. & hæc omnia qualia esse oportet, iam satis ostendimus. Verum ut exactissima sit hæc antidotus, non membrorum tantum naturalium & capitis ratio fuerat habenda, sed etiam cordis: à corde enim spiritus uitalis & calor naturalis per singulas quasque partes perpetuò diffunditur. unde eo deficiente, uel malè affecto necesse est omnes corporis partes aut deficere, aut malè habere. Cordi ergo prouidendū fuerat tum cum odoratis spiritum & calorem recreantibus,

tum



tum cum his, quæ à forma specifica operantur. Nunquid igitur hæc omnia sint ab autore diligentissime obseruata in explicatione simplicium ingrediētium proximè uidebitur, quod erit tertiū caput à principio propositum. Et ut breuitati studeamus, neque bis idem frustra repetatur, non describemus totam antidotum continuato sermone, sed singula simplicia seriatim recensebimus eodem ordine, quo posita sunt: & ubi discrepabit descriptio modernorū à Græca & antiqua, notabimus & admonebimus. Asarum est calidum, & siccum usque ad tertium gradum, habet tenuitatē substantiæ, habet saporem acrē, qui acris sapor apud modernos dicitur garbo: sed ego intelligo acutū et pūgitium, ut gingiber & piper, sic habet asarum acrimoniam, sicut piper: est odore iucundo, habet præterea amaritudinem quæ fundatur in terrestri substantia crassa. Ex iucundo odore sequitur bona concoctio substantiæ igneæ: ex acrimonia saporis sequitur notabile dominium caloris in substantia tenui: ex amaritudine sequitur crassitudo substantiæ terrestris. Ergo Asarum, quod simplex appellatur, non est absolute simplex, sed habet diuersitatem substantiæ, tenuem scilicet & concoctam, calidam igneam, ut notatur à sapore & odore, ita tamen ut sapor indicet caliditatem & tenuitatem substantiæ principaliter, odor uerò indicet perfectam concoctionem. Ergo ex his qualitatibus primis & secundis sequuntur tertiæ & quartæ. Tertiæ sunt, quod abstergat asarum ratione suæ amaritudinis, quod astringat ratione suæ substantiæ crassæ terrestris, quod incidat ratione suæ acrimoniæ caliditatis ad tertium gradum & tenuitatis substantiæ. Quantum ad quartas uirtutes, quod corroboret stomachum, quia



astringit & abstergit: quod aperiat obstructions hepatis, quia abstergit & incidit: quod prouocet urinam, quoniam incidat & calidum sit usq; ad tertium gradum: quod prouocet mēstrua, quoniam est amari saporis, crassæ substantiæ, & aperiendi facultate pollens. De opobalsamo. Succus balsami tenuissimarum partium est, & ob multam tenuitatem substantiæ decipit medicos, qui propterea credunt ipsum esse calidissimum, quoniam reuera multum calefacit & exiccat. Sed hoc non facit ratione suarū qualitatum sed ratione substantiæ, quoniam tenuissimus: sicut etiam facit acetum, quod quidem maximè refrigerat, non quod frigidissimum sit, neq; enim excedit primum gradum frigiditatis, sed quoniam tenuissimæ substantiæ est, multū penetrans, & propterea multum refrigerans, & hoc admonuit Galenus cum alibi sepe, tum undecimo simplicium cap. de castoreo. & hæc de succo balsami. Lignum uerò ipsius, quod appellatur xylobalsamum, & fructus qui appellatur carpobalsamum, recedunt à succo in tenuitate substantiæ: fructus tamē uel carpobalsamum magis abstergit & minus exiccat, & coctioni magis idoneum est. Ideo tussientibus, catarrhis, epilepsie, uertigini magis cōfert: quibus omnibus in hac antidoto indigemus. Bene igitur hoc loco ponitur ab autore. Hyoscyamus, seu ut moderni, iusquiamus albus, id est, qui albo flore constat, eligendus (nam reliqui duo niger inquam & flauus, uenena sunt) frigidus in tertio. Vbi sciendum quæ in tertio & quarto frigida sunt, sed præcipuè in quarto potius exiccare quàm humectare, & ratio est dicta à Galeno IIII. de simpl. med. cap. II. quoniam scilicet frigidissimum excedens exhaurit humidum comprimendo, & diuellit continuum.



nuum. Contingit tamen quandoq; humectare non per se, sed per accidens uel per aliud, scilicet aut propter plurimam humiditatem, id est, humorem aliquem crudum substantiæ frigidae adhaerentem, uel propter extinctionem caloris, ad quam potest sequi humiditas, uel quia ibi non est caloris præsentia exiccans, uel quia excrementosa humiditas augetur ex cruditate. Propterea Galenus primo de temperaturis in principio ait, Opium refrigerare & exiccare: & in VII. & VIII. de simplicibus, tam de papauere quàm de hyoscyamo loquens, gradum quidem ponit in refrigerando tertium, & quartum, in humectando uerò nullum. Garyophyllum, ut gustus ostendit, & Paulus etiam attestatur, calidum & siccum in tertio est, & ex tribus substantijs diuersis constat, una insigniori calida et tenui, quod acrimonia demonstrat: & alia calida & illa quidem, sed crassa terrea à calore quadantenus extenuata, quod ostendit amaritudo: habet & tertiā crassam terrestremq; , quam non euicit calor, & hoc indicatur à sapore astringente. Si igitur Garyophyllum gustaueritis, aperte hos tres sapes deprehendetis: acrem primò adurentem linguam, amarum, & astringentem. Ex quibus sequitur per methodum uobis propositam, conuenire stomacho & hepati propter suam astrictionem & amaritudinem: aperire quæ sunt aperienda, propter amaritudinem & crassitudinem substantiæ: incidere propter caliditatem & tenuitatem. Est etiam illi sapor iucundus, ex quo elicere potestis ex methodo uim quoq; illi inesse spiritus recreandi, & consequenter cerebro & cordi consulendi. Et quoniam in omnibus suis substantijs dominatur siccitas, habetis ipsum conferre neruis & ossibus et omnibus mem-



bris, in quibus abundat excrementum. Opium propter multam frigiditatem, quam habet in quarto gradu, à tota substantia rebellis est calori naturali, spiritibus tam animalibus quàm uitalibus, quàm etiam naturalibus, si naturales sunt, prout re uera sunt. Quo fundamento posito relinquitur in opio uim esse mortificandi, stupefaciendi omnem sensum, sistendi ac retinendi omnem fluxum, crassefaciendi atq; ( ut uno uerbo dicamus ) impediendi omnem motum facultatum animæ, & inducendi quietem : dat enim uiam et aditum ad mortem obeundam. Myrrha habet quidem in se plurimam amaritudinem, cuius ratione plurimum abstergere deberet, sed ita moderatur abstersio ab emplastica substantia, qua plurimum redundat, ut abstergat absq; ulla mordicatione : propterea & ocularibus, & arteriacis medicamentis adhibetur, & ad omnia quæ abstergi & exiccari debent sine mordicatione. Cyperi radix, quem angularem iuncum uocāt, insignem in se habet siccitatem : quod quidem ita esse si quis eius effigiem contemplabitur, ex solo intuitu facile deprehendet : caliditatem uerò habet moderatam, ut primum gradum non pertranscat. Ex eius uerò gustu deprehenditur, non multum adstringente, neq; amaro, habere tenuitatem substantiæ cum leui tamen astrictione, quoniam & leniter astringit gustum : sed astrictio leuis, ut toties didicistis, cum tenui substantiæ adiungitur, non impedit transitum medicinæ, sed potius adiuuat. Ex his igitur colligitur ex methodo, quid possit in tertijs, & quartis uirtutibus : exiccat enim ualidissimè quantum ad tertias attinet, & abstergit sine mordicatione : quantum uerò ad quartas, ulcera glutinat, calculos frangit, urinā & menstrua prouocat & reliqua huiusmodi, quæ ex primis



mis & secundis suis facultatibus facile elicere potestis, si methodum nostram de simplicibus recte legistis, uel legistis. Cinnamomum, quod non habemus uerum sed cassia pro eo utimur, calidum & siccum est in tertio: in tenuitate uero substantiæ quandam antonomasiam & excellentiam præ reliquis omnibus aromatibus habet. Sequitur ex hoc fundamento per methodum, ut maxime exiccet maximeq; calefaciat, longè etiam magis his, quæ parem habent tum caliditatem, tum siccitatem, scilicet ratione suæ tenuitatis. Ergo cum ita tenue sit, & in eo gradu caliditatis, pollebit mirum in modum incidendi uis, & propter maximam uim exiccandi, maxime prohibebit putrefactionem.

Cassia, qua uice cinnamomi utimur, parem habet gradum in qualitatibus primis cum cinnamomo, in substantia tamè crassior est, & gustati diligenter gustu est manifestè astringenti. Ideo non tam facile penetrat, ut cinnamomum, nec tam facile exiccat: unam tamen habet facultatem cinnamomo præferendam, uidelicet quòd magis corroborat stomachum & membra naturalia: in reliquis omnibus longè inferior est. Iure igitur præcipitur à Galeno ut deficiente cinnamomo, uice eius duplo cassiæ utamur. Folium malabathri ponitur à Galeno uiribus simile omnino nardo. Cum ergo folio prorsus careamus, ne in re uana occupemur, ad nardum tutò transibimus. In nardo, idest spica, caliditas est moderata, ut gustanti facile apparet, neq; enim linguam alterat gustantis ad sensibilem caliditatem, siccitas in secundo gradu, sapore quadantenus amaro cum acerbo uel austero: ex quo sequitur substantiam quoque illi adesse crassam & terrestrem à dominio, & ex his primis & secundis suis qualitatibus colliguntur tertiæ & quarta.



quartæ. Tertiæ, quod potest abstergere ratione amaritudinis, quod potest astringere ratione austeritatis. Quartæ, quod conuenit stomacho & hepati, sed hepati longè magis, ratio quoniã stomachus tum indicatione sumpta ab eius substantia, quæ sicca est, tum à suis excrementis pituitosis admodum et humidis, indiget rebus ualde exiccantibus, sicut est absinthium & aloë: hepar uerò cum neque substantiã habeat ita siccã, sed humidam potius, neque ita redundet excrementis, nõ indiget tantum exiccantibus. Conueniẽter ergo spica magis conueniet hepati, quàm stomacho: è conuerso autem aloë & absinthium magis stomacho quàm hepati. Habet præterea nardus odoris iucunditatẽ, qua uim habet spiritus recreandi, propterea & capiti & cordi conuenit. Zadura, quam nunc Zedoariam uocant, ut gustanti apparet, procul dubio calida est, & sicca in tertio: feruet enim gustu, quod proprium illius gradus est, licet moderni in secundo tantum gradu posuerint, qui gradus non sine ratione deprehendi potest, ut in fine v. de simp. med. & nos etiam in methodo nostra tradidimus. Tenuissimæ substantiæ est, ut duo indicant, primum quod gustanti nulla apparet astrictio, secundum quod uis eius & calor facile penetrat ad profundum, & facile etiam exhalat & dissoluitur. Ex his apparet quod in tertijs uirtutibus uim habeat incidendi: in quartis possit discutere omnem flatum in quacunque parte fuerit, propterea utero maxime confert, colicis & diuturnis stomachi inflationibus confert, & omnino concoctionem adiuuat. Aiunt etiam conferre uenenatorum morsibus, quod si uerum est, uidendum facere ne id possit à caliditate sua ueneni uim exterius euocante, sicut & multa facere uidemus, an potius à qualitate occulta



culta & forma specifica. Hac occasione ducti nostrarum  
ætatum medici, quòd scilicet uenenatorum morsibus pro=  
desse zedoariam legerint, illa ad pestilètes status passim u=  
tuntur. Zingiber calidæ quidē substantiæ & feruentis,  
est non multò infra piper, sed non ita apparet primo oc=  
cursu, ratione humoris cuiusdam recrementitij, quo  
plurimum redundat, ueluti piper longum, ideo & utrun=  
que teredinem sentit. Quæ autem talia sunt, sicut tardius  
calefaciunt, ita ut ad actum ducta fuerint, pertinaciorem  
inducunt calorem, nec tam facile exhalabilem, sicut qui à  
tenui & sicca substantia procedit: euenit enim illi quod  
flammæ à paleis excitatæ: qui uerò calor à re humida e=  
ducitur talis est, qualis à lignis uiridibus: hinc calor na=  
sturtij, sinapis, thapsiæ, cantharidum pertinacissimus exu=  
rensque est, quoniam in plurimo humore excrementitio fun=  
datur. Calor igitur à zingibere pertinacius quidem hæret,  
non tamen ut nasturtij: ideo confert stomacho & coctio=  
nibus, & totum corpus calefacit. Cum in corallo insit  
uis exiccandi manifesta, et astrictionem habeat, ut gustan=  
ti patet, neque in eo aliquod signum caliditatis appareat, ne=  
cessario sequitur quòd sit frigidus & siccus cum crassa  
substantia, non multum tamen excedit primum gradum  
frigiditatis. Ergo in causa calida conueniet, ubi astrictio=  
ne & corroboracione indigebimus, ut in æstuanti stoma=  
cho, sanguinem biliosum reicientibus, dysentericis. An ue=  
rò collo suspensum tam mira possit efficere, ut scribitur, ad  
uersus omnes stomachi affectus, syncopas, uermium &  
uteri præfocaciones, alijs considerandum relinquo: de hoc  
enim uidi experientiam, ut etiam de suspensione pæoniæ,  
uidelicet nihil prorsus neque iuuare neque nocere: quam=  
uis



uis Galenus tantum nobis persuadere conatus fuerit, se etiam testem aduocans de uirtute pæoniæ. In tragacantha nullam esse caliditatem insignem sensus ostendit, inest tamen illi uis exiccandi: à substantia autem uiscida & læta, qua pollet, uim habet emplasticam non mediocrem, ex quibus qualitatibus sequitur posse obtundere acrimoniam, lenire quæ sunt aspera, & sistere omnem fluxum. Thuris quatuor partes in usu medicinæ ueniunt, ipsum gummi, cortex, lignum quod dendrolibanum Græci appellant, manna. Quantum ergo ad gummi attinet, sapore est moderatè amaro & subastringenti: ex quibus saporibus sequitur per rationem methodi calidum esse circa secundum gradum. Substantia uerò illi inest, ut sensui apparet, uiscida & emplastica, quæ indicat in eo dominari etiam partes aëreas aqueis & terrestribus admixtas, non ergo transibit primum gradum siccitatis. Quibus stantibus sequitur ex methodo, ut ratione amaritudinis uim habeat abstergendi, ratione uerò subastrictionis parue uim modicè corroborandi & exiccandi, imò propter caliditatem secundi gradus lentorem substantiæ & moderatam exiccationem, non mediocriter concoquere potest materias crassas & coctioni rebelles, & obtundere etiam acrimoniam ratione emplasticæ substantiæ, si modò meministis quæ in methodo dicta sunt. Ergo ulcera sordida absterget, quoniam concoquit, & mediocriter exiccat: carne replebit, scilicet ulcera secundum dogma Galeni lib. III. therap. et quoniam sine mordacitate abstergit & exiccat, cicatricem quoque inducet. Et cum sit seorsum tam multiplicis usus, sequitur ut uarijs rebus admixtum, uarias uires acquirat: nam si cum lacte miscetur sedatiuus dolorum efficitur, qui mordicatiui



mordicatiui appellantur ob acrimoniam humorum contingentes, ut sciistis in methodo dolorum à nobis tradita: si cum aceto & pice illinatur, asperitates cutis, uutiligines, & lepras sanat, ob maximam uim abstergerendi, & exiccandi, & incidendi, quam ex aceto, & pice acquisiuit: uisiones præterea ignis & perniones frigore contractos cū adipe porcino & anserino tollit, lenit enim & temperaturam siccam inductam ab excessu frigoris, uel caloris, nam humidum siccando siccitatem inducit, mollit & recreat, ac simul acrimoniam humorum sedat, & ulcus mundificat & incarnat: atq; ita prout uarijs admiscetur, uaria potest, quoniam in medio multarum uirtutum est constitutum. Et hæc sit uobis uia ex primis qualitatibus in medicamento repertis semper indagari tertias & quartas facultates, quarum ratione primæ & secundæ considerantur, hoc est circa qualitates & sapores. Cortex habet & ipse easdem cum gummi uires, longè tamen efficacius astringit: propterea in dysenterijs, & sputo sanguinis, & ubicunque astrictione indigemus, semper est præferendus.

Dendrolibanum uerò cū ponatur calidum & siccum in tertio gradu, admirari debetis quomodo à Galeno dicatur purgare & replere posse ulcera oculorum: si enim indicatio curandi sumatur à natura membri, oculus (ut ipse met Galenus asserit) humidus est & aqueus & ualde sensibilis, ideo non illi conueniunt calida & sicca in tertio tum quia nimis calefaciunt & exiccant, tum quia mordicant: quæ autem nimis exiccant uel mordicant, poterunt quidem fortasse ulceribus ualde sordidis etiam oculorum conuenire, replere autem & carnem generare nullo modo poterunt, si modo uera sunt principia, quæ etiam Gale-

nus



nus ipse ponit in III. methodi. Est etiam suspicio, ne hoc loco sibi id Galenus comminiscatur: cum enim medicamentorum vires semper ex Dioscoride referat, ut patet medicocriter exercitato, & hoc tantum addat ut ad methodum cogat deducere quaecumque Dioscorides indistincte protulit, hic dendrolibano aperte tribuit quae Dioscorides non dendrolibano, sed ipsi thuri assignauit, ita ut etiam iisdem uerbis utatur ad dendrolibanum translatis, quae de thure dixit Dioscorides. Si igitur dissentire à Dioscoride uolebat, assignanda erat aliqua ratio, & contra Dioscoridem disputandum, ut alibi facere non ueretur. Sed hoc satis sit tetigisse, ut uos quoque animaduertatis. Mannam asserunt chondros seu granula quaedam thuris esse, quae cum affertur thus, ex collisione & attritu separantur permixta ex cortice & gummi, ideo & utriusque facultatem possidet. Si saluiam diligenter gustaueris, percipies primo moderatam quandam astringentem, postea acrimoniam, quae tamen non accedit ad hoc ut plane mordicet linguam, sicut origanum, serpyllum, nepeta, et reliqua huiusmodi: at si diutius sub lingua continueritis, tunc astringentia non mediocris occurret. Ex his patet calidam esse saluiam uel in fine secundi gradus uel in principio tertij, si modo memineris quae in methodo nostra simplicium, & v. de simplicibus dicta sunt, siccam uero in tertio completo. Patet praeterea ex substantia duplici constare, altera tenui calida, ut testatur acrimonia, altera crassa terrestri frigida, ut indicat astringentia. Ergo calida substantia tenuis adiuuabit ut penetret ad profundum, frigida terrestris exiccabit, astringet, corroborabit. Tota igitur substantia pota uel illita mire ualeat ad fluxus omnes praecipue sanguinis sistendos, &

membra



membra firmanda. Ideo ad continendos foetus utilissimè comeditur ante cibum, & ad hos qui ex alto ceciderunt, aut flagellis uel fustibus cæsi fuerint, efficacissima est, tusibus prodest, catarrhos sistit, & ulcera maligna ac fistulas exiccat purgat & sanat. Si uerò decoquatur, retinet quidem decoctum exhaustiq; à salvia partes omnes tenues ac calidas, multas uerò terrestres crassas ac frigidas derelinquit, quas non potest excoquere. Ideo bibitum hoc decoctum urinis & mensibus prouocandis mirum in modum confert, nec minori utilitate ad capillos tingendos illinitur, scilicet quoniam sua caliditate & siccitate absument quicquid in pilo esse pituitosi, & eundem suauiter astringente densat, firmat, robustioremq; reddit, ne tam facile pituitosa excrementa recipiat: imò etiam putredinem prohibet, quæ non levis causa est ut cani oriantur. quibus scopis & succus nucum & garyophyllum ad hunc ipsum usum adhibentur, utrunque enim istorum hac ipsa ratione capillos tingunt. Hac uia si processeritis, ex primo gustu medicinarum reliquas omnes uirtutes deprehendetis, neq; unquam uos fallat hæc methodus, nisi uos gustantes decipi mini. Meæ radices, quibus utimur, gustati acerrimæ sese offerunt, non statim tamen, sed ubi aliquantulum eas dense contriueris: & hoc euenit ob plurimam earum humiditatem excrementitiam. Propterea si comedantur uirides & recentes capiti admodum sunt insensæ ob multitudinem acrium uaporum ascendentium: quod uitium arefactæ maxima ex parte amittunt. Quantum ad sapores attinet, nullum ferè propter solam acredinem in hac radice percipies. ergo fatendum illam tenuis esse substantiæ, calidæ igneæ, cum qua nonnihil aqueæ quoque excrementitiæ admiscetur.



628 IO. BAPT. MONT. CONSULT. MED.  
tur. Non mirum igitur si talis existens vesicæ & renum  
obstructiones aperiat, & urinæ difficultatibus pro sit  
tam intro sumpta, quàm exterius illita, ac tantundem  
flatus ubicunque existentes excutiat, atque  
eadem ratione menses  
educat.

\*

Finis primæ Centuriæ Consultationum me-  
dicinalium Ioannis Baptistæ Mon-  
tani medici Veronensis.



